







BIBL. NAZ.
VIN. Emanuele III.

RACCOLTA
VILLAROSA

B

740

NAPOLI

23. 10. 1. c. 9

1

Inter. Library & Manuscripts
P. 1 of 1

592617
C. 131 b. 140
PAVLI MOCCIAE

IN REGIO NEAPOLITANO EPHEBEO
ELOQVENTIAE PROFESSORIS

EPISTOLAE

ACCEDUNT

DIVI BASILII VINDICIAE

*Adversus Joannem Barbeyracium
quoad Jusjurandum*



NEAPOLI MDCCCLXIV
EX TYPOGRAPHIA SIMONIANA
SVPERIORVM PERMISSV

CLARISSIMO VIRO
FERDINANDO LEONIO
CAMPANIAE PRAEFECTO

PAVLVS MOCCIA



Vin tibi potissimum nuncuparem has qualescumque meas extemporales epistolas, quas, ut amicis morem gererem, edendas curavi, nemo omnium fuit, qui id in dubium revocarit. Qua enim me sem-

† 2 per



*per benevolentia complexus sis , notius
est , quam ut probationibus indigeat .
At vero noster πρὸς ἀλλήλους amor im-
mane quantum crevit , cum Cl. Idel-
phonsi Clementis de Arostegui Hispa-
niarum ad utriusque Siciliae Regem O-
ratoris aedes , tanti viri benigno libe-
ralique accitu , frequentare occoepimus .
Numquam enim non accidebat , quin
eruditis apud eundem (qui illic solle-
mnis mos est) sermonibus detineremur ,
quibus in dies magis magisque conjun-
gebamur . Neque aliter contingere pote-
rat . Mira enim eruditio , quam se-
dulo dissimulabas , vel te invito ac
repugnante se se prodebat , nec non
consummata totius litteraturae cognitio :
quo fiebat , ut tibi nihil omnino novi
acci-*

*accideret , nihilque tam impeditum ac
 spinosum poneretur , quod non summa
 dexteritate expedires . Tanti quidem
 certe est , rite recteque litterarum stu-
 dia ab ineunte aetate non sine optimo
 duce atque auspice instituisse . Id ve-
 ro te τῷ μακαρίῳ Ludovico Leonio ,
 Patruo tuo , qui nullis non virtutibus
 clarus , ac doctrina perinsignis non se-
 mel generali Caelestinorum ministerio
 functus est , te acceptum referre debe-
 re quis perneget ? Is enim te cum
 apud se tempestive arcessisset , sub non
 poenitendo magistro , πολυμαθεστάτῳ sci-
 licet Josepho Orlando , qui nunc Ju-
 venacensem Ecclesiam sapientissime mo-
 deratur , te jam humanioribus litteris
 perpolitum , in philosophicis ac mathe-*

*maticis studiis erudiendum curavit .
Neque ejus expectationem fefellisti .
Nam contento studio , improboque labo-
re , & , quod caput est , morum inno-
centia , id effecisti , ut animum optimis
artibus excoleres , & jacta ab tuis il-
lustri genere ortis parentibus ingenuae
educationis semina ad maturitatem cum
foenore perduceres . En , quā tantam
tibi fortunam supra aetatem finxisti ,
tuis licet viribus relictus : en , quā
ad amplissimorum vivorum amicitias ti-
bi aditus facillime patuit . Et tamen
animi aequabilitas eadem semper fuit ,
eademque cum in bonis , tum arduis in
rebus modestia . Atque hinc baud du-
bie factum est , ut nostra benevolentia
semel constituta ne vel pauxillulum qui-
dem*

dem refrixerit, cum Auditoris munere insignitus hujusce Regni provincias obire incoepisti. Quin imo ita huc rediisti, cum Regis nostri jussu inscius Campaniae rebus cum jure gladii praefectus fuisti, ut nihil nobis antiquius cariusque nostra vetere familiaritate fuisse videretur. Vni autem Comiti Carolo Firmiano, viro qua generis claritate, qua omnijugena eruditione praestantissimo, quo tu, cum hic Caesarei Oratoris munere fungeretur, amicissime utebaris, & cujus ope atque opera prorsus insciens ad Senatoriam Mediolanensem dignitatem ab incomparabili Theresia Hungariae Regina promotus fueras, quod tu munus animo invicto excelsoque repudiasti, ut, quam

tuo

tuo indulgentissimo Monarchae operam jam navandam susceperas , in ea , quoad tibi vita suppeteret , fortiter constanterque perseverares , huic uni , inquam , ni primas in te amando concessero , pudorem abjecisse existimarer . Sane quidem , ecquisnam huic palmam praeripere ausit , qui hominibus nedum quantiscumque beneficiis demerendis studiosissime incumbit ; verum etiam illos ita diligit ex animo , ut , qui sint amandi , cunctis tamquam exemplum numeris omnibus absolutum proponi posse videatur ? Verum enim vero , si hunc unum , quem Deus , utpote publico bono unice natum , diutissime sospitem tueatur , seposueris , en ego principem mihi locum nulla omnino temeritatis nota

vin-

vindicabo . Contra ea , bujuscemodi amoris benevolentiaeque indiciis me coluisti , itaque prae ceteris licet dignitate conspicuis , & doctrina illustribus eximium habuisti , ut nullus omnino dubitationi locus relinquatur . Numquam sane Nivānum , ubi habitare constitueras , abiisti , quin me tecum duceres ; numquam rebus ita postulantibus , regiisque jussibus urgentibus , quod non raro accidit , peregre profectus es , quin reversus me primum omnium domum tuam arcesseres , meque tuorum sermonum tamquam primitiis impertires . Quae cum ita se habeant , deliberandum ne diu erat , cuinam haec litteras αὐτοσχεδίως conscriptas inscriberem , cum tibi tot tantisque officiis

*cii benevolentiaeque vinculis obstringer-
rer ? Quin & illud mihi non pa-
rum dolendum omnes intelligent , quod
non multo ante in id consilii descende-
rim , omnique conatu contenderim , ut
qualicumque publico litterarum monu-
mento meum erga te gratum animum
meamque observantiam testarer . Ec-
quem enim fugit , beneficiis si non o-
mnino , saltem quoquo modo pro vi-
rili esse satisfaciendum ? Verum &
hic , modo si mecum mitius agere vo-
lueris , non omnino reprehendendus vi-
deor . Ita enim comparatus sum , ut
λεηθότως vivere in deliciis babeam ,
meique pertenuis ingenii fetibus sane
quam monstrosis non immerito prorsus
diffidam . Hinc baud dubie factum
est ,*

est , ut haec qualia ea cumque sine
epistolia , pro re nata , chartis illita ,
aut potius ab amicis expressa , tam-
diu consulto presserim , ac in publi-
cam lucem prodire noluerim . Quo-
niam vero tandem cedendum fuit , ne
rusticus atque inofficiosus , ut levissi-
me dicam , perhiberer , ecce tu mihi
primus omnium jure ac merito occurri-
sti , cui meas hasce lucubrationes conse-
crarem . Quare fac illas , ea benigni-
tate atque vultus hilaritate , excipias ,
qua & ipsarum auctorem , pro ea qua
es humanitate , excipere consuevisti .
Quod si ita feceris , uti dubio procul
te facturum nedum spero , verum etiam
confido , quominus publici juris fiant ,
haud diutius impediam . Tuo enim
patro-

patrocinio, tuaque tutela nixæ, tutius
& fidentius illam lucem intuebuntur,
quam tamdiu non temere defugerant.
Vale. Ex Aedibus Regii Ephebei a.
d. v. kal. Quintæ. CIOCCCLXIV.

PAVLI

PAVLI MOCCIAE

EPISTOLAE

NICOLAO SPINELLO

Aversanorum Antistiti

Paulus Moccia S. D.



VNTIATO Scaleae Principis, fratris tui, viri sapientissimi juxta atque integerrimi obitu, quantopere dolui, non facile verbis expresserim. Animo statim occurrit meo, cum vulnus florentissimae familiae inflictum, tum jactura, quam litteraria fecit Respublica, tanto amisso vindice atque adsertore. Hinc mihi haud difficile fuit conjectura assequi, quo affectus fueris dolore, tanti fratris morte. Sed jacentem tuum animum non parum erigent excitabuntque, quae exstant divini ejus ingenii monumenta, nulli obnoxia facto. Quae de re minime ad temporis longinquitatem, qua demum vel gravissimus quisque dolor mitescit, confugiendum est. Haud enim te fugit, illum mortalem natum, mortis arbitrio obnoxium vixisse; sed adhuc, ingratis illius, meliorem sui parte superesse, gloriaque immortalitatis apud posteritatem omnem existere sempiterna. Quod

A

vero

vero serius omnino, quam par erat, meo satisfecerim apud te officio, ne mirere. Fuit enim, quod me aequo meticulosiorem, fortasse non temere, ab ejusmodi consilio revocavit. At nunc tua invitatus humanitate, & confirmatus clementia, nullam omnino moram interponendam putavi, quin meas partes explerem. Quoniam vero tam egregii viri, cum in vivis ageret, te dante & permittente, nedum sermonibus, verum etiam familiaritate frui sum; ut aliquod meae erga illum observantiae argumentum apud posteros existeret, haec epigrammata, crassa licet Minerva concinnata, ad te, cui, secundum Deum, tantum debeo, quam cui maxime, mittenda curavi. Si libenter, quae tua humanitas est, acciperis, laetabor; sin autem minus, certe in eis gratum meum animum deprehendes. Vale. Ex Aedibus Regii Ephebei kal. Jun. ciciocclii.

IDE LPHONSO CLEMENTI
DE AROSTEGUI

Hispaniarum apud utriusque Siciliae Regem
Oratori

Paulus Moccia, S. D.

2

QUod paucis ante diebus, rumore tantum nuntio, de immatura Castrucci Bonamici morte audieramus, jam exitu comprobatum esse, dolui vehementer. Proh qualem quantumque virum amisimus! Et tamen est, cur non mediocriter laetemur. Contingenter quidem, quibus aegro-

grotavit diebus, si quid peccaverat, deflevit, veniam ab omnium bonorum largitore Deo enixe precatus. Neque lacrymis abstinuit, non vi quidem expressis, sed quas verus sincerusque dolor elicere consuevit. Ne vero tam laudabilis mutatae vitae ratio intra domesticos tantum parietes contineretur, epigrammate, pridie quam decederet, tremebundis labiis dictato, verum animo excelso invictoque, quippe qui divino sustentabatur auxilio, in marmore sepulchrali post suum fatum incidendo, ut cunctis pateret, testamento cavendum curavit. Vbi isthaec non mediocri animi mei voluptate accepi, statim per litteras tibi significare, officii mei partes esse existimavi. Quotus enim quisque est, quem praetereat, quanti tu illum feceris, quantoque opere, ut ejus dignitati, famae, commodisque inservires, contenderis? Praeterea communi illum mensa non raro dignabar, ut non vulgarem eloquentiam tanti viri, atque orationem, quae ab ejus ore melle dulcior fluebat, auribus animoque haurires, omnigenamque eruditionem, ac versatile ingenium ad omnia summa factum suspiceres. Quid multa? Consuetudine unius viri, tamquam promptuario totius litteraturae, quanta quanta est, perfruebaris. Dolorem, si quem tibi hisce meis litteris attuli, facillime deterges, si attenderis, minime deflendum esse, qui tanto cum foenore mortalitatem cum immortalitate commutavit. Benedictus fratris tui filius paneratice valer, & graeca *αἰνῶσι* bibit, ut concitatae de se expectationi, quoad fieri poterit, respondeat. Cura ut valeas. Ex Aedibus Regii Ephebei 111. kal. Mart. C1C1DCC1XI.

Quod meas epistolas ex tempore fufas, atque omni prorsus elegantiarum lepore destitutas tanto tu opere cupias, id mihi usque adeo gratum jucundumque accidit, ut nihil supra. Sane quidem, quid optabilius, quidve praestantius fingi poterat, quam si mea, qualia ea cumque sint, in illius manus pervenirent, quem mihi praesentissimum Patronum fore non despero? Accedat quod ea tu nites eruditione, ac tanta liberalium artium, disciplinarumque omnium cognitione praeditus es, ut, si tantum obiter meas litteras subtilivis horis legeris, quo tempus ab occupationibus vacuum fallas, ad eas, nominis tui celebritate, non parum dignitatis atque ornamenti accessurum confidam. Ecquem enim fugit, nisi sua in patria peregrinetur, quae tu doctrinae tuae, rectique cultus experimenta edidisti, ubi a rebus domesticis per aetatem immunis, totus in litteris, musisque eras? Usque adeo verum est, Patrum mores in filios una cum semine abire. De Parente enim tuo praeclarissime de scientiis omnibus, ac praecipue de Philosophia merito nulla umquam aetas conticescet, ejusque laudes usque recentes apud posteritatem omnem perennabunt. Maeste igitur esto tanti Parentis virtute, quam tū quidem labore improbo, bonisque moribus mirifice promovisti. Maeste insuper tanta virtute, quam exemplo

tuo a Magnatum ac virorum Principum aedibus minime exulare ostendisti. Quam bene haec duo conjurent amice, neque invicem pugnent, qui te litteratura aeque ac majorum fumolis imaginibus praestantem adspexerit, ni meridiana in luce caecurire velit, liquido cognoscet. Interim haec ingenio mei monumenta, pro ea qua prae ceteris praestas humanitate, aequi bonique consulto; illudque cogites velim, si quid iis boni inest, id tuo in agro, tuisque in latifundiis provenisse. Quanti enim debeam Nicolao Spinello τῷ πάλῳ, atque immortalitate digno Averfanae Ecclesiae Praefuli, tu, qui tanto in patruo, cum viveret, gloriabaris, ac post fata revereris, probissime calles. Quid multa? Si quid sum, modo quid sim, id totum illi, cujus beneficia in me liberalissime collata, memoria retinebo immortalis, me acceptum referre fateor, ac prae me fero. Quam ob rem in spem ingredior fore, ut vel istis nominibus mihi, meique ingenii tenuitati libentius ignoscas; atque, si quid boni apud me est, quod certe exiguum est, quod apud te deponatur, minime mireris. Jamdudum tibi haec debebantur, ac, ni pudor obstitisset, jam meo officio satisfecissem. Nunc quando tuo me jussu confirmas, atque haec haud despiciatui tibi fore significas, aliter me in posterum geram. Audacius scilicet mea, qualiacumque fuerint, tibi sistam. Vale, meque, ut facis, ama. Ex Aedibus Regii Ephebei IV. non. Sextil. CIOIOCCCLXIII.

JANUARIO XYSTO

Paulus Moccia S. D.

4

QVod ad id usque temporis, communi omnium opinione, etiam apud cordatissimos quosque viros recepta, pene ἀδύνατον putabatur, jam exitu comprobatum esse, laetatus sum vehementer. Sane quidem antehac, qui Graecae linguae studium auspicaturi erant, arduum opus ac salebrosum suscipere existimabantur, nec laudabiliter absolvendum, nisi postquam multos exantlassent labores. Neque id temere creditum est. Hoc enim studium tam late patet, tantaque redundat atque exuberat vocum copia & multitudine, ut vix pauca cum illo comparari posse videantur. Accedit huc (quod meo quidem iudicio impeditissimum supra fidem hoc efficit studium) innumerus numerus Grammaticarum, quae hac de re in lucem haecenus prodierunt, ac tot tantaeque suffarcinarum regularum ambages, ut ex illis tamquam e labyrintho nonnisi filo Ariadnaeo adolescentes minime extricari posse contenderim. Quis igitur iure meritissimo non demiretur, tantos ac tam imensos labores, tantas vigilias, tantosque sumptus compendifectos, & tam diuturnum tempus, sua incredibili ac pene divina industria & ope, in arctum redactum? Ita ut, qui nonnisi permultis elapsis annis, multaque epota lucernae fuligine, graece scire vix credebantur; nunc spatiolo, ad summum, unius mensis, demptis vero festis diebus, id non sine ingenti comodo & voluptate assequantur. Praeterea ipsemet, quem nihil tale

me.

merentem tanto dignatus es honore, audiui tuos
adulescentulos, qui de Hellenistarum sermone ne
naudiverant quidem, nedum prima norant ele-
menta; Grammaticae canones, prolixos illos qui-
dam, variasque in classes divisos, nunc per te
mira arte in compendium redactos, primum me-
meriter reddentes, deinde interrogatiunculis iden-
tium interpellatos, facillime & summa dexterita-
te esponentes, ut non jam edidicisse; sed, quod
anta probe calluerant, expromere viderentur.
Qui dicam de Graecorum librorum explanatio-
ne? Qui enim primo mensis dimidio Grammati-
cae rudimentis imbuti, primum bene collocatae
industriae, ac navatae diligentiae experimentum
publice ediderunt; altero statim dimidio ita ad
Graecorum Auctorum intelligentiam expoliantur
& comparantur, tantaque instruuntur & vocabu-
lorum & graecae *φράσεως* cognitione, ut libris
graecis explicandis, sive profla oratione, sive nu-
meris adstricta compositis, non mediocri labore
idonei effecti, eodem vertente mense in publicum
prodire minime cohorrescant. Et quod magis ma-
gisque mirandum est, ita officio perfunguntur suo
adulescentuli, recens Graecae linguae mysteriis ini-
tiati, non solum vocum vim significationem-
que assuunt; verum etiam in singulis quibus-
que disionibus, pro lubitu interrogantium, *ἑρμηνεία*,
radicemque quam facillime investigent. Quod qui-
dem quanta circumsaepitur difficultate, is dixerit,
qui Grata pleno haustu ebibit, nedum summis
tantum hiis degustavit. Neque hoc declamatoris
ad instar n umbra dumtaxat a te ostentatum est,
aut scripti tantummodo consignatum Platonicae

Reip. ritu; sed Romae primum, ac deinde in hac florentissima; & bonarum artium parente urbe Neapoli, saepenumero ad solē prodiisti, tantae tamque novae industriae, ac fortasse in omnibus retro saeculis inauditae rationem redditurus. Quanta jam cum omnium admiratione in Regio Neapolitano D. Dominici Coenobio excepti fuere adollescentes, quos tu quam brevissimo temporis spatio Graecis litteris erudieras? Ut auditores partim admiratione raperentur, partim pene ira inflammati praeceptoribus suis succenserent. Ipsi enim videbant puerulos tenerrimae aetatis, mediocri labore, aut saltem haud diuturno, nulloque sumptu id adeptos, quod ipsi aegerrime post multas exhaustas difficultates, diutinaque temporis usura compararant. Quodque magis mirari subit, hisce oculis vidi te audire viros aetate provectos, qua Monastico insignes cucullo & gradu, qua Clericali militiae adscriptos, & Theologica conspiciuos laurea, ut laudabile Catonis exemplum, ac litterarum monumentis posterorum memoriae commendatum, jam revocatum esse maximo opere gauderem. Quae cum ita sint, non possum; Amice in paucis care, quin tibi, adeoque nostri saeculi hominibus vehementer gratuler, cum graecae linguae ad id usque tempus horridae, incomptae, & fere vix paucis tractandae, eam dulcedinis & comitatis induxeris speciem, ut nunc nemo omnium sit, qui non illam amet, colat, & equis, virisque, ut ajunt, assequi connitatur. Jamque animo auguror futurum, ut huic Grammaticae idem contingat, quod & Hebraicae, quam Vennetiis edidisti, usuvenerit: quae non solum ambas,

bus, ut dicitur, ulnis excepta fuit; verum etiam illam maximae utilitati litterariae Reip. fuisse, & linguae sanctae addiscendae compendiarium methodum facilemque experientibus summopere profuisse, publica litterarum monumenta testantur (a). Perge igitur, ut coepisti; & quod beneficium Romae, Venetiis, ac Neapoli impertivisti, operam da omnem, ut illius quam remotissimae participes efficiantur Nationes. Nam interest litterariae Reip. ut res tanti momenti minime arctis limitibus circumscribatur, quin omnes totius orbis terrarum partes pervadat. Tandem illud enixe Deum optimum maximum oro obtestorque, ut re bono publico natum quam diutissime sospitem seruet, tibi que vires suppeditet; quo tantis laboribus ac vigiliis super sis. Vale. Ex Aedibus Regii Ephebei VIII. kal. Apriles anno a. P. V. CIOIOCCCLIII.

ANDREAE SERRAO

Paulus Moccia S. D.

QVas mihi puer tuus a pedibus attulit Locorum Moralium commentarioli pagellas, ea qua fieri potuit diligentia atque anxietate, recognovi. Et, quod caput est, quoad mea cetera, statim manum de tabula. Nihil enim mihi antiquius, nihilque jucundius tuis mandatis accideret.

(a) Vide sis Prologum galeatum ad opus Majus Fr. Rogerii Bacon Ordinis Minorum excusum Venetiis 1750. apud Franciscum Pitterium.

re poterat. Neque id eo consilio scribendum existimaui, ut laureolam, uti ajunt, in mustaceo quaererem, vel *περτερευομένον* ritu; sed ut vel ex hac levissima re, quanti te faciam, intelligeres. Quid enim? Te virum ita de bonis artibus, severioribusque studiis meritum, quam qui praeclarissime, quique me potissimum selegeris, ut Ethicas institutiones, primum vagantes atque effrenes, nunc per te, tamquam inhibitis habentis, in officium redactas, atque certa lege procedere jussas, legerem, antequam lucem intueantur, non jure ac merito plurimi faciam? Neque hinc stetit tua summa erga me benevolentia: longius progressa est, atque haud scio an ulterius, quam par erat. Nam & illud tibi (utinam incogitant!) excidit, mihi non parum invidiosum, nimirum te tum demum omnino quieturum, cum, me praede atque vade, tua praeclara scripta, aureamque aetatem praesferentia promulgarentur. Vide, quaeso, quo te amoris vis, eximiaque in me benevolentia abripuit. Amo quidem amorem tuum, qui te ad haec scribenda incitavit; at vero, qui tam honorifico tuo de me judicio par sim, vix aut ne vix quidem decernere valeo: Quare, si me amas, uti me a te amari intelligo, cura, ut, quae *ἐνδοκίματον* correptus scripsisti, recantes. Tum enim vero animus, qui nunc nescio quam anxietate aestuat, conquiescet. Nimirum iterum tibi adscribi eas laudes laetabor, quas tibi aequo quietoque animo detrahi patiebaris. Moriar, ni meas potius, si aliquae in me sunt, laudes in te transfuderim, quam quidquam ex tuis sinerem exhauriri. Haec, sive joco, sive serio dicta, si aequi bonique feceris, ni-

nihil gratius facere poteris. Is enim sum, qui propria in pelle quiescere tantum cupio, quam qui avidissime. Tandem istud ὕστερον πρότερον vere Ὀμηρικώς, patere, te obsecro. Quod enim posterius in elegantissima epistola scripsisti, id me permovet, utque ad se primum converterer, me impulit nolentem. En illuc redeo. Vehementer laetatus sum, & quod rusticatione animum continen-
tibus laboribus defatigatum recreandum curaveris, & quod non infructuose illum remisieris. Regium enim Musaeum Herculanense infinita atque supra fidem pretiosa rerum omnium gaza locupletissimum, totum quantum est, oculis lustrasti, illudque singillatim, qua fieri potuit, animo haussisti. Sane quidem, quid jucundius, quidve praestantius fingi potest? Vbi paveris oculos, animo ita ditescere, multiplici rerum copia, ut nec Croeso, Attalove inideas? Vale. Ex Aedibus Regii Ephebei postrid. non. Novemb. cıdıccclxııı.

SCIPIONI CASALI

Reip. Genuensis apud utriusque Siciliae Regem
Oratori

Paulus Moccia S. D.

6

EN dissertatio, cujus legendae studio te valde teneri mihi humaniter significasti. Eam exacto saturni die in πολυδουλλήτω Sparanensi Academia coram non infrequenti eruditissimorum hominum corona per orbem de scripto pronuntiavi. Qua potui, Barbeyracii argumentis octur-

ri. Utinam vaferrimi hostis impetus omnino re-
tuderim! Nihil enim profus intentatum reliquit,
omnesque latebras, recessusque omnes, venatici
canis ritu, odoratus est, quo D. Basilii testimoniis
unde unde corrasis, jurisjurandi auctoritatem eleva-
ret, roburque perfringeret. Sed, uti spero, operam
oleumque perdidit. Plerumque enim σοφίζεται.
Hinc fere semper a vero multis parasangis aberrat.
Et, ni animus me fallit, rem acu tetigi. At vero
otiose tum demum dormiam, cum te virum qua
politoribus, qua severioribus litteris ad miraculum
excultum huic dissertationi legendae saltem subcissivas
horas tribuisse cognovero. Tum enim vero tuo in
judicio acquiescam, in utrumque paratus. Nae ego,
nedum spongia, verum lingua quoque, quidquid
tibi labare, aut ἀπρωδιόνυστον videbitur, libentis-
sime expungam. Quoniam autem Fraggianniani
Epicedii carminibus adjectam epistolam meam le-
gisti, alias duas etiam typis editas tibi mitto.
Vale. Ex Aedibus Regii Ephebei XVI. kal. Jan.
CICIDCCCLXIV.

FERDINANDO LEONIO

Campaniae Praefecto

Paulus Moccia S. D.

7

QVod dissertatio de professione D. Iacobi Apo-
stoli in Hispanias a Benedicto Clemente de
Arostegui concinnata, quantivis pretii ado-
lescentulo, & praeclare de litteris merito, per
me potissimum ad te mittatur, ne mirere, te

ro-

rogo obtestorque. Imo potius, ni fallor, si causam attenderis, cur ita prorsus factum oportuerit, mirari defines omnino. Quid te pluribus detineam? Tua singularis benevolentia, tuusque erga me amor effecere, ut ego praecipue deligerer, qui tale tantumque litterarium munus tibi, musatum delicio, atque consummatae litteraturae viro, exhiberem. Vide, amabo te, quibus dignor honoribus, quod me diligis! Quid, quaeso, fiet, si me amare occoeperis? Quare te obsecro, ut, quod tibi sistitur munus, ea qua solitus es humanitate, accipias, tuoque patrocinio factum rectum tuearis. Quod si feceris, & τὸν πάντων adolescentem beneficio tibi obstringes sempiterno, & ut me vicariae meae operae minime poeniteat, efficies. Vale. Ex Aedibus Regii Ephebei X. kal. Sext. CXCCLXIII.

DOMINICO AMATO

Paulus Moccia S. D.

8

Quam velim, ut, quae tuo in serinio servas jam perfecta, nedum affecta opuscula πολυγράφου Michaelis Amati, Patruī tui, cujus memoria tamdiu exstabit, quamdiu litterae bonaeque artes colentur, quam velim, inquam, ut quamprimum in publicum emittantur. Haud enim dici potest, quanto illorum studio teneor, ex quo nudius tertiana die, ea, te permittente, per summa capita, & rapim licet, percurri. Argumenta quidem in iis omnibus hujuscemodi persequitur, quae nemo est, qui sacrationa studia vel

vel primoribus labiis gustavit, quin ad se pertinere, ac sine magno piaculo praeteriri non posse arbitretur. Quanto sane labore, quantoque eruditionis cum sacrae, tum profanae penore selecta quaedam ex universa Ecclesiastica historia capita pertractat! Et, quod magis mirari subit, ita vetera quaedam atque ab aliis peracta, si res id interdum postulat, concinne refricat, ut nova prorsus intactaque videantur. Quid commemorem, quae ad Regia jura spectant, Regiique sacelli Praefectum? Spinosas res, profecto atque impeditas nostra dexteritate expedit extricatque, ut non jam sinuosis maeandris, sed prono alveo fluere vincaris. Ita imperium reveretur, ut Sacerdotium indemne tueatur. Da igitur operam, ut quanto ocius typis edantur. Anne ita agrestis eris ferreusque, ut publica vota morari, atque omnium expectationem fatigare, hili faciendum existimes? Haud patere, quaeso, ut diutius in tenebris delitescant, quae jam situs squalorisque peracta, ut in publicam lucem prodeant, te obtestantur. Patrum tuum Crotoniensium Antistitem, qui licet sane quam violento acerrimoque *dyroptias* morbo torqueatur, ita tamen se hilarem gerit, ut revera dolorem *malum* non esse praese ferat, a me plurimum salvere jubebis. Vale, meque, ut facis, ama. Ex Aedibus Regii Ephebei postrid. non. Octobr. CXCCLXIII.

RE.

BENEDICTO CLEMENTI

De Arostegui

Paulus Moccia S.D.

2

Quod per litteras officii mei partes impleam,
 quas ipsemet praestiturus omnino forem,
 haud tibi mirum fortasse videbitur, si paul-
 lisper attenderis (quod beati non libenter faci-
 rant) locorum διάστημα nummis vincendum,
 ubi hi defuerint, epistolari officio bene lauda-
 biliterque compensari. Hac quidem una ratio-
 ne absentium amicorum, atque vel interjectis flu-
 minibus, maribus, montibusve a nobis sejuncto-
 rum aegritudo non parum lenitur, leviorque eva-
 dit; neque, quod illis diu caremus, gravatim
 ferimus, aut dolemus vehementer. Namque per
 litteras quodammodo cum illis colloquimur; quae
 sentimus, ingenue aperimus; si quid peccatum est,
 aperte fatemur; veniamque damus, petimusque
 vicissim. Quod quidem divinitus factum esse ar-
 bitror, ut homines praesertim a re nummaria
 imparati ita rebus suis consulerent, amicitiamque,
 ingratis angustiarum rei familiaris, quoquo modo
 foverent. Quare, quod per litteras meo satisfeci-
 rim officio, tuo lustrico recurrente die, id te
 aequi bonique facturum confido. Quid ni? Vbi
 enim sis, nescitur omnino. Vix comperio te
 Neapoli esse, atque ad te venire statuo, cum alius
 nuntiat te jam peregre profectum esse, & plu-
 scu-

sculos dies absuturum . Accedit quod tu aequè atque tuus optimus Patruus, quem moribus, doctrina, eruditione, optimeque inita vitae ratione adamussim refers, ab istis germanis nugis, tricisque abhorres . At enim, cuinam istas commendabo, quo ad te in interiorem aedium partem abditum, uti moris est, tuto perferantur? anne tuo praeceptorì? At quis illum alloquetur, tibi semper haerentem, atque a te ne latum quidem unguem discedentem? Ad Helvetium igitur militem, qui nunc januae praefectus est, mihi omnino confugiendum est, ipseque mihi etiam atque etiam orandus (utinam exorem!) ut istas, quas ad te dedi litteras, tibi listat quam celeriter? Vtinam, ubi ad tuas aedes adpropinquabunt, illum minime vino sepultum offendant! Actum profecto de ipsis erit, si in illum jam remulentum inciderint . Verum quid angor animi, idque doleo, quod sit eventurum, nec ne, quis sciat? Fortasse praeter expectationem continget, ut benigne per Helvetium exceptae, illi sistantur, cui jam Nestoreos annos enixe apprecor, quemque tanti facio, ut non difficile paterer meos illi apponi annos, eosque quam beatissimos. Jam animus praesagit meus fore, ut ita prorsus accidat, spesque expectationi respondeat. Illud vero unum in antecessum vos monitas volo: cavete, ne verbosiores sitis. Nihil enim juxta fugitar atque garrulos . Si forte, ut valeo, roget: quod minus belle praeteritis diebus habuerim, nunc vero meliuscule, sic respondete, ut pudore suffundamini. Mirum in modum pudensibus,

bus, honestisque delectatur. At vero si superciliosus dimiserit, officiose ubi salutaveritis, statim digredimur. Digressas limis intuebitur, atque e vestigio facti poenitens, amice revocabit, herumque vestrum suo nomine plurimum salvere iubebit: Est iracundus, sed placabilis idem. At quo progressus sum imprudens, teque vel in otio non otiosum per summam impudentiam interpellavi? Paucis accipe: vale pugiliter, teque bono Reip. natum, atque ad omnia summa factum quam diutissime incolumem serva. A me Patruo tuo amatissimo, quicum Musae omnes, ipseque Μουσῆτης Apollo rusticatum abiisse videntur (ita hic frigemus omnes) salutem plurimam impertitor. Praeceptorem tuum ne infalutatum relinquito, ejusque suavissimum parentem. Vale.

MARCHIONI PASCHALI SANCTO.
SEVERINIO

Paulus Moccia S. D.

10

Quod ad te adhuc puerulum, atque in linguae latinae studiis tirunculum, latine scripserim, ne mirere, quaeso. Primum enim haud ita scripsi, ut tibi rescribendi onus imponerem. Quis, amabo te, id postulem? Deinde, quod ceteris fortasse mirum videri posset, id mihi potissimum incitamento fuit, ut tecum latiali ore loquerer. Nimirum eo consilio id egī, ut te sub non poenitendo magistro ad virtutem incitato gradu, pro aetatae modo, ingeniique viribus,

B

pro-

procedentem, latinisque auctoribus intelligendis inhiantem, magis magisque hisce admotis stimulis impellerem, Nonne ego, Parentum tuorum bene de ingenuis artibus meritorum jussu, te aureas Cornelii Nepotis imperatorum vitas, fortuito tibi ad explicandum oblatas, ita illas ex tempore italice vertentem audiui, ut nihil concinnius praemeditata opera fieri posse contenderim? Et quod mirabilius fuit, cum quid Gallice profecisses, periculum subinde fieret, latine, verbum tuum, transtulisti, Gallia tota reclamante, Verum ego id tamquam bonum omen accepi. Quam tibi latinae cupediae saperent, nolens repugnans, quae prae te tulisti. Maeste igitur hoc animo, & strenue perge, ut coepisti. Mihi crede, tuam sane quam generosissimam familiam, gentemque, ex qua, tanquam ex equo Trojano, praestantissimi domi, militiaeque viri prodierunt, ingenti laudis accessione posterorum memoriae etiam atque etiam commendabis, Atque haec fusius, quam par erat, cur latinam ad te epistolam miserim. Nunc, qui jam instant Natalitii festi dies, eos tibi felicissimos opto, tuisque praeclarissimis parentibus, qui ita tuae educationis studio vacant, ut, qua exemplo (quid enim illis praestantius tibi ad imitandum proponi potest?) qua expensis, nihil omnino reliqui fecisse videantur. A me illis salutem officiosissime dices. Meo etiam nomine praeceptorem tuum eruditissimum virum, laborisque perferentissimum peramanter salutabis. Vale. Ex Aedibus Regii Ephebei
xlv. kal. Januar. cldccclxiii.

VIN.

VINCENTIO CARAEAE BRVTIANORVM
DVCI*Paulus Moccia S. D.*

11

EN epistolam , quam tibi proxima nocte in aedibus Goyfuerianis promisi . Percelebrari veteris Musaei , meaeque famae , si qua est , quae certe exigua est , vindicias complectitur . De ignoto epistolae auctore pene verbum nulum . Sane quidem , cui bono fuisset , certamen more Andabatarum initum ? Quocirca ea tantum in medium protuli , quae me non casu , aut gloriae aucupandae causa in arenam descendisse ostenderent , Cetera , rute emunctissimae naris juvenis , atque fere omnigena classicorum auctorum lectione praestantissimus , te propius inspecta , oculisque subiecta fidelibus , melius judicabis . Cuinam palmam des , nihil omnino laboro . Ac vero triumphabo , si me honesti viri officio functum fuisse tibi persuaseris . Quod non despero futurum , pro ea qua es humanitate , atque ad aequum bonumque propensione . Verum haec haetenus . Qui jam appetunt Natalitii festi dies , eos tibi quam faustissimos intimis animi sensibus exopto ; infantulumque Christum Iesum enixe oro , ut te bono Reip. natum sospitet quam diutissime . Vale . Ex Aedibus Regii Ephebei xv. kal. Januar. MDCCCLXIII.

MARCHIONI SALVATORI SPIRITEO

Supremi S. Clarae Consilii a Secretis.

Paulus Moccia S. D.

12

Natalitios festos dies, quos laudabili consuetudine Nativitatem infantuli Christi Iesu recolentes jam jam sumus celebraturi, ex animi sententia tibi precor illucescere faustissimos. Hui! Num peregre abiturus es, aut pedibus laboras? Neque peregrinatio instat, neque podagra implicor. At vero, qui morbus ceterorum pedes plerumque invadit, ille ipse meas manus corripuit, adeoque arthritide divexor. Apertius dicam, missis ambagibus, verborumque circuitu. Mihi vehementer dolet, quod te, cui tantum debeo, quam cui maxime, vel tenuissimo pomorum munusculo prosequi prohibeor. Hinc ad litterulas, levidense quidem munus, sed litteratorum (prae-fiscini) ancoram confugi. Has igitur accipe hilari vultu, nec gravare vel raptim, limisque oculis percurrere. A me idem bonum, faustumque omen tuae incomparabili uxori, Patruoque tuo litterarum ornamento singulari imperties. Vale.
Ex Aedibus Regii Ephebei XII. kal. Januar.
CICIDCCCLXIII.

STE-

STEPHANO PATRITIO REGIO
CONSILIARIO*Paulus Moscia S. D.*

13

Quin mecum praeclarissime agatur, nullus dubito. Quam enim pene conceptis votis optaveram occasionem, quo ad te non temere, aut gloriae captandae causa aliquid litterarum darem, meam dumtaxat erga te observantiam quoquo modo testaturus, en mihi nec opino opportunissime obvénit. Lustricus quippe tuus faustissimus expectatissimusque dies recurrit. Quo quidem, quid aptius, quidve mihi jucundius aeque atque praestabilius contingere poterat? Quam ob rem, ut hic tibi semper laetior, felicior, fortunatiorque multorum annorum circumactu asfulgeat, D. O. M. bonorum omnium largitorem enixe precor atque obtestor. Dignus namque est, ut Nestoreos annos vivat, eosque honorum omnium accessione cumulatissimos, qui, pro ea, quam instituit vitae rationem, constanterque retinet, se non sibi suisque, sed bono Reip., litterisque fovendis natum, argumentis luce meridiana clarioribus, ostendit. Illud vero cures velim diligenter, si vota tibi publica, meaque qualiacumque omina grata sunt, uti tibi gratissima fore confido, ut te quam diutissime incolumem ferves. Nihil enim universis, ac praesertim, quibus cor sapere datum est, gratius facere poteris. Vale. Ex Aedibus Regii Ephebei VII. kal. Januar. MDCCCLXIII.

B 3

JOAN.

JOANNI CARANGELO

Paulus Moccia S. D.

14

QUAS tibi mitto papyraceas multiplicis formae spiras pyrio pulvere artificiose infartas, has ut, Francisco Goyfuetæ alumno tuo, puero praeclaris ingenii dotibus praedito, meo nomine des, te etiam atque etiam oro. Quin ipsi quam gratissimae accendant, haud dubito. Bononiae enim compactae sunt. Quanto autem in pretio hîc habeantur, quae illinc ad nos afferuntur, haud te fugit. His accedit, quod eas mihi dono misit Ludovicus Archintus, eques tui, alumni quæ tui studiosissimus, quem, absoluto hoc in Regio Ephebeo laudabiliter studiorum curriculo, jam patrios repetisse penates, adhuc vehementer dolemus. Qua litteris, qua morum probitate, auro contra non carus videbatur. Huius inquires: tu, qui nullum fere diem abire sinis (quotidie fere ad has aedes ventitas), quin me amice hortëris, quo puerum meae fidei concreditum, quemque ad humanitatem informandum suscepi, pro virili virtutis amore incendam; nunc monitorum immemor, ad puerilia illum oblectamenta invitas? Puderet quidem me facti, tibi quæ vicissim benevole commonenti libenter manus darem, ni tibi persuasum esse scirem, studia scilicet litterarum ita pueris esse proponenda, ut illa numquam veluti laboriosa odeant defugiantque. Nimirum ea suavitatis specie sunt convestienda, ut ludo non absimilia videantur. Idque tum omnino contingit, cum animus idem-
tidem

tidem alio aliquantisper advocatur honesta qualicumque ratione, ut institutus cursus acrius peragatur. Quare, ne mirere, quaeso, quod huiusmodi munuscula miserim. Tantum enim abest, ut puerum a proposito vel tantillum abducant, ut si potius majori ad virtutem amplectendam incrementum futura confidam. Illud vero te rogo, ut, quos mitto Bononienses discos, ne ipsi omnes una praebeas; verum singulos in singulis diebus, vel plurimum, duos. Nam ita una fidelia tuos parietes dealbabis. Ne nimium in ludos effundatur, cavebis; illudque, mihi crede, etiam assequeris, ut, qui nunc tibi dicto audiens est, leinceps magis magisque morigerum experiaris. Hisce enim licet perexiguus, at elegantibus praemis pueruli mirum quantum capiuntur. A me Jonni Goysetae, atque Isidorae, pari conjugum beatissimo, tuaeque disciplinae alumni parentibus amantissimis, quibus tantum debeo, quantum vix aut ne vix quidem me praestaturum onfido, salutem plurimam officiose dices; quam etiam puerulo dulcissimo, ac Benedicto Mauriti, prisco fidei viro, meis verbis peramanter imparties. Vale. Ex Aedibus Regii Ephebei v. kal. Mart. *MDCCCLXIV.*

ANDREAE FARINAE

Paulus Moccia S. D.

15

G Ravissimus letalisque morbus, quo per plures de consociata est vetula mea parens

B 4

annos

annos jam quinque & septuaginta nata, in causa fuit, cur per tres fere hebdomades meis de more litteris carueris. Febris enim eam corripuit aestuosissima, postquam convellentibus moribus percussa jam in eo fuit, ut (quod omen Deus avertat) ad plures abiret. Vide quaeso quanto in periculo versata est: omnibus statim sacramentis muniendam curavimus. Vesum enim vero quod nostram familiam omnem sane quam numerosam percellebat, nimirum proximus abitionis dies, id ei solatio, idque incredibili voluptati erat. Hinc enim proficisci videbatur, non tamquam e domicilio, sed veluti e diversorio, supremi Numinis iussa factura. Tanta quidem animi firmitate, tanta constantia jam jam appetentem mortem praestolabatur. Idque usque adeo meum jacentem prostratumque animum pene morore confectum erexit, confirmavitque, ut ipsemet illam, cum jam (horresco referens) animam efflatura videretur, ad bene moriendum adjuverim. At inquires, qui nunc valet? Pugiliter; Nestoreosque annos spero victuram: ita quidem redintegratis viribus tamquam phoenix altera e cineribus revixit. Neque dum malorum Ilias absoluta est. Eodem tempore quo decrepita dulcissima parens mea aegrotabat, Parens meus & ipse devexa aetate natuque major duplici tertiana febre laborabat. En quò miseriarum devēni nec opinus. Dum uni suppetias ferebam, en alius meam opem poscebat. Hinc plerumque fiebat, ut quo me verterem, nescirem. Verum & hic divino auxilio e morbo emerfit Americanae corticis ope, quam vulgo Chinam appellant. Et quod

quod caput est, uterque nedum vires, verum etiam corpus recepit. Firma enim valetudine, nulla corrupta externa lue semper usi sunt. Desine ergo tandem mollium querelarum, omnemque, si qua oborta est, deponito suspicionem. Imo me valetudinarium administrum fac in posterum magis magisque suspicias. Fraggiannianum Epicedium jam emissum in publicum est, idque dolui, quod in eo vestra carmina auro contra non cara minime deprehendi. Id qui factum sit, nescio. Hesternae die huc redii. Nondum quemquam amicorum vidi. Si divinare liceat, quod serius huc illa miseritis, non temere suspicarer. Si quid certi deprehendero, te certiore faciam. Campolongus te officiose salutat, sibi que aegre esse dicit, quod adhuc nullum ad te Polyphemeidos exemplum miserit: verum se omnem lapidem moturum persancte affirmavit, ut tuis votis satisfaceret. Vide interim, num isthic aliqua divendi possint exempla: id Marchio Berrius percupide optat. Editio perelegans est, atque Hollandica videtur. Ambabus, uti aiunt, ulnis hic opus exceptum est. Vale.

JOSEPHO ACAMPORAE

Paulus Moccia S. P.

16

Vix huc Deo favente salvus incolumisque perveni, cum ad te aliquid litterarum mittere cogitavi. Neque id immerito. Cum primum enim fieri poterat, illa te molestia levarem oportebat, quae te non parum torserat male omina-

tac

tae nostrae profectionis causa. Jam ut illud primum dicam, quae ceperamus consilia pene omnia evanuerunt. Auriemma nobilis Surrentinus atque a fortunae bonis laute copiosus homo, a quo certo exceptum iri sperabamus, jam in eo erat, ut de sua salute actum conclamatumque esse pronuntiaretur. Acerrimo enim laterum dolore correptus mirifice torquebatur. Quare alio animum convertimus, viam praemonstrante Seraphino non impuro Massensi cive. Sed & id frustra tentatum est. Ejus enim fratrem, apud quem hospitatum pergebamus, Massam petiisse nuntiatus est. Hinc consilii incerti, re infecta Surrentum repetere statuimus. Verum in itinere, tamquam e machina Deus, obviam nobis occurrit Bronzoli propinquus, adolescens bene moratus, atque ab hospitalitate non alienus. Nos igitur suas in aedes rusticanas duxit, & ea benigne praestitit, quibus & corpus longitudine itineris defatigatum curaremus, & non incommode quiesceremus. Vix dici potest, quanto studio, ac sedulitate egerunt, ut nos hospitii non poeniteret. Octava tandem noctis hora more Italo pulsata, cymba, quam conduxetamus prima noctis vigilia, Surrentino e portu solvimus. Tempestatem quippe nacti sumus ex sententia. Mare vix superficie tenus crispatum mollioriter movebatur. Remis usque ad Promontorium, quod *Serana* dicitur, navigavimus; quod ubi praeterveſti sumus, vela statim ventis permisimus. Atque hinc vento paullatim increbrescente commodius iter fecimus celeriusque. His accedebat, quod non sine lunae luce navigabatur, quip-

quippe quae jam e montibus emicuerat. Mihi crede, felicissimum iter consecissemus, ni ubi e regione Regii Suburbani Herculaneus vehebatur, caelum, quod serenum fuerat, nubibus obduci incoepisset. Usque adeo verum est, nihil hic esse undequaque beatum. Vix Neapolis litus attigimus, cum nec opina pluvia ingruit. Caelum jam piceum spissisque nubibus opertum vel ipsius Phari conspectum impendebat. Hinc Navarchus nautaeque, quo se verterent, nescire visi sunt. Ne in saxa ad litus opposita impingeremus, metus fuit. Verum tandem portum occupavimus, ac vix expositi, tanta decidit pluvia, ut vix quo nos reciperemus, orium fuerit. Vbi per pluviam licuit, Cassai officinam petivimus, quo calidis sorbitionibus refecti, quod restabat itineris, alacrius conficeremus. Recta illic nos ad aedes communis amici Bronzoli con- tulimus, audito prius Sacro. Qua vero illic benignitate exceptus sim, tute judicabis, qui illum intrus & in cute nosti. Lestulo vere follicante usque ad meridiem ubi quievi, laute apud eundem pransus sum non sine Liparitano vino. Vna a prandio meridiati ad duas fere horas, tandem prodeambulatum cum mellitissimo Campolongo exivimus. Sanctae Luciae oram totam emensi, ad amici communis aedes divertimus, ad foros, qui in propinquum mare imminet, confessuri, ac eidem Campolongo obsecuturi. Quid? nondum etiam conquievit? nondum, qui exarserat aërus, deferbuit? nondum rusticandi fames expleta? ita vero. Qua fieri potest, isthaec amoenae loca saltem oculis perlustrat, atque illi aegre-
est,

est, si quid forte intuenti objicitur. Vix credas, hac vespere vehementer angebatur, quod ignes, qui ex condito isthic faciendi erant, minime emicuerint. Nebulam obstitisse sibi persuasit, quominus viderentur. Quare te obsecrat, quo sedulo moneas, quos tu probe nosti, ut ignis ex constituto accendatur, mansurae amicitiae argumentum. Haec ad te fusius scripsi eo prorsus consilio; quia te isthaec non aspernaturum confido. Quanti enim Emmanuelem, ac Bronzolum, viros oprime de litteris meritos facias, probe novi. Imo & ipsis acceptum refero, quod me nihil tale merentem tibi amicum adsciveris. Josepho Nerio adolescenti supra aetatem eruditissimo, atque mirifica ad virtutem indole a me salutem plurimam dicito. Quam etiam tibi adcribunt Emmanuel, atque Bronzoli, nec non Nerio amantissimo, officiose. Cura ut valeas.

DOMINICO AMATO

Paulus Moccia S. D.

17

JAm tantum tibi debeo, quantum vix spero persoluturum, licet Nestoream aetatem superem vivendi diuturnitate. Iis enim me beneficiis affecisti, iisque ornatum cumulatamque officiis me voluisti, quae vel a benemerentissimo vix expectassem. Quid? beneficii ne loco posuisti, quod eruditissimas Michaëlis Amari, Patruui, viri τὸ πᾶν, Dissertationes, quas mihi dono dedisti, attente legere incoeperim, mihiq; melle Hyblaeo dulcius sapere scripserim? Quod ediras

tas jam , quoad per me fieri potuit , laudibus in caelum extulerim ; quasque domi servas non dum prelum expertas , ut quamprimum typis excudas , te etiam atque etiam rogaverim , id mihi laudi vertas ? Num tandem id mihi profuit , quod te continentibus negotiis , iisque gravissimis districtum , litteris ex tempore fulis *ἐνκαιπὺς καὶ ἀκαιπὺς* interpellarim ? In hoc certe quidem humanitatem , benignitatemque tuam agnosco . Verum quid , amabo te , in rationes accepti inferes , quod in tabulas expensi omnino referendum foret ? Tua enim beneficia eaque singularia in me , officiis studiisque omnibus prolequeris perinde ac si a me in te profecta fuerint . Quin imo jam angi videris , atque animo discrucari , quod promeritorum copia obrutus pene desperes fore , ut tandem aliquando par pari referas . Hinc nullam prorsus elabi finis occasionem , quo mihi , meisque commodis strenue inservias . Anne exiguum illud est , floccique faciendum , quod cum Januario Carbone viro consummatae litteraturae juxta atque tibi familiaritate coniunctissimo ita egeris , ut mihi signum ad bene sperandum sustulisse videaris ? Et tamen neque in hac re a tua malitia discessisti . Nimirum ne tibi soli (quod re quidem vera erat) tantum tamque eximium beneficium acceptum referretur , jam te stimulos currenti admovisse significasti . Perrara quippe haec est beneficia conferendi ratio , quam haud scio an quisquam hactenus inierit , cum iis te debere videri velis , de quibus te non vulgariter esse meritum nemo est , qui nesciat . Quocirca jam mirari desinam , quod tuis minime probaris , quodque

que rei familiaris negligens audis , cum te non tibi tuisque , verum Patriae , amicis , publicaeque rei bono natum esse expertus cognoverim . A me Patruo tuo Crotoniensium Anrilliti , viro cum pietate , tum doctrina spectando salutem plurimam . Carbonem de politioribus aequae ac severioribus studiis insigniter meritum , cumque mihi meisque pro virili parte consulentem meis verbis salvere jubebis officiosissime . Neque infatutos relinquitò Marchionem Galianum , ac Maximilianum , Viros in omni humanitate versatissimos . Vale . Ex Aedibus Regii Ephebei vi. kal. Octobres CIOCCCLXII.

E I D E M.

18

CRedideris ! Vel ipsâ dialis Nivanensis rusticationis recordatione recreor atque confirmor . Idemdem occurrunt animo suavissimi iuxta atque omnigena eruditione conditi Antonii Genuensis viri τὸ πάλιν sermones , quos pro re nata ab ipso exprimebamus . Proh qualem quantumque virum , & quam versatilis ingenii ! ut cetera taceam , alias qui finis scribendi ? prandium ipsum rot tantisque leporibus iisque gravitate insignium convivarum , conviviique Modimperatoris haudquaquam alienis condivit , ut saepe numero risu non sine lacrymis cibaria pugna , quam aeriter inieramus , constiterit . Adhuc animo haeret , haerebitque perpetuum nec opina festivissimi non minus , quam eruditissimi Januarii Carbonis atque expromta jocandi facilitas , qua
nudi

nudi nescio cujusdam Parris ad thermas sedentis, sudoreque a calce ad caput madentis iconem effinxit. Hic, quod natura peculiari quadam indulgentia praeter modum pendere voluerat, calide elevaturus, tamquam miserum quiddam, ac neque hili faciendum contemnebat. Cui callidior salutiorque, qui forte fortuna adsidebat: Hem bone vir, tam immane monstrum, quod e Lybia non erupit umquam, in postremis habebimus! Quid hinc commemorem mellitum Galianum, Campaniaeque Praefectum, proh qualem virorum bigam! qui ubi pugna paullulum remississe videbatur, tamquam aliud agentes, narratiunculis & ἀποσδιώσεις ita praelium redintegrabant, ut tunc primum committi videretur? Qui vero tandem praedicem divinum Honuphrii Colacii ingenium, quem vere Musarum corculum, Apollinisque eximium alumnum appellaverim? Ex tempore, jam oestro percitus, divinoque afflatus spiritu, suaviter interea atque ad numerum chely & cymbalo tinnientibus, qua carminum elegantia, dicendique incredibili volubilitate, Lucretiae factum ad vivum expressit? Deus immortalis! nihil omnino sive quod Historiam, sive quod argutissimum Poëseos ingenium spectabat, reliqui fecit. Quid plura? Antonio Genuesi, cujus ille auditorium frequentaverat, prae gaudio lacrymas easque uberes elicit. Jam enim illum haud tamquam juvenem, ac juvenilia tractantem, sed veluti homine majorem, ac posthac magna sonaturum suspiciebat. Quam bene sic convivia celebrarentur! Haud illa tantum corporibus paullo lautius procurandis, sed animis quo-

quoque instituendis ad omnem humanitatem inirentur. Quare quid non Ferdinando omnium amicorum glutino, integerrimoque Campaniae Praefecto debetur, qui ista amicos convivio excipit, ut eos & corpore & animo meliores dimittat? Jam pene memoria exciderat Philomarinus Mateolae Antistes, vir profecto non vulgari doctrina, ac morum candore, comitate, & facilitate nulli secundus, convivaque quantivis pretii, quem a me, ubi primum poteris, officiose salutabis. Meo quoque nomine Patruo tuo Crotoniensium Antistiti, Stéphanoque Patritio salutem plurimam imperties. Vale. Ex Aedibus Regii Ephebei x. kal. Novemb. CIOIOCCCLXIII.

E-I D E M.

19

JAM percurri a capite ad calcem primum πολυ-
 Θυλλήτου auctoris tomum, neque indiligenter. Thasio enim vino, ac melle Hymettio mihi dulcius sapiebat. Neque aliter fieri poterat, modo ne palatum mihi praëjudicatae opinionones exsurdavissent. Nemo enim non putavit usque adhuc pueros suis viribus minime relinquendos, atque a teneris usque unguiculis, litteris imbuendos, ne forte, ubi adoleverint, inepti studiis effecti, perpetua in socordia inertiaque marcescant. Illud, ni fallor, non mediocriter verentur, ne jure ὀψιμαθῆις redarguantur. Hui! Quam turpiter falluntur. Hoc in illos non injuria dictum est, qui cum ceteram vitam omnem otio dēdiderint, seseque ignaviae mancipave-

paverint, tandem aliquantisper anteaetæ vitæ pertæsi, ut jacturam compensent, ἐν παρόδῳ aliquid opellæ scientiis impendunt. At numquam horum in numero fuerunt teneræ ætatis pueri, quos, donec puerilis ardor defervescat, atque corpusculum viribus accedentibus durius firmissque evadat, a libris, atque ab omni litteraturæ cogitatione arcere præstat omnino. Quid ni? alias non temere verendum est, ne quas litteras per ætatem haud assequi possunt, ab ipsis pueritiæ incunabulis odisse incipiant. Nominum infinitorum thesaurus inanis est, ni ratio præsto sit, quæ illis utatur. Quis, malum, utetur, ni mens maturuerit? Quare gratiæ publice agantur Auctori sapientissimo oportet; & ab iis, qui publicæ rei præsunt, in id incumbendum naviter est, ut ita puerorum institutio temperetur. Milites vi delecti, ubi primum occasio affulserit, a duce desciscunt; at ii, qui sponte nomen dederunt, haud sæpe accidit, ut signa deserant. Qui a pueris studium litterarum execrari occœpit, numquam in posterum adducetur, ut illi reconcilietur. Quare sinamus, quaeso, ut pueri, dum licet, ludant par impar, equitent arundine longa, ædificent e luto domos, jungant plostello mures, cæteraque puerilia oblectamenta cōfententur. Vbi vero ad adultiorē ætatem pervenerint, ac sine cortice nare potuerint, quid de illis faciendum sit, deliberabimus, neque parte inaudita altera. Illorum quippe ingenium, quod se vel invitum pro te nata proder, explorabimus, naturamque ducem sequemur. Sane quidem, quo pacto naturæ oblectabimur? Quo relaban-

tur flumina, machinis efficiemus certe quidem; at si hae defecerint, statim delabantur oportet graviore impetu, quam ascenderant. Hoc in Dante, hoc in Boccaccio, hoc in Petrarca accidit (ut veteres taceam) quos sui parentes aliis rebus devoverant. Furcillis enim naturam expellas licet, usque recurret. Quorsum isthaec tam putida oratio? Ut me non infructuose, quem mihi commodasti aureum librum, legisse intelligas. A me Marchioni Galiano, Maximiliano, Cyrenaliisque mihi oculis ipsis carioribus salutem dico officiose. Vale.

FRANCISCO DANIELI

Paulus Moccia S. D.

20

Nescio quid fiat, ut quotiescumque tecum colloquor, sive tuis lectissimis, iisque non vulgaris notae libris mihi uti permittitur, quod non perraro contingit; fere toties acutissimis stimulis adigar, quo aliquid, pro mea scilicet ingenii tenuitate, viriumque industriae modulo, sive ad scribendum, sive ad commentandum aggrediar. Qui enim diu consopiti jacuerant gloriolae igniculi, ita tua opera excitantur, novamque vim adepti, tanto interiorius serpunt impetu, ut foras erumpere connixentes, me ceteroque solum tardumque hominem minime conquiescere patiantur. Et quod magis mirandum est, qui timide omnia peragere solitus sum (ita enim natura sum comparatus); te auctore, & veluti occulto impulsore sic confirmor, tot tantosque spiritus

ritus fumo, ut qui antea nihil non pertimescere, atque vel puerorum terriculamentis concuti ac labefactari videbar, in medias irruam res confidentissime, easque seu temporis injuria corruptas, situque oblitras; sive difficultatis magnitudine impeditas, spinosasque amplectar volens libensque. Vix enim mihi allatum fuit Musaei Poëma de Amoris Herus & Leandri italice soluto, ut ajunt, versu redditum per Joannem Baptistam Caracciolum, immortalis memoriae virum, qui jam quartum annum Aversana in Cathedra sanctissime adsidet, cum illud avidissime legi, atque relegi. Quodque non semel tum graece, tum in Etruscum sermonem a Bernardo Tasso, atque a Bernardino Baldo conversum, non perfunctorie, neque limis legeram, ita animum nova perfudit voluptate, ut nullam omnino mihi pepererit satietatem, imo magis magisque famem irritarit. Nuperus profecto sapientissimus aequae ac diligentissimus interpres, quod vel unus & alter, praeterea nemo affecutus est, id quam felicissime perfecit. Nimirum ita verbum verbo appendit fidus interpres, ut utriusque linguae splendorem, ingenitum nitorem, & quod caput est, ipsam *ιδιότητα* sartam rectam laudabiliter servarit. Nihil quippe graece sonat, quod non Etrusce translatum eadem venustate nitescat, eleganterque, licet quam diverso ore, loquatur. Pene dixerim duarum linguarum *τα ὁμοῦν* ita in unum coa- luisse, mirabili, atque antehac inaudito interpretis artificio, improboque sane labore ferrumina- ta & compacta, ut quid utrique sit proprium innatumque; quidve adscititium, & foris arcessi-

tum, difficile judicatum videatur. Hoc vero quo
 facilius effectum suspicio, eo mirabilius, omni-
 que expectatione majus existimo. Quem enim
 fugit, quot quantasque exciverit contentiones in-
 ter eruditos homines, optimeque de litteris me-
 ritos, Musaei incomparabilis, puraque dictio,
 vneres, lepores, &, quod primas fert, scriben-
 di scilicet *πρῶτον*, orationisque genus honestati
 ubique consentaneum? Vel ipsum Homerum Poë-
 tarum sine controversia principem hinc non pau-
 ca imitatum esse criticis callentissimi Auctores
 affirmarunt. Quid vero de Musaeo post Joan-
 nem Tzerzæ, Willelmum Canterum, atque An-
 tonium Morellum Julius Scaliger senserit, nemo
 omnium est, qui nesciat. Verum cum id nullo
 inniti fundamento videretur, & potius temerario
 quodam ausu dictum, quam solidis se tueri ra-
 tionibus putaretur; hinc factum est, ut ab opi-
 nione virorum ceteroqui doctissimorum liberri-
 me discesserint, atque alia omnia censuerint. At
 vix dici potest, quot quantaque commenti sunt,
 ut suam quisque sententiam firmo tibicine, quo-
 ad fieri poterat, fulcirent. Quae quidem omnia
 libenter recenserem, ni id non temere vererem,
 ne epistolum, quod scribere exorsus sum, in ju-
 stum exresceret volumen. Illud vero sine pia-
 culo praetermitti nequit, majorem scilicet, sa-
 nioremque criticorum partem ita laudati Poë-
 matis Auctorem ad recentiora revocasse tempo-
 ra, ut parum abfuerit, quin iis, qui Sibyllina
 carmina confinxerunt, *σὺν ἄλλοις*, aequalemque
 effecerint. Siquidem Musaeum Alexandrinum
 poetam esse existimarunt, qui IV. vertente sae-
 culo

culo floruerat. Et prima quidem fronte, neque immerito, neque temere in hanc sententiam concessisse videntur. Namque in eo Poëmati ea se deprehendisse arbitrantur, quae nonnisi recentioris poëtae indolem, mores, ingeniumque vel caecutientibus exhibent. Sane quidem mores pudentissimae juxta atque quam liberaliter educatae puellae ita in eo poëmate exprimuntur, ac tamquam poniculo delineari legentibus ob oculos ponuntur, ut dubio procul cultiorem, elegantiore, atque ad humanitatis, civilitatisque jura magis informatam aetatem redolere videantur. Nihilo secius tamen mihi attentius rem omnem perpendenti, atque pro mei ingenii modo penitus introspectienti visum est, hoc ipsum obesse potius, quam prodesse illis, qui pro Musaeo Alexandrino steterunt. Nimirum vel hinc propellivius faciliusque est, colligere Musaei Poëma nedum recentiorum temporum, verum etiam sane quam vetustorum ita existere, ut idoneis, iisque non contemnendis rationibus propugnari posse videatur. Hui! qui finis scribendi, si omnia, quae huc faciunt, enumerem? Quare duo tantum seligam ex eleganti Poëmate decerpta, quae mihi in causa fuerunt, cur te adolescentem numquam non gravissimis occupationibus distentum hisce solito verbosioribus literis interpellarem. Haec vero ita se habent. Poëta ut castissimam puellam, cum solitudinis studiosam, tum ab iis abhorrentem, in qua nuptae fere omnes effusissimo quodam studio, ne dicam effreni licentia rapiuntur, atque alienissimam expingeret, ait illam cane pejus & angue

defugisse (*). *ferre pedem choro*, & *certaine joco*: quae enim graece habentur, pene iis sunt ἰσχυροῦνται. Quotus autem quisque est, quem fugiat, quanto in id opere incubuerint veteres, ne inuptae conviviis, choris, ceterisque publicis coetibus interessent, quibus matribusfamilias, apud Romanos praesertim, minime interdicebatur? Quae de re Horatius Liciniae mores, indolem, ingenium, corporisque dotes laudaturus, illam inquit haud dedecuisse *ferre pedem choro*, nec *certaine joco*, scilicet ita se gessisse, ut jocantis, si quando ita res poscebat, & serio agentis, quod in hominum consuetudine, atque celebritate accidebat, officia calluisse videretur. Quod igitur in uxoribus κατῆχον. existimabatur, illud ita virgines dedecebat, potissimum apud Graecos, ut contra se gerere, atque omnium conspectu se abstinere maximae illis laudi duceretur. Hinc quae Venusinus vares Liciniam adamussum praestitisse officia commemorat, ea Hero dedita opera deservisse nedum vitiosum, verum etiam honestum, rectumque putatur. Quae cum ita sint, nonne, amabo te, amice amantissime, vel Flaccum Musaei, vel Musaeum Flacci vestigia diligenter secutum luce meridiana clarius apparet? At vero Musaeum Alexandrinum Horatii φράσεις graece ver-

(*) οὐδὲ χορὸν χαίοντα μετῄλθεν ἥλικος ἥβης, μάμον αλευράειν ζήλημονα δηλοῦνταίν.

Mai non in alcun coro.
Di gioventù della sua età festoso,
S' introduceva; il motteggiar fuggendo
Invidioso delle Giovanette.

verrisse, cuinam non putidum, absonumque videtur? Quis umquam fando audivit Graecos fastidiosissimi palati viros, copiaque rerum nulli secundos, eo aliquando angustiarum devenisse, ut latinam reciperent dictionem, atque latiali ore loquerentur?

. . . . *Credat Judaeus Apella,*

Non ego

Neminem profecto esse arbitror, qui nesciat, quot difficultates exhauserit, & quot quantosque exantlaverit labores Romanae eloquentiae Parens, ut Latium ea ditaret vocum copia, quae singulis quibusque rebus responderent, vel quo quo modo congruerent. Verum haud scio an exitus expectationi responderit. Latinum enim sermonem arctissimis se continuisse finibus prae graeco, nemo sanae mentis diffitebitur. Quamobrem illud ausim affirmare Romanae Fidicinem lyrae ea ex hoc vate carpsisse, quae suis sensis quam verissime aperiendis accommodatissima videbantur, quaeque suis aureis dictionibus suavius, aptiusque famulata scribentis consilium exprimerent quam facillime. Haud vero me praeterit, quanto Horatius opere sit averfatus graeca cum latinis miscere, quippe qui hoc praecipue capite Lucilium norat, ac non leviter vellicat, populumque Romanum cupidius novis rebus inhiantem, tamquam plus aequo patientem, ut levissime diceret, insinuat ridetque. Sed illud nemo nisi perfrietae frontis inficiabitur, Venuus scilicet Alumnum haud ita Graecis bellum indixisse, ut, si qua latiale ingenium saperent, libenter exciperet, atque civitate donaret. Super-

sedeo exemplis, quorum vel sexcenta supererunt. Cum igitur res ita se habeat, ecquisnam dubitabit Poëma de Herùs & Leandri amoribus vetustius, antiquiusque esse, quam olim eruditi non pauci censuerunt? Praeterea, si Venusinum vatem aetate praecedit, cur Homero non praefisse putabimus? Cur illum Homero praeluxisse inficias ibimus? At enim maximo erit dedecoratum principi ea accepta alteri referre, quae tot saeculorum circumacta, ac pene omnium criticorum consensione nullo praecedente habuisse nemo non existimavit. Perridiculum sane, irritumque effugium. Ergone vitio vertetur Cicero, quod Demosthenem graece eloquentissimum sit imitatus, ipsique Demostheni probròsum erit, quod Thucydidem, auctore Dionysio Halicarnasico, teste locupletissimo, oëties legerit, atque oëties manu sua exscripserit? Minime vero. Quocirca ut, quod sentio, ingenue dicam, haud umquam adducar, ut quis istis, aliisque hujuscemodi rationibus ductus, dejiciat jure antiquitatis mellitissimum juxta atque ad unguem perfectissimum Musaei Poëmatium, inque nuperorum scriptorum gregem ablèget. Vno igitur alteroque dicendi genere ita triumphas, ut quadrata rotundes, ac tamquam oestro percitus, *εὐπρηξ*, exclames? Ita vero. Quid enim? Vel unum verbum satis superque esse contendo, quo libri cujuscumque *γυντιότης* dignoscatur, certeque ratio temporis ineatur, quod in vulgus, publicamque lucem prodivit. Nonne, quaeso te, hinc clarissimus Mabillonius quàmplurima Diplomata, quae vetustissimam aetatem, seniumque ingens

osten-

ostentabant, recentissima esse liquido ostendit? Vna quippe voce *Assassinus* tamquam Ariadnaeo filo usus est, quo, ex falso proditae antiquitatis ambagibus, involutisque temporum maeandris pedem tuto expediret, atque triumphara veteratorum astutia veritatem clarissimo in lumine collocaret. Quid igitur impedimento est, quominus una alterave dictione deprehensa, eaque ad Horatianum dicendi genus tamquam ad lydium lapidem exacta, Musaei divina carmina in pristinum παλαιότητος[Ⓞ] jus, statumque vindicemus? Accedit quod hisce ita se habentibus non mediocris lux affundetur laudato Venusini vatis loco, quem perperam haecenus interpretati, Poëtam licet repugnantem, invitumque, per fas atque nefas, ταυτολόγον effecerunt. Namque illi, ni mea me fallit opinio, atque φιλαυτία pervideo, chorus haud locum saltationi, choreisque destinatum, sive saltationem ipsam significat; sed hominum multitudinem, coetumque, qui aliquod dedita opera concedunt, diem, noctemve mutuis colloquiis, ludis, jocisque ex tempore expromptis hilariter fracturi. Qua quidem in re, quae se gesserit Licinia, & quam concinne liberalis feminae, honestaeque dominae officiis satisfecerit, legenti paullo attentius Horatium (*) liquido patebit. Nam, quid in saltatorio ludo profecerit, & quam belle atque ad numerum membra moverit, inferius innuit, cum vel tenellulae aetatis die sacro celebris Dianae, saeculari

(*) Ode XII. lib. II.

lari scilicet festo illam cum nitidis virginibus choreas ducentem inducit. Licet haec tanti non sint, ut, si in vulgus exeant, non injuria pertimescendum sit, ne velut aegrotantium somnia sibilis excipiantur; tamen, ut promissis starem, fidemque liberarem, qualia ea cumque sint, ad te mittenda curavi; ita tamen ut tibi tamquam alteri Tarpae sistantur, tuumque candidum iudicium exspectent. Cui enim later, quanti te merito facio, & quam merito tuum veneror iudicium, sententiamque deosculor? Quare illud tibi persuadeas velim, me ita esse affectum, itaque animatum, ut, quidquid tibi videbitur, ambabus, ut ajunt, ulnis amplectar, tuamque in sententiam manibus, pedibusque concedam. Quam bene mecum ageretur, si Marchio Salvator Spiritus, subcisivis horis, haec vel raptim, cursimque legeret! Tum enimvero utriusque iudicio, suffragiisque suffultus securum agerem aevum, atque in utramque aurem otiose dormirem. Omnes enim norunt, quam praeclare de politioribus litteris, ac praesertim de Ἀρχαιολογίας studiis meritis sit, & quot quantaque divini prorsus ingenii atque ad omnia versatilis monumenta ediderit: a me illi salutem plurimam imperitor perofficiose. Vale, meque, ut facis, ama. Neapoli ex Aedibus Regii Ephebei prid. idus April. c1800cclxii.

EIDEM.

EN iterum ex umbra ad solem, licet perin-
vitus, prodeo. At in quemnam culpa con-
feretur? Aperte dicam: in me unum dumta-
xat: Namque, nisi maximum piaculum pu-
tabam, fidem, quam pene reluctans obligave-
ram, vel tantillum laedere, nedum prodere; mi-
nimè eo devenissem, quo nunc progressum esse
me non parum piget, taedetque. Jam, velim
nolim, ab illo proposito discedam oportet, a quo
nonnisi morte solum dimorum iri sperabam.
Apud me enim firmus statueram ita vivere, ut,
si homines fallere mihi contigisset, praeclarissi-
me mecum actum existimarem. At male sit ri-
bi, amice ceteroqui amantissime, qui tamquam
invidisses meae sollicitati (quorsum enim res
evasura esset haud nescius) eo me perpulisti mel-
lito sermone, phaleratis verbis, rationibusque
prima fronte non contemnendis, ut, quae in tra-
pιδω, atque per jocum de Musaei antiquitate
chartis illeveram, quominus typis mandarentur,
minime adversarer. Praeterea metu, ne factum
mutarem, consiliumque revocarem, astute hujus-
modi tempus captaſti, quod neutiquam mihi pro-
futurum videretur, quamvis enixe vellem. Ad
Coniclen enim perrexeram sacras de more exer-
citationes obiturus. Ecce modo praeproperae tuae
festinationis poenam luo licet omnino immeritus.
Vix quidem extemporalis epistola promulgata
fuit,

fuit, cum rumor dilatus est operam oleumque deperditum, eo quod in id frustra incubitum fuerat, ut ea exstitisse viderentur, quae utrum fuerint umquam, omnino ignorabatur. Laudatum Musaei Poëma, & quot quot illi tribuuntur, fabulis omnia accensenda. Neminem omnino Poëtarum Homero anteisse, & quidquid litterarum est, ab illo uno ceu fonte promanasse. Quod vero Criticorum non pauci, neque ineruditi illud quaesierint, exstiterint ne aliqui, quos Homerum praecessisse appareret, id tantum factum esse, quo stilum declamatorio, umbratilique more exercerent, paratioresque evaderent, ubi vera argumenta pertractanda pro re nata offerrentur. Ceterum certo certius esse quidquid de Musaeo proditum est, prorsus commentitium esse, atque otiosorum hominum pura putaque somnia fuisse. At enim bene multa in Poëtarum principe offenduntur, quae adamussim Musaei dictionibus respondent, atque ad illas tamquam ad obrussam exacta videntur. Ἀντίποι. Ergone sic apud unum quempiam sermo instituitur, itaque sibi sua ipsius sensa vindicat, ut, quae ipse cogitando, commentandoque ab se se extudit, ceteris eodem forte ingenio, iisdem industriae viribus, eodemque ad virtutem, disciplinasque impetu praeditis ita illis interdicanter oporteat, ut suos fines, veluti albam lineam transire per moratores prohibeantur? Nonne haec in dies observare licet in eruditis doctissimorum hominum operibus, in quibus quandoque nedum sensus ipsos, sententiarumque ipsos longos numerososque anfractus; verum etiam vel ipsissima verba consentire, atque in
unum

unum idemque amice conjurare animadvertimus? Et tamen neutrum neutri quidquam suffuratum confidenter dicimus, neque illos plagii insimulamus. Quae igitur nunc accidunt, quodque accidunt minime miramur, cur non & pridem ita se rem habuisse dubitabimus? En qui fieri potuit, ut neuter neutri quidquam omnino debere videatur. Haec, atque alia hujuscemodi ita efferunt, ut a signo (si superis placet) ne latum quidem unguem aberrasse laetentur. At quonam progressus sum? Quove me imprudentem scribendi vis abripuit? Utinam in tempore illud in mentem venisset, qui contra sentiunt, aliaque omnia censent, vel illud sparsisse Musaeum numquam in vivis degisse, nedum, quod circumferretur, Poëma condidisse, quam bene dictis superseffum foret! Atque utinam heic consisteret novarum rerum studium! Haud temere deinceps verendum erit, ne omnia fusque deque miscentes, eo res tandem redeat, ut nihil nisi incertum, anceps, dubiumque deprehendatur. Quid, Deus bone! ita ne homines desipient, ut, quidquid ad critices canones exactum, ceteroque neque constantissimos, neque exploratissimos, non statim suo ipsius splendore, nativoque decore in oculos incurrit; tantum ut non praestringat, illud Aristartheo supertilio rotundè e medio tollendum pronuntient? Quod, ni fallor, ita omnino fit, aut quod sic ab ineunte aetate, jurati in verba magistri, inaudiverint, ac pene ipso cum lacte suxerint; aut quia, ubi adoleverunt, critices studiis (praefiscini) adeo se se dediderint, litterionum fama qualicumque ducti, ut ne
ad

ad biennium quidem silentio servato Pythagoreorum laudabili consuetudine, in singulos quosque obvios libros, Auctoresque, sive vetustate venerabiles, sive doctrina, eruditione, scientiisque omnibus ad miraculum excultos censoriam virgulam distingere sibi suo quodam jure sumpserint atque vindicarint. Quod jure ne, an injuria, aut potius per summam impudentiam fiat, aliorum judicium esto. Haud enim tantum mihi adrogo, ut tantae litis disceptator haberi audeam. Illud vero ingenue, uti solitus sum, fateor, eos, qui ita autumant, haud affecutos esse ea, quae me, ut epistolam conscriberem, si non aliud, saltem perspicuitate non contemnendam, impulerunt. Ad viginti dies, antequam id aggrederer, legens Horatii oden XII. lib. II. ubi in illud incidi: *quam nec ferre pedem dedecuit choris*, aliquantisper substiri, animique pependi. Haud enim sibi constare mihi prima facie videbatur Poëta ceteroque sollertissimus, atque ad minima quaeque supra fidem oculatissimus; quippe qui inferne repetebat, quae superiore in versiculo diserte expresserat. Quare, licet timide; ita accipiendum vatem esse arbitratus sum, ut explicata, atque ob oculos posita Liciniae elegantia, qua ferre pedem choris, hoc est inferre gradum in diurnos, nocturnosve coetus perbelle consueverat, laudem etiam profecto eximiam sibi partam, progressionesque in saltatoria palæstra pro modulo ætatis factas minime praetereundas existimarit. Deinde vix pauci offluerunt dies, cum tuâ operâ legi elegantissimum Musæi poemâ pari elegantia, diligentiaque per cruditissimum, atque

que ἀκριβέστερον Praefulem Etrusce translatum .
 En mihi nihil tale cogitanti , ubi ad illa , cum
 attentissime legerem , graecaque cum Etruscis
 ἐν παραλλήλῳ conferrem , perveni (*) : & illud
 occurrit , quod paucis ante diebus non perfuncto-
 rie adverteram , atque non temere ita intelligen-
 dum putaveram . Vt verum fatear , non potui ,
 quin laetitia exultarem , mihiq̃ue plauderem ,
 quod mea me opinio minime scellerat . Sane
 quidem , quis non sibi gratulareretur , ac pene
 triumpharet tanti interpretis auctoritate , lima-
 toque judicio suffultus ? Verum , ut aliud ex alio
 incidit , vel illud hinc non invita Minerva , ira-
 tisq̃ue musis erui posse mecum ipse reputavi , ni-
 mirum haud ita spernendam tanti Poëmatis πα-
 λαίτητα , neque somniantes inter amandandos ,
 qui ita senserunt . Quocirca non abs re fore du-
 xi , si quae nova mihi deprehendisse videbar , li-
 teris consignassem . Profecto securus omnino id
 peregi , neque mihi cramben recoquendam existi-
 mavi . Videlicet , exstiterit ne Musaeus , vera ne
 an supposititia carmina , & quotquot illi adscri-
 buntur . Hoc enim pacto ceterorum vestigiis in-
 haerens , jam dicta alias , atque eruditissime po-
 steritati commendata persecutus , tum alienis lau-
 dibus inhiassem , tum nulli non mediocre nego-
 tium facissem . Cui enim ista non cognita , li-
 cet vel primoribus labiis lieteras delibaret ? Quam-
 obrem tantum illud imbibere , tamquam ex trans-
 verso incurrens , ut ab Julio Caesare Scaligero
 stans,

(*) Ὅτι καὶ χάριν χάριτα μετήλυθεν ἡ καὶ ἑβης,
 μῶμον ἀλευμένη ζήτηματα δηλωτῶν .

stans, Patris manes per filium impudentissime violatos ab injuria, quoad fieri poterat, vindicare, provideremque, ne in posterum impune inquietarentur. Hinc tantum absuit, ut argumenti veritatem curiose anquisierim, ut potius nihil omnino addubitans, confidenterque conatus tantummodo sim, ut Musæum vetustati, unde dejectus fuerat, restituereim. Quae cum ita se habeant, haud satis intelligo, cur in me nihil tale merentem ea dicantur, quae si somniassem dumtaxat, pudore suffunderet. Accedit his, quod sub initium epistolae, quid inter eruditos disceptaretur innui ita, ut vel leviter litteris imbutis satis superque esse viderentur. Quare desinant, quaeso, in me invehi, atque mihi objectare, quod ad illa asseveranda securus processerim, quae nonnisi rationibus magni momenti, iisque singulatim recensitis, atque ad trutinam naviter re-yocatis in medium proferri potuissent. Neque iniquo animo ferendum est, atque crepantibus ambabus buccis exprobrandum, quod immanem hiatus Horatium inter atque Homerum vacuum reliquerim, atque aliis Musæis valere jussis, ne gomphis quidem oppleverim. Namque si quis Bibliothecas illustrium virorum qua graecorum, qua latinorum vel obiter percurrerit, nedum mihi succedere, verum etiam ne hircere quidem ausurum vel deposito pignore contenderim. Nullus enim totò illo tempore, quantum quantum est, quod Horatium inter atque Homerum intercedit, poeta fuit, qui hoc nomine laudatorum carminum dignitatem sustineret. Nisi vero iis, quibus in deliciis est pro numero operum aucto.

auctores multiplicare, imperitumque vulgus ludificari, temere accredere velimus. Quod in Musaeo, quo de agitur, quivis, vel si leviter attenderit, contigisse animadvertere. Haec si aequi bonique consulentur, haud despero futurum, ut invidentiae os obstruatur, atque Musaeo, qui ad Caesarem usque Scaligerum Homero praeiugerat, Edicto *uti possidetis* adversus Josephum ejus filium; ceterosque, qui deinceps pedibus in suam sententiam iverunt, uti, Praetorio jure non reluctante, permittatur. Haec raptim scripsi, non modo ut satis amicorum votis facerem, quorum aures jam obloquentium vocibus caluerant; verum etiam, ut ne detrectare viderer imperium summi, eruditissimique viri, cui tantum debeo, quam cui maxime. Vale. Ex Aedibus Regii Ephebei XIII. kal. Quint. CIOCCCLXII.

STEPHANO PATRITIO

Regis Consiliario

Paulus Moccia S. D.

22

QVam hesternae die Regiis in Aedibus, quae te contuleras, ut annum jam incuntem Regi nostro, qui ad populorum felicitatem, hujusce Regni incolumitatem, bonarumque artium ornamentum adolescit, bonum faustumque apprecare, quam, inquam, a me petisti Dissertationem, tibi mitto volens libensque. Eam enim in ipsa aggredior ἀπολογία, quam te, nedum

D

pro

pro ea qua nites christianae Religionis integerrima laude; verum etiam propter non vulgarem Ecclesiasticae historiae cognitionem notitiamque, ambabus, uti dicitur, ulnis amplexurum confido. Divum quippe Basilium, quem prae ceteris Patribus juramento infensum Barbeyracius, nescio quonam deliramento, commentus est, defendendum suscepi. Neque id sponte feci, aut eruditionis venditandae, eloquentiaeve ostentandae gratia; sed ut nostrae Academiae praefidi ac *πρὸς ἄντ*, Canonico Josepho Sparano, viro insigniter de scientiis disciplinisque merito, uti par erat, obtemperarem. Is enim illic sollemnis mos est, ut quisque illam ornet Spartam, quam, qui omnibus sapienter praestit, ornandam mandat. Mihi igitur ea obtigit provincia, ut Basilium a Barbeyracii calumniis ac sycophantiis vindicaret. Quid profecerim, & an *σχορὸν* attigerim, tute, qui multiplici rerum omnium cognitione tantum praestit, quam qui maxime, tute, inquam, judicabis. Quod scholarum methodum rationemque defugerim, haud mirabere, si animum adverteris, ex perpetua commentatione, sibi invicem necessario succedentibus rationibus, ac momentis, majorem existere perspicuitatem, quam si oratio in partes diducta & concisa, legentium oculis frustillatim subjiciatur. Tandem si seria quandoque cum *σάπιας μὲν* miscui, id quidem feci, tum ut lectorum satietati occurrerem, tum ut adversario par pari referrem. Ita interdum praefidens est (vide, quaeso, quo transversum illum agit verae Religionis praeconceptionum odium), ut Catholicorum arma, tamquam lusoria atque

batuen.

batuendo tantum apta, contemnat. At vero, ni fallor, pro merito vapulavit. Vtinam tuo etiam adjuver sustenterque elegantissimo iudicio! Jam me causam vicisse triumpharem. Legas igitur hanc te precor, ac, si per negotia, quibus penne obrueris, licebit, etiam relegito. Scire valde cupio, quid de ea sentias. Cura, ut valeas. Ex Aedibus Regii Ephebei postr. kal. Januar. CIOICCLXIV.

MARCHIONI XAVERIO DANZAE

M. C. V. Judici

Paulus Moccia S. D.

23

Nihil quidquam minus putassem, quam ut per te nedum amantissime, verum etiam honorificentissime in tuum suburbanum Herculanense pransurus invitarer. Jam enim conscius mihi eram nihil me de te ita meritum esse, ut me & benevolentia tua, & communione mensae dignum existimares. Et tamen ita se res prorsus habuit. Apud eos quidem tu equites, quos nuper vocasti, ita questus es, ut, quod non me quoque secum una adduxerint, cum tua carruca, qua vehebantur, tres facile admitterer, non parum doluisse videreris. Id, ut vere quod sentio dicam, pro eo ac debui, admodum graviter, ac moleste tuli. Te namque, quem numquam non gravissimis negotiis, occupationibusque forensibus distentum, inque litterarum studia tota mente, omniique animi impetu incumbentem cogno-

vi; jam gravitatem remittentem, severitatemque exhilarantem selecto honestorum virorum consortio perspexissem. Neque ulla alia prorsus de causa id dolendum mihi fuit, quippe qui, cum to adissem una cum Philippo de Januario Regio Ephebo equite, cum moribus, tum litteris, quibus pro modo aetatis imbutus est, illustri, meique perstudioso, & nunc eo magis, quod sui avunculi Marchionis Aulettae τῷ μακαρίῳ amorem erga me cum reliqua hereditate creverit, cum te adissem, inquam, quo Natalitiis faustis ominibus tibi bene precarer, benigne exceptus iis officiorum indicibus fui, quae ne optare quidem ausus essem. Tuum praeterea mihi studium, operam, fidem, opemque perliberaliter detulisti. Quod mihi usque adeo gratum jucundumque existit, ut vel ipsius illius diei, qui mihi tam feliciter illuxit, me recordatio non mediocriter consoletur. Quae cum ita sint, tibi gratias ago, quod mihi tua sponte aditum ad tuam amicitiam patefeceris; atque illud etiam tibi sancto recipio me diligenter operam daturum, ut huius ad me amandum inductionis animi, voluntatisque te numquam poeniteat. Quid tibi proxius pollicear, haud mihi omnino suppetit. Utinam, quod animo valeo, id etiam litteris praestare possem! Profecto id efficerem, ut aliquod grati animi monumentum tuae eximiae erga me benevolentiae, singularisque humanitatis apud posteros exstaret. Nunc hanc meam qualemcumque voluntatem fac aequi bonique consulas, & quem gratiam referre non posse nosti, cum tibi saltem gratias egisse, satis habeas. Philippus de Januario

laborioso illius auctori ac opifici exstiterit. Nimirum quod argumentum persecutus est luctuosum atque infinitis aerumnis, vicibusque refer-
 tum, id in causa fuisse si affirmavero, moriar, ni σκῆπτρον attingam. Quid, sodes, boni e calamitoso amatore extunderes? Nisi vero illud non contemnendum bonum tibi videtur, quod lacrymis, suspiriis, siti, fami, aerumnisque omnibus ferendis assueveris. Jam posthac paupertatem minime tamquam quid malum, turpeque defugies, quodque nullus omnino nummus e tua crumena vel excussa emittatur, haud gravatim patieris. Hinc si, quando tua adscititia coma pestenda est, pecten defuerit, haud gravaberis si strigili defricabitur. Pro punicea rosa Paestana, si Heliotropium per servulum tibi praebebitur, quo politulorum, comptulorumque ritu pectus exornes, num, quaeso, irascêris? Minime gentium. Jam enim Polyphemi ornamentis assuetus, haec nulum penitus tibi negotium exhibebunt. Quare si isthaec tibi bona videntur, haud poenitendum opus te aggressum tandem ad umbilicum feliciter perduxisse asseverabo. Ceterum si tibi ab initio mens non laeva fuisset, aliquod felicius, saustius, laetiusque argumentum legisses solida cum voluptate aeque atque ingenti utilitate pertractandum. Sane quidem, quibus te non divitiis cumulasset Borussia Rex, Belli fulmen pacisque ornamentum, si ejus fortiter pugnata praelia, vere Musis dicenda, cecinisses? Jam curra vectus aureo per urbem incederes imis juxta atque summis conspiciendus ubique. Culpam igitur omnem si in reipsum inclinaveris, tibi que uni adscriperis, quod
 male

male tecum actum sit, tot jam exhaustis laboribus, evigilatisque noctibus usque ad ipsum mare, haud fallêris, opinor. Absit vero, credas hæc ne scripsisse, propterea, quod tuum consilium improbem omnino, quodve illi nuncupaveris opus (cui quando fides, justitia, liberalitas, ceteraque virtutes omnes invenient parem?) sed quod argumentum nescio quonam fato male ominatum selegeris, adeoque litora bobus non profecturis aranda susceperis. Verum quoniam factum infectum fieri nequit, posthac saniora ac utiliora consilia inibis. Ita haud dubie fiet, ut nedum publicae rei consulas; verum etiam tibi tuisque eas prospectum. Publica quidem bona privatis anteferenda quis perneget? verum illa ita gerantur oportet, ut nostra ipsorum commoda omnino posthabuisse minime redarguamur. Haec si maturius perpenderis, numquam deinceps te tui consilii poenitebit. Marchionem Berium hujusce aetatis lumen ac ornamentum a me si salutaveris plurimum officiose, per mihi gratum facies! Vale. Ex Aedibus Regii Ephebei postrid. idus Septemb. CIOIOCCCLXIII.

MARCHIONI SALVATORI SPIRITEO

Supremi S. Clarae Consilii a Secretis

Paulus Moccia S. D.

25

Litterae tuae sane quam elegantes, atque humanitatis, officii, diligentiae, amorisque plenae, quas ad me per communem amicum

D 4

Fran.

Franciscum Danielelem perferendas curasti, per mihi jucundae, grataeque acciderunt. Ex iis profecto, quanti me faceres, quantoque me amore prosequeris, aperte cognovi. Primum enim, quas ad te identidem *αὐτοσχέδιως* litteras dederam, quanti fecisses, vel ex eo intellexi, quod eas diligenter servaveras. Omnes quippe remisisti, neque unas omnino intercidere passus es. Quod quanti sit, is dumtaxat dijudicabit, qui te virum omni humanitate perpolitum, divini humanique juris scientissimum juxta atque gravissimis negotiis tantum non obrutum probe novit. Deinde non potui non vehementer gaudere, quod ita tibi illas probari significasti, ut, quam celerrime publici juris quo facerem, etiam mihi auctor esse volueris. Quid? quod jam amicorum precibus atque *ἐγκλήματι* expugnatus illas praelo committere constitueram, quod te inaudisse significabas; nedum mihi, verum etiam Reipublicae (vide quo te mei amor impulit) gratulandum existimasti. Multum igitur te amo ac merito, tibiue gratias ago, habeoque immortales. Illud vero te oro, ut me amare pergas, ut facis, mihiue recipias fore, ut tua mihi opera, studium, fidesque praesto sit. Tum enimvero haud desperabo futurum, ut expectationi de me concitatae quoquo modo respondeam. Quin ita facturus sis, pro tua singulari erga me benevolentia, nullus dubito. A me Francisco Danieli juveni de philologicis insigniter merito salutem diceres. Vale. Ex Aedibus Regii Ephebei XII. kal. April. CIOI^oCCCLXIV.

IDEI.

IDELPHONSO CLEMENTI

DE AROSTEGVI

Hispaniarum apud utriusque Siciliae Regem
Oratori

Paulus Moccia S.D.

26

MAle sit occupatiunculis, quae nescio quonam meo fato in dies, aut potius in horas singulas emergunt me prorsus enecturae! Nam, absque eo esset, jamdiu tuis iussis, uti par erat, obtemperassem. Quodque me magis angit, jam jam mihi in eo fuisse videor, ut apud te, cui tantum debeo, quam cui maxime, jure ac merito ingratus audirem. Praeter enim consuetudinem tuam, quod mihi imperaras, quoties tuum in conspectum prodii, mihi in memoriam redequisti. Quo quid jucundius, quidve honorificentius mihi accidere poterat? Quid tandem incitatus, quo tua imperata quam celerrime facerem? En igitur quae cursim notavi ad *μύριον* *Nae* spectantia. Fere semper pronomini-
bus, modisque, qua *ὀπισθοῖς*, qua *ὑποτακτικοῖς* praemittitur. Verum & illud apud eosdem Grammaticos exploratum est id non omnino servari. Horatius lib. 2. serm. 3. v. 98. juxta Henrici Stephani viri τὸ πρῶτον lectionem sic habet: *Clarus erit, fortis, justus, sapiens, nae etiam Rex*. Plautus antea ita adhibuit, ut ἐπιρρήμασι Aedepol, Me-
castor, aliisque praecivisse voluerit. Plura in hanc
cam-

eamdem sententiam corradere, cumulatius tibi morem gesturus, si plus otii esset. Ceterum ubi curae, quae nunc circum latus, caputque saliant, paullulum quieverint, aestusque Diatribarum deferbuerit, haud committam, ut meam diligentiam sedulitatemque requiras. A me Benedicto fratris tui filio quantivis pretii adolescenti, ejusque non poenitendo διδασκαλῶ salutem plurimam. Cura ut valeas. Ex Aedibus Regii Ephebei postr. id. Decemb. CIOCCCLXIII.

MICHAËLI TESTAE

Paulus Moccia S. D.

27

QUANTO nos opere nostra plerumque fallat opinio, quamque a vero aberremus, si numquam alias, hesternae die domi tuae cognovi. Jam enim illud imbiberam, mihiq; penitus ea infederat opinio, primarias quasque feminas, utpote ingenuae nobilitatis conscias, quotquot filios terrae natura esse voluit, illos nedum tamquam infra se positos; verum etiam ut triste evitandumque bidental existimare. Atque hac in sententia adhuc obfirmate perstarem, ni ipsemet hisce oculis rem aliter se habere perspexissem. Proh magnum facinus egregiumque, aureoque seculo dignum! Primariam feminam, atavisque Regibus progeneratam, & quod caput est, praeclaris animi corporisque dotibus praestantem, hanc, inquam, ita se ceteris aequare, ut par infimis fiat, nulla majestatis jactura, quis non jure mirabitur? Quin quotquot Venerinus alumnus in Liciniam laudes

laudes affatim congeffit, eas potiore jure tali Principi feminae deberi, fateatur oportet. Namque & ferre pedem choris, & certare joco ita illam decet, ut primas ferat. Sane quidem, ludere libeat, ejus joci ipsis Atticis salibus falsiores videntur. Quodque mirabile est, & loco jocatur, & *παιρώντως*. Alterius vita exprimenda est, ira actiones imitatur, ut nihil lepidius, nihilque venustius fingi queat. Tute, amice, testis es locuples, qui, quod subsidente collo humerisque arrectis incedis testudines imitaturus, quodque tenero supplantas verba palato, pene totius fabulae argumentum fuisti. Quid memorem, quae oris elegantia, quibusque leporibus Virgines Vestales, quibuscum vixerat, maritalis vitae tirocinium positura, sacro in Odæo cantillantes agebat? Nullus quidem esset finis scribendi, si quidquid de non inuenta ancillula, quam ad novas dapes parandas adscivit, dictum est, chartis illinere vel cursim eniterer. Illud vero haud praetermittam, me scilicet tanta admiratione fuisse correptum, ut, quae scripsi, me somniasse, haud oculis vidisse mihi videar. Vide, quaeso, amice amantissime, quid me, qui usque adhuc alia omnia censueram, permira atque incredibilis praestantissimae Heroinae urbanitas perculerit! Quare potius, ut meum quaecumque grati animi atque observantiae monumentum erga tantam feminam, atque omnibus retroactae aetatis matronis sine controversia anteferendam exstaret, quam quod meo me officio satisfacere posse putaverim, haec festinanti calamo ad te, cui forte fortuna propius illam suspicere, colere atque observare

con-

contingit, scribenda existimavi. Tu qui Chiron alter videris, fac eandem morum suavitatem urbanitatemque praeclarissimo eius filio tuae fidei concedito instilles. A me nostri seculi Heroinae, matrique familias lectissimae, ejusque incomparabili viro, suavissimoque filio, mihi oculis ipsis cariori, salutem impartitor multam officiosissime. Eandem infantulo Principi nomine omnium epheborum equitum nunciabis peramanter. Cura ut valeas. Ex Aedibus Regii Ephebei 14. kal. Decemb. C1313CCLXIII.

JOSEPHO CARULLO

Paulus Moccia S. D.

28

MAle sit Dominico Amato, quem cetero-
qui vere dixerim amicorum glutinum,
alienarumque laudum sincerum praeconem, qui
hesterna die domi tuae dum sermones caedeba-
mus, de mea dissertatione mentionem fecit. En
tibi fitis excitata, en fames inextinguibilis. Sta-
tim, ut illius tibi exemplum mitterem, mihi
amice imperasti. Quae tua iussa non faciam, ti-
bique non illico dicto audiens sum, cui tantum
debeo, quantum vix persolvi potest? Verum, quae
mihi mens colorque sua in sede manebunt, cum
in illius eam manus perventuram cogito, qui ne-
dum in omni humanitate, quanta quanta est,
versatus est; verum etiam ita de sacratioribus
studiis est meritus, ut nemo non ipsi primas de-
ferendas jure optimo arbitretur? Quis non co-
ram illo contremiscet, tamquam Lugdunensem
dictu-

dicturus ad aram, ad quem nihil nisi perfectum ingenio, elaboratumque industria afferri oporteat? Atque ad haec omnia illud tamquam cumulus accedit, quod tanta, tamque firma vales memoria, ut quaecumque legeris (quae sit in te aviditas legendi, quem ex omnibus praeterit?) omnia in numero habeas. Quae cum ita se habeant, qua animi alacritate tibi morem geram, tu omnium optime vides. Saltem illud te oro, ut impudentiae me nota absolvas. Alias, qui ferendus essem, quippe qui nedum reprehensione, verum animadversione quoque dignus existimarer? At tu mihi poenas pro merito dabis, jurisconsultissime Amate, qui me nihil tale cogitantem has in angustias conjecisti, quique ut meae famae consuleres, me plane perdidisti. Interim hanc fac legas, &, si tibi ita visum fuerit, ubi legeris, conscindito. Illud mihi pergratum accidet, si tanti viri manibus interierit. Vale. Ex Aedibus Regii Ephebei postrid. kalend. April. CXCICCLXIV.

SERGIO SERSALIO

Paulus Moccia S. D. 29

Attentissime legi ac relegi, quam mihi misisti omnigena eruditione refertissimam dissertationem de Romanae Ecclesiae Patriarchatu, &, quod caput est, nihil in ea offendi, quod non ad obrussam exactum videretur. Rem enim ipsam ab ipsis incunabulis mira sedulitate, elegantique judicio repetitam animadver-

ti,

ti, atque ita ad perfectionis fastigium gradatim perductam, ut nihil supra. Praeterea dictio pura pura est, atque Augustae candorem aetatis munditiemque prae se fert. Verum illud te etiam atque etiam oro obtestorque, ut aequi bonique facias, quod, graece quae scripta erant mendose, aliaque paucissima, in quae scribae oscitantia errores irreperant, liberrime correxerim. Pro ea qua mirifice praestas humanitate, non despero fore, ut hanc veniam libenter impetrem. Ceteras quoque dissertationes, diligentia qua fieri potuit maxima, perlustravi, tantamque cepi voluptatem, ut utri sermoni, latiali ne, an Etrusco primae sint deferendae, iudicatu difficile existimem. Mira incredibiliter perspicuitate nitent, Tyrrhenique idiomatis verner ubique ostentant. Et, quod mirum est, ab omni fucatae dictionis ornamento omnino abhorrent. Maeste igitur animo, ac perge, ut instruxisti. Brevi enim ad eam pervenies virtutis laudem, quam tibi contentum studium, improbus labor, atque acerrimum, quo polles, ingenium certo certius polliceri videntur. Vale. Ex Aedibus Regii Ephebei postrid. id. Februar. CXCICCLIX.

STEPHANO PATRITIO

Regio Consiliario

Paulus Moccia S. D. 30

VBi hesternâ die accepi te filiolo, eoque scitissimo auctum, laetatus sum vehementer. Quodque salva tua incomparabili uxore id evenit, mirum quantum gavisus sum. Quare tibi gratulor, quod tanto bono cumulatus sis, quodque tibi Rempublicam novis pignoribus, tamquam quantivis pretii obsidibus obstrinxeris. Interest sane omnium e tantis parentibus liberos suscipi, quos utpote bonis prognatos, tum sponte sua, tum paternis auspiciis rite nutritos, uberrimos suo tempore fructus parituros quis desperaverit? Illos igitur ita fac tollas, educesque, ut te referant. Jam cives numeris omnibus absolutissimos, eosque publicae rei deditissimos habebimus. Quem enim fugit, quam tu egregiam naves operam communibus rebus, cum tuis amplissimis muneribus tam laudabiliter perfungaris? Vale. Ex Aedibus Regii Ephebei VI. kal. April. CIOCCCCXIV.

M.A.

MAXIMILIANO MVRÆNÆ

Paulus Moccia S. D.

31

EX quo te de facie cognovi, quem ceteroqui jam pridem de nomine noveram, tantum mihi metipse placui, ut nihil magis. Licet enim, quae litteris prodideras, satis superque, quis esses, ostendissent: ingenii sane foetus, animi imago sunt; tamen nondum animi mei impetus, flagranque tui cognoscendi studium conquieverat. Nescio quidnam amplius desiderabatur, quo omnino vori compos viderer. Hoc tandem forte fortuna domi Marchionis Galiani, viri insigniter de litteris meriti, accidit. Tum enim vero is mihi visus fuisti, quem te scribentem animo conceperam. Facilitate enim, morum probitate, animique aequabilitate tanta te expertus cognovi, quanta te praeditum esse haud temere divinando existimaveram. Cumulus vero ad meam de te existimationem accessit, ubi auream tuam laudationem in Fraggiannium τὸν μακαρίτην, virum memoriae immortalis, compositam mihi legendam tradidisti. Quantum Etrusce scires, quantumque fructus et latinis graecisque litteris hausisses, aperte intellexi. Haud enim innumera insignis Herois gesta, inclytaque facta orationis floribus convestire contentus, quot quantaque et veteribus monumentis repetita ad bene actam vitam magis magisque illustrandam pro re nata adspersisti! Et quod magis mirari subit, numquam veritati offecisti. Quae cum ita sint, qui te ex
ani-

animi sententia mecum agere mihi persuaserim, cum mihi per Dominicum Amatum mirae eruditionis, ac subacti ingenii virum, communemque amicum significas, tibi haud injucundum fore, si litteras ad te qualescumque, etiam nullo argumento, dedero? quid? te me ludos facere velle suspicer? Fractum potius illapsurum orbem crediderim. Nisi (ut mitius tecum rem transigam) id eo consilio facis, ut qualescumque mei erga te amoris benevolentiaeque testimonium extundas mihi vel invito repugnantique. Quod si ita rem se habere cognovero, te nedum unis atque alteris, verum sexcentis litteris obruam, atque, illud prorsus tibi usueniat, faciam, quod plerumque in cantoribus quotidie observamus. Quod si tuae expectationi minime responderint, ne gravatim patiaris, te obsecro. Alias, qui ferri poteris, si, quod tibi flagitanti morem gessi, id mihi vitio vertendum censueris? Dominicus Amatus, ac Marchio Galianus, quorum in ore pene habitas, quique te jure ac merito in sinu ferunt, tibi salutem plurimam impertiuntur, faustamque rusticationem precantur. Cura ut valeas. Ex Aedibus Regii Ephebei vi. kal. Novemb. ciorccclxiii.

M V T I O N O V E L L O

Paulus Moccia S. D.

32

EN ad te mitto epigraphen lapidariam, utinam non lapidandam! quam si hebdomadis sanctae tempore accepisses, bene tecum actum iri
E puta-

putabas. Vide, quaeso, quam naviter meam fidem liberaverim! illud vero non mediocriter ve-reor, ne non tuae expectationi responderim. Quod profecto mihi ita aegre foret, ut nihil magis. At pauculis versibus nullo omnino pigmento infuscatis, nihilque ostentationis redolentibus (cuinam later quam fastidiosi palati sis?) amicorum inopiam, qua isthic laboras, aëris intemperiem, solitudinis fastidium, congerronum caritatem, tandem hortulos ad normae rigorem confitos exactosque, quis, amabo te, expresserit? ille profecto dumtaxat, qui te argute cogitantem, pressequē scribentem exaequabit. Quare si aliena appetis, ut mutatis vel in deterius escis famem irrites; quidquid a tua expectatione votisque absolum offendes, aequi bonique facito. Qua quidem ratione si te mecum gesseris; quin epigramma benigne excipias, meamque voluntatem probes, nullus dubito. Vale. Ex Aedibus Regii Ephebei vi. kal. Mart. MDCCCLXII.

QVO

SVCCISIVIS HORIS

SOLITVDINIS MOLESTIAE LEVAMEN

LIBERIORE SI NON SALVBRIORE CAELO

PRAESTO FORET

MVTIVS NOVELLVS REI FAMILIARIS CAVSSA

INOPINANTER EX VRBANO RVSTICVS

HOSCE HORTOS NORMALITER EXACTOS

SIBI AMICISQVE PARAVIT

ANNO A. P. V, CICI^oCCCLXII.

MICHAËLI TESTAE

Paulus Moccia S. D.

33

HOc matutino, scholasticis exercitationibus absolutis, cum meo in cubiculo ad abacum de more sederem, calamum in manum sumpsi, ut aliquid ad te litterarum darem. Aliquantisper cogitabundus haesi, ut argumentum unde unde conderem, ne prorsus quidquid in buccam. Ecce tibi, tympanotribae exaudiuntur, qui e colle Lucullano descendentes copias, ad numerum pulsatis tympanis, praecedebant. Hoc mihi statim in memoriam redegit, quod Campolongo, communi amico contigerat, cum intempesta nocte inter silentia lunae, e Regia Theatro Pausilypum pergebat quosdam amiculos ex condito conventurus. Ipse enim, cum in excubias incidisset, rogatus, cui Regi incolumitatem optaret; tam putida responsione excubanti morem gessit, ut tantum non enecuerit. Memoriter omnem Regiam progeniem protulit ab avo atque atavo, & quod magis mirabile est, nullo omnino honorum titulo praetermisso. Rides? tanta memoriae felicitate respondit, ut, ne de scripto diceret, excubitori suspicionem non mediocrem iniecerit. In posterum, credo, valde cavebit, ne tales ad miraculum usque officiosos ad salutandum impellat. Historiam Regiae domus, tota quanta est, ne porrecto jugulo audire cogatur, non temere pertimescet. Neque tamen velim quidquam ita detractum amico quantivis pretii. Ab officio,
cui

cui unice atque anxie servit, id profectum arbitris, te rogo. Numquam enim non cinctus est, etiam cum decoquitur olus. Ita natura comparatus est, hoc est ejus vitium. Quid illi facias? nemo vitiis sine nascitur. Vtinam hujusmodi verucis omnes urgeremur! Per pauca, mihi crede, in amicis offenderemus, quae nobis nares corrugarent. A me Alumno tuo suavissimo festivissimoque, ejusque incomparabilibus parentibus, quos vere disciplinae exemplum appellaverim, salutem dicito plurimam. Campolongum etiam, insigniter de philologicis meritum, amicumque communem, meo nomine multum salvere jubebis. Cura ut valeas. Ex Aedibus Regii Ephebei
III. Non. Decemb. CIOCCCLXIII.

EMMANVELI CAMPOLONGO

Paulus Maccia S. D.

34

QUod propediem Massam Lubrensem una cum communi amico Cajetano Bronzolio petere constitueris illic ad paucos dies rusticaturus, laetatus sum vehementer. Quin imo id mihi dupliciter gratum prorsus accidit. Locum enim legere nequibas, quae natura sua, qua industria incolarum ac sedulitate amoeniorem, ut altera Tempe videantur. Praeterea eum comitem sociumque tibi adscivisti, qui ijs omnibus dotibus bonisque copiose praeditus est, quae verum, candidum, fidumque amicum ornent oportet. Quid? si ad isthaec omnia non modicae divitiae accesserint? Tum profecto nihil penitus

E 3

erit,

erit, quod amplius opretur. Qua de re illud non despero futurum, ut, quos constituistis dies, laetos transigatis. Quid ni? Locus, mutuus animus, incolarumque aurei mores, vestra in com-
moda amice conjurabunt. Verum illud ne gra-
vemini si vos monuero: animum ita facite ut
remittatis, ut aliquando in officium redigendum
cogitatis. Corpus praeterea ita procurate, ut ne
laboris impatiens evadat. Hoc non raro accidit
immoderate rusticantibus, ut prae eo ut acrius re-
vocent intermissas exercitationes, eas oderint de-
fugiantque. Cavete igitur sedulo, ne tamquam e-
qui impotentes frenum morsuri videamini, ubi
huc pugiliter valentes reduces eritis. Insuevisse
quidem voluptariae vitae malum est, ubi ad la-
borem necessario est redeundum. Curate igitur, ut
animo obsequamini, genioque indulgeatis ita, ut
rure tandem valere jussu, vobis iterum in urbe,
nimirum negotiorum in fluctibus vitam traducen-
dam esse existimetis. Quod si ita feceritis, re-
cordatio rusticana, quae hinc cum eritis, identi-
dem recurrer, nullam prorsus vobis molestiam fa-
cesset. Magno potius vobis erit levamento, si
quando inter laborum incommoda, negotiorum-
que fastidia, quam illic voluptatem cepistis, ani-
mo, memoriaque recoletis. Nam licet malorum
jam praeteritorum jucunda sit recordatio; tamen
dubitari nequit, quin beatæ vitae, & procul a
negotiis ætæ memoria jucundior sit putanda;
praesertim cum nobis integrum sit, quando col-
libitum fuerit, illam facili negotio revocare.
Εἰς λόγῳ: quae sponte relinquimus, ubi me-
minimus, voluptatem; quae inviti repugnantef-
que

que, molestiam pariant necesse est. Haec eo tantum consilio scripsi, ut ne, ubi redieritis, nobis morosi, difficilesque evadatis. Vale. Ex Aedibus Regii Ephebei kal. Octob. CIOIOCCCLXIII.

MICHAËLI TESTAE

Paulus Moccia S. D.

35

HEm! quid sibi latinum os cum Etrusco sermone, eoque eleganter numeris adstricto? Verum dicis, haud diffiteor: manus volens libensque do. Quin si tantum Etrusce pollerem, tantumque (quod pene ἀδύνατον ἐστὶ) daretur, ut vel ipsis linguae, nulli sine controversia secundae, parentibus oppedere possem, vix aut ne vix quidem tibi par pari referrem. Sane quidem, qui nervosum stilum assequar, ubi gravia persequeris? Qui fiet, ut non inficetum dicendi genus quis attingat, ubi ridicularia tractas, Bernioque ipsi salivam moves? Quis te liquidum aethera tranantem, inque nubes ipsas, ut Ὀμπρινῶς loquar, caput condentem consequetur, cum sublimia argumenta versare, peniculoque exprimere tibi collibuerit, quod non raro contingit? Quare haud despero fore, ut aequi bonique consulas, si pedestribus copiis (utinam satis!) instructus, pedestri sermone respondeam. Rides! Nonne, amabo te, Musa te solum voluit dicere dulces cantus Phillidis, pectusque Laurae mutuis bene fidum amoribus? Ecquisnam hoc, nisi illi sit offea facies, pudoremque abjecerit, pernegabit? Crede mihi, nemo non tibi lampadem tra-

E 4

det,

det, ubi tua carmina vel cursim legerit. Vale, meque, ut facis, ama. Ex Aedibus Regii Ephebei prid. kal. Maj. CIOIOCCCLXII.

EMMANVELI CAMPOLONGO

Paulus Moccia S. D.

36

POSTERO die, si superis placuerit, una cum Cajetano Bronzolio, omnium horarum viro, te conveniam. Quare jube sterni lectulos, & ea parari, quae hospitibus excipiendis necessaria videbuntur. Parochum te esse memento. Hui! num legatione libera impetrata iter facitis legatorum honoribus fruituri? Ita vero. Amicus plus legato est, si ita ipsum expertus noveris. Quid? fugit ne te φίλων παντα κοινά? Fac praeterea praesto sint culinaria vasa: ollae scilicet, ahenum, tripus, sarrago, craticula, veru, cochleare, battillum. Haud enim lucanicis tantum contenti, testa si adfuerit, jam mensa opipare instruetur. Hinc nobiscum pastillos, agninam carnem, haedos integros, botellos, caseum Parmensem, primariumque panem afferemus. Crede mihi, haud molestis hospitibus opprimēis. Interim faxit Deus, ut maris tranquillitas perseveret! Alias omnia consilia ad irritum recident. Quis enim insolens maris me cymbulae committam? Michaël Testa tandem aliquando precibus expugnatus hodierna die *Pollenam* petivit. Ipsemet infansulus Princeps una cum Comite Giannertio Neapolim venit. Cajetani verbis, & a me tuis rusticationis sociis, Acamporae scilicet, & ejus contubernali,

nali , animis Apollini amicis , salutem plurimam impertitor. Vale .

IDE LPHONSO CLEMENTI
DE AROSTEGVI

Hispaniarum apud utriusque Siciliae Regem
Oratori

Paulus Mocoia S. D.

37

LECTIS tuis eruditissimis juxta atque sale Attico refertissimis litteris , vix dici potest , quamdiu consilii incertus , quo me verterem , addubitaverim . Primo succurrebat mihi singularis tua humanitas , atque non vulgaris benevolentia , qua me sine gente homuncionem prosequeris fovesque . Hinc admotis veluti facibus , adaëctisque ad vivum stimulis incitari videbar , ut in tuorum promeritorum , officiorumque commemorationem , praedicationemque crepantibus ambabus buccis effunderer . Quem enim fugit , quae in me nihil tale merentem contulisti , quotque per te sum nedum affectus , verum etiam obrutus beneficiis ? Deinde attentius perpendenti , quae in me stilo Augusteo quidem aevo haudquaquam impari , sed falso nimis acrique effudisti , veluti frenum quoddam injectum est , ne latius expatiaretur oratio . Ita enim mecum ipse : num latet anguis in herba ? num infidum calco solum lubricumque ? num mihi imprudenti atque alia omnia agenti clanculum parantur insidiae ? Athenas

nas ne perrexisse malum? utrumne vinosus mihi obfuit Tejus vates Anacreon? Num ne docuisse, quod olim Columbae tabellarii vicem functae fuerint, Dominisque suis fideliter διηκονήσωσι, mihi fraudi fuit? Haec aliaque animum meum μελαγχολία tamquam spissa nubecula circumfufum subiere. Verum, ubi me paullulum recepi, fugientesque spiritus collegi; e tenebris ad lucem emerfi, quidque mihi humanissime significares, probe tenui atque cognovi. I nunc, atque Iberos tamquam forensibus rebus, jurisque vaftricie minime aptos accusato. I nunc, atque illos tamquam rudi minimeque fucato dicendi generi addictos ne vereare, atque veluti Lacedaemones alteros ab omni orationis pigmento, adscititiisque coloribus abhorrentes existimato. Immo meo iudicio, vel deposito pignore, callentissimos omnium schematum, troporumque, quos versatissimi, inque omnem formam se vertentes Oratores effinxere, autumato. Egone Domus tuae quietem, tranquillitatemque inturbavi, quod honestissimos adolescentes proprio quodam naturae munere ad omnia summa factos ad sacra Cecropia manu duxi? Habes confitentem reum: neque quaestionibus opus est, quo tormentorum vi veritas exprimatur. Egone illos abs te veluti e paterno sinu avulsos abstraxi, quod ita ad Graeca prosequenda hortatus sum, ut illorum amore incensi, cetera tamquam obsoleta, vieta, & cascata averferentur? Potius mihi oculos emungi sinam, quam adducar, ut ista pernegem. Egone in causa fui, cur Bartholis, Bardis, aliisque hoc genus vale dicerent? Vtinam, quod modo contigit, decem

decem ab hinc annis accidisset! o quam praetlar-
 rius secum actum fuisset, si, quod effluxit tem-
 pus, minime in tricis, gerris, apinisque consum-
 ptum fuisset! Quam melius sapuisset ipsis Vinnius
 civilis juris supra omnes retro auctores peritissi-
 mus, graeceque scientissimus! Minime quidem,
 ipsis inter legendum ore excidisset, ubi quid
 graecum occurrerat: *graecum est, non legitur*;
 tamquam si ingens vilus fuisset anguis, puerorum
 terriculamentum, ne facerent oletum. *Anguis*
est, ne pueri mejiſe. Vtinam quod per me alte
 descendit vulnus, altius descendat! crede mihi
 nulla γαστροδύτης opera indigerent. Vulnus e-
 nim ipsum alit saucii vires roboratque; & tan-
 tum abest, ut quis sanare velit, ut potius dili-
 genter curandum sit, ne obducatur. Quin istud
 vulnus, vel gladiatoriae saginae antefereendum,
 immortalitatem parit, utque nostris cineribus
 supersumus, committit. Quare abeant in malam
 crucem Galenus, Hippocratesque, suaeque sibi ha-
 beant pharmaca, curationesque. Nos enim no-
 stris malis haerere, atque immori malumus, quam
 illis utcumque emergere. Vtinam humanissime o-
 mnium, multo ante in me ista jamdudum conce-
 pta enutritaque effudisses! Vtique in id incubuis-
 sem diligentius, ut tibi, qui tam concinne lepi-
 deque irasceris (faxit Deus, ut semper ita suc-
 cenſeas!) gratias agerem verbis quam exquisitis-
 simis, tuisque litteris mihi expectatissimis tam-
 quam verae solidaeque benevolentiae fruerer mo-
 numento. Si concepta iracundia tantum parit
 boni, utilitatisque, irascere quaeso, iramque e-
 vomito non sine elegantissimis epistolis. Nonne
 isthaec

isthaec Archilocum celeri armavit jambo in Ly-
cambem, effecitque, ut versibus auro contra non
caris uteremur? Verum illud non concoquo,
quod ita tuis contubernalibus φιλελλήνεσι ute-
ris frueris, ut omnino meo conspectu collo-
quioque avellantur. Ergo ne per mensem so-
lidum solitudine hinc maceratus ipse solus dole-
bo, ringarque? Ergo ita illorum custos eris, ut
Draconis ad instar Hesperiiis malis servandis de-
stinari, omni me excludas aditu, accessuque? At
inquires, nonne te isthuc rusticatum invitavi, ut-
que quamprimum venias, hortatus sum? haud
difficior, gratiasque tibi ingentes ago, habeoque
immortales; verum ita nunc vivo, ut nonnisi
difficile loco cedere, aliquoque animum occupa-
tionibus delassatum aliquandiu remissum abire
concedatur. Quae cum ita sint, ita mihi in-
sensus eris, ut tamdiu me ipsorum absentia tor-
queas, desiderioque conficias? Quae tua huma-
nitas est, haud adduci possum, ut credam, te
ita gesturum, neque vel tantillum severitatem
remissurum. Ceterum, ut ut res erit, semper me-
cum praeclare actum putabo, modo tibi meum
consilium probasse non desperem. Commodum
haec scribebam, qualia ea cumque sunt, cum re-
pente pulsato ostiolo mei cubiculi commotus,
rogo, heus tu, quis es? En nec opinus Nicolaus
Algherius occurrit mihi, mutuisque persolutis of-
ficiis, quid scriberem, sciscitatur. Tuis responde-
re litteris subjeci. Statim subdidit, ni grave est,
meam ipsi salutem adscribito, meque, si diutius
hinc morari daretur, etiam illuc libenter advola-
turum. Male sit pecuniae, quae in causa est,
quo.

quominus iter aggrediatur. Credideris! coniungi vel paucis denariis ipsi perniciosum. Huius qui finis scribendi! Anne id ago, ut, quantum quantum tibi tempus a negotiis vacat, meis istis inelegantibus litteris nulloque sale conditis legendis impertias? profecto impudentis notam subirem, frontemque perfricuissem. Et tamen haec scripsi tanto obloquentium tumultu obrutus, ut, quid scripserim, nesciam. Quare te etiam atque etiam rogo obtestorque, ut haec qualiacumque ex tempore carptimque chartis illita aequi bonique facias. A me meis graecis *ἡμέτερος* sane quam diligentissimis, meisque supra fidem studiosissimis salutem plurimam impertitor; quod idem officium tibi, tuisque, qui hic adsunt Ephebi omnes una cum suavissimo beneque morato Nicolao Algherio persolvunt libentissime; nominatim vero Archintus *ἡμετέρος*, morumque probitate spectatissimus adolescens. Vale nostri saeculi, reique publicae litterariae decus atque ornamentum. Ex Aedibus Regii Ephebei VI. non. Octob. CXCICCLXI.

BENEDICTO CLEMENTI
DE AROSTEGUI

Paulus Moccia S. D.

38

L Vstrico clarissimi tui Patruī, fausta temporis circumactione, recurrente die, haec qualia ea cumque sunt, ad te scribenda omnino existimavi, ut tua vicaria opera officii mei partes praestarem. Haud enim sum nescius, quod is, qui

qui in omni vita ab aulicis tricus, atque morionum, maleque feriatarum hominum ambitione, fucatisque manuum prensationibus abhorruit, hodierna luce quam maxime undam salutarum confertim ultro citroque itantium declinet. Quamobrem, quandoquidem litteras non erubescere neminem praeterit, id illarum ope perficiendum curavi; & quo scriptori negatur adire, illuc ipsae, te tamen admittente, easque veluti manu ducente, penetrarent, ipsique licet pudibundo atque officiorum fastidioso se sisterent confidentissime. Quin ita futurum sit, haud dubito. Jamdudum, Benedicte auro contra non care, quanti me faceres, expertus cognovi. Te, te igitur duce, atque auspice non despero fore, ut meis flagrantissimis votis satisfiat. Neque te pigebit id facere, propterea quod adeant te opoballamo affatim perfusum, Gallice comptum, Angliceque vestitum, horridulae, impexae, pannisque obsitae. Haud enim ignoras quam acriter earum dominus urgeatur fortuna. Quod non vernacula lingua loquantur, ne mireris, quaeso. Namque Augusteus sermo, quoad fieri potest, usurpetur necesse est, ubi Augusti viri, Augustamque personam pro dignitate sustinentis est conspectus subeundus. Faxit Deus, ne maiestatis, licet morum suavitate attemperatae, splendore praestrietae concidant, metuque percussae obmutescant! Illi igitur annos Nestoreos, salutemque pancreaticam meis verbis comprecaminor enixe. Et, si tantum licebit, Benedicti praesertim opera atque beneficio, ipsi manum meo nomine adorete quam officiosissime. Cavete, quaeso, ne
quid

quid audacter, aut impudenter agatis. Oculos a Benedicto ne vel rantillum dejiciatis, vos rogo obtestorque. Quidquid ille nictantibus oculis indicaverit, illud peragite quam diligenter. Haud enim facile concoquerem, imo gravatim id ferrem, si officii mei partes impleturæ, jure ac merito inofficiosæ, audaculæ, atque inurbanæ apud illum, hoc præsertim die, audiretis. Abire ergo bonis avibus, meaque jussa adamussim exhaurite., Benedictoque humanitate, eruditione, probarisque moribus nulli secundo, ejusque erudito præceptori, ubi gratias, uti par est, exquisitissimis verbis egeritis, salutem meis verbis maximam impartiminor. Vale, meque, ut facis, ama.

E I D E M.

EN, quod tantopere, ac pene conceptis votis expetebatur, quodque curiosorum hominum expectationem fatigabat, jam abiit, momentoque temporis evanuit. Jam acta transactaque sunt omnia, atque expectatissima Pompa haud dubie cum veterum triumphorum (absit verbo jactatio) apparatione conferenda tamquam dies hesternæ præteriiit. Vbinam, amabo te, hodie sunt Equestrium cohortium turmae pulvere sordidæ, solisque aestu adustæ, clare strepentium tympanorum, tubarumque sonitu, agmine instructo procedentes? Vbinam fortissimi agminum Ductores equis generosis iisque magnifice phaleratis insidentes, aliis quoque honorariis, sumptuosis stragulis gentilitia signa auro argentoque eleganter inter-

intertexta referentibus , pone stipati? Vbinam annosus exercitus Imperator magna Centurionum, Succenturionum, Tribunorum, Primipilorumque corona circumfusus, qui tamquam copias lustraturus, sursum deorsum decurrebat non sine spectantis frequentissimi populi admiratione? Vbinam longus perpetuusque pretiosarum, splendorumque carrucarum ordo? Vbinam pompaticum carpentum Regio conspectu, Majestareque plenum, tanto auro collucens tamque affabre elaboratum, ut opus Daedalaecum esse videretur? En, ut fori sive ferrei, sive lignei, fenestraeque omnes, quae hesternae die prae ingenti innumerae multitudinis onere laborabant, nunc destitutae, solaeque prostant? En, ut viae vacuae sunt multitudine ultro citroque itante, & terra ipsa, quae heri gemere prae gravi pondere videbatur, nunc quiescit onere tanto levata, ac, pene dixerim, respirat. Sed nescio quid factum sit, ut id, in quo caput est, memoria exciderit. Quonam abiire epulae opipare splendideque instructae, & exquisita vina e longinquis oris huc advecta? Quonam saltationes, & choreae? tamquam aegrorum somnia evanuerunt. Evanuerunt? Quin imo tanta laxissimos heluonum ventres fastidia incesserunt, ut vel memoria ipsa pridiani cibi crucientur. Sane quidem, quanto aestuant calore, quam acri capitis dolore torquentur, quantaque somni difficultate laborant! Vel ipsae sollicitantes culcitae molli pluma infarctae, dura stramenta videntur. O quam bene nobiscum hesternae luce actum fuit, quam beari, quamque fortunati fuimus! Mensa excepti frugali, sed mellitissimo numquam satis lauda-

laudati Patruī tui sermone condita, nulli vel magnifice lauteque apparato convivio prorsus invidimus. Compruli quidem cincinnatique equites, primariaeque defuere matronae, dapilium mensarum ornamentum juxta atque incitamentum; verum nobis novenus adfuit chorus, junctaeque nymphis gratiae decentes, cana fides, religio, pietasque non sine auro contra non cara temperantia. Adde his carrucariam pomeridianam transvectionem non sine aprica per amoena palustria loca inambulatione, albo catello nos fideliter comitante, caudaque adblandiente. Sacchari sacra fames, quo non ipsos catulos rapis? Tandem, quid nobis redeuntibus jucundius suaviusque accidere poterat occurſu tui cordatissimi gravissimique Patruī aureo curru vehentis? quid optabilius, amabiliusque illo non expectato viatico colloquio? Nihil igitur defuit, quominus beati putaremur. Sibi igitur habeant parasiti epulas, convivia, crapulas, comestationes, salutationes, scenicosque ipsos ludos; nobis nihil extra nosmetipsos expetetur; quodque alii foris vestigant animum voluptatis cupidum exsaturaturi; nos si parvo contenti vixerimus, intus, domique nullo labore, nullaue omnino corporis mentisque jactura inveniēmus. Vide, Benedicte in paucis care, quo me impulit hypochondriacum virus, quo non leviter divexor atque arrodor, ut tamquam pro meo jure Ethica pertractem, virtutem scilicet collaudem, vitiaque insecter! utinam mihi constem, propositique tenax persistam! A me Patruo tuo priscae fidei viro solidaeque virtutis amantissimo salutem pugilicam, Nestoreosque an-

nos. Idem officium, ni grave est, tuo fido Achatati imperties meis verbis per quam diligenter. Vale, meque, ut facis, ama.

EMMANVELI CAMPOLONGO

Paulus Moccia S. D.

40

QUod meas laudes in te, tuumque immortalitate dignum Polyphemeidos opus rudi calamo congestas, pro ea qua es humanitate, aequi bonique feceris, gratias tibi ago maximas, habeboque immortales. Per mihi gratum accidit, te, qui tuo iudicio contentus tuto esse potes, ac ceteris praeluces, haud posthabenda censuisse, quae ex animi mei sententia, ac pro ingenii modulo de tuis carminibus latinis juxta atque Etruscis, chartis illeveram amicorum votis satisfacturus. Medius fidius, ita laetatus sum, ut qui praeter spem signum attigit. Distuli vero id facere, quia nescio quonam pudore impediēbar, quominus animi mei sensa in apricum producerem. Varia enim multaque mihi occurrabant, quae me a proposito deducerent. At vero illud inter cetera, ne arrogantiae jure ac merito insimularer. Tandem spectata satis animi tui modestia omnem mihi prorsus scrupulum exemit. Quare modo & illud addo, nec timide, tibi Polyphemeida tantum parituram honoris ac dignitatis, quanto ornatus auctusque omnium consensione fuisti, cum Mergillinem, seu Halieutica carmina Etrusca, quibus prosa oratione praeludebas, publici juris fecisti. Actio sincero, ut levissime dicam, si in vivis fuisset.

fuiſſet, ſalivam procul dubio moviſſes. Paſtores enim, qui uſque ad id temporis nonniſi meras oves, capratque crepuerant, te duce atque auſpice de pilcibus iſſque cujuſcumque generis, Nepruniaque familia univerſa ſermonem inſtituere haud refugerunt. Quandoquidem igitur tanti vales, illud cures velim, ut ſemper recentibus ingenii tui vere verſatilis ſcribis litterariam rem publicam ornare, quoad fieri poterit, contendas. Ita proſecto committes, ut ſuus utrique linguae nitor, ſuaque elegantia munditiesque ſarta recta ſerventur. Et, ſi recurrentibus quibuſque ſaeculis, quidam divino beneficio exſtiterunt praeſtantes ingenio viri, qui obſoleſcentem litterarum ſplendorem revocarent, tu certe is es, qui hac aetate ceteroqui florentiſſima, ne quid huiusmodi umquam accidas, praestiturus videris. Qua de re, ſi novis nos operibus ditaveris, nedum litteris ornamento eris, verum etiam valido firmoque illas tibicine, Atlas alter, ſuſtentabis. Perge igitur, quaeso te, operam tuam in commune conferre, ac publicae, quod in te ſitum eſt, utilitati fac proſpicias. Id enim honeſti ratio, id Patria, id amici, id denique univerſum hominum genus ſibi jure quodam ſuo poſtulant. Haud quidem nobis, ſed Patriae, amicisque nati ſumus. Neque te tui ipſius rationem habiturum putes, ni ceterorum exiſtimationi, bonis, commodis, publicis ſue rationibus utilitatibusque conſulueris. Quod ſi feceris, uti te haud dubie faſturum non deſpero, cumulatiſſime officio tuo non ſine ingenti reip. emolumento perſungèris. Marchioni Berio, meis verbis ſalutem plurimam

84 PAVLI MOCCIAE
impertitor . Vale . Ex Aedibus Regii Ephebei
prid. idus Septemb. CIOCCCLXIII.

DOMINICO AMATO

Paulus Moccia S. D.

41

JAm acerrimus capitis dolor, quo jam tertium
pene diem mirum in modum torquebar,
nedum levior factus est, sed etiam propemodum
evanuit. Idque neque cibi parsimoniae, neque
que bibendi abstinentiae, nec ipsis calidis Caffai
portionibus acceptum referendum existimavi; ve-
rum (ne vivam) tuae consuetudinis suavitati,
tuaeque lectissimae familiae non minus quam fe-
stivissimae urbanitati omnino debeo. Sane qui-
dem, quem vel moerore confectum curisque per-
ditum non exhilarassent tui liberi, cum scitis-
simo personati, nobis nihil tale opinantibus, in
medium prodire, belleque suas partes praestite-
runt? Imo neque muta contenti persona inerti-
que, ne statarii viderentur, statim variis salta-
tionibus, qua gravibus, qua festivis initium fe-
cerunt. Adhuc mihi ante oculos obversatur tuae
sororis filia vix quinquennis, quae pro aetatae
modo, ita Anglicum, & Germanicum saltandi
ritum moremque sane quam laboriosum, miraue
pedum celeritate absolvendum expressit, ut nihil
concinnius fieri posset. His accessit nec opinus
Canonici Crotoniensis Ecclesiae Cimeliarchae ad-
ventus, qui mihi jucundissimus laetissimusque ac-
cidit. Quid enim? Quod, vel te deprecatore,
me obtenturum desperabam, id ille mihi sponte
obtu.

obtulit. Nimirum ad suam mihi amicitiam adiutum aperuit, in quam jampridem me insinuare cupivissem. Ipse enim de litteris tantum meretur, quam qui insigniter, & morum probitate nulli concedit. Vide, quantum tibi debeo, tuisque! Qui enim prae dolore, quo mirifice cruciabar, vix somnum capturum eumque levissimum sperabam, nunc tua ope plusquam Machaonia ita valeo, ut & haec chartis illinere, & ceteris meis occupationibus aliquid temporis tribuere potuerim. Neque illud despero fore, ut, cum stata hora dormitum pergam, somnum, qui me alias reliquisset, quam facillime repetam. Credideris? dum haec scribo, jam paullatim non intellectus obrepit, meosque urget importunus ocellos. Quare jam faciam modum epistolae, quam verbosior ac longiorem animo conceperam. Tui enim Patruī, Crotoniensium praefulis laudes minime reticuissem. Nunc igitur te illud oratum volo, ut ipsi a me manum osculeris officiose, atque salutem peramanter nunties; quam etiam meo nomine tuis omnibus, atque Crotoniensis Ecclesiae Cimeliarchae, viro cruditissimo, meique supra fidem studiosissimo communicabis. Vale. Ex Aedibus Regii Ephebei 111. kal. Febr. CXCIXCLXIV.

Quamvis temporis a continentibus occupationibus, quibus in dies nescio quonam meo fato distineor, surripere potui, quod certe perexiguū fuit, id totum tui Patruī τῷ πατρὶ cru-

eruditissimis Dissertationibus legendis maxima cum animi mei voluptate impendi. Et ut verum ingenue dicam nihil non occurrit, quod non subactum omnijugena eruditione ingenium prae se ferret, nihilque quod non exquisitissimi palati virum liquido ostenderet. Vno verbo: a calce ad caput totus sapientia est. Huius quantam Scripturarum cognitionem, qualem quantamque SS. Patrum lectionem prodit, quotiescumque res postulat, ut ejusmodi testimoniis firmeretur. Quid Concilia commemorem? Canones illorum ita colluisse apparet, ut illi uni tantum studio operam navavisse omnem videatur. Si quid in illis obscurum offenditur, ita collustrat, ut, cavillis omnibus declinatis, Patres ita omnino sensisse, idque, cum illos conderent, animo imbibisse, affirmetur oporteat. Et tamen quis crederet? ita animi sui sensa aperit, ut nullibi non ejus modestia, docilitas, aequanimitasque luce meridiana clarius deprehendatur. Ita quandoque dissentit, ut non vitiligandi cacoëthi, discrepandique libidini, sed tantum veritati litasse videatur. Macte esto igitur, tantoque cum Patruo si superbiam sumpseris, nemo est, qui te illam merito sumpsisse negaverit. His accedit, quod tanta praeditus es virtute, tantumque tibi, editis cedro linendis operibus, honorem comparasti, ut non ab illo aliquid mutuatus esse ornamenti decorisque videaris; verum, quod acceperas, auctius cumulatusque effecisse jure ac merito ab omnibus existimeris. Haec modo scribenda ad te duxi, tum ut tibi pro merito gratias agerem, quod me nihil tale merentem tanto munere affecisti;

tum

tum ut tibi morem gesturus quid de illo sentirem, quoad fieri poterat, te facerem certiozem. Cum ceteras, prout orium erit, Diatribas legero (nunc tantum illam, in qua de esu Avium disputatur, integram lustravi, una cum iis, quae maleferiato Critico responsa fuerunt) iterum ad te scribam. Nunc ita scripsi, ut qui leonem ex ungue. A me Marchionem Galianum, Maximilianum, ac Campolongum, viros optime de litteris meritos, salvere plurimum jubebis. Vale.

SALVATORI SPIRITEO

Supremi S. Clarae Consilii a Secretis.

Paulus Moccia S. D.

43

Hesternae die vix me domum recepi; cum chartis illevi, quae mihi imperasti epigrammata in τὸν πόντον Joannem Baptistam Januissum. Huius tam cito. Certe quidem urinum ovum edidisti. Quis, malum, obcallefcere potuisset adeo brevi temporis intervallo? Ita prorsus factum. Qua fronte inficias iyerim? Verum ne ita quidem venia indignus videor. Is enim sum, qui imperata ni statim fecero, vix est, ut conquiescam. Quare te oro obtestorque, ut quae calente oestro effudi, obstetricantibus manibus foveas; quaeque rudia sunt, concinnes, aut iterum refingas. Interim voluntatem licet praeproperam aequi bonique facito, & quae corrigenda, aut mutanda autumabis, si amice significaveris, per

88 PAVLI MOCCIAE

mihî gratum facies. Vale, meque, ut facis, ama.
Ex Aedibus Regii Ephebei ix. kal. Novemb.
CICIDCCLXIII.

Amplissimum Praefecturae Commerciî munus

A Francisco Ventura

Ac deinde a Dominico Caravita

Publica privataque approbatione administratum

Ab eodemque sponte sua abdicatum

Quum

Ferdinando IV. utriusque Siciliae Rege jubente

Joannes Baptista Jannusius

Vir doctrina vigilantia celeritate ingenii

Miraque in rebus agendis dexteritate

Vsu atque consuetudine

Frequentium delatorum honorum

Comparata

Alacriter gerendum suscepit

Cives atque peregrini negotiatores

Ne tanti beneficii memoria

Intercideret

Has grati animi significationes

FER.

FERDINANDO IV.

Vtriusque Siciliae & Jerusalem Regi

Quod

Joannem Baptistam Jannusium

Summis quibusque honoribus usum

Oranis juris humani divinique scientissimum

Adeoq; ad impeditissima quaeq; negotia expedienda

Proprio naturae munere factum

Juri Dicundo

Cives inter atque peregrinos praefecerit

Univerfum negotiatorum Collegium

Beneficii magnitudine obstrictum

Domino indulgentissimo providentissimoque

Litterariis monumentis

Vtinam numquam intermorituris

Grates immortales

Devotum numini majestatique ejus

Perfolvit

CAJE.

90 PAVLI MOCCIAE
CAJETANO MIGLIORE

Paulus Moccia S. D.

44

Qvae recensuisti folia , jam accepi , praeloque committenda curavi. Mirum quantum gavilus sum , cum illa omni vel tenuissimo mendo carere , & quod magis est , ita interpuncta animadverri , ut nihil limatius , nihil elegantius , nihilque argutius optari posse videretur. Cetera , quaeso , ita fac percurras. Jam quidem illis tanta fiet accessio dignitatis , quantum tibi ornamentum attulerunt , quae tu tanto cum reipublicae litterariae bono , tuaeque patriae splendore ac gloria publici juris fecisti. Neque tui ingenii fetus quantivis pretii promulgasse contentus , qui , si non aliud , tibi illud pepererunt , ut inter Cortonenses Academicos ~~αὐτομάτως~~ cooptareris ; nunc improbo sane labore , ac sedulitate quanta maxima in id incumbis , ut Joannis Baptistae Vici , viri procul dubio omnis Minervae , opuscula ~~ἀνέκδοτα~~ , quam nitidissima elegantissimaeque in publicum emittantur. Age , quaeso , & meis hisce epistolis ~~αὐτοῦ~~ ~~χρῆμα~~ conscriptis aliquid temporis impertire ; & quantum otii tuis occupationibus , quibus continenter distringeris , subripere poteris , id totum mihi uni fac tribuas. Otiose profecto dormiam , si ita feceris , operamque te mihi tuam , quoad fieri poterit , dicaturum receperis. Vale , meque , ut facis , ama. Ex Aedibus Regii Ephebei xi. kalend. Majas
CICCCCLXIV.

FA-

FABRICIO PIGNATELLO

Paulus Moccia S. D.

45

Litteras tuas amoris, officii, humanitatisque
 plenas legi libentissime. Verum praeter mo-
 dum meam auxit voluptatem id, quod mihi in
 eis peramice atque benevole significasti. Laeti-
 tiis certe omnibus, non potui, quin gestirem,
 cum per te comperi Josephum germanum tuum
 natu minorem, jam clericali militiae mancipa-
 tum, die Virginis Purificationi sacro, Oratio-
 nem domestico in Sacello, coram frequenti au-
 ditorum corona, maxima cum laude habuisse.
 Atque eo vel magis gavissus sum, quod, quae
 hic divinando dixeram, jam existisse cognovi.
 Jam enim viridi in aetate praecox emicabat in-
 genium, qualisque futurus esset, apparebat. Ma-
 gis igitur esto tot tantisque progressionibus, at-
 que illud non desperet futurum, ut tanto sub
 magistro deinceps fructus industriae percipiat ube-
 riores. Quam bene cum Ecclesia ageretur, si ta-
 le ponerent tirocinium, qui sacrae inhiant mi-
 litiae. Qua de re minime miratus sum, quod
 merito Etruscis carminibus, iisque elegantissimis
 ornatus sit. A quonam, amabo te, non egre-
 gias laudes expressisset adolescentulus tenellula in
 aetate insigniter de interioribus litteris meritis?
 Gratulor igitur ei tantam felicitatem, quam ipsi
 Deus propriam perpetuamque saxit! Gratulor e-
 jus parentibus, quod gnatum habeant tali inge-
 nio praeditum, ut omnes uno ore laudibus effe-
 rant:

rant : postremo gratulor tibi , quod hujusmodi fratrem nactus sis , quem cum tute laudandum susceperis , omni prorsus privati commodi careas suspicione . Quod enim Etrusce ab eruditissimo viro , Hieronymo Episcopo , in ejus laudem compositum fuerat , id ita Latine , pene verbum verbo appendendo , transtulisti , ut , musa Latina prior , musane Tusca fier , difficile judicatu videatur . Quod vero tibi aegre fuisse dicis , quod haec non ante ad me miseris , quam publici juris fierent , id tanti non est , ut angaris . Imo pecces velim in hanc partem , modo tantum emolumenti Reip. eximiis ingenii tui scribis sis allaturus . Illud , extra jocum , te oro etiam atque etiam , ut , si per occupationes licebit , crebriores ad me epistolas mittas . Expectatissimae mihi accidunt atque jucundissimae . Valde enim te amo ob egregios mores tuos , tuum praestans ingenium , modestiamque singularem . A me Praeceptorum tuo salutem officiose , quam etiam meo nomine tuis parentibus , fratribusque omnibus tuis peramanter nuntiabis . Cura ut valeas . Ex Aedibus Regii Ephebei III. idus Febr. CIOCCCLXIV.

FRANCISCO DANIELI

Paulus Moccia S. D.

46

HOc matutino vix lecto surrexeram (licet dies multum processisset) cum mihi tuae expectatissimae litterae redditae sunt . Hui ! qui antelucano tempore tantopere delectaberis , ut , si quan-

quando opificum maturiore industria atque opera victus esses, vehementer doleres, nunc drepente somniculosus inersque usque ad ipsum diem stertis? Bona verba quaeso; iramque jam nase se se prodentem, paullisper comprimito. Statim, spero, illam ad Erebi tenebras abire jubebis, ubi, cur ita omnino factum oportuit, audies. Hesternae luce una cum universa ephebica familia, ne canibus quidem relictis, Casoriam commigravimus, dialem rusticationem peracturi. Quo ubi perventum est, e vestigio omnes diversi abire, diverse vesti. Partim enim asellis insidentes Averfam perreptaverunt; partim vero, iique palaestrae equestris scientiores Casertanum Praetorium concitatissimo cursu, veredis scilicet vehentes, petiere. At tu, inquires, quonam versus movisti? Solitaria rheda in municipium Frattense me contuli meos parentes jam grandaevos, innumerum nepotum numerum, Patriosque Penates, anniversaria itione, revisum. Magno illic opere laetatus sum, ubi illos offendi ita validos aequae atque floridos, & quod caput est, roseos, ut non jam senum, verum juvenescantium ora mihi intueri viderer. Diuturna illis Deus haec munera faxit! At quorsum verbosa istae oratio? Manes non possum unâ omnia. Vix dies ad umbilicum pervenerat, cum omnes dicta hora incolumes redierunt. En nulla interposita mora mensa parata fuit quam opipara. Hic qua fame omnia degustata, aut potius devorata fuerint, vel me tacente, tute potes assequi. Haud enim inambulationibus subter processissimas populos, uti mos erat philosophorum,

verum

verum praecipiti cursu omnes famem opsonaverant pene parasiticam. Credideris? integra usque ad ultima fercula permanit. Remotis primis mensis ad secundas vocati. Huc irritatiores atque aciores accessimus, quippe qui bellariis omnigenis, frigidisque sorbitionibus iisque ita concretis, ut varios ad vivum fructus, pisces, praefertim mullos, caseosque exhiberent, vinisque exteris invitabamur. Momento temporis omnia evanuerunt. Borussos ira percitos captum oppidum diutina obsidione eaque laboriosa victum avide direque depopulantes vidisses. Quae cum ita sint, permirum tibi videbitur, si, cui alias nigram epotare lucernae fuliginem volupe fuit, is ipse totam noctem usque ad ipsum mane stertuerit! Qui, malum, aliter pridianum cibum edormissem, crapulamque exhalassem? Atque haec haftenus. Quatuor Thylefiana exempla rustice glutinata apud me sunt, quorum jam unum ad Joannem Baptistam Caracciolum Aversanorum Antistitem perferendum curavi. Cetera vero mitram, ubi opportune & tuto porero. Vale, meque, ut facis, ama. Ex Aedibus Regii Ephebei XII. kal. Novemb. MDCCCLII.

P. S. Complicatam epigraphen jussu Melphitanorum Antistitis, mei supra fidem studiosissimi, ex tempore fudi. Tuo illam acri iudicio remitto, & quid de ea sentias, si scripseris, mihi quam gratissimum continget. Quanti enim te faciam, nemo ignorat. Iterum vale.

D.O.M

D. O. M

ET MEMORIAE THEODORAE BASTAE

HIC IVXTA OSSA CINERESQVE FRATERNOS

SEGREGÉ IN REQUIETORIO SITAE

CAELIBATV ATQVE INGENTI VIRTVTVM PENORE

SVpra SEXVM COMMENDATISSIMAE

PASCHALIS THEODORVS

SORORI CARISSIMAE ET INCOMPARABILI

AETERNVM MOERENS P

VIXIT ANNOS LX. M. . . D. . .

OBIIT XI. KAL. SEPT. CIDIŒCCLXII.

MAR.

MARCHIONI PASCHALI SANCTO-
SEVERINIO

Paulus Moccia S. D.

47

ADhuc mihi sapit, sapietque magis tua mel-
litissima epistola, qua mihi nedum rescri-
bere, verum etiam gratias quam exquisitis ho-
norificisque verbis persolvere voluisti. Eam pro-
fecto ego tamquam non vulgare tuae erga me
benevolentiae, eximiique amoris indicium ac mo-
numentum diligenter servabo. Atque haud scio
an edam, cum meae qualescumque litterae, pro-
re nata conscriptae, publicam hominum lucem
intuebuntur. Ita demum factum oportebit, ne
amicorum votis obfistere, expectationemque vi-
dear fatigare. Interim illud te rogo, ut, pro eo
quantum me facis, Latinis auctoribus operam na-
vare sedulam pergas, cumque illis, tamquam cum
tui, tuaeque dignitatis studiosissimis agere in de-
liciis habeas. Etenim hinc tua omnis laus repe-
tenda est, atque ad istos tuam omnem industriam,
studium, operam, sedulitatemque referas oportet.
Istos nunc diurna, nocturnaue manu versare, quan-
tum per aetatem licebit, haud te pigeat. Cum vero
tuo τῷ πάλῳ magistro duce atque auspice eos in san-
guinem & succum convertisse censeberis; ad grae-
cos auctores animum gradatim appelles. Nimi-
rum fontes ipsos repeteres, unde ad nos ingenuae
artes, scientiae, disciplinaeque omnes profectae
ad summum fastigium pervenerunt. En qui paul-
latim ad supremam adolesces eruditionem. Qua
tan-

tandem, uti spero, si praestiteris, cum profapiae claritate, tum tua non vulgari doctrina, Patriae tuisque eris ornamento singulari. Magno fortique animo fac sis igitur, nec laboribus deterreare. Nihil enim arduum, nihil difficile, nihilque impervium volenti. His accedit, quod id es aetatis, ut nihil difficultatis non exhauriri posse videatur. Iis praeterea abundas praesidiis domi, quibus facili negotio virtutem assequeris. Tuos tantum inspicie praestantissimos parentes: praesto jam tibi erit acutissimus stimulus, quo ad virtutem comparandam contentissimo cursu inciteris. Nemo enim est, qui nesciat, quam bene uterque de litteris meritis sit. A me illis salutem plurimam dices officiose, tuoque eruditissimo praeceptorum. Vale. Ex Aedibus Regii Ephebei prid. non. Jan. CIOCCCLXIV.

DOMINICO AMATO

Paulus Moccia S. D. 48

HEbdomadario penso, quod per orbem absol-
yimus, impeditus, quominus cum Campa-
niae Praefecto Nivanum irem, me jure excusavi.
Verum, qui tibi amicissime me vocanti repugnem,
qui pene in hac nostra vicinia habitare existi-
maris? Si hodie per tempus, quod vere piceum
est, & urcearim aquas effusurum minatur, carru-
cis prodeambulatum exeundum est, statim huc,
quamvis bene pransus potusque, convolabo. En,
cur isthaec fusius, quam par erat. Alias tibi di-
cto audiens fuisset, nihil omnino caussatus. Qua-

G

re

re me exspecta, atque ita exspectes velim, ut tibi non cum homine cibi parcissimo; verum cum edaci rem tibi futuram persuadeas. Integram famem ad carnem jurentam, aut potius offam affero, atque ita usque ad assum vitulinum opera perducetur. Te igitur para, utque tota festinet familia sedulo curato. A me suavissimo atque eruditissimo Crotoniensium Antistiti, tuaeque lectissimae conjugii una cum jucundissimis liberis salutem. Marchioni Galiano coram salutato ipse propinabo. Vale.

FRANCISCO DANIELI.

Paulus Maccia S. D.

49

Valde gratulor diligentissimo nostro Paulo Simonio pene Manutiis haud secundo, quod iis operis utatur, quae nullum emendationi locum relinquunt. Utinam eadem industria, eademque sedulitas ubique vigeret! Jam purgatissimi libri, nitidisque excusi typis manibus omnium tercerentur. Praeterea quam bene studiosae juventuti consuleretur, quae nescio quonam fato nonnisi mendosos libros magna cum operae industriaeque jactura pervolutat. Quare pro virili sollertem Paulum nostrum cohortare, quo neque sumptibus, neque laboribus parcat. Male fit festinationi, ac avaritiae, quae duo rem typographicam prorsus pessumdant. A me Marchioni Spiriteo viro τῷ πάλῳ, atque Paulo salutem, Vale. Prid. kal. Octob. CIOIAGCLXIV.

EM.

EMMANVELI CAMPOLONGO

Paulus Moccia S. D.

50

QVod Cajetano Bronzolio aedificii rusticani ichnographiam exaraturus ad radices montis Spinaei te comitem adjunxeris, non potui, quin id summopere probarem. Nam aperte ostendisti te illi laboranti amicum, cum eundem Surrentinam universam oram animi relaxandi gratia autumnalis rusticationis tempore peragrantem sectatus sis libenter. Hoc quidem amicitia postulat, id nos officium cogit. Quod si vero aegre tibi fuerit rheda convectorum fuisse instrumentis omnibus architectonicis instructa suffarcinataque; ut, ubi pedem poneret, haud esset omnino: in mentem fac, quaeso, revoces, qui, Surrenti cum esses, exceptus, acceptusque fueris, qui cubueris follicantibus certe quidem plumeisque culcitris, & iis in aedibus, ubi dofluariae & brachiatæ sellæ affatim prostabant, & tandem quibus honoribus affectus pene intumueris. Haec si memineris, quantum quantum incommodi subisti, jam tibi leve fiet, neque amico quantivis pretii subirascēris. At, inquit, isthaec quodam modo sunt ferenda (quis non det aliquid amicitiae?) verum illud quis concoquat, quod vel ipsius rhedae procurrentes vestes ita funibus erant obligati, quippe qui Circinos, Euthygrammos, Decempedas, Gromas sive retrantes, ceteraque architectonica ὀππῶνα sustinebant, ut nedum rheda, verum plauastro vectari videremur? Crede mihi,

G 2

fi

si vasa culinaria adfuissent, jam Scytharum in
 plaustis degentium speciem præbuissemus. At
 vero si illud cogitasses, te haud cum Saltatricu-
 la, aut Psaltria, ut nunc sunt mores, iter fecis-
 se, quae ni cisis umbella testudineata, velis se-
 ricis, lemniscis, plumeis pulvinis, crystallis, &
 scandulis instructo vehantur, vix est ut pedem
 quoquam efferant; verum cum viro Architectoni-
 ces callentissimo, quique adeo incommodis via-
 rum, siti, fami, pulveri, solique assueverit vel
 a teneris, ut ajunt, unguiculis, mirari desiisses
 omnino. Quin & illud meo monitu efficies, ut
 talem tantumque virum, tuis carminibus, quibus
 jam ita inclaruisti, ut ab axe Boreo ad Austrum
 tua fama merito personare coeperit, inornatum
 minime patiaris. Dignus enim est, qui postero-
 rum memoriae commendetur. Hem! quid ringe-
 ris? Nonne is ille est, quem antiquitas omnis
 caelo beasset, si illa in tempora incidisset? Ita
 factum. Sed haud mihi illa vis ingenii, & co-
 pia dicendi; neque ipsi animus egens laudum hu-
 juscemodi. Toto caelo erras, qui ita loqueris.
 Nemo est, quin a laudato viro laudibus ornari
 habeat. Vel ipse personatus Polyphemus scommat-
 is dieteriisque omnibus proscissus, ubi mutato
 sermone, te ad laetiora convertebas, Galateae
 benignam imponens personam, jam illico injuria-
 rum oblitus, ita laetitiis omnibus gestiebat, ut
 Jovi de felicitate bellum inferre videretur.
 Quare Cajetani laudibus si quid dicaveris opel-
 lae, vel subcissivis horis, quotquot reip. student,
 iis omnibus gratum facies. Ita quidem agatur
 oportet cum iis, qui publicum bonum unice spe-
 ctant.

stantes, quidquid privatum est, in postremis habendum arbitrantur. Cura igitur, ut quae te amice monui, accurate exhaustias. Ita dubio procul committes, ut tanti viri memoria apud posteritatem omnem numquam intermoritura perennet. A me illi officiose salutem impertito plurimam, quam etiam meis verbis germano tuo, Ecclesiastici ordinis ornamento singulari, ac Michaëli Testae communicabis. Vale.

COMITI CAROLO REZZONICO

Paulus Moccia S. D.

51

PRimas tres Anacreontis odas abs te Etruscis versibus translatas, ac pene ad verbum expressas, maxima cum animi mei voluptate legi & relegi. Quam belle, (licet sane quam diverso loqueretur ore) Tejus vates niteret, quamque vivi adhuc spirarent commissi fidibus calores, non potui, quin maximopere suspicerem. Ceteras quoque te missurum significas, antequam typis committas. Vere ut dicam, avide illas exspecto. Nam, perfecervisne illas, quas hoc in Regio Ephebeo tantum informaveras, an penitus refinxeris, novaeque methodo utendum censueris, id quidem certe scire quam maxime cupio. Quid enim? Quanti te, cum hic nobiscum esses, fecerim; haud te fugit. Hic tu mihi assiduus socius ac sodalis, tu mihi contubernalis eras. Tibi uni mea libraria supellex prae ceteris parebat, atque apud me privatim studiis litterarum, quibus incredibiliter incendebaris, operam navabas.

G 3

Mc

Me tandem auctore ac duce graecam linguam auspicatus, pene anni curriculo, totam percurristi. Percurristi autem? Imo & primum Iliadis librum soluto versu Italice vertisti, atque Anacreontem vario carminum μέτρον non sine laude atque omnium admiratione Etrusce reddendum suscepisti. Atque id nunc laetor vehementer, quod jam ita absolveris, quae hinc exercitationis gratia adumbraveras, ut quam primum promulgare decreveris. Perge, quaeso, neque incepto fac desistas; imo in id incumbe sedulo, ut rempublicam novis semper operibus illustres. Egregium enim natus divino beneficio ingenium, atque ad omnia summa factum, ita illo utaris oportet, ut patriae tuisque utilitati, ac litteris literatisque viris gloriae atque ornamento extirrisse videaris. Postremo, ut cetera desint, da operam, ut ita te geras, quo parente tuo, viro de ingenuis artibus, disciplinisque omnibus sine controversia praeclarissime merito, dignus existimeris. Cura ut valeas. Ex Aedibus Regii Ephebei kal. Maiis CIOIDCCCLXIV.

BENEDICTO CLEMENTI

DE AROSTEGVI

Paulus Moccia S. D.

52

QVod Heroum bene auspicatas nuptias graece, latineque (praefiscini) laudaverim, id in caussa fuit, cur apud tuum Patruum, tamquam ardelio, ac πολυπράχμων audirem. Bone

ne Deus ! quo progredimur , cum maledicendi cacoëthe incitamus ! Antehac mirum in modum traducebar , quod ventralium officinas , flabello-
rumque opifices non raro adirem , atque illic o-
tiosus nullam partem de solido die demerem ,
ignavusque veluti unus e forensi turba , tunicato-
que popello marcescerem . Abstiniui , quoad fieri
poterat , meque in Bibliopolia recepi , expertu-
rus , utrum hoc pacto carpendi ardor restinguere-
tur . Vix aliquot dies interquieveram , famamque ,
cujus non mediocrem jacturam feceram , jam me
reciperasse laetabar ; cum ecce tibi novum velli-
candi genus e faucibus orci erupit . Quod mari-
tas taedas , nuptialiaque sacra collaudem , non
leviter describor : Benedicite amantissime , pe-
ne rumpor ira , macerorque . Id quod Lex
Julia de maritalibus ordinibus , Lexque Papia
Poppaea sibi proposuerint , perinde ac si prorsus
nesciret (astutus !) ita in me invehitur , ut con-
ceptam iram numquam depositurus esse videatur .
Verumtamen faciat , quod lubet , per me licebit .
Namque patientia atque ἀδιαφορία id efficiam ,
ut praeacutum linguae gladium retundam . Quae
cum ita sint , te rogo , obrestorque , ut illum ,
quoad fieri potest , mitiges , mihique amiciorem
reddas . Profecto fieri poterit , ut metu , quo se-
re in singulos dies concutior , tandem confectus
tabescam . Tum , amabo te , quid fiet mea mi-
sella vetulâ ? Vide , quaeso , ut tanto malo op-
portune occurras . A me illi salutem plurimam
nunciato , ubi jam iram deferbuisse , ac jucundio-
rem induisse vultum cognoveris . Idem officium
praestabis meis verbis Lucae Machaonia arte prae-

stantissimo, ejusque suavissimis filiis, ac praesertim Michaëli Angelo forensibus technis ad miraculum instructissimo. Tandem illud etiam atque etiam te rogo, ut scitissimae Infantulae, in cuius os omnes charites, veneresque concessisse confertim videntur, salutem meo nomine impertias. Vale, meque mutuis apud Deum precibus adjuva. Ex Aedibus Regii Ephebei prid. idus April. CIOCCCLXII.

DOMINICO AMATO

Paulus Moccia S. D.

53

HAec cursim scripsi, ac vino somnoque sepultus. Vix enim e diali rusticatione reversus me domum receperam, cum mihi tuae jucundissimae litterae redditae sunt. In aliud tempus rejicere constitueram respondendi officium, metu ne praepropera officii festinatione inofficius existimarer. Quis pro dignitate tantum ad virum, cui tantum litterae debent, quam cui maxime, scriberem, omnigena ciborum, vinorumque copia ad nauseam usque refertissimus? Quis autem manum abstineas dubio prandio adsidens? tute, qui hac eadem luce opipara mensa exceptus es una cum eruditissimo Marchione Galiano, recte iudicabis. Tandem, qua fronte liberali convivatori adversaberis, qui continenter inter prandendum: hoc probum est: illud melius: istud recte curant servuli: hoc vero artificiose conditum: haec vitulina acipenserem sapit? Et tamen plaris mihi amici imperium fuit, quam certa meae

cxi-

existimationis, si qua est, quae certe perexigua est, iactura. En epistolam ad communem amicum Maximilianum Muraenam. Quin aequi bonique consulas, nullus dubito. Quibus enim temporis angustiis coercitus illam conscribillarim, probe tenes. A me Galiano salutem. Vale. P. S. Tuum Patrum Crotoniensium Antistitem a me plurimum salutabis. Iterum vale.

JOSEPHO DANIELI

Paulus Moccia S. D.

54

QUam me sollicitum habuerit tua adversa valetudo, quaque jam ad duos pene menses conflictaris, vel ex eo intelligere poteris, quod nullum ad te ventitantem abire siverim, quin, postquam de te quaesierim, tibi salutem meis verbis nunciare jusserim. Dolebam equidem vehementer te adolescentem bene moratum, praeclaraeque ad virtutem indolis, quique jam magnam tui expectationem concitaveras, jam eo pervenisse, ut pene jam a viris medicis de tua salute conclamaretur. Quanta modo laetitia affectus sim, cum te jam bene habere certis auctoribus accepi, tute facile judicabis. Atque eo magis laetatus sum, ubi relatum est, quod nedum vires, verum etiam corpus recipere occoeperis. Quare iterum in eam ingressus sum spem, qua praeteritis diebus fere decideram, nimirum fore, ut simul ac firma commodaque valetudine uti incipies, illa revoces studia, quae morbi causa intermisisti. Neque dubito, quin tibi perinde u-

su.

suveniat atque iis, qui rusticatum abierunt, qui statim ac lares quisque suos repetunt, acrius ad intermissa negotia animum convertunt. Interim vero illud te etiam atque etiam rogo, ut saluti parcas, animumque, quoad licuerit, remittas. A me tuo germano salutem plurimam impertire. Vale. Ex Aedibus Regii Ephebei IV. non. Octob. CIOCCCLXIII.

FRANCISCO DANIELI

Paulus Moccia S. D.

55

Elegantissimum juxta atque ad unguem perfectum clarissimi viri Josephi de Januario τοῦ μακκαρίου elogium, quod mihi dono peramanter dedisti, ubi perlegi, mihi temperare non potui, quin nulla interposita mora per litteras meam tibi significarem voluptatem. Quid enim? Virorum praeclarissime de litteraria Rep. meritorum, qualicumque data occasione, quantum in nobis situm est, memoria posteritati commendatur oportet. Sane quidem haud alia ratione fieri potest, ut erga illos, quibus tantum debemus, quantum vix aut ne vix quidem persolvi potest, si non referenda gratia, saltem habenda, officiosi gratique videamur. Quare, ne boni viri officium deseruisse jure ac merito redarguerer, quippe qui publicum bonum ipse unus oculis irretortis, atque ἀδιαφόρως intuerer, tibi gratias ago maximas, habeoque immortales, quod me nihil tale merentem tanto tamque singulari munere beaveris. Quid enim mihi jucundius, quidve optabi-

tabilius poterat contingere, quam viri ad miraculum eruditi elogium, nedum miro latini sermonis nitore; sed presso, nervosoque dicendi genere conscriptum; verum etiam veluti peniculo delineatum, atque ad vivum expressum contemplari? Accedit quod sapientissimus auctor ita illum, puerum, adolescentem, juvenem, senemque proponit legentibus, ut, qui is in omni vita vitia defugerit, qui que virtutem sedulo semper securus sit, sepositis partium studiis, veritatis unice studiosus, patefacere voluisse facili negotio dignoscatur. Quod quidem tum gnavum, diligentemque *βιογράφον* maxime decet; tum etiam peculiari quodam jure modoque in Aurelii vitam quadrare nullo non consentiente existimatur. Ita enim natura comparatus erat, ut veritati vel *πάσης οἰκωμένης* dominatum imperiumque posthabere; quam ne latum quidem unguem ab illa mallet aberrare. Quamobrem auctori praestantissimo, solertissimoque magnopere gratulor, quod ita laudationem *πολυμαθесаύτου* viri pertexuit, ut non solum Patriae monumentum aere perennius reliquerit; verum etiam universis exemplum solidae, minimeque fucatae virtutis ad imitandum proposuerit. Et quis scit, an tanti viri, postque fata majoris exemplo, tantis tamque doctis editis operibus, studia qua amoeniora, qua severiora magis magisque augeant, sacrationisque jurisprudentiae dignitas, ad illud splendoris culmen, fastigiumque perveniat, quo illam clarissimi viri legum callentissimi laudabiliter perduxerunt? Forsan hanc nostram aetatem, qua litterae refluoruerunt, tanta tamque incredibilia

bona

bona, commodaque manebunt. Faxit Deus Opt. Max. ut spes, in quam non temere ingredimur, exitu comprobetur! Marchioni Salvatori Spirito, viro subacti ingenii, omnijugena eruditione ac doctrina exculto, atque ad promovendas bonas artes disciplinasque, eorumque, qui iis inclare, memoriam ab interitu vindicandam proprio quodam naturae munere facto, meis verbis salutem plurimam perofficiose impertitor. Vale, meque, ut facis, ama. Ex Aedibus Regii Ephebei postrid. non. Decemb. CIOIOCCCLXI.

**BENEDICTO CLEMENTI
DE AROSTEGVI**

Paulus Moccia S. D.

56

Quae solido virtutis fundamento nititur amicitia, atque mutua benevolentia, officiisque ultro citroque culta confirmataque est, haud patitur, ut locorum intervallo, mariumque interjecto spatio vel tantillum oblitteretur, minimeque frigescat. Quin mutuis litteris, quibus perbelle absentium veluti colloquium, commerciumque servatur, ita plerumque augefcit, ut de locorum distantia haud conquerendum videatur. Absque enim eo esset, quam alia re, amabere, a feris differemus? Quae sentimus, ita litteris concredimus, itaque consignamus, ut cum amicis colloqui, inambulare, ludere, confabulari, epularique videamur. Quare licet urbe absitis, rusticationeque fruamini; tamen ita mihi adestis, ut animo vestra spectra assidue observentur.

tur. Quod profecto immensum crescet, atque praeter modum voluptas cumulabitur, si a scribendo minime cessaverimus. At, inquires, enecat rusticantes vel leve defunctoriumque studium, pensumque vel rudi calamo absolvendum. Haud diffiteor, manusque darem, si seria, graviaque scripturus, animo, cui isthic liberiores laxantur habenae, vis esset inferenda, quodque exaratur, ad trutinam esset revocandum, tamquam acerrimorum judicum examen subiturum. Quid, si chartis illinendum, quidquid in buccam venerit, nullumque epistolae conquirendum argumentum? Quid, si scribendum, quod edentula anus suburban Domina, diligentius attentiusque solito uvis carpendis operam det, caveatque, ne racemus quidem depereat; quodque excubiarum ritu tamquam e specula circumspiciat, ne quis pirum, malumque punicum suffuretur? Quid, si scribendum, quod scitissima coqui filia cum elegantissimi lepidoque Michaële inter prandendum alterceatur, pugnâque victrix discedat, tuo suavissimo Patruo plaudente, cachinnosque tollente? Haec aliaeque hujuscemodi suppetent, si meam hic solitudinem commiseratus, me nihil tale merentem recreare volueris. Verum haud tale se mihi nunc offert argumentum, cum tuo fidissimo Achatu ea sim persoluturus officia, quae vel Tullianam vincunt eloquentiam. Lustrico enim ipsius die recurrente, unde exordiar, nescio. Annos ne illi Nestoreos adprecer, an Croesi divitias, Attalique? Thiarum, trinamque Coronam, an vero animi tranquillitatem nullo adversariae fortunae impetu perturbandam? En ad tempus Veni-

nusinus Vates auriculas mihi velleis me monet, ut ipsi mentem sanam in corpore sano usque ad extremum senium enixe exoptem, Deumque O. M. obsecrem, ut haec ei munera propria faxit. O factum bene! Nescio quo modo mea cetero qui jactata navicula, fluctuumque impetu perculsa tantum tamque immanem scopulum incolumis sit praetervecta. Profecto, qui Horatio dexter adstitit Apollo, cum a garrulo conficeretur, idem me servavit, tantoque eripuit periculo. Qua de re si hujusmodi tibi argumenta pertractanda proponerem, utique iniqui putidique viri nota inurerer, meritoque vellicarer. Sed jocularum, tricarumque satis. A me Patruo tuo mihi oculis ipsis cariori, quemque intimis animi mei sensibus nedum diligo, verum etiam amo, salutem Athleticam, rusticationemque faustissimam, optimeque ominatam. Meo quoque nomine Michaëlem Angelum non injuria tanto insignitum nomine plurimum salvere jubebis, vitamque corniculae comprecaberis. Vale, meque quam devinctissimum tibi existimato. Vale.

P.S. Aloysius Archintus tuo Patruo, tibi, tuoque praeceptori salutem plurimam impertit; idemque officium praestato, ni grave est, iisdem nomine omnium Regiorum Epheborum, qui, cum jam jam complicarem epistolam, me, ut id ipsorum verbis adscriberem, etiam atque etiam rogarunt. Iterum vale.

DOMINICO AMATO

Paulus Moccia S. D.

57

L Vstrico tuo recurrente faustissimo die, ea tibi intimis animi mei sensibus ab omnium bonorum largitore Deo precor, quae mihi conjunctissimo amico conceptis votis exoptarem. Quid, si hunc litterae qua politiores, qua severiores ad miraculum usque una cum aureis moribus excolerent? Tum quidem certe nihil prorsus esset, sive dignitate, sive pretio, seu quovis alio nomine commendabile, quo non cum dignum existimarem. Is tu profecto es, amice in paucis care: in te haec omnia examussum conveniunt, quippe qui unus omnium praeclarissime de litteris disciplinisque cunctis mereris. Et quod caput est, ea tu es modestia, ut, tum cum maxime laetaris, gaudioque exultas, cum ceteros sefellisse videris. Maecte quaeso isthac non vulgari virtute, ac de te ipse demisse sentire pergit. Ita profecto fiet, ut cum tibi numquam satisfacias, nobis in dies operosioribus ac utilioribus summi ingenii tui scribis etiam atque etiam satisfacias. Doleas per me licebit, quod tenui sis ingenio: modo in litterariam rempublicam tot tantaque bona ab ista tenuitate profiscantur. Illud vero meum est officium, ac non sine maximo piaculo hac praesertim fortunatissima luce Divo Dominico sacra defereretur, nimirum Deum O. M. enixe orare, ut tibi Nestoreos annos benigne impertiatur, teque non tibi

bi tuisque, sed bono publico natum quam diutissime incolumem sospitemque tueatur. En tibi ceteros ingeniosae educationis tomos mira prudentia referros. Societatis vero nova omnino elementa atque usque adhuc, quod sciam, intacta nondum absolvi. Mirum quantum omnigenis occupariunculis in dies singulos distringor. Vale.

ANDREAE FARINAE

Paulus Moccia S. D.

58

Lectis tuis melle Hyblaeo dulcioribus Hendecasyllabis, tuis, inquam, quia te duce atque auspice ab alumno tuo concinnata elucubrataeque sunt, non potui, quin summopere tuam prope divinam industriam atque in erudiendis adolescentulis dexteritatem collaudarem. Proh superum fidem! tam brevi tempore (nondum enim annus effluxit) tantas istos tuos auditores progressionem fecisse, ut publicam lucem editis carminibus intueri minime vereantur? Vereantur autem? imo jam sine cortice nare posse crediderim. Qua de re gratulor Fabricio, quod jam hominum expectationem superarit. Gratulor praeterea tibi, quod pene jam laborum fructus uberimos perceperis. Gratulor tandem fortunato Parenti, quod eos nactus sit liberos, quos sibi magno ornamento futuros nemo omnium est, quin augureretur. Quoad impressionem spectat: titulus idem retentus est, quippe qui ad rem erat. Editio curata est quam diligentissime. Nullum omnino

mnino mendum irrepsit. Exemplaria ad centum & viginti excusa sunt, quorum duo apud me sunt. Cetera tradidi servo, prout iusseras, una cum elencho impensarum, tum quoad impressionem, tum quoad compactionem. Quo ipsemet typographo deferret, mandavi. Tandem & illud eidem non vulgariter commendavi, nimirum ut quam accurate illa compacta tela cerata operiret adversus pluviarum lutique injurias. Hugo Petra eques quantivis pretii tuis alumnis, quo salutem ejus nomine adscriberem, mihi praecepit, non sine querimonia intermissionis litterarum. Conquerebatur enim suis litteris responsum minime fuisse. Vale. Ex Aedibus Regii Ephebei post. non. Octob. C1713CCLXIII.

E I D E M.

59

Quod omnia exempla elegantissimi Phaleucii Fabricii Pignatelli tui alumni tradiderim, praeter duo tantum, in causa fuit metus, ne tibi isthic deessent. Nec temere. Quis enim non illa ambiat ac deosculetur? Praeterea gratias tibi Fabricioque ago, quod qualemcumque meam curam, quam illis edendis corrigendisque impendi, acqui bonique feceritis. Haud vero est, quod doleas vocem *adprecatio* minime in Lexicis inveniri. Num te fugit illud Venusini vatis? *vite Deos prius adprecati*. Quid non inde *adprecatio* sponte sua fluat? Qui Tabulas Heraclenses, ac commentarium Alexii Mazochii, viri de antiquitate praeclarissime meriti, vel leviter legerit, id liquido intelliget. Proh quor quantasque voces

H

illic

illic deprehendimus, quas temporis injuria ob-
ruerat! Cui umquam notum vocabulum *Lani-*
stitium? Et tamen illinc erutum est. Quot grae-
cae dictiones in lucem prodierunt, quae ad duo
millia annorum in tenebris delituerant? Quare
bono fac sis animo, ac suspicionem omnem a-
molitor. Atque id eo vel magis, quod jam trun-
cus existit, unde proles subolescere potuisset.
Quam complicatam misisti epistolam, jam ad
tuum germanum perferendam curavi una cum
exemplo Hendecasyllaborum, quod penes me e-
rat. Qui enim epistolam tuam pertulit, janito-
ri ubi tradidit, abivit. A me excellentissimo
Principi, ejusque suavissimis liberis, ac nomina-
tim Fabricio, salutem plurimam nunciato. Vale.
Ex Aedibus Regii Ephebei x. kal. Novemb.
CICIDCCLXIII.

E I D E M.

60

HEm! tanta te nec opinum corripuit fames
epistolaris, ut continenti perpetuoque lit-
terarum commercio non modo non minuatur,
verum etiam in dies magis magisque ingravescat?
Vt verum ingenue fatear, animo concidi, ac
vix mihi tantum virium inesse cerno, quā tam
improbo labori sufficiam. Et quod magis mira-
bile est, si quando, vel tabellarii incuria, vel
temporis causā, epistola forte deest, ita ringeris,
tamquam de bonis, fortunis, ac capite ipso aga-
tur. Vel ipso rusticationis tempore, cum nemo
non animum relaxat, conqueri ausus es, quod
scribere vel semel intermiserim. Parce, precor, a-
mico

mico non exiguis occupationibus distento, ejusque non firmissimae valetudinis rationem habeto. Illud cogites velim, quid meis fiet, quorum innumerum pene numerum nosti, si quid mihi humanitus contigerit? Quare brevibus litteris, iisque levi calamo scriptis contentus esto. Haud enim ex illis, qui scribam; verum qui te amem (amo equidem te intimis animi sensibus) intelligas velim. Quod si ita te gesseris, qualicumque te epistola, tamquam promulsae dumtaxat conficiam. Hic Novemdialia indicta sunt, ac interim Theatra omnia constiterunt, Poloniae Regis morte. His exactis, iterum scena resumetur. Vale.

MARCHIONI SALVATORI SPIRITEO

Supremi S. Clarae Consilii a Secretis

Paulus Moccia S. D. 61

Forensem vafritiem, caussidicorumque tricas semper juxta atque pestem externamque luem averfatus sum. At vero iis loco uti, non ultimam sapientiae partem existimavi. Quidquid enim intra recti aequique fines sistit, modumque non excedit, commendabile est. Haud te derinebo pluribus. Hodierna luce multis capitibus fausta, ac eo etiam nomine, quod tuus lustricus dies recurrit, si ad te, quem ceteroqui semper comem, humanum, affabilem, benevolumque expertus sum, ipsemet de more venissem, haud scio an admissus essem. Statim profecto ac

H 2

Pro-

Procaetonem ingressus essem, illud audissem per admissionum Praefectum: *Herus, bui! quos negotiis districtus ringitur! summo mane e lecto surrexit, & necdum ostium crepuit. Ni fallor, ad abacum assidet hesternum momentosum negotium expediturus. Redi cras, perendie. Credideris? ne per nos quidem pretiosioribus vestibus indutos (vident!) se saluari passus est. Ita saluatorum molestam turbam exsecratur.* En quae mihi aulicae vitae peritissimo (jam enim ad XIV annum hoc saxum volvo) responsa fuissent reddita, devoratis jam declivibus tuarum aedium gradibus, vixque spiritum ducenti. Quare aliam mihi viam incundam duxi, quo voti compos, pene sine ullo labore, evaderem. Ad rudes ac molli brachio fufas litteras tamquam ad anchoram confugi. Hic certe nulla caussa, hic nullus color, nullusquo emendicatus praetextus per admissionalem Praefectum in medium proferri potest. Haud temere litteras aedibus extrudit; neque ita suae famae, ac commodi parum sollicitus est, ut Hero illas non exhibeat. Timet astutus, ne quid momentosum in illis agatur. En, qua plerumque est imperitia ac bonitate (ignarum fere atque ignavum hominum genus hoc munere fungitur) litteras excipit, suisque ipsius manibus eas Domino officiosae turbae, eo praesertim die, fastidioso libens sistit. Caperabit interea ille frontem, atque ore distorto pedes supplodet. O maria! o caelum! o terra! iratus clamitabit. At vero ego voti compos laetitiis omnibus exulto. En, cur per litteras ea tibi ex animi sententia opto, quae coram tibi, manu prius rite adorata,

ta,

ta, ab omnium bonorum largitore Deo enixè
 essem precatus. Haec igitur absentis officia ac-
 qui bonique consulito, atque ita velim agnoscas,
 tamquam praesens praesenti detulissem. Vale.
 Ex Aedibus Regii Ephebei postrid. non. Sextil.
 CXCDCCLXIII.

EMMANVELI CAMPOLONGO

Paulus Moccia S. D.

62

A Isne Ludovicum germanum tuum de Phi-
 lologia praeclare meritum usque adeo non
 abhorre a meis litteris, ut illas etiam in de-
 liciis habere coeperit? Quod illas, te hortante,
 vel leviter ac defunctorie legisset, id mihi tanti
 fuit, ubi per te comperi, ut nihil mihi amplius
 optandum videretur. Nunc, qui exultaverim,
 quantaque perfusus sim laetitia, postquam rescivi,
 eas & ipsi sapere, atque aliquo in pretio ha-
 beri, tuum iudicium esto. Tanti profecto illum
 facio, tantumque ipsi jure ac merito tribuo, ut,
 si ejus in iudicio dumtaxat acquievero, omnium
 iudicio me niti, non temere existimem. Qua de
 re te etiam atque etiam oro obrestorque, ut il-
 li meo nomine gratias agas, quod de me tam
 honorifice senserit, quodque meam industriam
 sua aequanimitate ad scribendum auxerit. Atque
 ita prorsus fiet, ut, si quid publice profuero,
 (absit verbo jactantia) ipsi primum, tibi-
 que deinde acri impulsori, omnino acceptum referen-
 dum esse videatur. Admotis veluti facibus me
 indormiscentem excitastis, utque publicam homi-

num lucem intueri audeam, pene jam effecistis. Bone Deus! haud contenti Remp. litterariam per vosmetipsos operibus immortalitate dignis ornasse, ceteros quoque, quo pro se quisque ad idem faciendum contendant, cohortari non desinitis? Pergite, quaeso, ac vestro exemplo, quo mirifice universis praelucetis, viam ad virtutem, quam asperam salebrosamque vulgus existimat, quoad fieri poterit, expedit. Vobis enim praeceuntibus, nemo erit, quin se itineri committat, ac, difficultatibus exhaustis, eo brevi perveniat, quo nullo comite ac praemonstratore se perventurum desperabat. Interim Deum O. M. enixe precor, quo vos & natura & studiis vere germanos publicoque bono natos quam diutissime sospitet, ut cunctis ad virtutis aditum procedentibus, quam diutissime facem praefertis. Dominicum Amatum, Cajetanum Bronzoli, ac Dominicum Malarbium, quos plusquam oculos meos amo, meis verbis plurimum salvere jubebis. Vale. Ex Aedibus Regii Ephebei prid. kal. Octob. CXCICCLXIII.

IDELPHONSO CLEMENTI

DE AROSTEGVI

Hispaniarum apud utriusque Siciliae Regem
Oratori*Paulus Moccia S. D.*

63

LVstrico jam tuo illucescente die, novis votis nuncupandis supersedebo. Illud vero Deum O. M. enixe oro, ut, quae praeteritis annis pro tua incolumitate volens libens suscepi vota, illa firma rataque esse patiatur. Ipse enim id pro virili petieram, ut te, semper, novis honoribus auctum, fospitem tueretur, tuique fratris filium, tibi oculis ipsis cariorem, recte valentem amplissimis dignitatis gradibus ornaret. Idque exoravi. Qua de re tibi gratulor, quod optatis potitus es; mihi vero gaudeo, quod jam voti damnatus sum. Persolutis igitur, uti par est, illi gratiis, a quo tanta bona profecta sunt, quemque deinceps majora tibi tuisque largiturum confido, tandem ei majore hostia litabo. Vale. Ex Aedibus Regii Ephebei x. kal. Febr. CIOCCCLXIV.

EN tandem divino prorsus consilio factum est, ut, quae invidum sane, rerumque omnium edax tempus tamdiu hominum genus celaverat, densisque tenebris circumsaepa tantum non absumpserat, hoc fortunatissimo saeculo, ab interitu vindicata, publicam in lucem prodirent. Ad CC. annos & amplius, clarissimi ANTONII TELLESII quantivis pretii Opera deliruerant, situque pene corrupta marcuerant; &, quod caput est, nulla affulgebat specula fore, ut e tenebris emergerent, squaloreque deterso hominum conspectum lucemque intuerentur. Quodque desperatum profecto, atque conclamatum opus videbatur; illud, te uno, quali quantoque juvene! accurante, & expeditum est celerrime; atque ad exitum perductum quam felicissime. Ipse enim nulli peperisti labori, nullas non exhaustisti difficultates, nihilque tandem intentatum reliquisti, quo omnia penitus laudati Auctoris Opera undique diligenter conquisita corraderes, inque unum coacta volumen promulgares. Quantum vero operae pretium feceris, quamque fructuose operam collocaveris tuam, is haud dubie intelliget, qui vel defunctorie tanti viri, tamque praeclare de litteraria republica meriti divinas lucubrationes percurrerit. Tot quidem, tantisque abundant ingenitis bonis, iisque in oculos nulli non incurrentibus, ut, quid prius mirere, quidve posterius,

am.

ambigas oporteat. Tanta enim se prodit elegantia, puritas, nitor, tantaeque enitent venteres, ubi prosa utitur oratione, ut nihil cultius, nihilque ornatus optari posse videatur. Quod si ad ea, quae metro adstricta scripsit, oculos animumque converteris, mirum profecto erit, si tibi constiteris. Jam ad ea te derepente tempora, nescio quam occultata vi, impetuque pertractum, ac sensim sine sensu translatum intelliges, quae Landinum Vatem, Venusinumque Alumnum tulerunt. Absit vero, ut isthaec inter paradoxa amendantur. Siquidem ANTONII TELESII elegantissima juxta atque purissima Poëmatia ita Achillis Statii, ac postea Josephi Scaligeri (proh quam emunctae naris viros, quamque sagaces!) oculos praestrinxerunt, ut illa tamquam diu, seu temporum injuria, sive hominum inertia atque incuria, tenebris conspulta, demumque eruta atque vitalis lucis usura iterum donata, jure postliminii Cassio Parmensi vindicaverint. Neque σφάλμα τῆτο ἀναχρονιστικόν detectum patuisset, ni ipsemet Sertorius Quadrimanus, qui Achilli Statio imposuerat, sive dedita opera, sive imprudens in quadam epistola ad Franciscum Baronem, qui tum in philologicis facile primas ferebat, quae inferne posuimus (†), scripsisset. At enim cui hoc acceptum referendum est? Incompara-

(†) QUATTROMANTI (*Lettere lib. I. lett. XIII.*) Avrà V. S. con questa un' altro Poema dell' istesso TELESIO intitolato da lui *Orpheus*, il quale è così dotto; e così maraviglioso, ch' egli medesimo vi scrisse sopra: *hoc imprimatur, omnino*. Veggialo con diligenza, che il giudicherà tale, quale è stato giudicato dagli altri.

parabili profecto tuae industriae, atque ἀκαμάτῃ
 ἀρχαιολογίας studio, quod pene una cum ipso la-
 ste hausisse videris. Jam vero, ut omnia omni-
 bus numeris absolveres, operique feliciter ince-
 pto, atque ad umbilicum laudabiliter perducto
 coronidem imponeres, quae ceteri sparsim, pro
 re nata, atque aliud agendo de ANTONIO TE-
 LESIO litteris consignata reliquerunt, ea Tu,
 tamquam Absyrti disjecta membra naviter colli-
 gens ita affabre compegisti, ut uno prorsus te-
 more continentique serie, atque ab uno eodem-
 que auctore profecta & exarata esse videantur.
 Proh quale & quam versatile ingenium! Ec-
 quid enim, amabo, est tam retrusum, quod non
 luce meridiana clarius reddis? quid tam a vul-
 gari cognitione remotum, quod non ita facile
 assequeris, tamquam si de trivio, nulloque labo-
 re peteretur? Postremo, ne longus sim, omnibus
 his unum tantummodo addam, quod nemo, ni
 fallor, negaverit, nimirum te ita purum putum-
 que aureorum Scriptorum dicendi genus probe
 callere, ut nativo puritatis candore atque ele-
 gantia, quaecumque publici juris fecisti, se com-
 mendare videantur. Haec me neque assentandi
 cupiditate, neque veritatis insulcandae gratia
 scripsisse; sed tantum ut quae sentiebam ingenue
 aperirem, neminem omnino fore confido, qui in-
 ficias sit iturus. Jampridem animis omnium,
 quibus cor sapit ac palatum, ista insedit opi-
 nio, te supra tenerae aetatis vires, ea istud ae-
 tarulae edidisse ingenii experimenta, quae non-
 nisi a consummatae litteraturae viro, eoque su-
 basti ingenii exspectari posse videbantur. Qua
 de

de re te etiam atque etiam oro obtestorque, ut haec, qualia ea cumque sunt, aequi bonique consulas, tibiue persuadeas, me tibi, tuaeque famae tantum esse addictum, quam qui maxime. Quod si feceris, uti non despero te facturum, me tibi beneficii memoria devincies sempiterna. Marchionem Salvatorem Spiriteum, virum omnigena, qua ad miraculum usque excolitur, eruditione, huiusce saeculi lumen ac ornamentum, cuius quotidianae consuetudini tantum debes, ut, quidquid es, te illius ope affectum non injuria prae te feras, a me si plurimum salvere jusseris, per mihi gratum facies. Vale. Ex Aedibus Regii Ephebei kal. Mart. CIOIOCCCLXII.

BENEDICTO CLEMENTI
DE AROSTEGVI

Paulus Moccia S. D.

ENimvero perii, actum est de me, conclamatumque. Calamitates enim, quibus non mediocriter conflctor, non modo hominum animos non tangunt, neque misericordiam cient; verum etiam, quod pejus est, illos efferratiores faciunt, solitoque immaniores. O tempora! o mores! Nec opino correptus morbo, seu potius rheumate, decumbere coactus fui. Vix in lectum, quem festinanter straverunt, ascenderam, vastumque corpus composueram jam gausapa bene consectum, cum gelidum frigus per ossa nervosque pervasit. Deinde ita contremui, itaque subul-
tim

etiam membra dimovi, ut, continenti succussatione, scamna afferesque tantum non in frustilla lancinata dissiluerint. Cohorruì, steteruntque comae, dentesque dentibus reciprocante motu confusi collisque fremuerunt. Vix frigus, rigorque constiterat tremoris, cum derepente ita concalui, ut igni, qui interius ossa nervosque depascebatur, tandem absumendus viderer. Hinc modo dextrum, modo sinistrum latus expertus, ne hilum quidem profeci. Nihil intentatum reliqui: procubui, incubui lecto, num ita loco stare possem: verum omnia irritò conatu. Incredibili aestu torquebar. Tandem excalefacta cutis tot tantosque improviso meatus patefecit humoribus jam erumpentibus, ut a calce ad caput totus maduerim. Indusium madefactum adhaeserat carnibus, neque, nisi aliena ope, detractum fuit. En tantillum requieris, sed nulla affulgebat spes fore, ut somnum caperem: oculi pervigiles erant, tamquam diuturna exsaturati quiete. Cibi nulla orexis; tantum lingua, quae jam calore exaruerat, aquae appetens, qua illam assarim prolui. Proh quot quantaeque in uno morbo incommoda malaque! Nemo non me tantis conflictatum aerumnis commiseratus est. Quid enim tam aequum, rationique consentaneum est, quam hominem nihil humani a se alienum putare? Et tamen, quis crederet? tuus amantissimus Patruus, quem natura clementem, etiam Clementino cognomine donavere Majores, audito meo morbo per Paternonium nostrum in Regia Pinacotheca, vix haec, sed frigide protulit: en paratum est remedium: *Qui rheumate laborant, octonaria inedia utuntur.*

Astu-

Astutus! Quis, amabo te, ad oetiduum vitam producerem, ni labans venter vacuusque aliquo cibo suffulciatur? Vel ipsi Chamaeleonti id difficile, licet, si vera fabulis tribuamus, aëre pascatur. Itane illi neglectui sum, ut vita mea aequae afficiatur atque morte? O fallaces meas spes! utique haud desperabam futurum, ut, meo morbo audito, statim peregrinis me donaret vinis iisque selectioribus. Hui! quam bonum est, sapidum, fervidumque illud, quod nescio quo casu de *Siccis* vocitant! Nihil enim aequae aptum ad rheumata profliganda atque vina quam generosa. Torpentes quidem humores attenuant, aprioresque efficiunt, quo foras facilius erumpant. Ut omnia uno verbo comprehendam: tot tantisque malis, vinis dumtaxat iisque optimaenotae obviam itur. Amice mihi oculis ipsis carior, quanto correptus sim dolore, ubi frigidum responsum accepi, ex iis, quae *ardentes* chartis illevi, haud difficile intelliges. Tantum non perii. Nihil quippe minus expectabam. Vale.

E I D E M.

66

HAud falsus vates fuisti. Jam enim pituita omnino carebam, quique me tentaverat calor, jam deferbuerat, imo prorsus effluerat, cum tuas elegantissimas litteras perlegi. Atque nunc cum maxime persuasum habeo, amicos plerumque, quae ad amicos pertinent, nedum persentiscere, verum etiam praesagire. Neque id temere sentio. Namque cum sit amicus dimidium animae alterius amici, cumque duo corpo-

ra

sa una pene infideat regatque anima, quis neget, quin, quae in nobis fiunt mutuo utriusque *serias* commercio (quæ fiant, viderint philosophi) eadem, amicorum ratione fessè eodem vinculo conjunctorum, contingant? Idque haud multis abhinc diebus mihimetipsi accidit, cum lecto decumberem, nescio quonam importuno phlegmate implicitus. Ab Antonio enim Serfatio pedestris cohortis ductore, suavitatem morum praestanti equite, qui nunc Messanae moratur, litteras accepi; seque, ut excusatum haberem, me rogabat, quod sua ipsius manu minime scripserat, morbum *causatus ἐνδύμιον*, qui illic grassabatur licet impune; idemque subdebat, haud scio an isthic quoque furat serpatque, tuque etiam illo urgearis. Commodum (credideris?) mihi jacenti, eoque morbo laboranti litterae redditae fuerunt. En quæ haud dubie fieri potuit, ut me convaluisse jam, morboque emersisse quasi divinus praescieris. Verum hæc satis. Quod tuus mei studiosissimus Patruus me non vulgariter Hostiliani Principi viro commendaverit, ipsi tibi gratias ago maximas, habeoque, quoad mihi vita suppetet, immortales. Utinam Deus Opt. Max. meis votis annuat! A me Patruo tuo, cui, quidquid sum, acceptum refero, licet aliud agere meisque commodis *ἀδιαφόρος* consulere videatur, a me, inquam, salutem pugilicam impertito peramanter. Quod officium, ut illi etiam verbis Martini Panfani persolvas, te rogo obtestorque. Commodum heri pervesperi cum funus Fraggiannianum visum ivissemus, id mihi quam accurate in mandatis dedit. Archintus, Somaliaque te resalutant amicissime. Caesari mon-

tis

tis Pagani Marchioni dolet, quod nescio quo fato anguillae omnes, quas olim Sebethus alebat copiosissimas, nunc effugerint, evaserint, perierint. Quare te obsecrat, ut ipsum excuses, quod promissum non praestiterit. Haud enim per ipsum stetit, quominus obligatam fidem liberaret. Te igitur salutat una cum tuo Patruo de se optime merito, quam officiose. Proh labilis memoria! Jam pene animo exciderat, quod in primis scribendum fuerat. Quos communione mensae cohonestasti ephēbos equites ab ascopēra, ii me statim de eo certiores fecerunt, utque ego etiam tibi gratias eorum nomine agerem per litteras; me etiam atque etiam rogaverunt. Quis igitur tibi gratias agam? Pudore suffusus humanitatem tuam deosculor. Michaëlem Angelum; ejusque dulcissimum Parentem, amantissimosque fratres salutabis meo nomine singulatim. Cura ut valeas, familiamque tuam omnem salvere jubeto officiose. Ex Aedibus Regii Ephebei III. idus April. CIOIOCCCLXIII.

P. S. Quam tibi adscribo salutem, eam tibi dicunt Trinitarius Minister, qui meliuscule habet, oculisque utitur commodius, & Hispanus Pater, qui nuper ab aeterna Vrbe huc advenit, quemque hac vespere in Area maxima ante Castrum novum obvium habui, cum forte fortunissimam juxta Aretalogi praecepta saltantem prospicerem. Iterum vale.

DOMINICO AMATO

Paulus Moccia S. D.

67

Quod domum tuam nondum venerim, neque officio, uti par erat, satis meo fecerim, ne mirere precor. Is enim sum, qui non dicis caussa amicos salutare aveo, & satis habeo, si atrii custodi dixerim: *memento, ubi Herus salvus redierit, illi dicas, me advenisse, ut ipsi manum adorarem. Id mihi est nominis, & is ipse sum, quem ipse besterna die una cum Joanne Baptista Puccio Regio in Ephebeo invisit. Ne obliviscere, quaeso te, vale.* Hoc si pacto me gererem, haudquaquam tamquam inofficiolus male audirem. Verum ab hoc officiorum genere, tantum quo amicis (utinam non fictis!) illudatur excogitaro, ita abhorreo, quam qui maxime. Jampridem tuas ad aedes ceretroqui non valde diffitas, & quod caput est, prima in contignatione fitas, me contulissem, tuasque scalas adscensu descensuque detrivissem, ni illud persuasum habuisssem, mihi tantum cum tuis servis fuisse salutationis negotium transigendum. Primo enim mane lectulo surgis, tum quo forum frequentes, tum quo Regis vice defungentes ministros adeas, tuorum clientium negotiis operam daturus. Contra vero hinc non nisi summo die aeris campani signo excitamur, quippe qui fere semper nocte intempesta cubitum pergimus. En qui sit, ut infrequens sim, ac tamquam officii immemor merito traduci posse videar. Quare si vis tecum pompatico

patico pittacio agatur, jam nulla interposita mora Paulo Simonio Typographorum diligentissimo, ut mille exempla excudat, mandabo. Tunc nedum semel atque iterum, verum centies te conveniam, pulsatoque ostio audiam per servum Atriensem. *Quem quaeris? estne verus domi? Hui! jamdudum exivit. Neque, ut redeas, cogita. Meridie enim ipsa se recipiet. Hem! cape pittacium, vale.* Haud scio an sic officiosus urbanusque perhibear, qui antehac fortasse tamquam *μυσάνθρωπος*, humanitatisque expers carcebar. Interim, quae per litteras persolvo officia, aequi bonique fac consulas: deinceps me tibi morem gesturum recipio, prout jusseris. A me Joannem Baptistam Puccium adolescentem litterarum studiis deditissimum, quemque, prout se dant initia, nemo est, quin speret magno litterariae Reip. futurum usui, sibi utilitati, ac Patriae suae ornameto, saluta officiosissime. Vale.

EMMANUELE CAMPOLONGO

Paulus Moccia S. D.

68

Inique prorsus comparatum esse, ut semper, qui paupertatis angustiis premuntur, iis addant, qui divitiis affluunt, vivuntque facillime, nemo omnium est, qui nesciat. Quare, si ita loqui liceat, nescio quid magneticum nummos adipisci putarem, ubi eo pervenerunt, ut solum appendi, nedum numerari patiantur. Hinc tantum abest, ut, cum congesti fuerint, detumescentes decrescant, ut potius quidquid pecunia

I

ipfis

ipsis accedit, totum illico attrahant, corradantque. Neque aliter Midæ fabulam interpretatum irem. Sane quidem, quid, amabo te, sibi illud vellent, quod eum finxerint, quidquid tangeret, in aurum convertentem, nisi id profecto, quod nihil intuebatur, quod non, oculis suffuratus, manibus contrectaret? Huc præterea facit quidquid omnes poëtae carminibus posteritati commendarunt, nimirum eam esse pecuniae vim, ut quavis ingenti immodicaque copia non modo vinci, verum etiam ne paullulum quidem valeat sedari. Quæ cum ita sint, desine, quaeso, mirari, si a nummis imparatus cum sis, a ditioribus, ac pecuniosis expileris. Haud certe quidem tibi novum posthac accidet, si, quæ levi calamo scripsi, paullo attentius perpenderis. Ceterum illud te erigat soleturque, quod plerumque tamquam aranea distantur, quæ diutino labore parata, perpetuum duratura videbantur. Fac enim animum incessat inanis gloriæ cupido, studiumque nobilitatis ostentandæ: en corruat necesse est cumulus ingentium nummorum minorque evadat. Hoc unum, si locuplerem corripuerit, nummis fundo arcae adhaerescantibus hederæ ad instar, nummis, inquam, quidquid glutinosum tenaxque inerat, adimit excinditque. Atque id tum cum maxime cernere est, cum nuptiæ sunt parandæ. Tum enim vero, ut quam sanctissimæ magnificentissimæque fiant, cum primis sedulo caveretur. Haud aditur Pontifex, quod vulgo fit; verum, ut ipse sponsi domum veniat, id curatur diligentissime. Atque interea domus frigidis forbitionibus calidisque, bellariis, peregrinisque vinis multabitur, mul-

multosque alios sumptus admittet. En qui emunguntur nummi, atque ex arca eruuntur, in qua ceteroqui aeternum suspirassent. Proh plumbeum funginumque hominum genus! Quo inani gloriae aura, Chamaeleontis ritu, pascantur, fucumque tunicato popello faciant, haud os oblituri cordatis, eos faciunt sumptus, quos ne pro vita quidem tuenda, vel medico iubente, fecissent. Haec saltuatim scripsi: nondum enim relaxatum animum, rusticationeque, licet brevi, pene jam torpentem collegeram. Ad sex enim dies una cum clarissimo Campaniae Praefecto, viro mihi amicissimo, ruri moratus sum liberiore caelo fruiturus. De te illic cum sermonem a coena instituissim, usque ad multam noctem produximus. Atque hoc in causa fuit, ut miro tui cognoscendi de facie desiderio exarserit. Jam enim Polyphemeida totam percurrerat. Quare, ni grave est, ubi per otium licuerit, illum adibimus votis ipsius satisfacturi. Tandem vix dici potest quanto ego opere laetatus sim, ubi huc redii, cum audiui tibi potissimum demandatam fuisse provinciam condendorum Epigrammatum in funere Ornatissimi Patris Pinelli Minimorum ordinis, qui ultimum vitae actum laudabiliter conclusit. Percupide aveo illa legere: omnium expectationi respondisse certis iisque eruditis auctoribus accepi. A me Dominico Malarbio praeclarissime de litteraria Republica merito plurimam dicito. Vale. Ex Aedibus Regii Ephebei x. kal. Octob. MDCCCLXIII.

EN iterum tibi meae litterae defuerunt. Verum, veniam quin impetrem, nullus dubito. Rusticationis tempore id accidit. Vna cum Bronzolio, ac Campolongo Massam Lubrensem petivi. Quam libenter illic fuerim, tute conjicies. Loca enim peramoena sunt, ac salubritate tanta, ut nihil supra. Fructus porro melle hyblaeco dulciores. Vinum dumtaxat vix aut ne vix quidem ab aceto differebat. Quare aqua contentus Baccho bellum indixi. Incolarum mores haud rustici. Pagi vero, qui non pauci ad urbem ipsam Massensem pertinebant, non ineleganti aedificiorum structura mirum in modum se commendabant; atque ii praesertim, qui ad Sinum Salernitanum vergebant. Pene omnes percurri, & quod caput est, pedes. Mulo enim vehi volebar. Declivia quippe loca sunt, & saxis temere jacentibus ubique referta. Scilicet, quae decurrat aqua, hac illa avulsa, provolvit. Numquam olim me tantum sudoris profudisse commemini. Verum & hoc mihi mirifice profuit. Nam sic fames opsonabatur acriter, ac nausea, qua torquebar, statim evanuit. Pugiliter illic valui. At reditus haud itioni respondit. Mare quod tranquillum experti eramus, cum redibamus pene furere visum est. Vno verbo: metus fuit, ne ad saxa ad oram Neapolitanam objecta impingeremus. Verum Deo juvante incolumes litus attingimus

mus. Qui igitur scriberem nondum fere timore deposito? Jam Paroecus Virginum Cassanensis Episcopus renunciatus est. A me Excell. Principi ejusque suavissimis liberis salutem de more dicto officiosissime. Vale. Ex Aedibus Regii Ephebei Non. Nov. CIOIOCCCLXIII.

P. S. Drama, cui titulus *Olympias* proxima nocte actum, stetit. Prae ceteris autem placuit incomparabilis Gabriel, altero quoque cantilenae versu tota plaudente cavea. Choreae haud aequae omnes arriserunt. Primus Saltatorum Quaternio sibi palmam praeripuit. Chorum ducebant Saltatores, quibus nomen *i Ferri*. Rex, quem Deus sospitet, pene toti actioni interfuit. Regia manus adoratio innumero primorum Equitum concursu decorata fuit. Exteri etiam non pauci, quae Anglici, quae Germani adfuerunt. Iterum vale.

E I D E M.

79

PRO eo ac degeo, dolui, quod pullus equinus generosa stirpe nobilissimus, qui tibi destinatus erat, sicculosae Apuliae monstri praeda evaserit. Jam enim, qui pedes hinc discesseras, eques tandem aliquando revertisses. Attamen est, cur id accidisse minime conqueraris. Ne labaris, aut equo excutiaris, nullus metus erit. Ut missas faciam expensas, quas necessario subjisses. Hui! nunc percarum est hordeum, ac pene duplicato pretio divenditur. Quid memorem soleas ferreas identidem mutandas, ephippia, phaleras, subjices pedaneos, strigilesque? Quare porius si-

I 3

bi

bi gratulor, quod, divino prorsus beneficio, tanta vitaveris damna impenasque. Atque de his haftenus: Jam in eo sum, ut, quas temporis fallendi caussa conscripsi epistolas, typis committam. Qua de re te rogo, ut, quas penes te servas, quae non paucae sunt, ad me quam primum remittas. Ultimam illis manum imponam, praesertim quas publica luce non indignas censuero. Campolongus te officiose salutat. Polyphemeida una cum Mergilline quanto ocius mittendam curabit. A me Fabricio mei studiosissimo, tuisque omnibus Alumnis una cum praestantissimo Parente salutem plurimam dices. Vale. Postrid. id. Jan. CIOCCCLXIV.

DOMINICO AMATO

Paulus Moccia S. D.

71

SI umquam divitiae optandae essent, hoc potissimum tempore, quo Natalitii festi dies infantuli Christi Jesu recurrunt, optandae viderentur. Jam enim munusculis illam amicitiam coleremus, quam toto fere anno tantum mutuis officiis atque litterulis fovendam curavimus. Quod, nescio quonam modo, ipsum anni tempus, in quod tanta religiosissimi festi celebritas incidit, postulare videtur. Capi prae ceteris, nunc quam aptissimi vescendo sunt. Quid si Nuceriae alti saginataeque fuerint? Quid memorem Indicos gallos, suillam carnem, apros, mugiles, majorisque formae anguillas Linterno in lacu captas? Quid denique caricas ipsas, quas opulenta mit-

tur

tis Calabria, pomorumque genus omne denarrem? Nunc sapiunt, nunc ad se se, nescio quonam lenocinio, alliciunt invitantque. Quam porro doleam, quod his omnibus destituor, tute, qui me, pro ea quas es humanitate, nedum diligis, verum etiam amas, facili negotio judicabis. Alias, te capis etiam Nucerinis, malisque omnigenis conficerem ac onerarem. Quae cum ita sint, litterario officio contentus sis, te oro obtestorque; meamque faustam precationem ita accipe, tamquam ab eo, qui tibi bene velle, quoad vixerit, numquam cessabit, profecta sit. Puerulum igitur Jesum obsecro enixe, ut te bonis omnibus cumulatum quam diutissime incolumem tueatur. Hoc idem faustum omen toti familiae sane quam numerosae, ac praesertim tuae amantissimae parenti de pictura insigniter meritaе, tuoque patruo Crotoniensium Antistiti meis verbis imperities. Ex Aedibus Regii Ephebei x. kal. Jan. CIOCCCLXIII.

E I D E M.

72

Non semel atque iterum Marchionis Galiapi aedes adivi, quo te convenirem, sed frustra fuit. Quin imo dupliciter dolui, tum quod te non offenderim, tum etiam, quod communem amicum rusticatum abjisse deprehendi. Quare vel illud supererat, ut te litteris alloquerer, quandoquidem coram caedere sermones negatur. Primum scribam mihi forte fortuna, cum prodeambulatum exissem, occurrisse Paulum Simonium Typographum quantivis pretii, qui mihi rem

jam actam transactam nuntiavit. Vnum tantum excepit, nimirum aliquantulam temporis moram. Iis quippe se urgeri ajebar negotiorum angustiis, ut nihil sibi temporis vacuum relinqueretur. Ceterum ineunte hebdomade, quae proxime instabat, omnem se mihi operam dicaturum, sanctè promisit. Illud igitur nunc restat, ut equis virisque, ut ajunt, contendamus, quo res, quantum potest, perficiatur. Ad me quod attinet, jam id curabo, ut, quorquor conquiri epistolae possunt, quamprimum ad me perferantur. Tuum vero erit, ut typographicae operae festinent. Cetera coram, &, ut spero, propediem. A me Marchioni Galiano, ac Januario Carboni, viris de literaria Rep. praeclarissime meritis, salutem dicito, quam etiam meis verbis Stephano Patrio τῷ πατρὶ imperties. Vale.

MICHAËLI TESTAE

Paulus Moccia S. D.

73

HEm! me ita bonum virum crassaque minerva putabas, ut temere me tua jussa facturum, tibi que me inconsideratum imprudentemque obsecuturum sperares? Mihi crede, male tecum rationem deputasti. Me ne tibi tamquam illicio futurum confidebas, quo Domus tua, ceteroqui consummatae litteraturae virorum conventus, etiam sapientissimi aequae atque mellitissimi Catulli conspectu bearetur? Usque adeo ne in hac Vrbe peregrinaris, ut te omnino fugiat, quanti ille sit aestimandus? Vel deposito pigno-

re

re contenderim, neminem prorsus ubique existere, qui sive Latini, sive Etrusci sermonis candore, sive omnigena eruditione, seu tandem Apollineo quo incalescit oestro, sit cum eo comparandus. Ego autem, ita affectus voluptate sum, ubi clarissimi istius, ac πολυμαθέων viri scripta perlegi, ut mihi palatum vel ad Augusteos Auctores obscuruerit. Astutus! Me eo imprudens (ut levissime dicam) conjiciebas, unde pedem expediri pene αδύνατον foret? Quare, ut, quod misere cupis, tuto assequaris, alio cogitationes curasque tuas conferas oportet. Εἰς λόγους melius rationes ineas necessum est; alias tanto desiderio confectus tabescas. A me amicis omnibus salutem plurimam officiose nuntiato. Vale.
Ex Aedibus Regii Ephebei x. kalend. Jun.
CICIDCLXII.

FRANCISCO DANIELI

Paulus Moccia S. D.

74

HAec ex tempore fudi, & quod caput est, a prandio, eoque si non lautiore, saltem pro meo stomacho, copiosiore. In id enim operam non sine dolo bono dedi, ut, quae e caupona petita nullius pretii erant, ipsemet devorando, vobis famem irritarem. Accedit quod & vini non parcissimus fui, ut vobis, quos jam nausea ceperat, si non squillis, aut inulis, saltem coronatis cantharis, acrioris potoris ad instar, propinans, ad bibendum praecirem. Quae cum ita sint, quanti sint facienda, quae ad te mitto, tute-

tutemet aquae potor, adeoque siccus iudex, pro tribunali constitues. Cave precor, ne quid nimis iuste statuas. Num te fugit Deum omnia dura siccis proposuisse? A me Marchioni Spiriteo salutem pugilicam nuntiato, meque ei commendato non vulgariter. Vale.

A N D R E A E F A R I N A E

Paulus Moccia S. D.

75

QUod mea fausta Natalitia precatio tuis alumnis, eorumque praestantissimis parentibus non ingrata extiterit, vehementer gavisus sum. Qua de re te etiam atque etiam rogo, ut a me illis gratias agas diligenter. Elenchum librorum Anglorum, quem mihi misisse significas, apud me haud deprehendi; neque illum umquam accepisse commemini. Quocirca, ni alterum confeceris, quem Trinitario Ministro ostendam, omnis mea opera frustra erit. Campolongus pene jam convaleuit. Cum primum fieri poterit, Polyphemidos exemplum una cum Mergilline (pretio indicato) mittetur. Nullum omnino exemplum sibi reliquum est. Marchio Berius, cujus expensis typis mandata fuerunt, omnia diligenter custodit. Meam vero Dissertationem mittam, cum potero. Nam longa est, & labor describendi sane improbus. At cura, inquires, ut describatur. Nostin' librariorum incuriam atque oscitantiam? Nudius tertiana die decessit Thelesiac Dux, atque militari funere elatus fuit. Drama cui nomen *Hyfipyle* pene stetit. Quatuor cantilenae, quae

quae Gabrieli, decantatissimae Psalteriae, obtigerunt, mire placent. Saltationes etiam libenter spectantur. Meo nomine tuos omnes officiose salvere iubebis. Campolongus te salutat. Vale. Ex Aedibus Regii Ephebei prid. kal. Jan. CIOIOCLXIII.

FERDINANDO SECVNDO

Paulus Moccia S. D.

76

S. P. P.

Libenter tua iussa facio, licet hoc matutino illa mihi pene praeteriens significaveris. Illud autem vereor, ne fidem, quam tuo magni nominis amico obligasti, non omnino liberem. Quae pro re nata scripsi epistolia, quin a te, pro eo quantum me amas, ac pro tua singulari humanitate qua eximie praestas, aequi bonique consulerentur, nullus dubitavi. Temporis enim fallendi gratia isthaec me exarasse, eaque me tantum facere, quanti pura putaque nugamenta, te persuasum habere, ita mihi exploratum erat, quam quod exploratissimum. Verum, qui pariar, ut meae, quales eae cumque sunt, litterae illius iudicium subeant, cui uni cor sapere datum esse nemo non profitetur? Ut cetera desint, illud unum satis superque erit, e spectatissima Caraciorum gente prodixisse, qui semper domi militiaeque, qua rebus praeclare fortiterque gestis, qua eruditissimis ingenii fetibus, primas nullo non concedente tulerunt. Agedum, amice eruditissime, quem τολυμαδεύετα Patris, viri insigniter

gniter de re litteraria meriti absolutissimam imaginem jure ac merito appellaverim, quod animo concepisti opus, ac pene jam affectum in forulis habes, nimirum publicam Romanorum vitam; quando jam privatam e Gallico idiomate Italice pereleganter convertit Dominicus Amatus, vir ὁ πᾶν, quique jam typis commissurus est privatam Graecorum, quamprimum in publicum emitte. Hoc certe quidem opus dignum erit, quod & omnium manibus teratur, & tanti viri acerrimum judicium experiatur. Fac, quaeso, ut quam celerrime promissum persolvas, neque ullam praeterea moram neestendam arbitreris, quo publicis votis satisfacias. Quod si feceris, amici tui, Francisci Caraccioli, quem tanti non immerito facis, pro ea qua praeditus est eruditione, atque omnijugena scientiarum disciplinarumque omnium cognitione, abunde responderis expectationi, litterariamque temp. litteratosque omnes beneficio tibi devincies sempiterno. Illud vero te etiam atque etiam oratum volo, ut viro tantum de litteris merito, quam qui maxime, quique me nullis omnino meis meritis benevolentia sua non indignum existimavit, gratias ubi meo nomine egeris immortales, salutem etiam dicas plurimam officiose. Vale. Ex Aedibus Regii Ephebei III. id. Febr. CIOICCLXIV.

BENEDICTO CLEMENTI
DE AROSTEGVI

Paulus Moccia S. D.

77

AIn' tu ? in florentissima amplissimorum hominum atque omnijugena eruditione excultorum corona & confessu , celeberrimam juxta atque impeditissimam de *ideis* quaestionem secundum scholasticae familiae dogmata atque scita propugnaturus , hujusmodi usurpabis sermones , ac monstrosa loquendi genera , ut vel Ennii sterquilinum scrupulose rimatus esse , vel sopitos Evandri cineres excitasse , jure meritissimo existimeris ? Apage , apage , quaeso , istas ineptias , ac puerilia nugamenta . Jam singulari D. O. M. beneficio , puriore atque elegantiore fruimur sermone , rancidis atque obsoletis vocibus vel inter barbaras gentes amandatis , vel omnino valere jussis . Quare confer te animo ad aureum Augusteumque aevum , in quo pene innutritus videris , opera atque incomparabili industria eruditissimi tui magistri , subacti ingenii viri , quem tibi divinitus obtigisse non temere autumo , atque laetor vehementer . Namque tui mihi in re litteraria , ac praesertim in politioribus scientiis progressus aequè cari antiquique sunt ac si mea ipsius res ageretur . Quandoquidem vero tuae Nationis consuetudo , ingenium , atque institutum ita ferunt , ut severioribus studiis scholastico ritu imbuaris , haud gravatim id parere : verum ita istud patiaris velim , ut ne vel tantillum quidem

dem detrimenti capiat institutio, quam hinc peculiari praepotentis Dei largitate, ac sapientissimo Patruī tui, sine controversia litterariae rei publicae luminis ac ornamenti, ductu auspicioque videris affectus. In arenam igitur descende a locupletissimo scholasticarum scientiarum penū copiosus, sed illas nitido, terfo, elegantique dicendi modo exprome, ut in scholam phaleratos aurei saeculi sermones, atque latialem puritatem, munditiemque, invitis ac repugnantibus faeculentae atque impurae latinitatis patronis, maxima cum laude invexisse videaris. Si ita feceris, latinae linguae laudes atque commoda asseres, tibi gloriam paries, magistrique tandem tui famae consules, illiusque improbos labores ad irritum minime recidisse evinces. Praeceptorī tuo, quem in oculis fero, ac iure optimo plurimi facio, a me salutem. Vale. Ex Aedibus Regii Ephebei III. id. Jun. CIOIOCCCLVII.

E I D E M.

78

VBi legi atque relegi suavissimas tuas litteras humanitate supra fidem conditas, atque non vulgari eruditione refertas coram hoc lectissimo Melitensi equite jam theologiae sacris initiato, difficile dictu est, quantopere gavisi simus atque haetitia exultaverimus. Et primo Augustei candorem aevi tua in doctissima epistola reviviscentem, fucoque omni remoto splendentem suspeximus. Deinde, quod caput est, morum tuorum elegantiam, munditiem, atque ingenuitatem, pene singulis in verbis, demirati sumus. Namque,

que, absque eo esset, undenam tot tantaeque laudes, quas in me largissime contulisti, profectae fuissent? Itā quidem natura comparatus es, ut, quae unice in te quadrant praeconia laudum, illa, pro ea qua es humanitate, etiam amicis, cuique cultoribus communia arbitreris. Arque, ut ingenue, quod sentio, dicam, inde haud dubie factum est, ut, quas in me congeris laudes, veras sincerasque, omni prorsus sublata suspicione, existimaverim. Etenim, ut ceteras animi tui dotes missas faciam, quibus mirifice supra ceteros omnes tuae aetatis adolescentes excellis, ingenuitate atque candore potissimum ita anteis omnibus, ut primas sine ulla controversia seras. Bartholomaeus Aretius Regius ephebus, eques ab ascopera, tui perstudiosus, tibi plurimam salutem dicit. Ex Aedibus Regii Ephebei v. kal. April. CIOIOCCLVII.

E I D E M.

QUod tuo lustrico recurrente faustissimo die nihil tibi omnino muneri mitram, quod meam saltem voluntatem, meique animi propensionem indicet, ne mirere. Numquam enim ita a dulciariis Aversanis imparatus fui aequae atque in praesenti. Vel ipsae formicae, quae antehac meas ductiles thecas obsidebant, partim diffugere, partim fame confectae perierunt. Vix profecto, aut ne vix quidem adducēris, ut credas, me neque a furtulis abhorruisse, quo in tanta huiusce diei celebritate partes meas pro virili implem. Astaphidem enim nucleis pineis sacrarum Vestalium

italium manibus sedulo infartam, cuius te cupi-
 pissimum cognovi, ut suffurarer, omnem navavi
 operam, sed frustra fui. Nam, qui primum in-
 diligens suarum rerum custos nihil clausum nihil-
 que obsignatum habebat, ubi contrectantium ma-
 nus odoratus est, arculam corio contectam sta-
 tim clavibus muniendam curavit. Quare me ex-
 cusatum habeas te rogo; neque me tamquam a-
 varum, aut ingratum infimules; sed potius meae
 inopiae, reique dulciariae angustiiis adscribas, si
 meo officio defuerim. Illud vero, quod in ma-
 nu mea est, minime praetermittam, Deum sci-
 licet Optimum Maximum enixe obsecrabo, ut
 quem hodierna luce jucundissime diem peragis,
 qua amicorum consalutationibus, qua lautioribus
 epulis, is perpetuo innumerabilium annorum or-
 be semper laetior candidiorque recurat. Cano-
 nico Bayerio viro ἀρχαιολόγῳ, atque omnigena
 eruditione ad miraculum usque excelsissimo, meis
 verbis salutem plurimam imperties. Michaëlem
 etiam a me salutato diligenter. Vale, meque,
 ut facis, ama. Ex Aedibus Regii Ephebei XII.
 kali April. CXCICCLIX.

E I D E M.

80

TE recte valere, laetatus sum vehementer.
 Ego quoque valeo! Rhabbarbari enim ope
 e pertinaci capitis dolore emerſi tandem. Ne
 perpetuo illo excruciarer, non temere verebar.
 Ita quidem me corripuerat, atque utrumque oeu-
 lum mihi obſederat. Abſtinentia quid non aſſe-
 quimur? Numquam cubitum eo, niſi incoenatus,

&

& postquam Regias nundinas viciis percurrerim, quo obaesum corpus atque in dies ingravescens exerceam. Visne diurnam vitam vivere, eamque omni penitus morbo immunem? Et parcissimam cibo utere, & corpus exerceto continenter. Librorum, aestate praesertim, hostis esto acerrimus. Nihil officit valetudini vehementius. Quid? frontem caperas, meque increpiturus exurgis? Apage, quaeso, iracundiam. Consilia quo quo modo dentur, haud desinunt esse bona; licet a non bono profiscantur auctore. Si olim cibo indulgi liberalius, si in libros incubui acrius: haud id impedimento est, quominus posthac moderatius me geram. Expertus cognosces, qui fuero in posterum. Valetudo mihi in primis curae erit; deinde tui optimi Patruī extemporalia hortamenta locum habebunt; quae si cum salute pugnaverint, tum quid faciam, deliberabo. A me illi salutem plurimam officiose. Vale.

E I D E M.

81

Tanta quidem, hodierna luce, admiratione correptus pene obstupui, cum cymbula convecti Hispanas adventantes naves visimus, ut nedum, quid scribam, verum, unde initium faciam, prorsus ignorem. Sive enim ad ingentis magnitudinis navigia oculos convertam, quae recte dixerim oppida pelago innatantia; siue ad innumerum pene numerum bellicorum tormentorum, quibus copiose instructa sunt; seu ad militares ministros ipsis Argonautis cum maritimae rei prudeantia, tum incredibili animi virtute compa-

K

randos,

randos, ut taceam vestes auro obruffo fulgentes, ita rerum omnium copia atque vi opprimor, ut meridiana in luce caecutire videar, ac somniasse, quae vere spectasse numquam diffitebor. Do manus libens, atque abjectis armis, Antonii victoris deque me triumphantis opem fidemque demisse imploro. Epiniciis ipsis non invitus interero. Io triumphe, Io triumphe, ut saepius aërem compleat, ipsemet efficiam. Sane quidem, quis nisi stipes truncusque, non summis laudibus in caelum efferat (ut ceteras taceam) navem Praetoriam Hispaniarum novo Monarchae transvehendo destinata? Quis non demiretur Puppim tanta coloris suavitate, tantaque magnificentia atque elegantia architectatam, ut Regiarum aedium speciem formamque prae se ferat? Quis non suspiciat interiora cubicula ductilibus argenteis laminis contexta, aureisque identidem floribus distincta, parietes serico albo auro intertexto ornatos, ipsumque pavementum serico stragulo obductum? Quis non collaudet classarios milites opulentis pretiosisque vestibus indutos, reique tormentariae copiam, nobilitatem, splendorem? Quem denique non capiat nautarum comes, affabilitas, humanitas? Dispeream, ni vel portisculi vilissimum ministerium acciperem, ut illa vestus in Hispaniam transducerer. Quis igitur non Hispanorum felicitatem praedicet tot tantisque divitiis opibusque circumfluentium, praesertim ubi tanto Rege tam magna virtutum omnium supellectile instructo exornatoque potientur? Felices Hispani, feliciorque obaesus Antonius noster, qui hic primores laetitiae fructus
prae-

praegustat. Quid de te, Benedicte, sentiam, vel me tacente, intelligis. Neminem suae Patriae studiosiorem amantioremque cognovi. Verum tibi intus canis, conceptamque laetitiam ita sapienter comprimis, ut foras pueriliter effundi minime patiaris. Novi animi tui modestiam, aureosque tuos mores. Quare, quin haec, quae cursim ac saltuatim scribillavi, aequi bonique consulas, minime dubito. A me salutem plurimam praecptori tuo, mellitissimoque Antonio Hispanorum propugnatori acerrimo. Si Joannem Riccium etiam a me salutaveris officiose, per mihi gratum facies. Vale.

DOMINICO AMATO

Paulus Moccia S. D.

82

EN librum, quem deperiisse non temere arbitramur. Inter bibulae enim papyri struem in officina scrutaria nostri negligentissimi Janitoris, una cum tua elegantissima epistola offendi. Quam male conciliatus homo hic sit, vel hinc facile noscis. Nam ingens salarium auferre non contentus, vel libris, qui huc perferuntur amicorum indulgentia, januam obstruit, tamquam acerrimis hujusce Ephebei hostibus. Male sit, quaeso, nebuloni hujusmodi, atque utinam ex hominum numero eliminetur! Interim, ut te quanto ocius molestia eriperem, nulla interposita mora ad te mittendum curavi. Epistolam tantum retinui, quam, ubi iterum legero, jam me librum aureum de Physica puerorum educatione

K 2

legisse

legisse putabo. Ita brevibus verbis τα πάντα σιωπῇ complexus es. A me Crotoniensi Antistiti, totique familiae pene Pago frequentando non impari, nescio quonam fato Amatenſi Genti sane quam propitio, salutem Pancraticam peramanter impertitor. Festinanti calamo facito ut ignoscas. Aes campanum jam crepuerat. Meis verbis Maximiliano e rusticatione reduci, & Galiano salutem dicito. Vale.

ANDREAE FARINAE

Paulus Moccia S. D.

83

Quantopere gavisus sum, ubi per litteras mihi significasti te isthuc saluum pervenisse, difficile dixerim. Haud enim temere veritus fueram, ne quid incommodi patereris, cum hiberno tempore tantum itineris suscepisses. Quare primum Deo O. M. gratias ago, uti par est, quod te mihi oculis ipsis cariorum sartum relictum praestiterit; ac deinde mihi gaudeo, tibi-que gratulor, quod isthic libentissime commoreris. Quidni? Caeli quippe salubritas, aerisque indemnitas saluti tuendae apprime sunt conducibilia. At vero, absque haec omnia forent, quos tibi Deus singulari beneficio excolendos scientiis omnibus, bonisque moribus imbuendos destinavit praestantissimos adolescentes equites juxta atque fumosis majorum imaginibus clarissimos, ii abunde sufficerent, quo beatam vitam traduceres. Usque adeo enim, cum hic degerent, comitate, affabilitate, egregiisque ingenii dotibus reliquis, faci-

facile omnibus praecelebant aequalibus, ut, quid bene auspiciata institutio liberalisque educatio valeant, apertissime ostenderint. Quocirca excelso prorsus animo atque alacri ad opus accingere. Subacto quidem in solo, diligenterque exercito semina virtutum sparges, fructum suo tempore nedum cum foenore, verum etiam εκατομπλασιο-
 ζα redditura. A me illis ubi gratias egeris immortales verbis exquisitissimis, quod mei memoriam, tanto locorum spatio interjecto, minime deposuerint, salutem quoque communicato plurimam officiose; & quod caput est, etiam nomine omnium epheborum equitum, qui eos salutant singulatim amicissime. Neque Matchio Caesar Cajeta ipsos insalutatos relinquit, quin, ut suis verbis seorsum salvere juberem, mihi in mandatis dedit: quodque officium ipsis tibi ab Archinto libenter praesto, etiam Somalia adscribendum curavit. Tu interim vale, ac facito, ut, quem hic diligebas, nunc etiam ames. Ex Aedibus Regii Ephebei VII. kalend. April. CIOCCCLXIII.

P. S. Quod epistolam jam scriptam, die, tempore, ac loco signatam ad te mittere praeterito sabbato oblitus sim, vehementer dolui. At vero, ubi rem maturius perpendi, non fortuito id contigisse animadverti. Quae enim instabant Paschalia festa haud tibi tuisque Alumnis, uti par erat, fausta atque ab ovis elixis refertissima ab omnium bonorum largitore Deo exoptaveram. Ea modo non intempestive non mediocri animi mei voluptate fugitivum officium re-

voco. Vsq̃ue adeo vere dicitur, quidquid obstat, non fere semper obesse. Iterum igitur salvere iubeto, quos ad humanitatem, civilitatemque omnem, Chiron alter, informas adolescentulos, Achillem ipsum Deo juvante superaturos. Rursus vale.

E I D E M.

84

TE isthic laetitiis omnibus exultare ac volupratibus diffluere, laetor vehementer. Quidni? jamdudum tuae spectatae satis debebatur virtuti ista merces, dolebamque sane mulrum, quod non meritis honoribus afficereris. Namque satis tritum est atque omnium sermone celebratum effatum: *Virtus laudatur, & alget*. At vero, quod apud homines rudes civilitateque omni destitutos obtinet, id quidem, qui ad humanitatem informati sunt, defugiunt aversanturque. Sane quidem quem fugit, quo semper honore litteratos prosecuti sunt, quove studio litteras coluerunt foveruntque Pignatelli? Quis usque adeo peregrinus est & hospes in hac Vrbe, quin sciat, quot quantique ex hac florentissima atque spectatissima gente Heroes, tamquam ex equo Trojano, prodierunt? Id si agerem, ac epistolare argumentum pateretur, elenchum prope insipitum hic adtexerem. Quae cum ita sint, haud equidem miratus sum, quod benigne exceptus merito cumuleris honore, quodque te venatum ducant una cum nobilissimis equitibus, quorum familiaritate & consuetudine quidnam praeclearius aut optabilius fingi potest? Credideris! mini-

minime obstupui, quod pontificali pene coena apud Francavillae Principem cohonestatus ambrosiae ipsi ac nectari haud invideris. Parva, mihi crede, haec atque exigua prae iis, quae Piguatelli litterarum litteratorumque praesentissimi Patroni ac Maecenates posthac dabunt. Haud quidem apud eos virtus laudatur & alget. Imo virtuti litatur, ac debiti persolvuntur honores. Quare macte animo esto, atque haud vere, ne tuae respondeant expectationi. Crede mihi, illam longe plurimum vincent. Atque id eo magis in animum meum induco, quod te duce atque non poenitendo magistro politiores atque humaniores effecti, quo magis ad virtutis aditum procedent, eo litterarum cultores magis observabunt. Hinc in id toto pectore incumbe, ut quam colebant virtutem, acrius atque contentius colant, litterarumque studiis ita assuescant, ut illa non molestum ac grave onus; verum ludum jucundumque animi oblectamentum ipsa venatione suavius, ipsisque exquisitis Auguralibus epulis sapidius esse existiment. Id si effeceris, metam te attigisse putato. At inquires, numquidnam novi? Marchio Fraggiannius, vir jurisconsultissimus, mortem obiit improvisam, quod malum hic nunc cum maxime grassatur. Caeli quippe intemperie per hosce dies aliquot usi sumus importunissima. Notus increbuit saevitiae quanta maxima, & imber jam jam erupturus evanuit, non sine satorum pernicie: siccitate enim languescunt. Faxit Deus, ut nubes pluviant expectatam pluviam! Illuc redeo. Fraggianniana munera varie distributa sunt. Marchio Caval-

cantius juri Regio tuendo, atque Annonae praefectus est. Dux Perrellius in Aulam S. Clarae adlectus est. Januarius Pallantius, qui Campaniae rebus cum gladio praecerat, Consiliarius renunciatus est, inque ejus locum subditus est Ferdinandus Leonius, mihi amicitia conjunctissimus, vir quantivis pretii. Visne plura? A me tuis praeclarissimis alumnis mei studiosissimis salutem athleticam impertitor officiosissime. Qui hic degunt Ephebi Equites omnes eos resalutant singillatim amicissime, neque te insalutatum relinquunt. Vale meque, ut facis, ama. Ex Aedibus Regii Ephebei XVII. kal. Maj. CIOCCCLXIII.

P. S. Romae obiit diem supremum Cardinalis Spinellus angina strangulatus. Quinque tantum diebus decubuit: Ferdinandus ex ejus fratre filius etiam pessime habet, quippe qui stranguria laborat. Archintus, qui mihi scribenti adest, ait Romam virum nostrum medicum jam abjisse ejus accitu. Hic eques tibi salutem adscribit amicissime. Iterum vale.

E I D E M.

85

HVi! tu ruri tam negotiosus, quam in urbe? -Anne, amabo te, Scipionem illum, Carthaginiensium terrorem, imperii cetera praestantissimi exterminatorem imitandum suscepisti, de quo praedicat Cicero, numquam fuisse otiosum, nisi cum otiosus erat; numquam solum, nisi cum solus? Gratulor tibi, qui isthaec meditare; neque miror, quod hanc vitae rationem

nem retineas. Id quidem boni, si non aliud, pariunt humaniores litterae. Nobiscum peregrinantur, nobiscum rusticantur. Verum illud te etiam atque etiam oratum volo, ut mihi meaeque saluti parcas, ne negotiorum copia obrutus aliquid humanitus patiar. Vix enim uno absoluto problemate, si superis placet, en aliud ponitur impediri, & quod caput est, ex tempore solvendum occurrit. Neque sphynxem domi habeo: & Davus sum, non Oedipus. Proh superum atque hominum fidem! Qui testudineo gressu haecenus viam mensus sum, tamquam Cereris sacra gestarem, nunc grillatorio gradu illam vorem necesse est. At e diverticulo in viam, & quod instat, agamus. *Pistum* apud Plautum in Mercatore nullam aliam vim notionemque subjectam arbitror, quam *fidelis*, quae vox in nomen proprium villici evasit. Itaque Pistus, graece πιστός, idem valet ac Petrus, Paulus, Pamphilus. Id igitur nominis erat Villico, cui rastros coram in manum tradendos Lysimachus mandabat. Quem ad manum habeo Plautum, is commentario caret: unum consului cum notis Variorum; at nihil in illo deprehendi quoad Pistum. At, inquires, cur Pistus? Quod qui primum id nominis nactus fuerat, se hero suo fidelem praebebat. Si quid melius succurrerit, deinceps dabo. Nunc isthac extemporali interpretatione contentus esto. Ceterum in Vrbe res friget, nihilque omnino novi est. Modo illud tamquam novum agnoscas, quod continenibus pluviis segetes probucuerint, grandines deciderint saxo similes, ita ut lapides pluvisse visum sit (Casertam versus id acci-

accidit) damnaque multa fatis , quae pene luxuriabant ; illata sint , nosque domi servemus . At vero illud non parum crexit confirmavitque animos plebium ordinumque jacentes percullosque , quod praesentissimus hujus Regni Patronus inclytus S. Januarius faustum omen portenderit , nosque bene sperare jusserit . Namque proximo exacto Saturni die in sepro ad Nilum magnificentissime instructo atque exornato coram Primoribus pene omnibus , exteris quamplurimis , qua Hispanis , qua Germanis , ac frequentissimo populo enixissime fervidas preces ad Deum effundente atque urceatim illacrymante , sanguis , qui illuc comportatus fuerat concretus ac saxo silice durior , e regione Capitis collocatus , post viginti , quae vocantur , minuta , statim tamquam recens fusus esset , ebullire atque colliquefieri occoepit . Quanta omnium gratulatio , quantaque gestientis populi laetitia subsequuta sit , tute conjectura facile assequi poteris . Plus enim vice simplici hujusmodi permixto spectaculo interfuisti . Ceteris securis diebus stata hora idem contigit examussum . Quid igitur nobis non sperandum tanto auspice ac tanto Averrunco ? Haud dubie in fines Thracios agentur , quae nobis impendere mala videbantur . Nunc ipsum cum scribo nuntiatur Principis S. Nicandri uxorem , feminam incomparabilem , hesternae die vix una elapsa noctis hora , Casertae diem obiisse supremum . Vix septimum diem decubuerat phlegmate correpta , quod pectus obsederat . Cadaver hac ipsa proxima nocte Neapolim transvectum est , quo hic animae innocentissimae parentetur .

Ejus

Ejus virum dolore externatum ferunt. Proh ancipitia hominum consilia! proh fallaces spes! neque amplissimi quique honores satum ineluctabile remorantur. Hodie antequam quinta, more Hispano, elabatur, ad Coniclen pergemus sacras exercitationes obituri. Quam sanctum opus aggrediamur, te non fugit. Quare cetera negotia interquiescant oportet. Quid? jam caperata fronte subirasceris? jam ne de te tuaque salute conclamarum putas, quod una tantum hebdomade meis sale nullo conditis litteris carendum tibi erit? Bona verba, quaeso. Absiste moveri. Si quid temporis, succisivis horis, subripere mihi licuerit, libenter epistolio quam brevissimo scribillando impertiar. Verumtamen illud tibi praedictum volo, nihil tibi exspectandum, quod terrenum sapiat, aut meras nugas apinasque oleat. Vel te isthic pene immenso locorum intervallo a me abjunctum diffisumque flagellorum fragore plagarumque crepitu concutiam ac perterrebo. Tonitrua ingentia maximo bombo per aërem personare tibi audire videberis. En alia res nova. Hodierna luce ad Armamentarium e regione Regiarum Triremium suspenderetur Miles e maritimis, qui dum excubabat in Prochorotrophio, disploso sclopo occidit suum decurionem innocentissimum. Prehensum cum rogassent, cur tantum scelus patrasset? respondit, quod suspendio vitam finire avebat. Hodie planissime voti compos evadet. Jam primo mane catnix furcam depanxerat. Visne plura? A me eruditissimo Principi Michaëli Pignatello, ejusque suavissimis filiis tuae curae

con-

concreditur plurimam salutem nuntiato officiosissime. Quos salvere vicissim iussisti Ephebos equites tuo tuorumque nomine, te tuosque imperant salute pugilica peramanter. Vale, meque mutuis apud Deum precibus adjuva. Ex Aedibus Regii Ephebei VII. idus April. Ann. R. S. CIOICCCCLXIII.

DOlui, laetatus sum; quod meae laudes tibi salivam moverint; quodque istis spectatissimis tuis alumnis pergratae acciderint. Hem! quid hominis es? Anne iterum ad Olynthi integram aetatem te rediisse putas, qui jam fabulam prope peregeris? Vin' tibi crepundia, chiramaxia, aliaque puerilia mitteam oblectamenta? In pueros eosque magnis itineribus ad virtutis adiutum progredientes laudes ubertim congerantur oportet. Id quare? Ne senticetum atque salebras inibi esse credant, ubi perpetuum ver vernat, nihilque est, quod non alliciat pertrahatque. Laudes pueris vice calcarium funguntur: quo incitatus currant, viamque vorent libentius, efficiunt. At vero, cui bono calcat equo pulmonario atque ilia ducenti? Maturatur profecto illi mors, quae lentius advenisset. Tunc cupidus laudum, qui unice illas refugisti? Quae chartae tuis non scatent praeconiis? Astutus! nunc demum sentio, quo tuae spectant querelae. Vberiores expressurus laudes, argumentumque suppeditaturus epistolae, in id descendisti consilium. Percallide profecto, neque id pernego. Verum haud

haud ita prospere res cessit, quin clavus clavo truderetur. Cornicum quippe oculos confixi. At haecenus luisse satis. Quod vero me benigne rogabas, qui una dictione tabularium aequae atque libraria cella, dithyrambico more coagmentatis compactisque verbis, exprimeretur, id me sollicitum habuit aliquantisper. Verum re mature expensa, ac non sine amicorum consilio, quorum ab ore, uti nosti, pendeo, existimavi non omnino improbandum vocabulum isthic sapienter proculsum, scilicet *Grammatobibliotheca*. At vero, si id pateris, aliquantulum immutatum efferrem, nimirum *Biblogrammatophilacium*, quo suavius concinniusque, ni fallor, evadat. Namque licet utraque clausula idem valeat, tamen posterior praeferenda videtur. Nescio quid grandius sonat, atque se per se magis commendat. Ceterum dicta indicta volo, remque in medium relinquo. Per me utrumvis felix licebit. Illud vero re etiam atque etiam oratum volo, ut a me excellentissimo Michaëli Pignatello ubi gratias egeris quam exquisitis honorificisque verbis, salutem dicas plurimam officiosissime. Nominē quoque meo, quos ad humanitatem informas dociles, iuxta atque eximios adolescentulos jube salvere peramanter. Archintus, ceterique Regii Ephebi Equites tuos teque resalutant amicissime. Ex Aedibus Regii Ephebei pridie kal. Majas CIOIOCCCLXIII.

P. S. Jam epistolam complicanti adfuit, uti solitus est, pro sua humanitate, noster communis amicus Franciscus Daniel, meque disertis
ver.

verbis iussit te suo nomine salutare quamplurimum. Iterum vale.

E I D E M.

87

Quod tempus litteris hisce scribendis impendi, id omne de meridiatione dedidi. Haud temere enim veritus sum, ne tibi, tuisque quodammodo offensioni forem. Quare eo prorsus tempore amico operam dandam officioque satisfaciendum censui, quo, si corpori inservissem, nullam impietatis notam subissem. Vide igitur, quanti te facio, licet non pro merito: dum enim ceteri, qui hic una mecum peregrinantur, aliquantisper meridianur, quo cibum concoquant; ego ingratis somni, qui a prandio, hac praesertim tempestate, perjucundus est, vigilo, ne meis litteris, vel unius hebdomadis curriculo, careas omnino. Neque ejus me poenitet, neque muto factum. Quidquid enim amico datur, id quam rectissime impensum quamque utilissime collocatum existimetur oportet. Ecquid, amabo te, amico praestabilius, quid jucundius, quid tandem sanctius, secundum Deum, ac parentes, fingi aut excogitari potest? Quin imo, ut verum ingenue fatear, nulli penitus invideo, nisi qui suppellectile amicorum eaque copiosa instructus est. Ceterum vel Croesi divitias Attalique decantarissimam opulentiam oculis spectarem irretortis. Sed de his haecenus. Numquid novi, inquires? Nuntiatum est, quod praeterito mercurii die in Coenobio Fratrum Minimorum, quod vulgo vocant ad Stellam, denatae feminae Principi S. Nicandri

caudri iusta parentaliorum sollemni pompa magnificoque apparatu perfoluta fuerunt. Laudavit defunctam ex Rostris P. Gerardus de Angelis. Debebatur profecto tantae matronae, cuius memoria numquam apud posteros abolesceret, talis tantusque suarum laudum praeco. Nemo quidem ad istam eximiam feminam accessit, quin beneficiis ornaretur, aut indubia spe discesserit fore, ut illis tandem aliquando potiretur. Nos hinc, Deo iuvante, non frustra tempus impendimus. Opus, quod aggressi sumus, perfectum iri speramus. Semen enim divini verbi in terram bonam, sedulo exercitam ac magno cum labore subactam, cadere videtur. Quare haud despero futurum, ut uberrimi collocatae operae impensique laboris fructus percipiantur. Illud vero me non mediocriter sollicitum habuit, quod, nescio quo casu, tuae ad me litterae hac hebdomade minime perlatae sint. Non semel rogavi eos, quibus epistolarum cura per orbem est, & nihil omnino litterarum abs te fuisse responderunt. Fortasse accidit, ut continentium imbrium causa serius solito huc pervenerint, aut perierint. Quod hieme non raro contingit. Vno verbo, servo hebdomadario sedulo mandavi, ne hoc negligeret omnino. Quare te obsecro, ut, cum scripseris, de eo me facias certiore, & an meae ad te allatae sint. Quid ulterius scribam, haud suppetit. Anxie tuas praestolabar, per quas de more mihi argumentum suppeditaretur. A me tuis alumnis, mihi oculis ipsis carioribus, eorumque egregio non minus, quam eruditissimo Parenti salutem pluri-

Quod praeterita hebdomade ad te minime scripserim , ne mirere , quaeso . Nivanum enim petivi , oppidulum ad cc. passus a municipio Frattensi distitum , una cum novo Campaniae Praefecto , qui illic manere constituit . Ad sex dies eo loci moratus sum non mediocri animi mei voluntate . Quidni ? Quid , amabo te , amico candido ac sincero amabilius , quid jucundius inveniri potest ? His accedit , quod vetulam meam parentem jam praevallidam identidem invisi . Quanti illam merito facio , haud te fugit . Quod eam omnibus officiis prosequor , quod munusculis continentibus afficio , eum ceteris satisfaciam , mihi ipse nunquam satisfacio . Tantum me illi debere intelligo , quantum vix aut ne vix quidem persolvi potest . Ceterum dolui , quod isthic pedibus labores , sanguinemque miseris , quo intolerando dolori occurreres . Patientia tantum malum qualicumque remedio cedere nescium levius facias oportet . Nisi quod adhuc unum restare vulgo autumant , nempe pecuniae minutionem . Nummosos homines isthoc morbo implicari plerumque existimatur . Tu plus scis , quid facto opus est . Quatuor Altarium festum , quominus de more magno confluentium populorum concursu celebraretur , pluvia impedimento fuit . Credideris ! pene nullus absit dies , quin imbres decidant copiosi . Quare , ne ranas evadamus , magnopere timendum est .

Cete.

Ceterum fata haud ita talem passa sunt iacturam, ut non uberrimam segetem polliceantur. Nunc ipsum cum scribo, tanta defaevit tempestas non sine fulgetris ac ingentibus tonitruis, ut aqua urceatim decidere videatur. Qui isthic tempus procedit, & an vobiscum mitius agat, scribe quaeso. A me Excellentiss. Principi liberisque ejus dulcissimis salutem pugilicam. Vale. III. idus Jun.

FRANCISCO DANIELI

Paulus Moccia S. D.

89

Abstineto querelarum, iramque effervescentem coërceas, te oro obtestorque. Tantulum ne morae tantam tibi bilem in nasum concivie, neque ceteroqui aequabilem juvenem ita impulit atque commovit, ut, supplevis pedibus, ringereris; mihi que absenti minique tale merenti saevissima quaeque mimitarere? O me miserum! paucarum dieularum nec opina mora, quanta de spe decidi, & quot quantisque privatus sum bonis! Vtrinam praescissem te meas monstrosas lucubrationculas usque adeo expetere! Nae ego temporius tuis votis satisfecissem. Quin, ne tabellario quidem expectato, ingratis continentis pluviae ingentisque frigoris, ipsemet pertulissem. Merito te amo, quod mea tanti facis, tuaque aestimatione, quae tenebris obruta perpetuo delituissem, clarissimo in lumine collocas. Vtrinam plures hujusmodi litterarum fautores existerent! O quam bene cum Musarum amicis, Minervaeque affectis

L
agere.

ageretur! Nemo non omnes ingenii industriae-
 que nervos intenderet, quo de litteraria Rep. be-
 ne pro virili mereretur. Hisce quidem gloriae
 igniculis excitati minime otio marcescerent. Quis-
 que famae magis magisque studeret, bonique no-
 minis cupiditate succensus, eo dumtaxat specta-
 ret, unde Patriae utilitas, suis ornamentum, si-
 bique gloria pararetur. Perge, quaeso, ita face-
 re, atque succenseas amicis, ubi vel tantillum
 tuis flagrantissimis votis obsistunt. Namque ita
 efficies, ut nullus amplius desidiaae inertiaeque
 locus relinquatur. En tua perterritus ira, quae
 haud dubie Achillea ira acrior est atque implaca-
 bilior, alterique Homero nobiliter suppeditaret ar-
 gumentum novi cudendi Poëmatís, ad te mitto ne-
 dum Aurelianensem epistolam, verum etiam illam,
 quam in Antonii Telefii Opera concinnavi. Vi-
 de, quaeso, quí tecum ago! Quae imprudens de-
 tinueram, cum foenore restituo. Nam, quí alias
 tuum hians atque inexplebile os obstruerem? Sed
 Jocorum satis. Brevi plura, serio, & coram.
 Michaëli Testae, atque mellito Campolongo,
 ἀλγυβες αἴτιος παμφίλοις, atque aurea morum pro-
 bitate nulli secundis, a me salutem plurimam
 perquam officiose. O par beatum atque ipsi
 Pyladi Orestique invidendum! Vale meque de-
 vinctissimum tibi existimato.

E I D E M.

90

OMnia epigrammata Marci Mundii τὰ μακα-
 ρίτου, qua nuptialia, qua funebria, tum
 tandem cujuscumque alius generis, qua fieri po-
 tuit

potuit diligentia, percurri. Quod in ea quaedam menda irrepsit, dolui. Illud vero me crexit, quod nondum editio erat absoluta. Quare consueto syllabo ad libri calcem apponendū illud curabitur, ut innotescant. Hinc eo consilio elenchum confeci, quem ad te statim mittendum curabo. Quaedam vero tamquam erratis accensenda noravi, quae tamen fieri potest, ut recto talo stare valeant. Idcirco isthaec stellula signavi. Ceterum tibi gratias ago, quod mihi illorum copiam in antecessum feceris. Tantam profecto mihi eorum lectio iucunditatem peperit, quantam is experitur, qui in aurei saeculi scriptores legendos totus incumbit. Neque illud praeterendum, quod mea sententia, prima laus est in hujuscemodi epigrammaris: nimirum, quod aureus illorum auctor ita brevitatem sectatur, ut nullibi sensus obscuritate infusceretur. A me Marchioni Spiriteo τῷ πάνυ salutem plurimam dico. Vale. Ex Aedibus Regii Ephebei non. Octob. CIOIOCCCLXIII.

Multum te amo, quod oden, quam in Marcum Mundium τὸν μακαρίτην concinnavi, quam elegantissime; καὶ ἀνευ σφαλμάτων edendam curaveris. Nihil certe conducibilius Reip. litterariae praestari potest. Quod vero significabas mirum in modum placuisse Paulo nostro, quod ejus operarum diligentiam atque ἀκριβειαν laudarem, sic habeas, me non pro merito ipsius dexteritatem juxta atque curam laudasse. Res porro

ipsa loquitur: quæquot enim ex ejus Typographia libri prodeunt, tanta se commendant munditie, elegantia, formarumque nitore atque errorum immunitate, ut jam Batavis editionibus minime videatur invidendum. A me illi salutem multam officiose. Cura ut valeas.

E I D E M.

92

Quantopere nativi soli amor ducat, atque vel invitos repugnantesque pertrahat, qui te vel obiter spectavit, id ei luce meridiana clarius patebit. Namque si quando res tempusve postulat, ut Porta Campana egressus patrios lares revisas, tamquam letheum ebiberis poculum, reditus omnino oblivisceris. Primum id fieri putabam, quod Aulico splendore præstrictus, Primores quosque colere, ambire, ac prensare facilissimam arbitrabare viam, quo celerius ad honores evolares. Neque id temere erat. Quanti enim te faciant lætissimi Equites atque apud omnes gratiosi, haud ignorabam. Verum id me injuriâ suspicari animadverti, cum te post Regiæ Aulæ reditum ita isthic moras necere amicorum epistolis certior factus sum, tamquam deposita Neapolis cogitatione, parentis in sinu marcescere decrevisses. Sane quidem, quod nunc ex aliorum sermonibus certus dico, vel paucis post tuum abitum diebus affirmare potuissem, ni tantum amicis tribuerem, tantique illos facerem, ut, vel leviter de illis suspicari, maximum piaculam existimem. Statim scripturum editæque epistolæ exempla per certum hominem tibi mittenda, te cura.

curaturum, ut tuto ad me perferrentur, promiseras sancteque receperas. Verum vix Clementinos fines ingressus promissa praestare ita neglexisti, ut vel boni viri, nedum amici, officia deseruisse videaris. Vix semel mihi salutem adscripsisti, neutiquam facturus, nisi epistolii qualiscumque cupiditate incensus, amiculi meminisses. Tecum habeto, queso, tuum istum morem nescio quid Campani supercilii redolentem, neque posthac amiculos demereri satagito, quos nihil prorsus commritos infontesque ludibrio habere statuis, dignosque putas, quos impune asperneris. Pergito, ut coepisti, urbeque abesto quam diutissime. Montana loca colat, qui ita humanitatem exsult, ut seras inter innutritus videatur. Nunc demum intelligo, cur hominum conspectum fugitas teque in lustra condis, publicam lucem declinaturus. Quid? si hominum ultionem defugeris, haud tibi dabitur, ut caelestem iram devites. Nonne, vel te confitente, parum absuit, ut aquarum urcearim decidentium copia obruerere, ni sanctissimi Antistitis comitatu, tamquam validissimo scuto protectus, incolumis evalisses? Cave, quaeso, in posterum ut ita te geras, ne revera graviore perculsus malo ceteris exemplum statuaris. A me parenti tuo optimo amantissimoque salutem plurimam annosque Pilius apprecator officiosissime. Amici omnes te salvere jubent nominatim. Vale. Ex Aedibus Regii Ephebei postr. kal. Jan. CIOIOCCCLXII.

P. S. A me tuo isti Antistiti vigilantissimo sapientissimoque, postquam salutem nuntiaveris

L 3

plu-

plurimam, manum adorato perofficiose. iterum
vale.

M I C H A Ë L I T E S T A E

Paulus Moccia S. D.

93

QUod praeteritis diebus te jubente ad clarissimum Josephum Carullum scribere obfirmate detrectaverim, mecum gavisus sum vehementer. Hem! me vocante atque blande invitante, eo pertrahere impudenter conabare, proh qualem quantumque virum! ubi Mephitis sacra singulas in horas renovantur? Tanto enim tuae Aedes putore infestantur, ut nonnisi continentibus suffimentis, ac non mediocri turis Sabaei vi atque copia repurgandae videantur. Foeror quippe hedera arctius ipsis parietibus, vestibis, ipsique domesticae suppellectili, quae affatim abundas, ahaesit. Praeterea, quod peracta funeratione fiebat, usurpes necesse est. Nimirum exverriae tibi sunt indicendae, domusque, quanta quanta est, scopis naviter permundanda. Alias, deinceps Aedes tuas amoenissimo in loco positas, marisque prospectu montiumque praestantissimas, tamquam triste Bidental, vitabimus. At inquires, num familiarica sella, quae jam usque ad summum os impleta, tantum non exundabat, ut ita aeternum maneret, pati debebam? Nonne, amabo te, periculum fuisset, ne tota urbs, nedum domus, exundante forasque erumpente κόπρη operiretur? Vt levissime dicam, saltem scaphis non sine praelongo conto utendum nobis foret. Haud ita pudorem

derem abjeci, ut ista pernegem. Verum, quod interdium factum est, nonne noctu peragi, nullo ul- tro citroque itantium incommodo, atque quam ederrime, duplicatis operis perfici poterat? Ita quidem non modo tibi, verum etiam urbis in- demnitati consultum ivisses. At, quo, malum, ventrem exoneratum abissem? Quo? ad mare, quo quam proximo uteris fruerisque? Atque utinam tibi isthaec sententia federet! utique in posterum Aedes tuas, ceteroque caeli salubritate prorspectu- que eximias, tutius adiremus. A me Campolon- go, Cortesio, Farinae, Magnonioque, quos ne- dum diligo, verum etiam amo, dicito salutem peramanter. Cajetanus Migliore te officiose salu- rat. Vale.

E I D E M.

94

HEri pervesperari cum e regiis molibus in al- tum jactis, quo me deambulatum contu- leram, *τὸδα κατὰ τὸδα* redirem, mihi que exte- rius iret latusque tegeret eruditissimus adolescens; forte fortuna mihi occurrunt Andreas Ligorius, Cyrusque, proh quales animae! At ubi tam ex- spectatus contigit occurfus? prope cupedinarium e regione Salientium. Vix tres, quatuorve pas- sus, plus minus, ab illo aberamus. Mutuis de more persolutis officiis, vix illa vulgaria absol- veramus. Numquid novi? unde, & quo? quid agitur? qui valetur? Ecce tibi Andreas derepen- te: qui mihi salivam movent libula illa! quam belle sapiunt, ubi adhuc calent non sine ubere salis aspergine! Amicula, crede mihi, vel sum-

L 4

mos

mos digitos lamberes. Audin' qui sartago crepitat sisinnirque? Proh superum atque hominum fidem! jam nidore conficior. Pauxillulum pristolamini, quaeso; jam huc adero. Nos, quid ageretur, nescii, sermones cadere perreximus. Cum *ἀν' ἐπ' αὐ' ἔργον* Andreas laetitiis omnibus gestiens catinum attritum eumque decrusatum adfert calidis libis referrissimum. Et, quod caput est, jam ambabus malis unum alterumque devoraverat. Quid facias illis, qui neque aequum bonumque, neque rectum malumque sciunt? Feras oportet, ne quid pejus contingat. Qua de re omnes rubore licet suffusi, quippe qui in medio foro omnibus spectaculo eramus, morem *ἡλιονι* amico gesturi, confertis tamen humeris, tergoque tyrbae ultro citroque itanti obverso, festinanter libula frixa comedimus. Comedimus? Vix unum singuli summis labiis attrigeramus, cum jam acervatum catinum nedum detumuisse; verum etiam corrasum conforisque pelvi mundiorem conspeximus. Proh quale harathrum perniciosaeque ciborum! vel lupinam famem multis parasangis antevertit. I. nunc, atque illi condicito coenam. Certe actum de quovis esset, licet Satrapes fier. Haec ad te scripsi, non quo amicissimi hominis famae quidquam detractum velim; sed ut Emmanueli, quem oculitus amo, argumentum ridendi ludendique praeberem. Turpe quidem est magistrum cum culpa redarguit ipsum. Amice amantissime, vel me tacente, intelligis, haec a me scripta esse tantum, ut tempus fallerem, tibi que ad domesticas res, quam par est, attentiori, quoad in me situm est, levamento forem.

A me

A me Andreae Farinae, Campolongo, Ligorioque, mihi oculis ipsis carioribus, salutem plurimam nuntiato officiose. Cajetanus Migliore te salvere jubet plurimum. Vale.

CRedideris ! adhuc meae aures personant suavissimis hesternis sermonibus, inque meam mentem continenter recurrunt, quae mihi elegantiarum juxta atque leporum, charitum, venerumque penu instructissima poemaria recitastis. Inter dormiendum, modo nuptialium Deorum chorus mihi adstare videbatur, modo ipsemiet una cum Pronuba Junone sursum deorsum mihi videbar curitare, ne quid omnino sponsae deesset; interdum tristissimam Nymphae parentem solari, a qua jam avellenda foret; quandoque Pontificem Maximum affectari videbar confarationem rite peragentem, sponsamque in viri manum sacraque transferentem. Quam bene congruat diurna nocturnis ! quam vere dicitur, dormientes ea passim somnare, quae quisque proficetur, quamque exercet artem ! Ne ipse quidem Coëmprionalis ritus meis absuit somniis. Jam mihi videbar videre libripendem una cum puberibus testibus iisque Quiritibus imaginaria aeris traditione nuptiale foedus jungentem, familiarisque familiis nummaria ratione ita copulantem, ut jam ab una profectae gente viderentur. Praeclare profecto mecum ageretur, si in singulos dies hujusmodi virorum consortio, colloquiis, conspectuque frui concederetur. Ita quidem

dem vel illud tempus , quod necessariò quieti datur , vel nobis invitis conducibile non medio-criter nostris animis excolendis atque iterato su-bigendis experiremur . Deus bone ! quot quanta-que in remp. litterariam importantur bona per eruditos viros , eosque non perfunctorie in rebus philologicis versatos . Quocumque accedunt , lit-terata relinquunt vestigia , tantumque sapientiae profeminant studium ardoremque , ut mirabiles sui excitent amores . Quare id quod Divinus Plato tamquam ἀδύνατον desperavit , id exitu comprobatum esse laetor vehementer . Namque per homines sapientes litterisque perfecte imbu-tos idem efficitur ; atque per illos perinde affi-cimur ac si ipsam sapientiam oculis ipsis intue-remur . Praeterea , ut alia desint omnia , nullum-que suppetat argumentum , quo res luce meridia-na clarius probetur (res enim ipsa loquitur) ; vestra consuetudo , utinam convictus ! eruditique sermones nullo non lepore conditi id evincerent quam facillime . Quare , amice amantissime , re-rogo obtestorque , ut identidem (utinam in sin-gulos dies !) tanto viro tamque praeclare de Musis meritis stipatus me invisas , ejusque jucun-dissimo conspectu exhitares beesque . Quod autem serius expectatione hoc epistolium jampridem ru-di manu inchoatum accipias , ignoscas mihi , te obsecro . Ita enim sum , ut , quae inceperim , si forte imperfecta relinquo truncataque , absolvam pene numquam . A me Andreae Farinae , comita-te , morum facilitate , doctrina , scientiis disci-plinisque omnibus praestantissimo viro , salutem plurimam impertito diligenter . Vale , meque ; ut facis ,

facis, ama. Ex Aedibus Regii Ephebei id. April. CIOIOCCCLXII.

E I D E M.

96

Pomeridianis horis, uti nosti, ad Coniclen
 σου Σιῶν pergemus sacras de more exercita-
 tiones obituri. Bene sit Regi nostro, quem Deus
 diutissime sospiter, cujus expensis vel animabus
 consultum imus. Omnino igitur impediar, quo-
 minus, tuæ lustrico recurrente die, tibi coram,
 uti prorsus factum oporteret, faustos comprec-
 • annos quovis bono cumulativissimos. Quare si in
 antecessum implerem officia statim die præstanda,
 haud vereor, ne non aequi bonique consulas.
 Quid nā? Ignoras ne maturiore solutione nomi-
 na bis rescribi? His accedit, quod has litteras ac-
 cipies, cum jam inierit festus, dies Divo Michaē-
 li facer, undaque saluatorum jam confestim ita-
 re occiperit. Hebræorum quippe more festum
 vespere incoepisse, alteroque jam vertente desiis-
 se, nemo est qui nesciat. Quocirca non est, cur
 mihi subirascere, licet velis, nodumque in scir-
 po quaeras, si tibi gratulari festinanter prima
 fronte visus sim. Exporrige ergo caperatam fron-
 tem, litterasque officiosissimi amici excipito, qua
 solitus es humanitate, mihi que jam in Coniclæas
 Aedes magnis itineribus proficiscenti incolumitatem
 vicissim, ac veniam erratorum a Deo O. M. pre-
 cator enixe. Proh quot quantisque σφάλμασι a
 calce ad caput obruor! At illud doleo mace-
 ror que non mediocriter, quod ad ceteras meas
 noxas tamquam cumulus accefferint, quæ nudius
 tertius

tertius in Andream, Cyrumque sane quam impudenter effudi. Male sit Cupedinariis, libulis, atque factoribus! Namque absque eo esset, benignius mitiusque mecum apud Deum ageretur. Qua de re, si quid liberius scripsi, famamque amicorum vel leviter laesi, muto factum, palinodiamque ad ravim usque cano. Et, si hoc haud satis esse visum fuerit, vel lingua ipsa, quae chartis illevis, emungam! Verum quid multa? Te deprecatore non sine amicissimi Emmanuelis eximia opera praesentique ope in spem ingredior fore, ut voti compos factus, pacatius tranquilliusque ad animum culpis (heu quot quantisque!) inquinatum expiandum fortiter accingar. Faxit Deus O. M. superique omnes, ut vitiis triumphatis victor ad vos spoliisque Acherontis onustus revertar! A me amicis omnibus singularem salutem plurimam si communicaveris, per mihi gratum facies. Vale.

E I D E M.

97

VVLnus, quod jam obductum putaveram, recruduisse dolui vehementer. Jam exciderant memoria, quae imprudens adversus Ligorium, Cyrumque scripseram, atque nulla malefactorum conscientia, nullisque furiis exagitabar; cum hesternae die mihi tamquam agmine instructo occurrerunt, dum singulos anteaetae vitae actus singulasque cogitationes Deo mihi praesente facem diligentissime rimabar. Cum enim loca omnia animo lustrarem, quo ut plurimum me conferre consueveram, sive liberiore coelo frui-

fruiturus, sive, uti non raro accidebat, novas res aucupaturus, cumque omnia tamquam in editissimo loco constitutus attente circumspiciat, en ubi ad Arcem, quae ante Castrum Novum explicatur, pervenio, e vestigio obviam habui amicos, quos maledictis proscideram, indignabundo similes, atque me torve intuentes. Credideris! obrigui, totisque artibus contremiscere coepi. Hui! hoc etiam mihi expiandum supererat, & securus tamquam solidatis rationibus quiescebam? me miserum! utinam obtorpuisset manus, cum calamum arripui, quo in benemerentissimos homines censoriam virgulam distringerem! Male sit cacodaemoni, cujus technis praecipue factum est, ut libulorum comestio in medio foro usque adeo probrosa mihi videretur, ut etiam publicis litterarum monumentis testandam, ac dictariis scommatisque coercendam existimarem. Quare illos a me etiam atque etiam obsecrato, ut mihi iterum veniam petenti, erratumque ingenue confitenti, ignoscant, noxamque omnem Atheniensium more ἀμνηστία oblitterent expungantque. Quod si fecerint, uti facturos tua praesertim opera non despero, me sibi beneficio obstringent sempiterno. At te Di periant eradicentque, amicissime ceteroque Emmanuel, qui nescio quo fato Ligorium odio odisti Vatiniano! Namque ut tibi risum cierem, teque plerumque subtristem exhilararem, orationis floribus, quoad in me situm fuit, convestivi, quod revera factum non fuit. Ecce novus me pungit scrupulus: dum prudens vito culpam, imprudens in aliam labor, eamque graviolem. Manum igitur de sabula; at-

que

que illud ob oculos ut habeam diligenter curabo: *μυδὲν ἄγχι*. A loquacitate quidem exulat sapientia. A me amicis omnibus salutem plurimam. Vale, meque, ut facis, ama.

Quod vel neque hic quidem, quo me contuli hominum consuetudinem consortiumque aliquantisper declinaturus, a scribendo cessem, tibi que ceteroqui aedium rimosarum amicisque eo convenientibus non mediocriter periculum comminantium instaurationi sedulam operam navanti negotium facessam, teque importune interpellem, ne mirere, te rogo obtestorque. Namque hoc sollemniter semper fuit iis, qui mundo valere iussu, tantum ad aeviternas res animum appulerunt. Ceteros quippe omnes ita caducis fluxisque affici autumant, quemadmodum se ab illis nedum pertrahi, verum nec etiam allici, aut porius titillari deprehendunt. De iis quidem loquuntur tanta animi quiete, atque ita *ἀδιαφορῶς*; tamquam si de intermundiis Epicuri, aut de Lunicolis sermo institueretur. Nihil omnino ipsis continenter observatur; nihil eorum animos afficit, nihil denique est, quod cogitent attentius, quam quodcum aeternali vita caelestique beatitate conjunctum esse videtur. Eo spectant, quae assidue ducunt suspiria, lacrymae, vota, fervidaeque preces. Omnino ipsis sordent, quae terram sapiunt, & tandem aliquando tamquam vestimenta obsolescent. Quare cave, ne meas hasce litteras tamquam in-

intem.

tempeſtve te adeuntes repellas, eaſque tuarum aedium aditu intercludas. Illud memento ſerioque attende, has haud fuiſſe conſcriptas ab ardellione, cupidoque pecuniae; ſed ab homine inimico lamnae abditae terris, nummique in arca ſuſpirantis, & ab eo, quem, ſi fractus illabatur orbis, impavidum ferient ruinae. Τάτων ἔτως ὄντων, putasne illum Orthoftatae ſubſtructione commotum iri? Erras toto caelo, ſi ita animum tuum induxeris. Vtinam omnium bonorum largitor Deus illam tibi mentem immitteret, ut huc pauxillulum venires! proh quanta, momento temporis, rerum commutatio conſequeretur! tantum tibi caeleſtia curae forent, eaque te nedom invitarent, verum etiam raperent licet invitum repugnantemque. Tum quidem Paraſtatae, retractiones, balthei, διαζώματα, loriculae, carryatides, tophacei collis fultura, exulatum abirent, atque indignabundus ſtatim exclamares: ἐκὼς ἐκὼς ἐς ἐ βέβηλοι. Quare, ſi ſapis, tantum cura, ne domus ſit ruinoſa, alioqui viatoribus periculum, urbiſque deformitas creabitur, & quod caput eſt, multae arbitrio Aedilium obnoxius eris. Cetera Cajetano, communi amico, Architectonices ſcientiſſimo, permittito. A me amicos omnes ſalvere jube, eoſque etiam atque etiam rogato, ut me mutuis apud Deum precibus adjuvare minime graventur. Illud vero moneto Emmanuelem, quod: πολλάκις τὰ μὴ καλὰ, καλὰ πέφανται. Haud enim ita horrida μετάνοια videtur, ut tantum Anachoretis reſervandam exiſtimemus. Vale, meque, ut facis, ama.

HAc proxima nocte, tota quidem quanta fuit, omnino non vidi somnum oculis meis. Contraxer enim animo obversabatur meo tuum spectrum tantum non moerore confectum, itaque me alloqui videbatur. Egone, qui te volens libensque aedibus meis excepi, amice atque peramanter tibi operam dicavi nedum meam; verum etiam omnium domesticorum, tuoque ab ore pependi, maximo me piaculo obstringi existimans, si vel latum unguem a te discederem; nunc id commerui, ut tuis litteris, maledictis, scommatis, dieteriisque ad nauseam refertis proscissus, omnibus ludibrium debeam, atque despiciatui habear? Cumque tandem carpendi vellicandique argumentum deesset (proh pudor!) ut inexplabile cacoëthes quo quo pacto exfatiaret, vel faedissime famem depulisti. Ne familiaricam quidem sellam, quam instaurandam permundandamque locaveram, ne urbis indemnitati vel tantillum offenderem, intactam reliquisti. Eheu! quae in me non effudisti impudentissime? Tibi nunc ea singulatim obiectarem oggereremque, ni pudore retinerer. Vel in caupona, nonnisi honoris praefatione, nominanda forent. Vix haec fatus, cum ubertim, ne dicam, urceatim flere occoepit. Tum enim vero obrigui, ac non temere timui, ne mihi in capillum involeret, meque discerperet. Amice amantissime, te oro obtestorque, ut illud caveas diligentia, qua fieri poterit, maxima, ne, quae somnians vidi, interdiu exitu comprobentur.

Quare

Quare, ne mirere, quaeso, si infrequens fuero, tuisque aedibus abstinuero per aliquot dies, aut potius mentes: vera enim subest timoris causa, quae tantum temporis longinquitate evanescet. Amicos igitur meos omnes tui studiosissimos meis verbis nedum salvere, verum etiam valere jubebis. Vale.

P. S. Si forte ἀκριβέστατον Campolongus in hanc epistolam insurrexerit, a me roges, te oro, ut sibi in memoriam revocet oden XXXI. lib. I. cujus pene in medio haec habent: *daret ut castenis fatale monstrum; quae generosius perire Ote.* Jam enim mihi illum videor videre auribus arrectis in eo esse, ut in me censoriam virgulam dstringat, atque plagosi magistri ad instar me tremebundum manum ferulae supponere jubeat imperiosus. Ut verum fatear, neminem hactenus vidi, qui aliena scripta eruditioribus atque magis lynceis oculis contempleretur. A me illi salutem plurimam dicito, & si quid forte abnorme exciderit, festinanti calamo ut adscribat, etiam atque etiam obsecrato. Iterum vale.

E I D E M. 100

A Isne? Vena, qua hactenus benigne usus es, ita exaruit, ut potius de sicco pumice aquam exprimas, quam a te vel unum Etruscum versiculum extundas? Quonam abiire propitiae olim faventesque Camoenae, quae tibi vocatae atque non vocatae aderant? Videsis, quaeso, te excute: iterum caedito pluteum, caput scabito,
M neque

neque parito vivis unguibus : periclitare , amabo te , num iterum cum illis in gratiam redeas . Licet enim quandoque subiratae aufugiant aliòque avolent ; tamen si iterum rite vocaveris , utque tibi ignoscant , enixe oraveris , fortasse exorabis . Femineus quidem furor , ut repente effervescit , atque ultima quaeque minatur , ut res omnino conclamata videatur ; ita tamen statim paleae ignis ad instar restinguitur evanescitque . Accedit quod non agitur de laudibus humanis ; sed de magni nominis Divo , quem pro lubitu , modo sistes Vlyssipone , modo Patavii , atque id nullis magicis artibus . Quo sane , quid mirabilius fingi potest , aut Venusini Vatis canonicis magis consentaneum ? Quod si ad ternadenas gratias , decimasque pullarias animum paullisper adjeceris , ecquaenam non subolescet dicendi seges ? Vt verum dicam , illud non mediocriter vereor , ne rerum copia inops efficiaris , tamquam si dubiae coenae affideres . Age , quaeso , calamum arripito , postquam calamario cultro recte exacueris , reque ad opus humeris tuis minime impar accingito . Cura ut valeas .

COMITI PHILIPPO GUIDO

Paulus Moccia S. D.

101

EN tuis jussibus , qua fieri potuit celeritate , & , quod caput est , ingratiis acerrimi capitis doloris , quo mire torquebar , obtemperavi . Obtemperavi autem ? quin imo meis flagrantissimis voris cumulatissime praeter expectationem
fatis-

satisfeci. Jamdudum enim illud impensissime optaveram, ut, qualicumque oblata occasione, meam erga talem tantumque virum (cui incorrupta fides, justitia, abstinencia, caritasque erga Patriam quando invenient parem?) meam, inquam, observantiam quo quo modo testarer. En igitur tibi, hoc quaecumque est, debeo, tibi-que uni me acceptum referre ingenue profiteor. Qua de re tibi, uti par est, gratias ago maximas, & quod me potissimum tua imperata facere volueris, & quod meam opellam industriam-que illi dicaverim, apud quem jampridem enixe cupiveram, ut aliquod mei grati animi obsequii-que monumentum exstaret. Quod si vero tibi etiam probari hoc epigramma cognovero, tantum laetabor, quam qui maxime. Hugolinus Gannusius Regius ephebus eques, praeclara ad virtutem indole adolescentulus, quique pro aetatis ingenii-que modo magis magisque in dies in studio litterarum progreditur, tibi salutem plurimam adscribit una cum Dominico Venuto φιλοπόνοω adolescente graphidique prae ceteris deditissimo. Cajetanus Migliore te plurima salute impertit. Cura ut valeas. Ex Aedibus Regii Ephebei x. kal. Maj. CXCICCLXIV.

Quum

Sive mercatorum fraudibus sive curatorum annonae
Incuria seu quod exacto anno messis pene nulla fuit

Regnum Neapolitanum

Summa rerum omnium inopia

Frumentique difficultate ac penuria tanta laboraret

Vt nedum diuturna caritas acrisque fames

Verum mors etiam ipsa pertimescenda videretur

Quae jam hac illac qua data porta saeviter ruebat

Ac non paucos elanguescentes demetere occoeperat

Quod

Marchio Bernardus Tanusius

Ferdinando IV & a consiliis & a secretis

Divique Januarii cingulo insignitus

Vir prae ceteris ad publicam rem procurandam

Difficillimis perditissimisque temporibus

Proprie factus natusque

Ex transverso incurrens provido inexpectatoque consilio

Magis magisque in dies ingravescenti annonae

Malis

Malis adeo calamitatibusque furenter serpentibus

Extremaque omnia comminantibus

Tamquam ferro ignique ad tempus admotis

Sic frumento e longinquis regionibus advecto

Obviam mature eundum curarit

Futuraeque messis indemnitati consuluerit

In singulos quosque Pagos Vrbesque annona distributa

Ordo populusque Neapolitanus

Nec non accolae incolae inquilini exteri

Tali tantoque Viro

Patri Patriae Regnique conservatori

Grates persolvunt maximas

Habebuntque omni vita immortales

Prid. kal. Majas CXCXCCLXIV.

FRANCISCO CARIGNANO

Novolensium Duci

Paulus Moccia S. D.

102

VBi hesternæ die in aedibus Goyfuetianis per filium tuum, Fratrem Felicem, Melitensem equitem cumque Commendatarium, accepi, te pene jam recte valere, morbumque, qui tibi pedes manusque acerrime corripuerat, jam remississe, maximam cepi voluptatem. Dolebam equidem nec mediocriter, quod tu, qui musis scientiisque omnibus ita amicus es, ut praeclarissime de illis meritis omnium ore praediceris, morbo sic lecto decumberes, ut iis omnino bellum indicare cogereris. Quo quid miserius, quidve molestius litterato viro, continentique librorum omnium lectioni deditissimo contingere potest? Nae ego numquam te adivi, quin te in libros incumbentem offenderim. Numquam praeterea vespertinis te oris conveni, quo tibi familiariter te gerenti, animumque una cum spectatae fidei amicis, nec non tuis liberis, tui perstudiosis, tuoque ab ore pendentibus, relaxanti, officium facturus adesset, quin melior eruditiorque discessem. Vix dici potest, quor quantisque leporibus juxta ac succo plenis sententiis dictisque tuos adspergis & tamquam exquisitis embammaris condidis pro re nata sermones. Quae cum ita sint, qui non gaudeam, quin imo lacrimis omnibus gestiam, cum te jam morbum reliquisse audio?

Cura.

Cura, quaeso, ut valeas pugiliter: nihil enim gratius omnibus facere poteris. Ut talium virorum reliquiae quam diutissime restent, quis non conceptis votis exoptet? A me tuis filiis omnibus, quos ad omnem humanitatem vel ab ipsa puertitia non sine immodicis expensis ac singulari diligentia informandos curasti, ac nominatim Fratri Felici de litteris insigniter merito, salutem plurimam dices, quam etiam Vincentio Ferrario, ac Nicolao Bellio, viris morum candore praestantissimis, meo nomine imperties. Vale. Ex Aedilus Regii Ephebei v. id. Maj. CIOIOCCCLXIV.

DEODATO TARGIANO

Paulus Moccia S. D. 103

NE tuis quidem iussibus confirmatus, nec tua singulari erga me impulsus benevolentia, neque tandem morum tuorum suavitate allectus, jam omnino deliberaveram, mitterem ne ad te, quod concinnaveram epigramma. Quanti enim, multis nominibus, ac praesertim omnijugena eruditione, qua mirandum in modum praeceteris praestas, sis faciendus, probe noram. Quantis porro occupationibus iisque gravissimis distineris, & quod magis est, litterarum studiis haudquaquam intermissis, nedum valere iussis, quis, amabo, est, quem praetereat? Quae cum ita sint, quo tibi ore sisterem, quod αὐτοσχέδιως fuderam, licet in illum virum faciendum susceperim, qui nullis quamvis exquisitis perfectisque ad unguem praeconiis satis pro merito commen-

M 4

dari

dari poterit? Miram diligentiam, animumque vere paternum, quo hoc Regnum impensissime prosequitur, ad posteritatem omnem publico literarum monumento (utinam semper mansuro) transmittendum curavi. Quod vero unum duntaxat exemplum ad te miserim, ne mirere. Vnum omnino e multis, quae typis mandanda curaveram, mihi superfuerat. Mirum quam praepere omnia huc illuc avolarint. Atque tunc facile intelligi potuit, quanti ille merito hat, quantoque ipsum vicissim Neapolitani omnes amore complectantur. Is enim est, ut pro te teneas, qui publico tantum bono studet, ceteraque omnia posteriora habenda existimat. Qui miremur igitur, quod ei, si non referenda, saltem habenda gratia, omnes grati esse ac videri conitantur? Cajetanus Migliore te plurimum salvere jubet officiose. Vale. Ex Aedibus Regii Ephebei non. Maj. CIOIOCLXIV.

ANTONIO LEONIO

Paulus Moccia S. D.

104

Hesternae die, postquam abs te abi, qui mihi forte fortuna in Toletana via juxta aedes Perrellianas. occurristi, domum recta reversus, statim tua jussa facere occoepe. Duo enim exempla epigrammatis, quod in Marchionem Bernardum Tanusium condideram, in fasciculum complicavi, quo ad te nulla interposita mora perferrentur. Quia & servo, homini satis diligenti certoque, tradidi. Verum nescio quonam
nego-

negotio nec opino impeditus fuit, quominus eadem hora ad te convolaret. At inquires: quorsum isthaec purgatio? Nonne te postridie mane illa missurum promiseras, itaque condixeramus? Sane quidem. At vero me illud magis magisque impulit, ut quam celerrime tuis imperatis parem, scilicet quod inter loquendum jeceras, illo in epigrammate nescio quid dicacitatis inesse. Crede mihi, tantum abest, ut cuiquam obrectare voluerim, ut potius culpam omnem, quoad fieri potuit, elevarim, causis annonae caritatis dedita opera γεινῶς retensis. Accedit huc, quod quas illic memoravi penuriae causas, jam publicae Ephemerides, quae hic in singulas hebdomades bis excuduntur, uncialibus litteris diserte expresserant. Quare te etiam atque etiam rogo, ut illud attente legas, & vera an falsa ad te detulerint, mihi quamprimum significes. Vere ut dicam, sollicitum me habuit dicacitatis quantuluscumque rumor. Vale. Ex Aedibus Regii Ephebei III. non. Maj. CIOIOCCCLXIV.

CARMINO GERVNDÆ

Paulus Moccia S. D.

105

EN fidem, quam tibi hesternae die obligaram, libero; sed serius tua opinione. Pluvium enim tempus imberque pene continens in causa fuerunt, cur promissum adamussim minime praestiterim. His adde segnitiam meam cessationemque: nihil quidem tam gravate facio, quam exscribere ea, quae semel currenti cala-

calamo effudi. Haud vereor, ne non hanc meam purgationem accipias, pro ea qua mirifice praestas humanitate. Quod si vero, quam hic complicavi epistolam, sapientissimo Melphitanorum Antistiti legendam tradideris, illud in antecessum moneas te rogo, hanc tumultuario opere confectam fuisse, angustiis scilicet temporis, in quas imperio amplissimi viri, cui repugnare nefas erat, conjectus sum. Neque id adscripsi eo consilio, ut laudes invito exprimam, neque ut laureolam in mustaceo quaeram; sed ut, quemadmodum res se habuit, ingenue tibi significarem. Praefuli tandem vigilantissimo bonoque christianae Reip. ingenuisque artibus promovendis nato a me salutem plurimam dicito; quam etiam pientissimo Orontio, priscae fidei viro, ejusque incomparabili conjugii, beneque moratis liberis omnibus, solidae pietatis virtutisque alumnis, meo nomine officiose ac diligenter imperties. Vale, meque mutuis apud Deum precibus adjuva. Ex Aedibus Regii Ephebei VII. idus Jan. CIOIOCCCLX.

E I D E M.

106

T Vas litteras, quae mihi nonnisi a coena redditae fuerunt, statim tanquam lectissima Sicula dulciaria devoravi. Neque illud usurpandum censui: παραδῶναι εἰς ἀγρίον. Quid enim illis jucundius, quid suavius, quidve sapidius afferri poterat? Paschalibus officiis vicem Natalitiis faustis ominibus cum foenore reddebas. Quod enim tibi privatim persolveram officium, id mihi nedum tuo nomine, quod mihi quidem satis fuisset;

fuiſſet ; verum etiam totius Academiae verbis humaniſſime praestitiſti . Quodque caput eſt , atque ſummi in beneficii loco ponendum , illius coetus nomine id peragis , cui Paroecus noſter , vir omnijugena eruditione excultus , jure optimo praeeſt . Quare tibi tuiſque omnibus ſodalibus , ac praefertim Academici conſeſſus *πρωτότης* , gratias ago maximas , habeboque , quoad vivam , immortales . Interim ad te mitto exemplum epiſtolae , quam praeteritis diebus ad clariffimum Comitum Claromontii filium dedi , puerum pro aetatis ingeniique modo praeclare de interioribus litteris meritum . Eam ſi tua Stentorea voce coram Academicis legeris , tantum mihi gratum erit , quam quod maxime . Neque dubito , quin te libenter audiant , qui me tamquam anſerem inter olores perſtrepentem patienter auſcultaſunt , cum adverſus Barbeyracium juramenti ſanctitatem religionemque peſſumdare ac labefactare irritum conatu audentem declamarem . Verum de his haſtenus . Illud , quod , neſcio quonam maledicendi pruritu & cacoëthe adductus , ſubdidisti , quoad ſcribendi modum , haud ſatis concoxi . At dabis , improbe , poenas . Italum ſcilicet ſermonem ſelegiſti , quo certius ſignum attingeres . Quibus enim frequentius uteris armis , ea adhibuiſti , ne referentem , fruſtra ſerire videreris . Verum neque ita latere recto pugna diſcedes . Cum enim aliquantum praecluſero armaque eventilavero , luſoriis armis poſitis , te ad decertatoria , quibus tu a teneris , uti ajunt , unguculis aſſueviſti , audacter laceſſam . Namque & ego quid Etrurſce valeam , vel non ſine periculo experiri decrevi .

crevi. Esto, vincar, tecum tamen certasse praedicabor. Te tamen securum nihilque tale cogitantem ad paria comparanda provocabo. Interim a me Academicis omnibus, ac praesertim congressus Patrono praestantissimo, ejusque fratribus eruditione insignibus, salutem plurimam una cum Paschali fausto omine imperties diligenter. Vale. Ex Aedibus Regii Ephebei VII. idus Jan. MDCCCLXIV.

P. S. Duci Carignano, viro eruditissimo, ac priscae fidei, quorum hominum reliquias adhuc restare laetamur, ejusque liberis Musarum alumnis; salutem meo nomine nuntiabis officiosissime. Iterum vale.

E I D E M.

107

I Tane obligatam fidem liberas, ut omnino te nedum promissi, verum etiam tui ipsius immemorem fuisse, non mediocri animi mei dolore compererim? Jam sortitio appetit ludentiumque fervet opus; tu autem in utramvis aurem dormis, tamquam res nihili ageretur! Anne jam tibi mente excidit, quod praeteritis diebus persancte promiseras? Nonne ita cum amicissimo Cosma te acturum recepisti, ut, sortitione instante, voti compos fierem? Quare expergiscere, quaeso, ac ita te excute, nescio quam de causa, residem lentumque, ut non contemnendi amici causae indormisse minime videaris. Cosmam igitur, virum sane comem amicorumque perstudiosum fac quanto acius convenias; & quid

quid jam certi exploratique expiscatus sit, sciscitare diligenter. Novi enim hominis sedulitatem sollertiamque. Quod si te itineris labor retinet; adhibe quaeso industrium navumque Victorium, ejusque opera utere. Illo enim internuntio res facilius transigetur. Te jubente nulla interposita mora Tiresiam futurorum praescium adibit, & si quid certi est, renuntiabit. Quid quaeris? In id incumbere diligenter, nulla ut mora mihi officiat. Metus erit, ne inerebrescente lusorum turba, sortitione excludar. Quantum jacturae Fiscus fecerit, haud te fugit. Vtinam, qui Irus sum, Croesus evadam! A me Cosmae, Victorioque salutem. Vale.

E I D E M.

109

EN tibi mei supra quam credi potest studiofissimo, meaeque famae, si qua est, propugnatori acerrimo, volens libensque mitto, quas vehementer flagitabas, nugatorias inscriptiones ex tempore factas, quas casu potius, quam consilio servavi. Nihil omnino in iis offendes, quod lucernam oleat, nihilque elaboratum atque adamussim exactum; sed quidquid in buccam venit, chartis illevi pro re nata, amicorum voluntati morem gesturus. Praeterea hic invenies disjecti membra poëtae, resque nulla junctura atque ordine conglutinatas. Haud enim rebus; sed argumentis, quae ponebantur, operam navandam putavi. Quare te etiam atque etiam rogo obtestorque, ut ea tantum tempori fallendo destines, mihi que, ubi illa cursim, aut saluatim legeris,

legeris, remittas. Quae enim a grammatico viro eoque latinis graecisque litteris vix aut ne vix quidem perfunctorie imbuto scribuntur, haud cedro digna sunt; sed tantum piperis salisque cucullis destinentur oportet. Rides? Verum, qui alias districtas in me censorias virgulas plagosorum Aristarchorum declinem, manumque ferulae subducam? Supprime, quaeso, ista diligenter, meisque scapulis consulito. A me Melphiranorum Pontificem Christianae Reip. columnen atque ornamentum salutato diligenter, neque insalutam relinquito Marresianam familiam mihi oculis ipsis cariorem. Vale.

E I D E M.

109

VNciario ne foenore contentus eris, an sordidorum hominum more centesimas usuras exiges? Hoc quidem haud aequo animo patiar, cum tanti non sim, neque tantis instructus bonis, ut tuae inexplibili cupiditati satisfacturum non desperem. Vix enim unis acceptis litteris, jam alteras efflagitas; alterisque acceptis, etiam novis, &, quod caput est, verbosioribus miserrime inhias. Num mea nugamenta meraeque gerrae atque apinae, huiusmodi tibi famem opsonant, exquisitorum salgamorum ad instar, ut nonnisi immodica ciborum copia atque vi depellenda videatur? Prorsus quidem male mecum actum erit, si ita res se habeat. Solidos quippe annos, ne festis quidem, vel intercisis diebus demptis, desudem atque allaborem necesse est, ut ne fame pereas atque eneceris. Verum, qui
infini-

infinito labori continentique conscribillandi studio curaeque sufficiam? Jam aetas ad senium vergit, nono lustro pene jam absoluto, vires jam effectae evaserunt, canitiaeque exornor vel ipsis scapularibus senibus, aut filicerniis invidenda. Accedit quod praepingue corpus atque obesum jam occoept mole sua laborare, labascentibus fundamentis. Crura enim nimio, quo disfluo, humore intumuerunt. Postremo hisce omnibus, quibus urgeor, incommodis, tamquam colophonem addo, acerrimum, quo in dies divexor, capitis dolorem, ita ut pene jam ἀκέφαλος sim, atque stipiti truncoque simillimus. Quid? ne hisce quidem malis commotus, mei te miserefcet, meamque a scribendo cessationem excusabis? Haud certe adducar, ut credam, te tanta morum feritate esse, tamque agresti animo, ut hominem ex homine exuisse videaris. Quin immo, ex quo forte fortuna te novi, tuamque ad amicitiam mihi aditus patuit, πολιτικῷ φίλῳ amico auspice atque conciliatore, te semper justo humaniorem, tantaque comitate morumque facilitate praeditum deprehendi, ut nihil magis. Qua de re in spem ingredior fore, ut has, quas haecenus protuli, causas admittendas existimes, mihiq; tot tantisque malis afflicto atque perculso nedum subiras, verum etiam pro tua, qua prae ceteris mirum in modum excellis humanitate, libenter ignoscas. Mellitissimo, atque σοφωτάτῳ Melphitanorum Antistiti meis verbis salutem plurimam impertitor; quam etiam meo nomine toti Marresianae selectissimae familiae diligenter nuntiabis. Vale, meque tui quam studiosissimum existimato.

MI.

MICHAËLI TESTAE

Paulus Moccia S. D.

110

EXimie licet te amem, tibi que faustissima quaeque exoptem; haud tamen nunc me miseret tui, quin & magnopere ringor, cum te εὐκαίριος καὶ ἀναιρίτως tuam fortunam audio incusantem. Qua scates nummaria gaza ita tibi ea despicatui est atque pro nihilo, ut non bene cufos nummos asperosque, sed furno incoctas caepas congeffisse videaris. Nam tertio quoque verbo suspiras, atque tamquam de te jam actum clamaturnique foret, oculos ita in terram defigis, tristi vultu ad lacrymandum τεχνικῶς composito, ut infra Iri fortunam te positum, Iroque paupriorem esse indicare velle connitaris. Vae misero tibi! Risum moves, cum te jam homines ad commiserationem excitasse arbitraris. Beati quippe hominis opulentique conditio licet artificiose retorridique Aulici more prematur, sponte sua se se prodit, vel ipso invito ac reluctante. Age quaeso, ne te pudeat: quoties te amore impeditum quam occulte, putres patrantisque prodiderunt ocelli? Ne te demorer multis, omnia quam brevissima ἀναγκαστικώτερον complectar. Aetate integra formaque plusquam virili, tanta amicorum copia coleris (qua re quid praeclarius optatiusque fingi potest?) ut nemo hic non tibi invidet. Propinquitate tanta muniris, singulari naturae munere, ut, qua fere semper circumfunderis familia, ea vel maximo exercitui comparando satis esse

esse videatur. Rides? Adeat te quivis, qua lubet hora, vixque tuarum Aedium gradus scandere occoeperit, cum tanta illi ultro citroque adscendentium descendentiumque turba occurreret, ut non privati domum se petiisse puter, sed in frequentissimum Orbis terrarum emporium mercatumque se contulisse, arbitretur oporteat. Quid, si familiarius exceptus, in superiores contignationes invitabitur? Medius fidius, ubi incolarum tamquam e lustris erepentium multitudinem viderit, totum Lucullanum collem, quantus quantus est, excavatis forasque eductis visceribus interius inhabitari existimabit. Quid vero, ubi inaudiet eos omnes tibi parere, tuaque in dirione arctius retineri, quam cujuslibet viri Principis obnoxios populos plèbeculamque? Adde his Aedes tuas nobilissimo aequae ac in amoenissimo Urbis loco positas, ubi scilicet eximius voluptatum investigator Lucullus domicilium locaverat, maximamque anni partem transigebat quam libentissime. Nonne in praesenti quoque isthuc homines qualescumque, ubi advesperascit, laborum diurnorum molestiam levaturi concedunt? Tu vero isthic, modo fenestris inhaerens, modo ad clathratos foros adsidens, ne messorum ritu vestitus ridearis, itantis turbae non sine barbitis, crotalis, lyris, tympanisque horasque fallentis spectaculo (quo quid jucundius optabiliusque?) uteris fruerisque, inque immodicos risus solutus cachinnaris. Quam male igitur fortunam tibi impensissime arridentem, aut potius famulantem, & quod caput est, constanter, maledictis oneras execrariisque! Vtere, quaeso, ista benigna

N

pro-

propitiâque, ne (quod Deus averruncet) adversariam trucemque experiaris . Vin' me audire ? Oppedito sordidae argenti cupiditati , ludumque fortunae , aut potius forniculae , purum purumque commentum , stultulis ac maleferiatis relinquito . At enim centum minis ita rebus meis prospiciam , ut in posterum vel locupletissimi cujusque latifundiis minime macrescam . At nescis exigua esca voraces capi pisces , illicioque pictas aviculas irretiri ? Heu ! quot misere ad hunc scopulum impegerunt navesque fregerunt ! Vtere igitur paratis corpore sano menteque sana , amicosque ad te ventitantes , quemque heri vespertinis horis excepisti Josephum Carullum , litterariae Reip. lumen atque ornamentum , memoriaque exprompta ad miraculum usque pollentem , in tuarum deliciarum partem advocato libenter . Tandem , in posterum ita te gerito , ut quid vere lactaris (quod tibi Deus perpetuum propriumque faxit) non quid tristari simulas , prae te feras . Si quid liberius scripsi , amicitiae adscribito benevolentiaeque , qua te prosequor pene singulari . Quid ? Summuffas , caput moves , mihi que minaris ? Quin & illud dicere mussitans videris : ridentem dicere verum quis prohibet ? Ita habet , manusque do libens , Verum , qui clamantem , *cerasa majoris notae* , *cerasa majoris notae* , ridet vestitum eleganter tamquam ad forum perrecturum , flabelloque circumvolitantes muscas abigentem , ut prae nimio cachinnandi impetu pene totam concutiat domum , haud ita natura comparatus est , ut amicum , quam dictum perdere malit . Qui enim ita affectus est , ille niger est ,
illum .

illumque diligenter caveto. Sed jocosum satis. Nunc serio, quod reliquum est, transigamus. Quod calcis est nondum bene exasciatae in summo Balteo, statim corradī jubeto, ne adscensu descensuve imprudentes cespitemus. Amicule, satis pro imperio? Is sum: ser me. A me amicis omnibus salutem impertire plurimam. Vale.

QUod uno alterove die a scribendo cessaverim, ne mirere, te etiam atque etiam rogo obtestorque. Haud enim ita factum est, quod amor, quo te jure ac merito prosecutus sum, jam refrixerit, aut quod tua in me promerita vel tantillum oblitteraverim (quo quid monstrosius excogitari potest?) sed quia nullum omnino epistolae qualiscumque concinnandae argumentum suppeteret. At inquires, huius quam frigida causa! Quidquid in buccam, uti ajunt, si chartis illevisses, aequè mihi gratum jucundumque accidisset atque si sententiolam epistolam rebusque ponderosam misisses. Nonne, amabo te, vel quae jocans scriptis mandasti, ita cuncti suspeximus, tamquam e tripode pronuntiarentur? Nonne saepius lectae atque relectae litterae tuae tantum absuit, ut oscitanter exciperentur, ut porius, quo centies repererentur, efflagitarum sit? Quot exempla sumpta? quot ortae contentiones, quo Ἀρχέτυπον recipere? Haud te fugit, quanto mitis sapientia Carulli, quanto, inquam, opere postulaverit, ut omnium ad se exempla litterarum quam diligentissime mitterentur. Ipsemet

tuis ipsius oculis vidisti quam avide e manibus Campolongi eripuerit binas Vlyssiponenses epistolas, & quam celeriter occuluerit, metu, ne vis vi repelleretur. Quare desinas, quaeso, caussari, quod argumentum desit, quodque vereare, ne joculari scribendi genere amicitiae jura violes laedatque. Pene dixerim, si ita illam laeferis, vel trabali clavo figes. Jocare in posterum, quaeso, otiose, meque vel saevidiſtis protelato, nedum malediſtis proſcindito, modo me tuis litteris vel nullo argumento ſcriptis calamoque currenti oblectare perrexeris. Abſit verbo invidentia, mihi ſapiunt vel ambrosia ſuavius. Amice in paucis care, ut verum fatear, tanta in dicendo vales vi atque copia, ut vel immanis quiſque atque ab omni humanitate alienus tibi vel invitus manus det, tuamque in ſententiam pedibus eat, neceſſe eſt. Ita quidem rationibus tamquam turmatim inſtructis, ſapientiſſimi providentiſſimique more imperatoris, quaelibet hostis adventantis atque interne cinum praelium minantis conſilia antevertis, utque vel iniquiſſimas pacis conditiones accipiat, quam facillime committis. Intermiſſum igitur ſcribendi officium, quoad fieri poterit, revocabo, atque tibi amicisque communibus, qui iſthuc muſis ſacra peracturi conveniunt, morem ut geram, poſthac cavebo diligentius. Illos igitur nominatim ſalutato atque officioſe meis verbis. Vale.

ERgo fastorum, nefastorumque dierum, festorum, profestorum, intercisorumque utilissima divisio atque sapientissimo consilio inducta, mihi prorsus inutilis evadet, ac fere numquam ab opere desistere, imo vel pauxillulum quiescere permittetur? Vix enim una scripta epistola est, cum jam alia scribenda emergit, sibi que invicem, reciprocante accessu atque recessu, pene perpetua serie eodemque tenore indefinenter succedunt. Nudius tertius jam me omni defunctum labore atque rude donatum putabam, absoluto omnigeni argumenti epistolio non sine diligenti tuae secundae fortunae commemoratione: ecce tibi, novus subortus est atque inopinus amicorum questus (utinam non personatus!) quo tamquam inurbanus carpebar atque eruditae consuetudinis festivique vespertini Chori hostis perniciosque. Cui igitur bono (ajebant) longitudo itineris, furum periculum, continentes pluviae lubricaeque viae, ni epistolari excipimur coena viresque procuramus? Salve & vale igitur, mellite Michaël, tibi que habeto quantum quantum est deliciarum ad Lucullani collis radices. Haud illis ducimur, atque isthuc pertrahimur vel invitati: litteratos litterariae res oblectant: istae ut sint in promptu curato, atque tum te frequentes colemus; alias solitudine maceratus conficiēris. Amice amantissime, quantopere me tui miserescat, tuamque vicem doleam, tibi persuasum esse, nullus dubito. Quanti te merito faciam, ex-

pertus nosti. Ceterum vel illud tibi etiam atque etiam videndum atque diligentissime cavendum, ne mihi tantum oneris imponatur, ut tandem succollando impar concidam jure ac merito ridendus. Postremo illud advertas velim perpetua scribendi prurigine ita effervesce ingenium, ut luxuriante praeter modum aestu huc illuc dilabatur, tandemque evanescat. Quare, si, ut identidem scribam, satis habueris, perpetuo litterarum commercio fruëris; sin quotidianis inhias litteris, haud temere vereor, ne citius opinione epistolare officium conquiescat. Vale.

E I D E M.

113

JAm fronte caperata ultinia quaeque minaris. Altero quoque verbo ad nauseam usque illud usurpas. Ecquisnam fieri posse putasset amicorum amantissimum hominem, mihiq; oculis ipsis cariorum ita fidem proditurum, ut nedum infrequentiae, verum etiam deserti officii jure ac merito insimuletur? Vere igitur ajunt nihil tam difficile videri, quin contingat. Proh superum atque hominum fidem! jam ad ipsum felicitatis fastigium pervenisse stulte credebam, tanti viri consuetudine cohonestatus, cum derepente in ipsissimum miseriarum barathrum me praecipitem actum animadverti. O fallaces spes! o ancipitia hominum consilia! At, malum, quod fieri potuit, ut mutato consilio, amici supra fidem amantissimi Aedes valere perpetuum jusserit? Anne male exceptus? Subuculane muranda haud in promptu? diligentissima ne mea Soror, cui nihil antiquius,
quam

quam tanti amici cura, illa ne incuriosa com-
 perta? Minime. Ad foros statim accurrit, u-
 bi illum adventantem non sine magna fenestra-
 rum moritatione inaudit, Amice, vin' me au-
 dire? oppido erras, neque dubitandum, quin te
 hypochondriacum virus ita susque deque ferat, ut
 in fictum hostem cataphracti militis ad instar ir-
 ruere videaris. Depone, quaeso, quam amice fo-
 ves suspicionem, tibi que persuadeas velim, te apud
 me tanto esse in pretio, ut neque Attalicis
 conditionibus, neque Achaemeniis opibus dimo-
 vear, quo tuas Aedes tum natura amoenissimas,
 tum Domini, a quo insidentur, claritudine prae-
 stantissimas, valere jubeam. Neque ego is sum,
 qui amicitiam dissuam, nedum scindam tam fa-
 cile, quam libenter tu sanguinem, incisa vena
 qualicumque de causa, profundis. Vtique supe-
 riore nocte tantum non obrigui, cum tua in do-
 mo ita ἀδριακόπως mitti sanguinem vidi, ut vix
 in taberna laniena ad Tolletanam viam quid-
 quam simile contingat. Vix enim unius secta
 vena fuerat, vixque fasciola obligata, cum jam
 alia exserto nudatoque varicoso brachio, ut sua
 incideretur, oculis nictabat. Mirum certe fuit,
 quin cruore a calce ad caput peritus domum re-
 direm. Qui igitur cruentis spectaculis in dies ob-
 lectatur oculosque pascit, haud mirandum est,
 si ita amicitias aestimet spectetque, ut quavis
 de causa profundi posse videantur. Vtere, quaeso,
 in posterum judicio tuo; ego vero neque bellici
 quidem tormenti ictu dimovebbr, quo a mea sen-
 tentia discedam. A me Campolongo, Cajetano,
 Farinae, Cortesio, Magnonioque ita salutem nun-

tiato, ut me illis tantum debere sentiant, quartum, si Nestoreos annos vixero, vix me persoluturum sperabo. Vale.

E I D E M.

114

JAm me tui memoriam deposuisse rebaris, nihilque amplius litterarum in posterum accepturum sperabas: ita me obfirmate in proposito manere animadverteras. Neque id te falso ad aliquod tempus autumasse aperte confiteor. Ita enim apud animum omnino desponderam; quandoquidem tam male ageretur cum illis, qui literis fovendis promovendisque operam pro se quisque suam sedulo navarent. Res vero clarior est, quam ut probatione indigeat. Verum enim vero ne ita amicitiae jura violasse redarguerer, desero inopinanter epistolari commercio, nulla praesertim probabili de causa, en illud repeto volens libensque, tibi recipio me numquam commissurum, ut deinceps officium requiras meum. Ut etiam desit argumentum, vel illud comminiscar, vel scribam quidquid in buccam, ac veluti per lancem saturam. Obstrepant per me licebit importuni graculi atque cornicentur; nos nobismetipsis canentes, virtuti sophiaeque litabimus. Oppedant, blaterent, crocitentque, nos surda aure inconditos excipiemus clamores. Surdo, mihi crede, fabulas narrabunt. Namque hi maleferiati homines per malefacta ad laudem contendunt; atque si forte contigerit, ut sibi par pari referatur, meritaque subeant vices, Hydrae ritu vivaciores evadunt, atque ex ipsa ruina vires animi-

munque sumunt. Quid multa? quod ceteri mortalium defugiunt averfanturque, id illi vel conceptis votis enixe exoptant, nimirum nisi si famosi evaserint, eorum nomen oblivione obruetur aeterna. At vero illis idem, quod flammis, usaveniet. Hae namque, ubi crepitabunt fragoreque proximos quosque excutient, libenter conspiciuntur, & nemo non ad illas se calefactum accedit; at simul ac restincto igne deservescunt furorque remitteret, ventorum vi hac illac dissipantur in tenuissimum cinerem redactae. Ut ut res erit, licet prospere processerit (quod non perraro accidit), numquam tamen id committendum est, unde infamia non temere erit pertimescenda. Sibi consulant ita alii famaeque serviant; ego, vero numquam adducar, ut huiusmodi insistens viam ad gloriam dignitatemque me pervenire posse existimem. A me amicissimo Campolongo salutem plurimam impertitor, eandemque Farinae amantissimo perofficiose nuntiabis. Vale.

E I D E M.

115

HEm! respice te tandem, aliquantisper tibi parce, atque domesticorum negotiorum fafce, quo non parum urgeris, iniquae mentis asselli ad instar excusso, in illud sedulo dumtaxat incumbito, ut, quoad vixeris, bene vivas, teque tibi reddas. Namque si te facilem ostenderis, querelisque omnibus locum reliqueris, haud temere verendum erit, ne tandem aliquando frequentia rerum nimioque onere obrutus, vitae te pigeat taedeatque. Qui enim, amabo
te,

te, feres modo inquilinos efflagitantes, ut statim fellae familiaricae, putco immundo, fenestrae ventorum vi diffractae, pessulo cadivo, ac postremo pavimento subdiali perpluente rimosoque consultum eatur? modo parentum tricas, nugas, litesque de lana caprina; modo cerebrosa nupturientium sororum vota, quae si suis rationibus consuluerint, ceterorum perniciem totiusque domus ruinam nihil omnino morantur? Qui, inquam, isthaec feres? Si autem vivendum miserrime est, etiam illud tibi consilium ineundum est, ut, tuis omnibus valere iussis, alio te conferas, quod reliquum est vitae, traducturus. Quod si ita deliberaveris, uti te haud dubie deliberaturum confido, me tibi socium adjungam. Haud enim minus angor curisque domesticis exedor. Vah lepida capitula! si quid laetitiae suboritur, forsque fortuna arridet, ita sibi placent, sibi que gaudia vindicant, ut, ne quid foras erumpat depreave, caveant diligenter. At si quid turbatum est domi, resque minus salvae esse videntur; nulla interposita mora, tamquam omnium vita, fama, bona, fortunaeque periclitentur, id nulli non communicandum existimant. Quippe haud illos fugit, communione non parum minui dolorem curasque edaces. Si, quid consilii capies, me certiore feceris, sane quam mihi gratum accidet. Namque ipsemet jam eodem inito consilio, ubi aliquid convasavero, te vel Barbaras syrtes, ubi Maura semper aestuat unda, aduntem sequar quam libenter. A me Campolongum ut plurimum salvere jubeas, te oro obtestorque.

Vti-

Vtinam & ipse in nostram sententiam pedibus concedat! Vale.

Quin domesticae curae reique familiaris administratione negotium facebant animumque torqueant, nemo omnium fortasse erit, qui in dubium id revocandum arbitratur. Ut praeteream furum metum, technas servorum, inquilinorum fraudes continentisque questus, reliquos debitores, aediumque sumptuosas instaurationes; quid excogitari potest molestius querulis petacibusque parentibus, quid illis taetrius graviusque, si sibi demi suspicentur, quod in alios propinquitatem conjunctissimos largiari? quid fingetur maledicentius invida sorore, si quam tibi prae ceteris eximiam praecipuamque habueris? Iratae leaenae rictus mitiores prout ea, quae illius rabies dabit. Quid fratre inveniri potest molestius, quidve improbius, ubi consuetudine devincitur mala, si parce sumptus suppeditaveris? Ceterum, amice in paucis care, si paullisper attenderis, quid boni inde etiam proficiscitur, fortasse isthaec omnia leviora prae illo existimabis. Et primum quidem queruli, sed studiosi parentes, nonne id sedulo curant, ut ne quid tibi desit? Si sudore madens domum redis, ut subucula ac mantile sit in promptu non sine pelvi, quo statim laves; si dormitum eundum est, ut lectus sternatur; si prandendum, si coenandum, ut mensa cibus, si non exquisitis, saltem diligenter paratis instruatur; si tandem amici excipien-

di,

di, ut domus tota permundetur. Deinde si forte implicitus morbo (quod Deus avertat) decubueris, quid diligentius attentiusque Mater est? Haec interdiu, haec noctu sursum deorsum currit, nihil non agit, ipsa suis manibus cibos parat, praebet, utque comedas, studiose hortatur: tecum affidet, te intuetur, si quid forte nutans indicaveris, numquam defatigatur, tui memor, sui immemor, vel suos tibi addere annos minime refugit, valetudinem cum valetudine vel commutare parata. Quae omnia vel divitiis Croesi minime consequeris, ubi propinquitate destituaris. Et tandem, si quid humanitus contigerit, quid honestius, quid optatius, quidve praestabilius lacrymis tuorum? Nonne miserrima vita ducenda, si indeffetus diem supremum obieris? Quid, quaeso te, feris bestiis, quidve gentibus immanitate barbaris differemus? Neque ultima laus est supremum vitae actum laudabiliter conclusisse. Quippe alias illorum histrionum similes deprehendemur, qui, ubi bene pene totam fabulam peregerunt, postremo turpiter deficiunt sibilisque exagitantur. Qua de re te oro obtestorque, ne iratus aliquando plus satis illud inceptes consilium, cuius posthac te jure ac merito poenitebit. Feras oportet, si ferri vis. Iniquius fers, graviora fiunt, quae alias levia forent. At enim, sunt queruli, petaces, putidi, difficiles, morosi. Quid? nonne quandoque morigeros, diligentes, attentos, gnavos, tuique studiosos experiris? Bona quidem commoditatesque si animadverteris, haud ita malis, si qua contigerint, afficeris. At quis tantos sumptus quotidianos feret?

ret? Quod in famulos ancillasque impensum porteret, id tibi deductum existimato. Quae quidem omnia si tecum ipse attente reputaveris, minime illud constitues, quod ut perficeres superioribus litteris, te etiam atque etiam hortabar. Hui! tu Proteo mutabilior, ac Vertumnis quotquot sunt natus iniquis. Haudquaquam. Quippe curae posteriores plerumque sunt sapientiores. Quare mirandum non est, si, quae scripsi, recantare minime dubitaverim. Haec igitur aequi bonique facito, neque vereare, quaeso, si propositum mutaveris, ne tamquam inconstans infimuleris. Campolongum meis verbis plurimum saluta. Valg.

DOMINICO AMATO

Paulus Moccia S. D.

117

SI me tamquam verbi immemorem ac reliquosum hominem accusaveris, jure tuo uteris. Is enim sum, qui veritati lito, etiamsi faba in me cudenda videatur. Verum, si tanti apud te sum, ut paucis audiri merear, haud scio an culpam omnem a me avertas. Ad quindecim dies, plus minus, in Municipio Fratrae majoris mansi operam navaturus meae parenti letali implicitae morbo, quo tandem divina ope omnino emerfit, ingratiis devexae ad senium aetatis. En cur factum est, ut fidem minime liberarim, ac invitus repugnansque in mora restituendi libri fuerim. Pro ea qua es humanitate, haud vereor, ne non excusationem hanc, ni fallor, firmo tibicine

bicine fultam admittas. Praeterea gratias tibi ago, quod mihi statim Epicedium vel Baravis iphis nitore ac munditie, ut cetera taceam, invidendum miseris. Vbi enim te vidi ad Spiritus Sancti Portam, nondum me huc receperam a discessione. Mihi gaudeo, tibi gratulor, quod non frustra operam tuam collocaveris. Vel maledicentissimi haud vituperant epicedium minime contemnendum. A me Maximilianum laudationis cedro linendae auctorem, Marchionemque Galianum, novum exquisitarum laudum architectum, salvere plurimum jubebis. Vale.

BENEDICTO CLEMENTI

DE AROSTEGVI

Paulus Moccia S. D.

118

REvixi, ubi per tuum servum a pedibus inventam cognovi epistolam, de qua jam conclamatum fuisset, si in alienas manus incidisset. At vero postquam illam resignavi, avideque perlegi, statim expallui, itaque maledictorum ac scommatum turbine percussus cohorrui, ut diu obtutu defixus in uno haeserim. Jam enim novum malum mihi impendere videbatur, & ne tergum novis plagis succedaneum praeberere cogerer, vehementer pertimescebam. Verum statim ac Saticulanos sales esse comperi ab Hispano ingenio quam alienissimos, animum recepi. Non nisi tristitia duce id factum esse statui, & nescio quo meo fato contigisse, ut ira in alium for-
tasse

tasse evomenda, in me nihil tale merentem effunderetur. Ni enim fallor XII. tabularum caput his verbis concipiebatur: *si quis malum carmen occentassit, capital esto*. Quod congruatne meae epistolae, an non, prorsus ignoro. Jocans enim epistolae meae interspersi solidissima Stoicae disciplinae dogmata; neque egomet commentus sum, Quem enim praeterit celeberrimum Stoicorum dogma: *Sapienti nihil nisi culpam praestandam*? Nonne hinc recte consequitur externa bona nihil prae illa facienda esse? Nonne his positis recte colligitur, vestium curam animi ornamentis posthabendam? At per jocum in femoralia ferrugineum colorem imitantia deblateratum est? Quid? ridentem dicere verum quis prohibet? At per purum putum jocum: esto. Etiam ego per jocum iis, quae lusitando dicta fuerunt, veris solidisque argumentis obviam ivi. Quicumque igitur fuerit epistolae auctor, quae omnino Saticulanum nescio quid prae se fert, fateatur necesse est, neque leges violatas esse, neque legum ignorance peccatum. Benedicite, qui mihi ipsis ocellis carior es, quem colam litteris etiam longo-marium montiumque tractu atque intervallo diffitum, haud jam ut tibi quoquo modo assenter palpemque; sed ut gratum animum beneficiorumque memorem, qua liceat ratione, tibi tester ostendamque, Benedicite, inquam, ad te in hoc gravissimo judicio provoco, quo controversia omni, quae pura pura λογιστική est, per te dirempta, sejuncti forsitan animi iterum coalescant. Quae mala non peperit capitis vertigo vel una? Vale.

J O.

JOSEPHO CARULLO

Paulus Moccia S. D.

119

Commodum hoc matutino litterarium ludum
 σου Σεφ absolveram, cum mihi a commu-
 ni amico Michaële Testa traditae sunt litterae
 Leonardi Cortesii, juvenis ad miraculum eruditi.
 Avidissime legi, atque ubi cognovi mihi in man-
 datis dari, quo ad te complicatum Phæleucium
 perferendum curarem, non potui, quin laetitia
 gestirem. Ita enim mecum: certe habet: captus
 est. Quis, malum, tanti pretii illicium defugiet?
 Imo hamum haud dubie vorabit, sequacique a-
 rundini, velit, nolit, parebit. Bono fac sis animo,
 Michaël, ubi mellita carmina legerit nullo infusca-
 ta pigmento, nulloque convestita colore, verum
 sua se munditie elegantiaque tacite commendanda,
 tantum aberit, ut flagrantissimis amici vo-
 tis obsistat, ut potius ad tuas Aedes convolet
 quam celerrime. Adde his, Josephæ præstantissi-
 me, ipsius tabellarii dignitatem: quanti pre-
 tii vir sit, expertus nosti. Cura igitur, ut ami-
 cis satisfacias quanto ocus; alias non temere
 verendum est, ne desiderio extabescant. Tanti
 te merito faciunt, atque te nedum diligunt, ve-
 rum etiam amant. Vale, meque tui amantissi-
 mum existimato. Ex Aedibus Regii Ephebei
 postr. kal. Jun. C1D1CCCLXII.

A N.

ANDREAE FARINAE

Paulus Moccia S. D.

120

Nihil est, cur vereare. Licet neque adhuc Cortesium viderim; nihilominus tamen jam typographicis formis excusa tua carmina existimo. Illa quidem commendavi non vulgariter Dominico Amato Cortesii amicissimo viro. Neque mirandum est, quod haecenus nihil certi hac de re ad te scripserim: res enim lentissime procedit: quam de causa id fiat, fateor me juxta cum ignarissimis scire. Tandem aliquando delictus est Matalunensis Paedagogus non sine ingenti salario. Virum mihi amicum nec de facie tantum notum delegerunt. Novi enim eum apud Marchionem Galianum. At si quaesieris: cujas sit, & quid vocetur? ajo me prorsus nescire. Carulliana funebris oratio seorsum habita jam promulgata est. Mire arrisit, qua nervosa scribendi ratione, qua munditie atque elegantia. Quantum hac praesertim re Carullus polleat, haud te fugit. Ceterum nihil novi est omnino, quod chartis illinatur. Aestus quam maximos experimur. Balnea mihi nonnihil obfuerunt. Jam tertium diem dolore capitis excrucior non levi. Nunc ipsum cum scribo mihi dolet acerrime. Quare ignoscas mihi te oro, si salutarim scripserim. A me Alumnos tuos mihi carissimos, eorumque Parentem optimum, ubi isthuc salvus redierit, salvere jube officiosissime. Vale. Ex Aedibus Regii Ephebei xi. kal. Aug. CIDI CCCLXIII.

O

E I.

REm acu tetigisti. Campaniae Praefectus, cui tantum debeo, quam cui maxime, in caussa fuit, cur ad te praeterita hebdomade nihil litterarum dederim. Quae vero ad me misisti carmina, quibus una cum tuis suavissimis alumnis Fraggiannium jam vita defunctum perbelle atque elegantissime canebas jam typis edita arbitror. Jam inde ab eo tempore, cum domi Marchionis Galiani Cortesius mihi occurrit, numquam illum vidi amplius. Verum id curabo; ut quamprimum sciam, quid illis factum sit. Nundinae, quae ante Regias aedes in singulos annos instituuntur, hoc anno per novum redemptorem & elegantius & magnificentius apparatus sunt. Quidquid scenarum positum est, recens depictum est & ornatus. Duo salientes fontes, qui mediam caveam occupant, ad vivum exprimunt & Maurorum ex Hispaniis expulsionem, & Andromedae per Perseum liberationem. Area insuper prope salientes myrto in triangulum disposita ornatur, ac introrsum hac illac excurrente quam argutissime. Lumina copiosiora quam antehac. Nundinae igitur numquam non pene innumero Ordinum plebiumque concursu frequentantur. Accedit his spectaculum immanis leonis cicuris, ac canum partim muliebriter, partim viriliter indutorum, qui pene fabulam agunt mutam, quae tandem in festivissimas choreas desinit. Bipedes incedunt, atque ad numerum saltant. Leo ne amplius in nundinis monstretur regio jussu veritum

tum est. Metus enim erat, ne vinculis disruptis
 damnum faceret, quod alibi accidisse nuntiatum
 est. Domino quidem dicto audiens erat, quod
 illum opio prius sopiebat. Sane quidem, qui fe-
 ra bestia atque omnino immanis cicurari potest?
 Praeterea fabulae extemporales, sive memoriter
 redditae adhuc steterunt. In summa omnia mi-
 re perplacent, jucundissimumque spectaculum ex-
 hibent. Hesternae die ad Seberthi aquas lavare oc-
 cepi. Aqua eo erat repore, ut incredibiliter ar-
 rideret. Verum ubi ter vel quater illic laverem,
 Pausilypi crypram petam. Maris enim aquae
 succosis mirum in modum profunt corpusque e-
 mungunt. Quod quidem contra fit, ubi quis a-
 quis dulcibus abluatur. Humores enim nedum de-
 cedunt, verum excrescunt quoque quam pluri-
 mum. Quod in messem alienam falcem immisc-
 rim, atque non initiatus illorisque manibus
 ad adyta Hygiae accesserim, ne mirere, quaeso.
 Usus enim morborumque series, quibus ineun-
 te adolescentia non parum conflictatus sum, me
 plura docuerunt. A me excellentissimum virum
 Principem Michaëlem hujus saeculi ornamentum,
 ejusque carissimos liberos plurimum salvere jube-
 bis. Vale. Ex Aedibus Regii Ephebei postre-
 idus Quintil. CXCCLXIII.

Quid novi scribam, haud omnino suppetit. Majore in Ecclesia Novendialia peraguntur, quo merita D. Januario rependantur gratiae, jam nimbis remotis continentibusque imbris coercitis. Parum enim absuit, quin, quae Deus providentissimo consilio dissociata voluit elementa, iterum amice conjungerentur. Messis fortasse copiosa erit. Qui enim deciderunt imbres, saltem in nostra Campania, haud ita obfuerunt satis, ut illa corruperint. Prima instantis mensis Dominica die Rex noster Neptunia regna beabit. Cymba quam magnifice structa atque instructa, Primoribus Aulicis stipatus, ante retroque aliis navigiis, tum Praetoriis militibus, ac equitibus cubiculariis, tum Regio famulatio oneratis, comitantibus non sine lectissimis symphoniis totum Pausilypi latus non semel fursum deorsum adnavigabit. Jam mente auguror quinam populorum concursus sit futurus. Hoc spectaculum plus vice simplici repetetur. Si tempus ac mare arriserint, vel beatissimis minime invidemus. Vel Maronis, Aetiique Sinceri Manes tanti Regis conspectu recreati respirabunt. Quam complicasti epistolam statim ad tuum germanum perferendam curavi. Quos amice salutasti, te tuosque resalutant officiosissime. Meo nomine eruditissimum Principem, ejusque incomparabiles filios, Musarum alumnos atque delictum, salvere jube peramanter. Vale. Ex Aedibus Regii Ephebei VII. kal. Quint. CXCCLXIII.

Quod ratio, qua vocabulum bibliothecam juxta atque tabularium expressurum cudentum atque fingendum duxeram, eruditissimo isti Principi viro probata sit, vehementer laetatus sum. Quare te etiam atque etiam obtestor, ut illi a me gratias agas immortales. Nihil profecto mihi accidere poterat jucundius nihilque optabilius. Atque hinc potissimum mihi dignus invidia videris, quod apud tantum virum nedum domicilio ac communione mensae fruaris; verum etiam ejus sermone & consuetudine exhilareris. Maeste igitur esto tanto bono, & fortunam ferre discito. Namque si Deus tuis arriserit laboribus eosque fortunaverit, hoc est, si quos ad humanitatem informas adolescentulos proprio quodam naturae munere ad omnia magna factos, ii pro tuae industriae atque navatae operae modulo in litteris profecerint, jam animo auguror futurum, ut tecum praeclarissime agatur. Acerri-
mo ingeniorum aestimatori operam tuam locasti. Qui factum sit, ut huc scribendo devenirem, ego quidem nescio. Illud tamen scio unum, me veritati litasse, neque id fecisse, ut auribus servirem. Haud enim te fugit quantopere ab omni assentatorum genere abhorream. Ita enim natura comparatus sum, ut quae sentio ingenue dicam. Quorsum haec? ne, quod omen Deus avertat, assentator audirem. Quare haud verendum tibi erat, quippe qui me probe nosti, ne blandis duplicis Vlyssaei verbis a proposito avocarer.

Peli.

Peliden alterum, si recte rem putare volueris, me dices cedere nescium. Quiesce igitur, si sapias, atque in utramvis aurem dormito. Surdo verba faciet, aquamque cribro haurire conabitur. At haec fufius atque iracundius, quam volueram. Proximo lunae die, qui jam effluxit, facris exercitationibus Conicleis coronidem imposuimus. Illinc, ne recta domum reverteremur, longiore itinere Arvum emortuale, omnes visum abivimus. Illud certe spectaculum omnino labe fecit animum, quem jam aeviternarum rerum commentationes non parum perterrefecerant. Adhuc mihi ante oculos obverfantur ossa craniaque carnibus enudata, tantum hiulco ore candidos dentes ostendentia, atque duo lignea cadavera, quae in vestibulo prostant, ad vivum efformata. Haec aeruscatorum vice funguntur, quippe quae manibus tenent duo glossocomia tamquam ab introeuntibus stipem postulatura. Ceterum non potui non suspicere miram Architecti follertiam. Tot enim in dimensiones agrum totum dispescuit, quot singulis torius anni diebus respondeant. Hinc cadavera, quae anno ineunte infossa fuerunt, nonnisi anno vertente effodiuntur; quae tandem in ossuarias altissimas fossas specuum speciem praeseferentes jaciuntur numquam postea eruenda. Sapientissimum sane consilium, ac urbis indemnitati caelique salubritati quam conducibile. Utinam prius illud inivissent, quot quantisque malis obviam itum fuisset! Verum praestat sero, quam numquam, uti vere ajunt. Heus tu, heus, inquires, quo, malum, excurristi, quo tuae te furiae praecipitem abegerunt?

Siste tandem, siste gradum, ac desine dicenda tacendaque effutire. Ira est, imprudens feci, nescio quonam aestu, communis boni studio, abreptus. Harpocratem me dices, te indicente posthac ne mutiam quidem. Silentio haud dubie nihil utilius. Numnam taciturnitas, aut Diplois, etiam siccos sole referente dies, quidquam obfuit? Tritum adagium est notumque lippis ac tonforibus. Quocirca tibi meritas ago gratias, quod tempestive me monueris. Deinceps, ne quid liberius chartis illinam, sedulo cavebo. Tandem illud pergratum mihi fuit, quod fabulae per istos eximios Adolescentes equites peractae steterint, ac tota plaudente cavea exceptae atque spectatae sint. Id exercitationis genus mirum quantum adolescentiae formandae prodest, &, quod caput est, una fidelia duos dealbas parietes. Nam illorum institutioni ita prospectum is, ut nihil supra; & animum occupationibus delassatum remittis aliquantisper. Perge, quaeso, ut coepisti: me praede atque vade munere tuo defungèris laudabiliter. A me isti viro Principi Procerum ornamento, ac litterarum litteratorumque praesidio, ejusque suavissimis liberis, quos nédum diligo, verum etiam amo, salutem dicto officiosissime. Archintus jam colligit sarcinulas Patrios revisurus Penates, reque tuosque & salvere & valere jubet. Proh qualem quantumque adolescentem amittimus! Paternonius jam renunciabitur Succenturio cohortis Ruscinonensis. Vale, meque, ut facis, ama. Ex Aedibus Regii Ephebei XII. kal. Jun. CIOIDCCLXIII.

P. S. Lituras, precor, verbaque partim mutata, partim suppleta, adjecta, sublata, atque inscripta aequi bonique facito. Domesticae angustiae licet non gravissimae, cur ita fieret, in causa fuerunt. Ne animo concidas, quaeso: jam ex illis divina ope emersumus. Iterum vale.

QVod jam praevideram, accidisse revera atque exitu comprobatum esse, dolui vehementer. Ad paucos dies me rusticatum ivisse una cum Campaniae Praefecto scripsi jam, teque certiore feci, statim ac mihi licuit huc reverso. Hoc in causa fuit, cur de more meae tibi litterae minime redditae fuerint. Verum illud advertas velim, quod vix huc me recepi, cum nulla interposita mora meo ut officio satisfacere diligenter curavi. Ni fallor, vel illud tibi significavi, quod die festo quatuor Altarium, cum jam populus confertus esset, totamque Aream, quae ante Castrum Novum explicatur, impleteret, derepente accidit. Nimirum talis tantusque imber nec opinus decidit, ut supplicatio, quae jam ad duo Altaria processerat, interrupta constiterit, populusque huc illuc immensam pluviam declinaturus aufugerit. Quid vero die lustrico Regis nostri, quem Deus sospitet, factum fuerit, propterea scribere praetermisi, quod nihil novum, nihilque insolitum animadverti, quod scribi oporteret. Nisi te illud tamquam non vulgare percellit, quod primi quique Equites, & qui honorificis titulis insigniuntur, Aureis pene omnes carru-

carrucis conveſti, magnoque famulorum Epheborumque ſtipati comitatu, diſſiſſimas acutaeque piſtas veſtes gerentes, eam prae ſe tulerint ſpeciem, ut triumphanti duci Deliis foliis ornato, urbemque aeternam ingredienti quaſi adſimiles viderentur; libenter ſcripſiſſem, ni tu, qui hac in alma urbe natus es, iis ſpectaculis innutritus eſſes. Ceterum, ſi his, atque huiusmodi tenēris, te in poſterum hiſce narrandis vel argute te conficiam. Archintus jam proſectus eſt, quanto meo cum dolore, tute conjectura aſſequi poteris. Magnum hīc ſui deſiderium reliquit, quod tantum temporis diuturnitate (quid non tempore fit levius?) fortaiſſe lenietur. Te ſalvere atque valere juſſit. A me Principi Pignatello, huius ſaeculi ornamento, ejuſque auro contra non caris liberis, ſalutem impertire plurimam officioſe. Vale, meque ama. Ex Aedibus Regii Ephebei xv. kal. Quintil. ciccicclxiii.

P. S. Drama, quod nunc agitur in Regio Theatro, mirifice ſtetit. Editum aſſerunt a quodam Metaſtaſii diſcipulo. Armida illi nomen eſt. Pulchre quidem procedit, diſtinctioque pura putaeque Etruſca eſt. Grex quoque ſtetit. Et quod caput eſt prima pſaltria, cui nomen Gabriel, tanta in ſtudia populum ordinēſque ſcidit, ut non jam ſcenica res, ſed opes, fortunae, vita, regnum denique ipſum agi videatur. Vox illi quam clariffima eſt, eamque ita modulatur (muſica quippe apprime caller) ut luſciniae cantum, ipſoſque cygnos (ſi unquam cecinerint) longe plurimum antecedere videatur.

His

His accedit quod forma haud illiberali praedita sororem quoque quam venustissimam circumfert non sine pulcherrima Cosmeta. Hui quor quantalque turbas dederunt! O tempora! o mores! quam rectius, si in haec tempora incidisset Romanae eloquentiae Princeps, exclamasset. Et tamen ita res habet. Virtus omnino friget, & scenicum vilissimum genus laudibus in caelum effertur. Consule quaeso boni isthaec. Jam dolore disrumpebar. Iterum vale.

BInae ad te perlatae sunt litterae, at diverso tempore datae. Alteras quidem dederam xiiii. kal. Mart. & has ad Fabricium meum, cui de elegantissima Etruscorum carminum versione gratulabar; alteras vero a. d. vii. kal. Mart. quibus me tibi purgabam, cur non semel ad te scribere intermissem. Quiesce igitur, neque amplius sollicitè, quaeso: nihil omnino litterarum periit. Illud vero libenter fateor mihi pergratum fuisse, quod tantopere de re tam parvi momenti laboraveris. Non injucundas tibi illas accidere liquido cognovi. Quod vero tam diligenter amantissimi eruditissimique Fabricii cessationem excusares, nihil erat. Haud enim me fallit, quanti ab ipso fiam. Teneat, quaeso, quem instituit, cursum, metamque fac, te praesertim adjutore ac monitore, laudabiliter attingat. Nicolai Clenardi grammaticas institutiones eruditissimas juxta atque graecae linguae ad discendae accommodatissimas magno in pretio fac

fac habeas. Quam igitur illarum emendarum occasione significasti, ne committas, te oro, ut e manibus elabatur. Tui spectatissimi Principis procuratorem neque dum vidi umquam, neque de facie novi. Iterum igitur urge, ut cœmptos libros meoque in cubiculo jampridem residentes petat, & ad te quamprimum mittendos curet. A me excellentissimo Principi, ejusque liberis omnibus, ac nominatim Fabricio salutem plurimam. Vale.

BENEDICTO CLEMENTI
DE AROSTEGVI

Paulus Moccia S.D.

127

VBi hoc matutino calamum arripui, ut ad te scriberem, non mediocri timore correptus sum, manusque pene obtorpuit, veritus, ne ipsemet meo me gladio jugularem, & volens libensque arma suppeditarem, quibus ipse confoderer transfigererque. Haud enim me fugit, quanta diligentia meas epistolas custodis servasque illo in armariolo, quod ex Americano odoreque ligno conficiendum curasti. Verum mea in te observantia singularisque tua, qua me licet immerentem complecteris, benevolentia, omnia timoris repagula perfregit, impulitque, ut de more, quidquid in buccam venit, conscribillarem. Numquid novi, inquires? Vetera omnia, ac vulgi sermone celebrata. Ventralium officina friget: praeterita tantum recoquit. In Boruffos omnium audacissimos debacchatur, illisque mala omnia pre-

precatur. Quod temerarium inceptum veluti ob-
stetricando fovēant ac prosequantur, angitur ani-
mis furitque. Ego vero illud doleo, quod re ve-
stiararia prorsus destitutus, pannosus obsitusque sum,
& quod pejus est, pecunia rerum omnium domi-
na ac Regina deficior. Nummuli enim quasi
transfugae a me defecerunt, aliena castra secuti.
Faxit Deus, ut proxima sortitione nummosus e-
vadam. Haec profecto victoria immane quantum
Borussis triumphis antistaret! Ceterum illud me
reficit recreatque, quod te tuumque bene num-
marum (praefilicini) praeceptorem recte vale-
re sciam. Quid enim gratius, quidve jucun-
dus amico licet angustis oppresso, adversaque
fortuna afflicto contingere potest? Quod igitur
bene valeatis, curiculamque sedulo curetis,
gaudeo; quod vero tempus fructuose impendatis,
publicoque bono studeatis, boni civis officio
functi, triumpho. Quare etiam atque etiam
vobis commendo apes, industria animalcula rei-
publicaeque utilia; utque illarum dominia, sedes,
divisiones, Regiminis naturam, earumque in ci-
cures, ferasque positiones investigetis, vos oro ob-
testorque. Crabrones, quaeso, fucosque, favorum
pestem perniciemque, persequiminor. Hi vivere
rapto, alienosque depasci labores, in deliciis ha-
bent. Verum illud vos monitos volo, ut Rempu-
blicam apum, taeterrimum pestilentissimumque li-
brum turbulento ingenio non sine cacodaemonis
ope excogitatum, atque huc advectum, cane pe-
jus & angue declinetis. Relinquire illum iis,
qui statim civitate donarunt, suumque loqui ser-
monem docuerunt. Vix dici potest, quantum
novis

novis rebus studeant, quantumque iis delectentur. Vtinam nova irritamenta malorum suos intra fines continerent! In dies in id operam dant, ut exterarum nationes invadant in iisque radices agant quam altissimas. At inquietis, satis pro imperio haec pronuncias, Aristarchique personam sulcipsis tuopte ingenio, ac tamquam pro tuo jure. Ita quidem: atque audaciae notam minime defugerem, si pernegare auserim. Verum meus in vos amor haud patitur, ne, quod sentio, aperte dicam. At tanto parcere potuisssem labori, cum ista probe calleatis. Verum monita sive tempestiva, sive intempestiva sint, numquam obsunt; imo si quid forte mente exciderat, in illam revocant, & quominus in posterum elabantur, impediunt. Manus igitur volentes libentesque detis oportet. Equis veritati luce meridiana clariori reluctabitur? Pergite, ut coepistis, meque sive *ἐυναισχος* sive *ἀναισχος* monentem si antea diligebatis, nunc, ni grave est, amate. Valete, bonoque publico ut inserviat, curate diligenter.

• P. S. Haec non alio consilio scripsi, quam ut me jam maledicendi finem fecisse cognoscatis. Increpationes enim sale ipso acriores tandem id effecerunt, ut diſteria, & quidquid est, jocosum defugiam execrerique. At vero vos sedulo cave-te, ne mihi imprudenti aliudque agenti calcaria admoveatis, eaque mihi invito exprimatis, quae sim non sine corpusculi maceratione defleturus. Iterum valete.

FRactum potius illapsurum orbem credidissem, quam eam se mihi dari occasionem, ut in Turcum tuum ingenti mole formidandaque specie Molossum calamum exacuerem, maledictisque incessem. Et tamen ira accidit, itaque res tulit. At inquires, quid brutum animans tantum commeruit, ut per te diris devoteatur, dignumque existimetur, ut in tenebricosa Tartara retrudatur? Numquid ovilia furtim transiit, oves devoraturum? Numquid tanta est ingluvie, tamque insatiabili fame exagitur, ut nedum catulos mordicus arreptos dilaniet ac discerptat; verum etiam in homines ipsos irruat ac feratur? Quandoque, inquires, sed perraro, quosdam ad me ventitantes nec opinos retro invasit, permodica vestium jactura, integro corpore intactoque. O quam belle lepideque, taeterrimi Turci caussam agis! Quasi pro nihilo sit habendus metus, quo concutiuntur, quibus hujusmodi vere pertimescenda damna contingunt. Ludus igitur jocusque existimabitur, si quis sclopetarium tubum bene pulvere pyrio plumbeisque globulis infartum explodat, & adversarium forte fortuna minime humi prosternat. Quot quantosque legimus sola mortis periculique comminatione exanimatos? Imo si somniamus aliquid triste funestumque, vel ipsa timoris cogitatione expallescimus. Vide ergo, Benedicte, ne nimio ingentis Turci amore decipiari. Effere Turce atque δακρυχαρής cave, ne forte me imprudentem invadas:

te

te enim quadrupedem constrictum tamdiu pulsa-
bo , donec survae Proserpinae te exanimem si-
stam . Vale , meque ut a Turci insidiis factum
tectumque praestes , curato diligenter .

TAndem aliquando Martorellius vir ὁ πάνυ
fidem liberavit . Ego vero vel hac ipsa
velpera promissa praestitissem , tuisque votis sa-
tisfecissem , si , qui perferret mihi concredita
scripta , adfuisset . Vix credibile est , quantum ti-
moris omnibus incusserit tuus ingens Molossus
nomine Turcus . Nemo est ; qui non declinet
tuas aedes tamquam triste bidental . Neque pe-
cuniola , nedum promissa , verum etiam numerata ,
nostrae culinae mediastinum pellicere potui ,
ut isthuc veniret . Vide ergo quantopere metui-
tur tuus carissimus Turcus , ut prae ipsius timo-
re ipsa pecunia , rerum omnium domina , negli-
gatur ! Sane quidem , quis non totis artibus con-
tremiscat , cum ille sive totam viciniam horrendo
complet latratu , sive ardentes intorquens o-
culos fenestrae inhaeret tamquam curiosius ani-
madversurus , extraneus ne sit , ane domesticus
hospes qui tuas aedes ingreditur ? Cerberum igitur
trifaucem domus tuae custodem , vel ad Tar-
tara amandato ; aut catenis ita constringito , ut
nullum omnino ab illo periculum metuamus .
Haec in caussa fuerunt , cur Martorelliana Apo-
logetica serius accipias , quam par erat . Siste ea
tuo φίλελληνι Patruo , atque auctoris nomine sa-
lutato perofficiose ; quem si meis etiam verbis dili-

diligenter salutaveris, per mihi gratum facies. Joannem Riccium virum praeclare de Anglica lingua meritum a me salvere jubebis, ipsumque rogabis, ut ista eruditorum Hellenistarum ultro citroque scripta libenter accipiat. Vale, meque ama.

VIx Conicleis aedibus relictis, octavo die jam praeterito, ubi huc perveni, nihil aliud mihi pensi fuit, quam ut ad te has, quales eae cumque sunt, litteras darem. Neque id pro nihilo habendum puto; non quod officium exaggerem meum, adeoque laudes abs te exprimam; sed quod non una mihi fuit exhaustiendi difficultas. Primum theca atramentaria jam exaruerat, itaque spongia coaluerat glutinoso loli-ginis succo jam compacto coactoque, ut neque aqua affatim infusa, neque aceto molliri potuerit. Calami scriptorii ita punctim discefferant, ut trifidam Cerberi canis linguam exhiberent. Tandem papyri inopia me pene a proposito scribendi deterruerat; cum forte fortuna haec mihi charta occurrit potius piperi & caryophyllis involvendis apta, quam epistolis conscribendis. Vide quot difficultatibus praepeditus ab incepto non destiterim. Qua de re me excuses te-rogo, si characteribus pene inusitatis inhaeserim, si bibulam chartam adhibuerim, tandem si lineas sursum deorsum procurentes, ad instar paralyisi laborantis, tremula manu duxerim. Quin imo, quae tua humanitas est, miraberis, quod ingra-
P tiis

tiis tot tantarumque angustiarum, haec quoquo modo chartis illeverim. Accedit quod manus praesertim dextera continenti flagrorum tractatione, pugnorumque ingentium inflictu delassata vix calamum quamvis levissimum libere stringit ducitque. Brachium enim una cum lacerto tamquam frigore affectum continenter tremat ac subsultat. Quin hanc excusationem accipias, nullus dubito, praesertim cum haec expertus saepe noveris. Haec pauca cursim; coram plura. A me salutem Michaëli plurimam. Vale.

DOMINICO AMATO

Paulus Moccia S. D.

131

PRaepropero Antonini adyentu, ne turbere quaeso. Cupiditas enim, qua mirifice incensus sum, legendi libri, quem, paullo antequam sol umbilicum attingeret, te mihi commo-
vaturum pollicitus es, id effecit. Neque mirum: quanti enim momenti educatio sit, tu qui jam paterfamilias es πολύτεκνος, quique mira prudentia ac non vulgari disciplina ceteris exemplo es, qui liberis sit imperandum, tu, inquam, probe nosti. Qua de re & illud spero fore, ut mecum mitius agas, si festinatione tanta, quod promissisti, efflagito. Namque & ego, nullis meis meritis, epheborum equitum educationi quodammodo praesum, utque vis insita virtutis doctrinā magis magisque augeat mihi opera navanda est non indiligens. Hinc nullus lapis mihi non movendus nihilque intentatum relinquendum, quo
illa

illa conquiram omnia ac naviter vestigem, quae tanto muneri pro dignitate sustinendo conducibilia existimantur. Quidnam vero, amabo te, laudato libro utilius, quid fructuosius, quidve praestabilius in publicum emitti poterat? Rem acutè videtur πολυθρύαλλος auctor, nihilque omnino posthabuisse eorum, quae ad solidam educationem desiderantur. Vno verbo: si pauca dempseris, omnia & scopum adsequuntur, & puerorum institutionem ita prorsus esse temperandam perspicue ostendunt. Quis haec scis, inquires; cum librum nondum legeris? Tute mihi dixisti, qui librum attente legeras. A me Marchioni Galiano viro ἀπαδείκτω salutem dicito. Vale.

ANDREAE FARINAE

Paulus Moccia S. D.

132

MAle sit rusticationi, qua frustillatim utor! in causa est, cur cessator in scribendo videar. En, cur scribere quandoque intermiserim. Jam enim chartam calamumque paraveram, quo ad te de more scriberem; en novus Campaniae Praefectus, cui tantum debeo, quam cui maxime, cum carruca praesto est, quo me rus avehat. Quis vi obstitas? Quis amico auro contra non caro morem non geras? En igitur, cur factum sit, ut neque scripserim, neque annulum una cum icone miserim. Faxit Deus, ut, quod patrandum expectabatur prodigium, ubi illa acceperis, ingratis morae, patretur. Quod ad Phaleucium spectat, id Cortesio ceterisque ejus amicis in

P 2

man-

mandatis des , precor . Facilius voti compos
fies . Perraro mihi occurrunt , qui solitudinem
amo urbisque celebritatem dedita opera declino .
Is enim sum , qui triumpho , si homines sefellereim .
Postremo summopere laetatus sum , quod , qui
aegrotarunt , convaluerint , & , quod caput est , ne-
dum vires , verum etiam corpus receperint . V-
num doleo , quod mihi haud tantum suppetit , ut
& soteria mittam . A me illis una cum lectissi-
mis liberis salutem Athleticam nuntiato studio-
sissime . Vale . Ex Aedibus Regii Ephebei x.
kal. Octob. CIOIDCCLXIII.

E I D E M.

133

Quod Lupiam perrexeris una cum tuis Alu-
mnis , volupe mihi fuit . Atque , ut verum
ingenue fatear , tuae felicitati non parum in-
vidi . Urbem dubio procul vidisti , quam merito
Athenas alteras dixerim . Ut enim spectatissimam
nobilitatem civium taceam , quem fugit , eo Mu-
sas omnes una cum *μυσηγέτη* Apolline conces-
sisse ? Illic omnigena vigent florentque litterarum
studia . Nihil tam arduum est , quod Lycienses
non multa cum laude aggrediantur , atque ad exi-
tum feliciter perducant . Instar omnium esto erudi-
tissimus Iosephus Palmerius versatili vir ingenio ,
qui nuper de re militari ita scripsit , ut palmam
omnibus retro actae aetatis auctoribus praeripue-
rit . Cordi igitur tibi sint Lycienses (ita im-
pune dici posse Cl. Mazochius numismatum fide
praestat) eosque vel meo nomine plurimum a-
mato . Praeterea valde te amo , quod meam le-

vi calamo fusam descriptionem Regiarum nundinarum non ingrata, tibi existisse amice significasti. Polyphemæis nondum promulgata est. Quae in Fraggiannium composita sunt carmina jam in eo sunt, ut publici juris fiant. Nihil tandem est, quod isthic de tenuitate messis queramini. Hic pertenuis omnino fuit. Stelliones isthic agros infestant; hic cinices culicesque homines encant. A me excellentissimo Principi Pignatello, ejusque filiis salutem de more plurimam imperire. Vale, Ex Aedibus Regii Ephebei III. kal. Sextil. CIOIOCCCLXIII.

JAM tua elegantissima carmina tuo jussu tradidi communi amico Leonardo Cortesio. Forte fortuna eum obvium habui domi Marchionis Galiani, quem de more visum ieram. Quo studio ea ipsi commendarim, tute conjectura adsequi poteris. Quanti te facio, probe calles. Neque enim nos inter nos heri aut nudius tertius novimus. Illud tamen ingenue fateor, me nunc omnino nescire, quid illis factum sit. Quanto enim locorum intervallo ab Leonardo abjungor, haud te fugit. Fere extrema urbis loca uterque incolimus. Verum de his, si quid novi, statim te certiore faciam. Praeterea ingentes tibi tuisque alumnis, ac praesertim excellentissimo Principi Michaëli Pignatello gratias ago, quod lustrico meo recurrente die, per te mihi fausta omnia exoptaverint. Nae ego laetitias omnibus exultavi, ubi talem tantumque virum optimeque

de litteris meritum, homuncionis memoriam fovere cognovi. Quare te rogo obtestorque, ut ipsi meo nomine seorsum ac exquisitis verbis grates persolvas immortales, eique insuper a me praestes, me numquam passurum, ut tanti benefici memoria intercadat. A me alumnos tuis, quos ego, quoad mihi vita superet, colere atque observare non desinam, salutem plurimam nuntiabo. Vbi ad Archintum nostrum scribam, illum tuo nomine salvere jubebo. Vale. Ex Aedibus Regii Ephebei Non. Sextil. CXCCLXIII.

E I D E M.

135

Polyphemëis, opus vere laudabile atque omnigena eruditione refertum, jam publicam lucem adpexit, litteratorum cavea mirifice plaudente. Etrusca enim carmina amussitata diligentia condita eorumque paraphrases tantam ingenii vim doctrinamque prae se ferunt, ut nihil omnino sit, quod requiri amplius posse videatur. Quodque mirari subit, auctor *αδιστορ* animique quies non vulgari laudes excipit: & tantum abest, ut efferatur, ut potius humanior comiorque evaserit. Editio Hollandica videtur: charta enim lectissima est: formae typographicae recentes ac minime detritae. In fronte operis prostat Polyphemus affabre incisus. Vno verbo, nihil usque adhuc magnificentius aeque ac limatius promulgatum est. Epicedium Fraggiannianum nondum editum est. Quanam de causa res tamdiu procrastinata sit, nescio. Hic nihil prorsus novi. Maximos calores experti sumus: nunc mite-

intescere incoeperunt. Postremus Hostiliani Principis filius, qui inter Praetorianas cohortes merebatur, propediem in Hispanias perget una cum Doninico Spinello Cariani Principis filio, illic mixturus. Rex noster, quem Deus sospitet, bene valet, ac in venatione mirificas progressiones facit. Hoc ad robur sanitatemque prodest quamplurimum. Hic caritate rerum pene omnium laboramus. Pretia in dies ingravescent. Illud non parum inopiam sublevabit, nempe frumentum indicum intemptivum, si pluvia in tempore deciderit. Alias periculum est, ne omnino exarescat. A me excellentissimum Principem, quem fere semper in ore habeo, licet nondum de facie noverim, ejusque incomparabiles liberos plurimum salvere jubebis. Vale. Ex Aedibus Regii Ephebei id. Sextil. CIOIOCLXIII.

JAm quievisti, credo, omnique depulsa suspitione, quae te diu torserat, animum collegisti. Nam, amabo te, nullâ omnino causâ, amicitiam longo temporis spatio conciliatam, nêdum diffuisse, verum etiam scidisse jam me, quî in animum tuum induxisti? Illud persuadeas tibi velim, me potius mortem depacisci paratum esse, quam sancta amicitiae jura vel tantillum violare. Haud equidem me Pyladem aut Orestem, Nisum aut Euryalum esse jactabundus praedico (quî enim ferendus forem, cum vix singulis aetatibus tale cernatur par amicorum?) Verum me prae amicitiae jure quidvis posterius du-

cere ac ne hili quidem facere si dixerō, haud falsi notam pertimescerem. Quamobrem illud te etiam atque etiam rogo obtestorque, ut animo nedum bono, verum sedato quoque sis, omnimque amoliare suspicionem, si quando illa tibi labascere amicitiae jura visa fuerint, quae ne ariete quidem admoto pauxillulum concuterentur. Quoad carmina spectat, illud rescivi, seriusquam oportuerat missa huc fuisse. Ita se se purgarunt illi, quibus Sylloge curae fuit, nihilque aliud prorsus caussati sunt. A me excellentissimo Principi liberisque ejus suavissimis salutem. Vale.

E I D E M.

137

Oblitus pene eram ad te scribere, de more, quidquid in buccam. En forte fortuna, dum thecam ductilem abaci educo, quam ad me misisti epistolam offendi. Pauxillulum fere temporis restabat antequam scholasticae exercitationes inirentur. Quare haec raptim & festinantius solito. Eo vel magis, quod jam non horridulo atque incomptulo scribendi genere; sed e meditullio latialis nitoris deprompto coli incipies. Mihi, ut verum fatear, minime salivam movebunt istae latinitatis deliciae. Vervecinae quippe carni assuetus, vitulinam licet tenuiorem difficile concoquo. Maeste igitur tanta voluptate, tecumque totam, quantacumque est, habeto. Haec haecenus. Nudius tertiana die undecima hora jam pulsata more Italo, primo mane diem obiit supremum numquam satis laudatus R. Ap. Sedis Nuntius. Morbo pulmonario implicitus festinem

ptem dies decubuit. Postera die vesperi ad Ecclesiam S. Mariae Angelorum Patrum Theatinarum efferetur praecedentibus quatercentis Fratribus ex quatuor Mendicantium Religionibus cereis polymyxis accensis. Sandapilae latera utrimque sex Episcopi stipabunt. Subsequetur tota ejus Aula major atrata, minor vero preriosiore veste induta, non sine auratis carrucis. An militaribus cohortibus locus sit, nondum certum scivi. Legatione primaria functus est. Proximo lunae die parentalia eidem sollemni pompa persolventur. A me tuis omnibus salutem properanter. Cajetanus Migliore te plurima salute impertit. Vale.

EIDEM. 138

LECTIS tuis litteris, non potui, quin tibi subirascerer. Etenim mihi subimpudens (pace tua dixerim) videbaris, quippe qui in ipsis Natalitiis diebus, quos tibi jam faustissimos optaveram, quod litterarium officium semel defuerit, aegre gravatimque tuleras. Quare te rogo, ut posthac mitius mecum agas, quaeque viris forensibus concedi solent vacationes, iis me quoque frui aequo animo patiaris. Eo vel magis, quod hic nihil prorsus novi est. Hesternae die elata fuit pompa pene triumphali Principis Scaleae filia quinquennis variolorum morbo extincta. Quo morbo etiam e vivis sublatas est acerbo sane funere Saxoniae Dux annos XLII. natus. Ineunte hebdomade Rex noster, quem Deus sospitet, primum ad S. Archangeli nemus perget apros suos sclopo enecturus. Tandem haud dici potest, quan-

quantam hinc concitaverit expectationem anteloquium a Cafarellio, & Gabriele, die Natalitio Regis Nostri, Regio in Theatro canendum. Faxit Deus, ut exitus expectationi respondeat! A me tuis omnibus salutem officiosissime. Vale.

FRANCISCO DANIELI

Paulus Moccia S. D.

139

Quin caussidicus sis atque inter primos recensendus, jam nullus dubito, Iis enim dotibus praestas, quas apprime necessarias nemo non existimat illis, qui forum frequentant causisque agendis operam navant. Sane quam πολλοι in primis sint necesse est; deinde a phaleratis verbis non imparati. Alias, qui uno eodemque die sexcentis clientibus se operam daturos constituerent? Hoc matutino cum te forte fortuna e regione Salientium Castri novi obvium habui, mihi persancte recepiſti, te mihi uni pomeridianas horas omnes dicaturum. Quare de more pedem domo non extuli, teque usque ad quartam more Hispano horam praestolatus, tandem aedes tuas versus perrexi, num mihi occurreres, eamque pedetentim viam emensus sum, quam te plerumque insistere animadverti. Neque domi te offendi, neque uspiam, quamvis pene totam urbem perreptaverim. O vere omnium horarum hominem! Fidei datae omnino immemor, qui te primum prensaverit, ejus plusquam nexu mancipioque evadis. Ne des, cave, posthac, fidem, si illam certo certius rupturus es.

Clieu.

Clientibus verba dato, ut luber; at amicos vide, quaeso, ne isthoc pacto ludificeris. Etiam, quod nollam, fictum negorium caussare; attamen fidem, quam numquam liberaturus es, obligare caveto. Ohe, inquires, jam satis est. Poenarum plusquam satis pro tantulo peccato. Posthac cauti-
 rius me geram, fidemque diligentissime servabo. Minue iram amicoque ignosce libenter. Imo libentissime. Jam tua mellira responsa, quae es-
 ferbuerat ira, eam omnino cohibuerunt. Imo ut me omnino placatum esse tibi persuadeas, tibi fortunatissimos dies Natalitios opto, atque, ut Nestoreos annos superes, recens natum Christum Jesum obsecrare enixe non cessabo. Vale.

E I D E M.

140

CAelum terrae commisceri fluminaque rela-
 bi credidissem; te vero verbi immemorem
 esse, ac fidem datam violare potuisse, nullus mi-
 hi persuasisset. Tanti te semper feci, &, quod
 caput est, te semper fidelem novi. Nunc quid
 factum sit, ut promissum non praestiteris, vix
 aut ne vix quidem suspicari potero. Servus enim
 praesto erat: Marchionis Spiritei uxor domi ser-
 vabar: tu pedem domo haud extulisti, quippe
 qui amicum praestolabaris, qui te tuumque ger-
 manum, qui parum belle habebat, inviseret. Ego
 vero, ne cessans viderer, dataeque fidei parum
 sollicitus, antequam sol ad vesperum inclinaret,
 me ad Testae communis amici aedes una cum
 Campolongo contuli. Usque ad noctis horam il-
 lic moras traxi ad foros assidens oculisque cir-
 cum-

cumſpectans , num quis tabellarius adventaret . Vbi illinc diſceſſi , cum redirem domum , attente obſervavi , num illum obviam haberem . Nul- lum omnino offendi . Atque domum reverſus , cum Janitorem ſcitatus eſſem , num quis me , cum abſui ? Nemo omnium . En qui prorsus fa- ctum purgare non poteris . At , inquires , gravi- bus negotiis diſtriſtus , reculam curarem ſcilicet . Fateor . Verum alias cave , ut ſancte promittas juratus . Qui , amabo , in magnis promiſſa ſerva- bis , cum in parvis perfidus redarguaris ? Vale .

E I D E M

141

QUſi tibi in mentem venerit , meam fatigare exſpectationem eamque cupiditatem re- morari , qua flagrabam quamprimum legendi au- rea Marci Mundii opuscula , te accurante , jam typis quam elegantiffime edita , demitatus ſum . Sanctiſſime enim mihi receperas , cum te heſter- na die conveni , te illa mihi quam celerrime miſſurum . Anne tibi parum videtur , vel pauca- rum horarum mora , illa me voluptate privare , qua jam perſuſus eſſem , tam eruditi tamque ela- borati atque ad unguem perfecti operis lectione ? Numquam , mihi crede , depoſuiſſem , ni a capi- te ad calcem lectis iis omnibus argumentis , qui- bus tamquam muſivo opere affabre compingitur , librum totum in ſuccum ac ſanguinem conver- tiſſem . Jam modo illi (heu nimium cito e vi- vis ſublato !) divinam Terentii Andriam recen- ti forma ornatam noſtrisque moribus ſervire li- benter juſſam , Italice vertenti præſto fuiſſem : modo

modo eum latina, tum Etrusca carmina, pro re nata, eruditissima, si quā alia, pangenrem suspexissem; tandemque prosa oratione eloquentiae vim majestatemque prae se ferentem tantum non audissem. Quaeso igitur te etiam atque etiam, ut promissum quanto ocius praestes, ne & verbi immemor, & Dominici ejus filii insigniter de litteris meriti pietati tua negligentia morae fuisset videaris. Is enim haud lacrymis egregii doctissimique parentis mortem prosequi contentus, ut ejus opera immortalitate haud dubie digna apud posteros exstarent, te adiutore, diligentissime curavit. Vide, quaeso, ne illa non statim vulgata fuisse atque distributa, per te steterisse videatur. Quare fac, ut nulla interposita mora ad me illa mittas, meoque incensissimo, quo jam teneor, studio, quantum potest, satisfacias. A me Dominico Mundio tanti parentis filio studiosissimo juxta atque praeclarissimo salutem peramanter nuntiabis. Vale. Ex Aedibus Regii Ephebei x. kal. Mart. CIOCCCLXIV.

JOSEPHO CARULLO

Paulus Moccia S. D.

142

Qua fieri potuit celeritate, quas a me petisti litteras, descripsi. Fere nullum apud me est exemplum illarum, quas in singulas hebdomades exaro. Hinc te obsecro, ne mirere, quod non statim miserim, fidemque liberarim. His accedunt occupationes, quibus hinc distinemur, quae hujuscemodi sunt, ut quasi omne tempus,

pus, quodque scribendo accommodatius esset, sibi vindicent. Matutinas enim pomeridianaque horas scholis impendimus. Vix tantulum superest temporis, quantum corpori recreando animisque exhilarandis, sive deambulationibus, sive congressionibus cum amicis, nemo non tribuerit. Sed, quod caput erat, nescio cur ad ultimum reservarim. Istas ita fac legas, ut horas quo quo modo fallas, quodque temporis cum scitissimo fratris tui filio pene repuerascens insumeres, cum a negotiis, quibus fere numquam non distringaris, vacas, illud hisce meis litteris subitaria opera conscriptis attribuas. Pro ea qua me nihil tale merentem prosequeris benevolentia, non vereor, ne non eas aequi bonique consulas, neque omnia ad severissimum examen revocanda existimes. Plerumque enim nullo pene argumento quidquid in buccam venit, chartis properanter illevi. At inquires: non scripsisse satius fuisset. Cur, quaeso, culpam deprecari, cum declinare potuerim? Sane quidem. At, qui, amabo te, amicis illas nedum poscentibus, verum etiam efflagitantibus morem non gessissem? Amicitiae ne, qua nihil sanctius in terris est, nuntium remitterem? Minime omnium. Is enim ego sum, itaque sentio, amicitiam videlicet fovendam vel cum nostra quantacumque iactura potius, quam pati, ut paucillulum laedatur. Quae cum ita sint, fere semper amicis parendum fuit, eaque scriptis committenda, quae numquam, absque eo foret, in vulgus exissent. Neque porro dubito, quin mihi in hac re libenter assentiare. Per te enim, qui amicis demerendis unice natus vide-
ris

ris atque omnium ore praedicaris, peccem in hanc partem, quantum libet, mihi licebit. A me Felici, germano tuo amantissimo, quique multorum mores populorum vidit & urbes, salutem plurimam nuntiabis; quam etiam Francisco Danieli, cujus in ore habitas, ni grave est, imperies. Vale. Ex Aedibus Regii Ephebei kal. April. MDCCCLXIV.

CAJETANO MIGLIORE

Paulus Moccia S. D. 143

JAm accepi, quod mihi mittendum curasti clarissimi Philippi Mazochii *υμνολογικον*, ac postridie mane, ubi per scholasticas exercitationes licebit, ipsemet Campaniae Praefecto prae manu dabo. Quin imo ei rem, qua de agitur, Romano more commendabo. Atque, mihi credas velim, currenti stimulos addam. Justitiae enim, uti probe nosti, acerrimus vindex juxta atque cultor est, &, quod magis est, integerrimus. Quam ob rem haud despero futurum, ut quamprimum amantissimi Philippi votis satisfiat, cujus nomen dumtaxat pro maxima est commendatione apud illum praesertim, qui ejus praestantissimum Patrum, quo uno litteraria Respublica pene stat vigetque, amore prosequitur singulari, atque colit observatque non vulgariter. Vix credas, altero illum quoque verbo honoris causa nominat. Verum haec haec. Quod vero mearum epistolarum folia, antequam prelum experiantur, nedum sedulo, verum etiam libenter

ter recenses, multum te amo. Quid enim mihi exspectatius contingere poterat? Neque mihi omnino timendum est, ne tua desideretur diligentia, quippe qui ita quandoque illarum suavitare duceris, ut saepe animo vagatus pervidere videaris. Utinam ita se se res haberet! Jam enim tibi, cui tantopere cor sapit ac palatum, quique mihi pene instar omnium es, satisfacissem. Ceterum, ut ut res sit, hoc tuo iudicio, tamquam aliorum existimationis de me praerogativa utar libentissime. A me officiose resaluta Philippum, ejusque Patrum Alexium Symmachum Mazochium, virum dubio procul πολὺ λωττον & πολυμυθεσάτον, eique recipito persancte, me, quoad mihi vita suppetet, suum nexu mancipioque futurum. Quî enim beneficiis in me plena manu collatis, cum Aversano in Clericorum Collegio degerem, nedum referenda, verum etiam habenda gratia, respondeam? Vale. Ex Aedibus Regii Ephebei idib. Maj. CIOCCCLXIV.

P. S. Jam mandata exhausti, &, ni fallor, ita diligenter, ut res acta transactaque videatur. Proh qualis quantusque vir! Vix dimidium dixeram, intellexerat. Praeterea mihi praecepit ut suis verbis Philippum, ejusque Patrum, sibi multis capitibus carissimum, officiose salvere juberem. Te quoque valde salutat, gratiasque agit de tuis epigrammatis, quae ipsi Nivani mitterenda curasti. Iterum vale.

MICHAËLI TESTAE

Paulus Moccia S. D.

144

Quid? jam autumnus ingruit, aestate jam ex-
 acta, & Pausilypum minime petemus, quo
 nos lavatum abituros non semel constituimus?
 Quid deperire non iniquo animo patiemur tem-
 pestatem animis erigendis corporibusque reficien-
 dis quam aptissimam? Perraro quidem apud nos
 accidit, ut sive frigus, sive calor sibi constet,
 atque in dies non decies mutetur. Quandoque
 mane calescimus, vespere ~~ipeunre~~ vix est, ut aë-
 rem egelidis ventis frigefactum feramus. Nullus
 hic vestium perpetuus constansque tenor ritus-
 que. Villolo quidem indutus panno prodibit, qui
 paullo ante sericus totus inceserat. Quare uta-
 mur, quaeso, hac tam inopina caeli temperie,
 neque illam ἀδιαφορως abire sinamus. Vbi Cam-
 polongum, Farinamque (proh quales animas!)
 videris, illis diem dicito, abitioneque condita,
 quo statuto tempore adsint, fac edicas. At qui
 meticulosissimum Campolongum impulerimus,
 qui Neptuno bellum indixit? Ita ἀφροδίτη placitum
 si dixeritis, statim non repugnans assen-
 rietur. Vale.

Q

EI-

Merito te amo, gratiasque habeo immortales, quod mihi ad Andreae Farinae viri sine controversia eruditissimi amicitiam aditum patefecisti. Morum enim suavitate, comitate, facilitateque, qua mirifice non vulgaris doctrinae nulli non invidendos thesauros condit, ita in dies illi devincior, ut nihil supra. Cum ceteris longe plurimum multis capitibus antecellat primasque ferat, pene semper secundas partes agit, nulli non decedit, ceterorumque ineptias merasque nugas, pro ea qua pollet humanitate, libenter excipit, nec veris laudibus parcat. Ut verum ingenuè fatear, ringor quandoque ac vehementer doleo, cum illi minime tribuantur, quae virtute praeditis, ac de litteraria republica optime meritis non sine piaculo negarentur. Verum illud me non parum recreat, animique pene tristitia confectum erigit, quod probis viris, quibus nil carius, nihilque antiquius est publico bono, satis superque praemii est, si benefactorum conscientia sustententur. Maeste igitur virtute esto, atque pergat, ut coepit: fortasse tempus erit, quo haud dedecori ducetur eruditae virtutem coluisse, utque litterae floverentur, operam eximiam navasse. A me illam saluta officiose. Vale.

EIDEM.

146

A Cerrimus capitis dolor , quo fere totum diem divexatus sum , in caussa fuit , cur nihil litterarum ad te dederim . Vix aliquantisper remisit , calorque , quo pene aestuaveram , deferbuit , cum , quo d per affectas vires fieri potuit , partes meas implevi , officioque ne deessem , diligenter curavi . Vide , amice amantissime , quanti apud me jura amicitiae sunt ! vel morbum caussari , mihi religio est . Sarius enim est amicitiam custodire quam accuratissime atque *πρὸς ὑπερβολὴν* , quam ea committere , quae illius splendorem praestringere videantur . Quare illud tibi persuadeas velim , me tibi , qua studio , officiisque , qua opera , industria , atque fide numquam defuturum . Quin potius illud sedulo efficiam , ut tua apud me beneficia minime intercidisse existimentur . Quid ? putasne me ita immemorem promeritorum esse , itaque ingrati animi vitio laborare , ut tui singularis erga me amoris tuaeque non vulgaris benevolentiae memoriam obliterari patiar ? Ut cetera missa faciam , quis diligentiae tuae , quis studiosissimae voluntatis , quis tandem (pudet dicere , at dicam tamen) tui famulatus obliviscetur ? Nunc , quaeso , patere , ut gratias tibi agam , habeamque maximas ; posthac haud despero futurum , ut par pari referam , ac benefacta benefactis rependam . A me Campolongo , atque Farinae , viris amicissimis meique supra fidem studiosissimis salutem plurimam . Vale .

Q 2

E I.

ME ne ita pudorem abjecisse putas, ut audacibus facinoribus ad gloriam perveniri posse mihi persuadeam, quae laudabiliter res siue publicas, siue privatas gerentibus semper paruit? Vix pauci, qui huiusmodi nefariam iniungere viam, fortunam si non secundam, saltem minime adversariam experti sunt. Atque id neque constanter, neque cum laude. Namque postremo fors tamquam pertaesa facinorosos viros vitiisque omnibus inquinatos, eo pene in pretio haberi, quasi bene de suis meriti esse viderentur, ita in medio relinquit omni prorsus auxilio destitutos, ut omnium contumeliis, disertiis, scommatisque impune paterent. Sane quidem, quae a culpa proficiuntur, haud fieri potest, ut diu sub virtutis specie latentia hominibus imponant, perennemque verae laudis famam consequantur. Vernantium florum ritu evanescent, ubi dira nec opina ingruit tempestas. Squallore gravique ruina non parum contristant viatorem, quae prius jucundo erant spectaculo. Ita tandem arbor infelix manebit, qui aurea carruca vectus omnium in se oculos convertebat. Satellitio stipatus ad patibulum rapietur, qui antea, ubi in forum prodibat, togatulos inter atque antambulones incedebat. Ut igitur omnia in pauca contraham; licet nefariis quibusque viris feliciores fuerimus, si non aliud, aeternum probrosi jacebimus. Quare illud te rogo, ut consilium mutes, itaque apud te statuas, nihil unquam

quam homini experendum nisi cum virtute conjunctum. Ergo pauper ero, Iroque miserior? Quidni? Si vel transversum unguem a virtute honestoque discedendum sit. At plerique omnes ita se gerunt, resque illis ex sententia procedunt. Si vitiosum est atque ab honestate alienum, cave putes multitudine prave agentium rectum decorumque fieri. Haud in istos quadrat, quod virtutis affectis congruit: *εἰς τοὺς πολλοὺς*. Quare cave multitudinem, ritu pecudum, sequaris. Profecto pessum ibis, inque praeceps ageris. Ea enim non quod rectum, sed quod lubet, studiose rimatur. At virtus diffidens plebi illum bene beateque victurum putat, qui prosperas secundasque fontium impiorumque res oculis spectabit irretortis. A me prudentem Andream Farinam, multorum mores hominum qui vidit & urbes, plurimum salvere jube, pariterque Campolongum, modo ne lateat, ut filium dicunt Thetidis sub lacrymosa funera Trojae. Hei vereor, ne Rhodani potrix aliquid nobis apportet mali! Vale.

NEque defugiendi oneris caussa, neque quod Lucianae plagae jam pertaesus eram, haesterna die aedibus tuis abstinui; verum id contrigit, eo quod diutius quam solebam in libraria officina moratus, non intellectam jam obrepisse noctem animadverri. Quare, si ad te venissem, id haud dubie providebam futurum, ut, serius ompino, quam fere semper consueveram, domum

redire cogerer. Quod, haud te fugit, quanto ego opere declinaverim. Et posthac igitur veniam, & numquam committam, ut temere a proposito discessisse redarguar. Haud verere, quaeso, ac bono animo esto: ni molestiae fuero, te adibo, quoad vita exsuperavero mea. Te conveniam vespertinis matutinisque horis; ita tamen, ut mihi optio sit alterutrum exsequi. At vero illud te monitum volo perraro fore, ut ad te mane ventitem. Ita enim mihi dies dispositus est, ut recurrentibus statò ordine atque per orbem occupationibus, mane domi me contineam oporteat. Accedit quod istud tempus tamquam commodius sibi optavit Campolongo, cui ingentes calores, viaque licet aestuosa ac pulverulenta minime sunt impedimento, quominus aedes tuas meridiei omnino adversas frequentet. Communibus nostris amicis Farinae, & Campolongo salutem a me communicato pugilicam. Vale.

E I D E M.

149

COnquieveruntne irritati maris fundo ex imo exciti ingentes fluctus, quibus infames scopuli, alter a catena, alter a sale, quo licet modice vestitur, hesternà die albescebant? Desiitne dira fremere pelagus, horrendumque mugire, tamquam Tritonum sonitu ad ferale bellum vocaretur? Conspiciunturne mergi sursum deorsum volantes, quo piscibus vi tempestatis summas aquas tranantibus dextere potiantur? Si nondum ventos concidisse,

disse, agitatumque humorem faxis decidisse credidero, haud fallar. Quippe Neptunus etiamnum timet, ne in sententia maneam; Pausilypumque adhuc cogitem. Quare ne portu solvam, iussit aquas, & quantum est in mari Numinum, tum quiescere, cum me propositum mutasse certo certius comperiet. Mutavi, precor, dicito, voce vel stentorea vehementiore, meque Seberthum petiturum, quo lavem. Cura, ut isto munere quanto ocius fungaris; alias periculum erit, ne civitas plures dies mea causa piscium caritate atque inopia prematur. Quis enim, nisi de sua vita actum velit, mari tam procelloso, piscatum perget? Neque cum frigora rigent, mare ita hiemasse memini. I nunc, ac pernega esse verum, quod vulgo dicitur, infeliceibus, si mare petierint, undas defuturas. Ita prorsus agitur cum eo, qui egregio ingenio ad miseras natus est. Amicis a me salutem. Vale.

E I D E M.

150

ET tamen Pausilypum petebam, tantum ut viri medici imperium exsequer. Aquam marinam obesis beneque habitis salubriorem fluviatili esse non semel mihi dixit. Ne igitur valetudinem, adeoque meorum commoda negligere viderer (nobis niti domum domesticaque omnia falso putant) navigationem paravi. En repente omnia conversa: caelum visum est vel pice nigrius, ita nubibus iisque quam spissis obducebatur: mare ita insohuit, ut nedum tempestas ingruere, verum etiam caelum ipsum ruere

Q 4

vide.

videretur. Jam nautae omnes cymbas, myoparones, navigiaque omnia subduxerant. Mare vix pisces continebat, quos jam sedibus suis pulsos undarum fremitu impetuque litus petere cogebat. Vide nunc, quaeso, quid me factum fuisset, si ingratis Neptuni solvissem! Quid, si non integer vitae scelerisque purus mari me commissem? Illud, salva fide, fatebor me illuc ire, non ut ventri indulgerem, meque exquisitis piscibus ingurgitarem, neque ut marinae aquae auxilio salum suscitarem humorem; sed dumtaxat, quo excurrenti undique pinguedini, seque in dies latius, imo monstrosius explicanti salitis lymphis frenos quodammodo injicerem, cadivamque nimio pondere alvum cohiberem. At quorsum tam putida oratio? Ingenue dicam, ut ita saltem dolorem, quo non parum angor, levem, animumque curis confectum erigam solerque. Nedum die, verum etiam scribendo aegritudo adimitur. Aequi igitur bonique consule has ineptias: non leve ad molestias minuendas remedium esse deprehendi. Vale.

E I D E M.

151

EN iterum e balneolo antemeridiano ad te scribo. Credideris? licet aquis undique circumfluam, tanto exaestu calore, ut pene totus a calce ad caput madeam sudore. At nullibi tantum sudoris exundat, quam in fronte. Quodque mire molestum est, quandoque me imprudente ita sensim ad summum nasum lenesfluendo pervenit, ut tamquam abacturus muscam accingar.

gar. At vix manum jacto, cum vel papyrus, vel quid aliud quod subest madefactum indicio mihi est, guttatim sudorem decidisse. Et tamen caloris ingratis scribo, itaque scribo, ut me fere semper tui meminisse liquido perspicias. Is enim sum, ut gratissimus haberi cupiam. Neque me a proposito sententiaque deterret inanis illorum opinio, qui me omnia ad gloriam referre, omniaque cum mea ipsius utilitate metiri fortasse existimabunt. Namque, si hic error est, eo delector, neque mihi eripi patiar. Anne umquam fieri poterit, ut vitio alicui vertatur, quod beneficia memoria retinuerit immortalis? Apagelis istas nugacissimas nugas merasque tricas. Vale.

E I D E M.

152

EN hoc epistolio hesternam jacturam compensa. Hebdomadarii enim pensum, quo per orbem fungimur, impedimento mihi fuit, quominus quotidiano satis officio facerem. Vix mihi ad paucas horas, sine quibus haud vita toleraretur, mihi, inquam, licuit esse otioso. Fere totum antemeridianum tempus sibi vindicat Palatinum officium; & qui omnem omnino cultum negligo, haud parvo tempore contentus sum, quo me comparem. Proh, quanti laboris est pulverulentas mundare vestes! merito negligentia plectitur, qui suas perire vestes patitur. Quid tibialia memorem? ita quandoque hiant, ut non modici serici jactura sarciantur atque interpolentur. Vixque uno defungor opere, cum aliud emer-

emergit : en recens collare assuendum se offert , ne quod jam sudore madet spurco colore nax-seam pariat . Jam vero Mensa regia expeditus , vixque pransus , meridiatum abeo . Non malto interjecto intervallo , en scuticae adsonant , quo jam adventare carrucas admoneor . Lecto surgo , raptim vestes induo , ornatusque uti in magna festinatione licet , carrucam conscendo . Deambulatum concedimus . At quo ? Ad viam novam , quae in mare imminet . Illic ubi sorsum prorsum formicino gradu ambulavimus , domum redimus . En gelidi cucumeres scissâ devorantur , quoque facilius concoquantur , non parum vini potatur . En iterum carrucas scandimus theatrum perituri . Illic spectando calescimus . Quid enim est absurdius , quam aestivis temporibus theatra patère ? Jam media nocte exacta revertimur . Coena multor innoxius . Dormitum pergo . Vix prae calore quiesco . Interim invida abiit dies , neque , quid profecerim , prorsus scio . Illud certe scio frustra tantum temporis effluxisse , neque amicis officia impensa . Quis igitur poterit me tamquam cessantem in scribendo accusare , cum mihi vix suppetat tempus , quo mihi prospiciam , salurisque rationem habeam ? somno ciboque licet innoxii multamur . Vel necessariis naturae oneribus raptim satisfacimus . Quae cum ita sint , ignosce , quaeso , amiculo , si nolens repugnansque officio defuit . Posthac & frequentiores & fusiores accipies epistolas , famemque , qua urgeris , insatiabilem , spero , explebis . Interim hisce contentus esto , atque tamquam praegustatione utitor , ita tamen , ut ne promulsae conficiaris .

Inte-

Integram enim famem ab ovis usque ad mala afferas volo. Farinam mellitissimum amicum eruditissimumque meis verbis plurimum salutato. Vale.

AT neque ita indemnitati meae omnino consultum est. Si damnum sarcire in animo habes, cumulare sarcias oportet. Ni te praeterit, quod jura fanciunt, ita te geras necesse est, ut ἀπιδιμνῶς, necdum γαμπερῶς satisfaciendum tibi esse existimes. Duo affluxerunt dies inanes prorsus; atque ab omni epistola vacui. Tum ergo abunde promissum te praestitisse arbitrator, cum, quid singulis diebus deberur, re exsolveris. At, inquires, reliqua, ubi potero, persolvam. Haud isthuc patiar; neque gravatim feras, rogo. Nihil quippe juxta execror odique atque reliquos. Si, quod debes, rotunde inficiaberis, haud mihi aegre erit. Is ego sum: quod in nominibus est mihi perinde est atque prorsus abesset. Quare unica tibi restat via, qua debito extricêris, nimirum si reapse epistolam miseris, quodque interjacet spatii qualibet ratione impleveris. Alias quin inficiator sis, nihil moror. At enim, memento & illud contritum sermone omnium esse: *summum jus, summa injuria*. Verum id hercle est; sed ubi ex aequo bonoque agier oportet. Quid si lex aperte loquatur? Injurium profecto erit, si latum dumtaxat digirum ab illa discefferis. Centum furatus es, tantundem reddito. Si nummulus defue-

rit,

rit, fur eris. Quid tibi vis obloquar? jus, fas, justum, aequumque calles apprime. Itane tibi stat? Quoad potero deinceps enitar, ut meas impleam partes, numquamque efficiam, ut officium defuisse meum jure conqueraris. Vale, Farinamque saluta a me officiose.

HVi! tibi defunt argumenta scribendi, qui conventicula quaeque urbis percurris, novaeque res ita aucuparis, ut nihil magis. Nihil hinc novi contingit, quod te unum praesertim fugiat. Nemo enim in foro magno suspenditur, aut urbem jubetur percurrere asello insidens papyracea insignitus corona, quem non aut ipse met spectes, aut non saltem, cur ita factum oportuit, sedulo anquiras. Nonne, cum Nundinae ante Regias aedes instituebantur, tu omnium primus ad immanem leonem visendum accurristi, canesque partim viriliter, partim muliebriter indutos, bipedes incedentes, atque ad numerum saltantes spectasti? Vel nudius tertiana die, tu qui pene ad annum a meis aedibus abfuiisti, nescio quam de causa, nonne odium omne, si quod forte conceperas, deposuisti, atque vix pransus ad me venisti, ut Charontis ferrugineam cymbam innumerum piscatorum numerum vehementem non sine tridentibus, fuscinis, aliisque hali-euricis instrumentis intuereris? Quam attente urinatores modo hac modo illac caput aquis effe-
rentes, metu ne fuscina impeterentur, aliosque aquam huc illuc spargentes, quo continenti asper-
gine

gine ficti piscis captio protraheretur, quam attente, inquam, adlplexisti? Si ad solem occasum ludus productus fuisset, numquam medius fidius tibi oculi doluissent. Haec omnia cum tibi suppetant ad scribendum, te summa in rerum copia quae fame confici affirmabis? Et tandem, ut omnia desint, abunde conscribillandi argumentum sufficient mellitissimi Campolongi perspicilla numquam deponenda ne inopino quidem motu terram conquassante, aut Borusso imminente exercitu. Haec si attente tecum ipse perpenderis, haud conquereris posthac, si sapias. Ita se rem habere si pernegem, amice amantissime, frontem perfricuisse putabor. Quare deinceps mutato consilio aliter me geram, ac ne cessans in scribendo jure ac merito videar, sedulo cavebo. Campolongum eruditissimae atque elegantissimae Polyphemeidos auctorem de vetere ingenuo scribendi genere praeclarissime meritum, atque acerrimum primaevae latinitatis jam jam periturae vindicem ac adsertorem, ejusque amicissimum Malarbium omnijugenae litteraturae cognitione excultissimum virum, ac Danielelem amicorum glutinum atque litterarum cultorem praecipuum meo nomine plurimum salvere jubebis. Vale. Ex Aedibus Regii Ephebei IV. idus August. CIOCCCLXIII.

ME tibi jam nuntium remisisse, teque omnino valere jussisse, si suspicaberis, haud temere te id facturum autumo. Perlancte paucis ab hinc diebus tibi receperam, me numquam, quoad fieri posset, passurum, ut vel uno tantum die meis litteris careres. En nulla de causa, qua mei facti ratio probaretur, violataque amicitiae jura praetenderentur, jam tertium diem, epistolare commercium constitit interquievitque. Et quod magis mirabile est, neque de more morbum, vel aliquid aliud, quod forte impedimento mihi fuerit, causatus sum. Haec, inquam, si ita tecum ipse reputaveris, minime, uti videtur, a signo aberrabis. Verum, si, cur ita factum oportuit, audieris, me tamquam in scribendo cessatorem haud insimulabis. Inopinanter nescio quo praepostero Orgitellianarum aquarum effectu, crus dextrum, quod gracilitate commendabatur, pene aliquantisper inferne intrumuit. Id quantum mihi timoris pepererit, tuum judicium esto. Jam mihi videbar aqua intercute laborare, atque in singulas horas in tantum protendi tumore sensim augescente, ut aegre spiritum ducerem. Nunc digito tibias pertento, num tenuiter pressae intertes consistant non sine notis, an statim vividae subsulturae videantur. Iterum matellam inspicio, num satis lotii in ea sit. Vrinae enim inopia malum portendit. Quid multis? Nihil intentatum relinquo, ut quo quo modo mihi caveam, conclamataque reciperem salutem. Quare me

excu-

excuses te rogo, si te hesternā die non invisi,
neque solitas litteras accepisti. Vbi detumuerit
crus, statim veniam. Vale.

Accidit non raro, ut eorum¹ potissimum,
quae cupidius inhiavimus, satietas nos ca-
piat, itaque aversemur, ut vel ipsa notitia ac
cogitatione angamur. Ingenue verum fatebor,
neque me pudet id prae me ferre. Superioribus
annis, ubi sive loco, sive imperio illius; sub
quo eram, vetabar ad theatra pergere, nihil o-
mnino erat, quod avidius cupiebam, illisque in-
videbam, quibus ad scenicos ludos facilis aditus
patebat. Utque animo, si non oculis quo quo
modo satisfacerem, illos dedita opera mihi ob-
viam dari avebam, quos non infrequentes esse
certis auctoribus compereram. Quid multis opus
est? ubi in illos forte fortuna incideram, ab il-
lorum ore pendebam, attenteque auribus bibe-
bam modo saltationes ad vivum expressas, sive
solitarias, sive bino, trino, quaternove numero
ductas, seu tandem ab omnibus alterno accessu
recessuque, interdum adversis, quandoque aver-
sis corporibus examissim peractas; modo ritu sali-
subulorum aëreos eosque *αὐτομάτως* saltus. Quoad
cantus suavitatem, falsas voculas, diurnosque
vocum ductus parum attentus. Numquam musi-
ca me delectarunt studia. Nunc ita ab iis alie-
nus evasi, aut potius usque adeo mihi taedio
molestiaeque sunt, ut quidvis paterer, nihilque
non subirem laboris, dummodo theatralibus offi-
ciis

ciis impune vacare permittèretur. Quid ita ? haud dubie ex eo quia ubi mutantur anni, studia quoque mutantur oportet. Jam adolescentes odimus, quae pueruli dileximus. At si ad haec omnia temporis incommoda accesserint, tum quidem molestia immensum exerescet. Atque id superiore nocte contigit. Ita enim exastuabamur prae non mediocri spectatorum turba, quae nescio quibus furiis exagitata illuc confluxerat, ut neque gelidis sorbitionibus, neque frigidis cucumeribus recensque e crypta eductis calor, quo vexabamur, restingui potuerit. At vero illud inficiari nequeo non injucundum spectaculum fuisse, cum pene ad numerum flabella in singulis foris movebantur. Quam simillimum id videbatur mari, cum undae leviter aura crispatae albescunt, ac nautae barbam D. Iosephi appellant. At, inquires, quorsum isthaec oratio vel Iliade prolixior? Ne mihi vel in theatro invidas. Amicis fruitor, qui ad te ventitant frequentes, tibi que persuade nihil prorsus esse, quod cum amico eoque candido sinceroque comparari possit. Quid, si idem musarum corculum fiet? Jovi de felicitate bellum inferes. Farinae, ac Campolongo a me salutem plurimam impetrator. Vale.

Nescio quonam id fato contingat, ut nedum in malum natura proni simus; verum etiam, cum illud quammaxime defugimus, tum vehem.

vehementius acriusque experiamur. Quod in ve-
 titum ruamus, quid mirum? ita quidem ficti fa-
 ctique sumus. At vero, si a recto tamquam vim
 passi desciverimus, id quod fiat juxta cum ignarif-
 simis scio. Fato ineluctabili si id accidere fa-
 tebimur, quānam impii noram effugero? Nutu
 quippe omnia divino, licet quam fortuita videan-
 tur, usuveniunt. Anne instinctu atque ἀντρομα-
 τῶ ductu in turpia quaeque atque indecora feri-
 mur? Quanam re, amabo, bestiis praestabimus?
 Coeco ne tandem rationis impulsu, primaeva cul-
 pa labefactatae? Viderint, qui isthuc rodunt fre-
 num: ne proverbio obnoxius merito fiam: Sutor
 non ultra crepidam: ἵππος ὑπὲρ ἀρματα. Verum,
 quod ad me attinet, illud scio, me hesternā die
 domum reversum eo consilio, ut cucumeribus absti-
 nerem, ita illorum visu pertractum nedum allectum
 fuisse, ut sententiam mutaverim. Illinc sane is af-
 flabatur odor, qui non modo sensum titillabat, ve-
 rum etiam vel inermem, fastidiosum, oscitantemque
 permovisset. Vix enim unum prae ceteris, findere,
 cultro leniter descendente, incoepimus, cum cre-
 pirando sponteque sua dehiscendo anteambulonis
 ritu quid boni contineret, ostendere gestivit.
 Jam bifariam divisus, is fuit, qualem se futurum,
 fausto omine praedixerat. Rubere visus est juxta
 atque Sarrana vestis purpureo bis exsaturata colo-
 re. Pavimentum sanguine natāre existimasses.
 Quid vero saporem memorem? Hyblaicum mel
 multis parasangis antecedeat. Quare nectar am-
 brosiamque vel fabulosa poetarum commenta fuisse;
 vel si exstiterunt, sub cucumerum involucris
 occulta tectaue fuisse, vel deposito pignore con-

R tende-

tenderim. Sane quidem, quid cucumere dulcius, suavius, sapidius, jucundiusve fingi potest? vel experti novimus ipsas frigidas sorbitiones, sive lacte, sive Medicis malis, sive aliis quibusvis letissimis rebus compositas prae gelidis cucumeribus despicere? Quid? quod illae poriones gignunt malorum, quod non raro accidit, istorum ope praesentissima pellitur extruditurque. Extruditur? imo in intimos viscerum recessus penetrantes, occultos quosque inveteratos acresque humores in posterum haud dubie nocituros rimantur, atque ingratis tenacitatis, & licet adhaerescerent avelunt, avulsosque protrudunt. O permiram cucumerum vim atque ἐνέργειαν! O pharmacum vel καθαρτικὸν anteferendum! Vtinam viris medicis, qui sibi tanto opere in aqua egelida plauserunt, isthuc in tempore innotuisset! Vtique cucumeribus conclamatae aegrorum saluti consultum ivissent. Bene sit iis, qui priores cucumeres severunt, quique illos nonnisi frigefactos manducandos esse docuerunt. Ita quidem malis hominum occurrerunt, sed non alio malo. Praestat enim morbum curari ita, ut nullo cruciatu torquearis. Quandoque vel sine medica ope diem obire supremum expedit. Usqueadeo amarulenta interdum aegris propinant, ut absinthites dulcius sapiat. Amice, si quando (quod omen Deus avertat) aegrotaveris, aut Κκροσόμεαχος fueris, cucumeres adhibeto, eosque optimaе notae. Mediterraneos mandito; cave a maritimis. Qui enim in agris mari proximis proveniunt, licet magis rubescant, falsiores tamen sunt, obsuntque non parum. Haud scio an isti mihi fraudi fuerint. Tandem illud

te rogo, ut isthaec nedum tecum contineas; verum etiam, amicis impertiare, quo cucumerum auxilio non solum pugiliter valeant; sed cornicis quoque annos adsequantur. A me Danieli, Campolongo, atque Farinae amicis quantivis pretii salutem gladiatoriam, & si illos σικυοφίλως effeceris, etiam ἀγερσίαν nuntiato. Vale.

Intermittam aut potius relictam scribendi consuetudinem revoco volens libensque. Tua quippe erga me benevolentia, tuusque amor dubio procul eximius, ut ita faciam, me vehementer nedum hortantur, verum etiam impellunt. Quae enim haecenus me torserat suspicio non medioeriter, omnino inexpectato tuo adventu depulsa est. Haud temere antehac veritus fueram, ne a me alienatus, nescio quam mea culpa, alio animum tuum convertisses. Quod nunc me falso suspicatum esse, laetatus sum vehementer. Verum, ut, quod sentio, meo more ingenue fatear, ne in praesenti quidem penitus abcessit, qui me sollicitum habuit, timor. Quare, quas ad te nunc mitto litteras, peramanter quidem certe, sed haud prorsus metu omni vacuus scripsi. Illas igitur, quoad potui, quo forti animo erectoque se se tibi sisterent, cohortatus sum; illudque naviter praemonui, ne paverent, licet te subtristem offenderent. At vero, si te laetum hilaremque deprehenderent, eis mandavi, ut tibi amice prius atque officiose salutato lustricum apprecarentur diem quam faustissimum. Ridiculum, inquires.

Exacta vindemia, uti ajunt, infundibulum commodas. Et tamen si attenderis, illas omni prorsus culpa absolves. Jure enim impeditae fuerunt, quominus satis officio facerent. Neque vero te fugit, quippe qui a rebus forensibus non imparatus es, quod tamquam non effluerit illud putatur tempus, quo quis iuste detentus arguitur. Sed apage has juris ambages, ac Legulejorum subterfugia. Metus in causa fuit, cur id non suo tempore conficeret. Lapsus sum, erravi. Nunc veniam peto, quam impetraturum spero, si tuus suavissimus alumnus, quem a me salvere jubebis, deprecator accesserit. In posterum autem sedulo cavebo, ne in gratiam redeamus. Campolongo amicorum conciliatori atque glutino meis verbis salutem dicitio officiose. Vale, meque tibi devinctiorem opinione tua existimato. Ex Aedibus Regii Ephebei VII. kal. Jun. CIOIOCCCLXIII.

E I D E M.

159

Hesternae die consulturus quaedam Basilii loca ab impio Barbeyratio impudenter atque per omne nefas impetita, me ad publicam S. Angeli ad Nilum Bibliothecam contuli, non mediocri itineris difficultate aegre obesum corpus movens, cum sudore a calce ad caput maderem. Vix librum, quem anxie quaerebam, aperueram, illumque avidè legere occoeperam adfidens juxta Bibliothecae Custodem, virum amoeniore & interiore aequè ac severiore litteratura clarissimum, cum intervénit quidam sacerdos talari indutus veste mihi de facie notus, qui statim Nuntiantem

tem seduxit, cumque eo seorsum sermones nescio quos instituit. Salutantem amice resalutavi. Praeterea, quod institueram, diligenter facere perrexi. Verum ea me cura identidem angebat, cum scire percupide averem, qui vir ille, quem non tum primum noveram, vocaretur. Numquam tamen mihi suspicio suborta est illum esse potuisse Dominicum Malarbium, quem in Regiis Nundinis primum cognovi. Ipsum enim tum alticinctum videram, baculumque gestantem tamquam ii, qui aut rusticatum pergunt, aut longum sunt iter suscepturi. Hinc factum est, ut, postquam a Nuntiante digressus est, atque omnino abiit, cum sciscitatus essem, equisnam is esset, Malarbium mihi melle Hymettio cariorem esse compererim. Quanto ego opere tum doluerim, tute qui me intrus & in cute nosti, facile judicabis. Adhuc toris Atubus contremisco, illudque vereor, ne forte inurbanus atque inofficiosus visus sim. Quare te etiam atque etiam rogo obtestorque, ut, ubi per otium tibi licuerit, illum meo nomine adeas, remque omnem ad verbum atque ordine narres. Ipsum enim jure ac merito tanti facio, quanti neminem. Quidni? Quae ceteri sparsim ostentant ornamenta, ea spectatissimus iste Musarum alumnus omnia prorsus conferat positur tenetque. Absit vero ut existimes me isthaec chartis illevisse, ut amico adblandirer, gratiamque, qua jure, quave injuria, aucuparer. Peream, si isthaec animo reputarim. Nihil enim umquam aeque ac assentatores execratus sum. Ex animi sententia scripsi, & eo tantum consilio, ut me quoquo modo purgarem. Vera enim amicitia ne-

dum crimine, verum etiam criminis suspitione careat oportet. Meis verbis amicam mihi oculis ipsis cariorem, quemque quoad vixero unice diligam, salutato officiosissime. Neque infalutatum relinquito Campolongum, quem semper magis ac magis colam atque observabo, cum in dies argumenta suppediret, quibus de Litteraria Rep. meretur praeclarius. Ecquid ingeniosa Polyphemeide fingi potest argutius? Quid ornari luculentius? quid tandem concinnari ita aptum argumento, ut omnia sibi mirifice consent consentiantque? Quare merito invidendus videtur Marchio Berius multis capitibus clarus; at hoc capite clarissimus, quod tale tantumque opus ipsum immortalitati consecrarit. Tandem S. Laurentii Principem feminam a litteris non abhorrentem atque musis amicam, ejusque suavissimum filium, meo nomine plurimum salvere jubebis. Vale. Ex Aedibus Regii Ephebei id. Sextil. MDCCCLXIII.

E I D E M.

160

VIn' tibi caput obtundam litteris pene nullo argumento fufis, atque tantum sonantia verba ostendantibus? Tibi morem geram volens libensque. Faxo equidem, ut litterarum copiâ tuae te poeniteat inexplibilis aviditatis. Nullum omnino diem abire sinam, quo non aliquid ad te litterarum mittam. Neque irascare, quaeſo, si te intempeſtively oppreſſerint. Vix enim cubitum iveris, en Zetarius, nescio quis ostium pulſavit, illico surge, ipsummet te postulat, qui litteras tulit. E Regio enim famulatio homo est rufo

fo capillo. Alia autem die te prandentem interpellabunt. Hui! quī tabellarii odium atque improbitatem tuleris, si te offenderit jam oestro calentem Apollineoque correptum furore? Eo proculdubio progredieris, ut, quid facto opus sit, prorsus ignores. Iterum atque iterum apud animum tecum reputato, num tua cum valetudine bene agatur, si conditiones quasque, sive aequas, sive iniquas acceperis. At inquires, mihi melle hyblaeo dulcius (absit verbo iactantia) sapiunt tuae licet extemporales litterae. Esto. At nil carius valetudine, nihil jucundius somno, nihilque sapidius pollucibili prandio atque opipare instructo. Cogita ergo mature rem, atque quid quid deliberabis, fac ut quamprimum sciam. Interim a me salutato officiosissime istam primariam feminam Principem honestate, prudentia, morumque probitate nulli secundam, ejusque suavissimum atque scitissimum filium tuae curae fideique sapientissime concreditum. Vale, meque, ut facis, ama.

P. S. Vbi per otium licuerit, illud te rogo, ut Alumnum tuum huc tecum convehas aequalium Epheborum Equitum consuetudine fruiturum. Illum enim eximie diligunt, atque in sinu ferunt. Iis quippe dotibus animi praeditus est, ut jam inde a puero, quis deinceps futurus sit, aperte significet. Ex ipsa herbarum viriditate, qualis futura est messis fecunditas, apparet. Munuscula, quae illi praebeam, haud mihi suppetunt, quippe qui Sanctimonialium crates ferreosque clathros cane pejus & angue declino. Illa-

rum enim munera hamata sunt. Satius certe est iis carere. Aureo illum libello donabo, quique non Hollandica compactione, aut inaurato integumento, sed aureis praeceptis commendetur. Non deerunt non inelegantes icones. Istitis pueri mirifice delectantur. Iterum vale.

FRANCISCO DANIELI

Paulus Moccia S. D.

161

HVi! qui finis scribendi? Jam isthaec effutire te mihi videor videre, atque utraque manu ad aures admota, tamquam improvise fulguratoris Numinis tonitru percussus, illas obstruis, garrulitatem scriptoris misere vitaturus. Vtinam cera, Vlyssis instar, obstruas, aut gomphis infercias! Jam quidem te obsurdescere, assentatorum infinita illa colluvies, hominum generis pestis atque perniciēs, tandem aliquando exhausta funditus interiret. Nonne, amabo te, tu me, ut, quidquid in buccam, chartis illinerem, hortabare? Nonne ipse, dum mea, qualia ea cumque sint, legebam, modo mustitans, modo stentorea voce, mihi identidem: belle! euge! σοφῶς! non sine manuum plausu occinebas? Medius fidius, toto caelo errat, qui fictis laudibus, iisque phaleratis verborum strophis convestitis facile fidem adhibet; atque imprudens tanti facit, tamquam si ex intimis veri candidique animi sensibus profisciscantur. Ita prorsus mecum actum est. Tua auctoritate confirmatus, qua apud omnes tantum vales, ut nemo magis, quot quantaque

taque stultulus effudi scriptisque commisi, quae potius igni addicenda forent, inque mare projicienda Adrianum. Qui aucupari laudes easque vel ab invitis exprimere videbar, en quantum derepente dedecoris opprobriique subivi, quot quantisque ludibrium debui! At te Dj perdant, adulatorum pessime; qui, ut insanabile irridendi cacoëthes expleres, tantam amiculo jacturam attulisti, ut jam de ejus fama, si qua fuit, actum esse videatur. Verum, dispeream, si ita tibi salse abierit. Meritas *κολάκων* poenas persolves. Et, si mihi Archilochi vis atque par scribendi ardor defuerit; haud tamen desperabo fore, ut continenti litterarum serie te, amicorum pestem virusque, ad suspendium adigam. Rides? ita ne, idoneus tibi videor, quem pro lubitu ludificeris? O tempora! o mores! Quis nunc non ultima quaeque pertimescat, caelumque ipsum confractum lapsurum, cum jam amicitiae nulli non colenda jura nedum laedi passim atque contemptui haberi; verum etiam rumpi ac labefactari animadvertat? Vtinam in illa fortunatissima Pyladis atque Orestis tempora incidissem! Vtique, quo nunc maceror dolore, caruissem. At quo me scribendi aëstus abripuit, quove querendi cupiditati nimis indulgens progressus sum! fortasse, quae tantum vel levicula suspicio mihi jam moerore nescio quo confecto suggessit, haud ita se habebunt; & quas litteras repudiatum iri putavi, illas ambabus ulnis excipiet ac deosculabitur. Quare, amice mihi oculis ipsis carior, quod te, levi suspicione ductus, odio oderim Vatiniano; illud te obsecro etiam atque etiam, ut mihi igno-

gnoscas, erratique veniam des libenter. Peccavi, lapsus sum, teque nihil tale merentem iis oneravi injuriis, quas in scelestissimum quemque omnibusque vitiis contaminatum hominem minime evomuissem. Ne verbulum quidem addam amplius, metu, ne nimia verborum iturba subire, meque licet ubertim flentem, veniamque demisse petentem naso suspendas adunco. Ah! quid dixi? en suspicio recurrit, meque licet invitum, ut tibi male velim, urget acriterque impellit. Abi in malam crucem, hominum pernicies, facerrima suspicio, teque praecipitem in Erebum, unde erupisti, confestim abjicito. Cave, scelesta, ne iterum erepas posthac. Namque te erumpere connitentem, ubi pro merito pultavero, Veritati amicitiae tutelari praesentissimae te sistam plectendam. Audin', scelesta? Cave. Cura ut valeas. Ex Aedibus Regii Ephebei xi. kal. Sextil. cııııccclxıı.

C A R M I N O G E R V N D A E

Paulus Moccia S. D.

162

Quod mea extemporalis epistola, quam nundius tertiana die ad te scripsi, Cosmae communi amico non injucunda acciderit, per mihi gratum fuit. Quam emunctae naris vir sit, & quanto ipse opere de litteris iisque politioribus praesertim meritis sit, non raro expertus cognovi. Quare a me illi exquisitis verbis gratias age, ut primum commodum erit. Praeterea, ni grave tibi est, & illud ipsi a me dicito, me adhuc

huc ea in sententia perstare, nimirum ut dicescam. Quare mei ne obliviscatur, illudque, quoad fieri poterit, committat, ut ipsius splendidissima numerica face, qua mihi praelucere te hortante non detrectabit, obscurissima reconditae sortis hominibusque inaccessae vestigia indâgem. Minime λοξίαν vatem ipsum existimo. Pythiam ipsam Delphico Oraculo decantatissimam veritate longe plurimum antecellit. Quos enim efatur numeros, praesertim in Cassai officina, in qua tamquam in Cortina Phoebi ἱεραστειῶν corripitur, vel sacramento contenderim exitu comprobatum iri. Praeterita sortitione id mihi contigit. Illum igitur etiam atque etiam fac roges, ut meis rebus consultum velit. A me illi salutem officiosissime, nec non Victorio optimae indolis ac magnae spei adolescentulo tuisque alumniis carissimis nuntiabis. Vale.

TAmquam antiqui hospitis senile guttur fregerim, amicitiaeque leges fusque deque habuerim, ita non paucis abhinc diebus meum conspectum fugitas declinasque. Alias jam vias, cum prodeambulum exis pomeridianis horis, insistere occoepisti, & haud scio an casu, vel consilio. Me quidem fortunae ictibus punctim caesimque impetiturum, ac tantum non (σὺν Θεῷ) afflictum externatumque, veluti fulguritum devitas. Esto. Ita meritum est meum. Num tibi par pari referre vicemque reddere mutuam cogito? Deus id avertat malum, finesque in Thracios

cios agat extrudatque. Quin imo benefactis malefacta rependam volens libensque. Et quos jam sollemni pompa colimus Natalitios festos dies, & quem jam jam inituri sumus novum annum, quam faustissime tibi fluere, milliesque fortunatiorem in orbem redire ex animo opto, Deumque πάντων ἀγαθῶν Δωτῆρα enixe precor, ut haec mea fausta omina rata esse patiatur. Vide, quaeso, qui ulcisci, & quam severe consuesco! Idem faustum Natalitium omen a me Orontio Marresio priscæ fidei viro, ejusque incomparabili uxori, & quantivis pretii liberis Josepho & Prospero officiose imperties. Quod officium si nostro πολυμαθιστάτῳ Paroeco, ejusque germanis omnibus peraeque de litteraria Rep. oprime meritis, beneque morato Victorio praestiteris meo nomine, per mihi gratum facies. Multum te amo de exemplo epistolæ Cossyrensis. Hui! Pharmacopolam virum urbanissimum pene oblitus eram! illum meis verbis plurimum saluta. Vale.

BENEDICTO CLEMENTI

DE AROSTEGVI

Paulus Moccia S. D.

164

Commodum fere media prima noctis vigilia domum me recipiebam, cum juxta veteres Regias aedes obvium habui Joannem priscæ fidei virum, qui me ad sesquihoram in Regio Ephebeo frustra expectaverat. Mutuis de more officiis

officiis perfolutis, quod penes puerum ab janua litteras tuas ad me datas reliquerat, significavit. Jamque digressi in diversa abieramus, cum, ut gradum aliquantisper sisterem, amice rogavit. E vestigio substiti: en paucis indicavit, quod me isthuc humane vocabas. Statim subdidi: benigne. Sciebam quippe, quod proximo mercurii die huc tota Regia aula antemeridiano tempore pransura commigraret. Iterum salute invicem officiose dicta discessimus. Domum reversus, resignatas litteras statim a capite ad calcem percurri, quodque me isthuc ad prandium arcesseres deprehendi. Rursus dolui, quod tibi dicto audiens esse nequirem hebdomadario penso, quo per orbem fungimur, impeditus. Quare ubi hebdomas haec exierit, me venturum Deo favente confido. Atque utinam celeriores properarent cursumque incitatiores maturarent, qui intercedunt dies! Celerius quippe ipse coram exciperem, quae jamdudum meditata in me depromeres. Verum illud tibi praedico, ni verborum volubili sono perterrefactus manus dabo, me haud dubitare, quin tuae undeunde corrogatae rationes ad irritum sint recasurae. Adversus enim facta, quae producuntur argumenta licet orationis flore convestita, araneorum ritu difflata vanaescent. *Προβλεψον* aequi bonique facies, spero. Ita enim omnino factum oportuit. Patruo tuo a me salutem optimam, amicis plurimam dicto. Archintus, Somaliaque te resalutant quam officiosissime. Cura, ut valeas.

ANDREAE FARINAE

Paulus Moccia S. D.

165

Non semel atque iterum ad te nihil litterarum dedi, qui nullam fere hebdomadam abire siveram, quin ad te aliquid scriberem, licet nullo proposito argumento. Prima quidem id fronte reprehendendum videtur; verum si me audies, excusabis omnino me, neque objurgatione dignum existimabis. Quod superioribus diebus nihil scripserim, in causa fuit nec opinus germani mei morbus, isque gravissimus. Pleuritide repente correptus ita ad septimum diem laboravit, ut de ipsius salute conclamatum esse videretur. Nunc *σύν θανάτῳ* jam pene convaluit. Quod vero ne proximas quidem jam exaratas complicatasque acceperis, id effecit improvilus hic excitus tumultus. Parva leſticariorum ac bajulorum manus nescio qua panis caritate uſi, quae jam instructa erat de more machina ante Regias aedes prima noctis vigilia, illam ex condito diripuerunt. Magnus omnes pavor occupavit, uti fit nocturno tempore. Adde his, rumor incertus, qui subito omnia urbis loca pervasit, paucorum hominum turbas mirum in modum exaggeravit. Verum statim providentissimo consilio, brevi temporis intervallo, tumultus omnis coërcitus est. Tres turbarum auctores per urbem perendino die virgis caeli triremibus addicti fuisse. Jam altera machina instructa est, quae crastino die dato signo de more diripietur. Tunicatus

catus popellus, olim tumultuosissimum hominum genus novarumque rerum studiosissimum nunc quiescit, puberemque Regem, qui caelo delapsus videtur, eximie diligit. Imo indigne tulit vilissimum lecticariorum genus id ausum esse, quod ipsi ne in mentem quidem venerat. Vides igitur, qui factum sit, ut litteras ad te mittere intermiserim. Suspicionem, spero, prorsus depones, ubi binas litteras, sed diverso tempore datas acceperis. Polyphemeis una cum Mergilline adhuc apud me residet, & mihi crede, jam situs piget. Nemo me adivit, qui illa tuo nomine peteret. Campolongus te salutat plurimum. A me officiose salvere jube Fabricium, meque apud illum excuses velim, quo pacto me tibi purgatum plane existimo. Ceteros alumnos tuos, eorumque parentem jucundissimum meis etiam verbis salutabis peramanter. Vale. Ex Aedibus Regii Ephebei XIII. kal. Mart. CIOIOCCCLXIV.

HEm, istuc avide expectabam, ut aliquantula mearum litterarum intermissione offensus, mihi par pari referres vicemque redderes. Tuae enim mihi de more litterae defuerunt. Carui quidem amici officiis, mutuique amoris ac benevolentiae fructibus, quibus mihi nihil est antiquius: at vero querelarum nihil omnino fuit. Nullas ad me epistolas mittis, quin unde unde argumentum corradas quoquomodo expostulandi. Agedum, fodes, purga te vicissim, virilitigatorum cavillis semotis, ne cessator videre. Quod plu-

pluvium, aut frigidum tempus causseris, nihil est. Vnum omnino tempus fuit, brumali licet tempestate. Vnum prorsus est, quo te excuses, nimirum si morbum obtenderis. Quid si athleticè valuisti? Tum enimvero manus des oportebit. Erubuisti: salva res est. Qua de re posthac, aut queri fac desinas, si quando nihil ad te litterarum perfertur; aut diligenter cavebis, ne merito tuum officium desideretur. Nam qua fronte officium requires meum, qui in scribendo cessans redargueris? Ringêris, credo, ubi haec in te liberius dicta legeris. Per me, ringare, licebit: modo ne ad ingenium redeas. Quid, amabo te, querulo putidius, quidve molestius? A me Fabricio adolescenti praeclare de litteris merito, ceterisque tuis alumnis musarum cultoribus, eorumque parentibus salutem plurimam. Vale. Ex Aedibus Regii Ephebei VI. kal. Martias CIOICCLXIV.

E I D E M.

167

MAle sit meae oscitantiae, meoque implacabili capitalique adversus titulos indicesque odio. Hinc non raro factum est, ut quandoque, licet a capite ad calcem librum perlegerim, interrogatus, ubinam impressus esset, & cuinam nuncupatus, aut quem annum praeferret, mihi aqua haeserit. Hoc ipsum mihi contigit, cum nuperrime ad te scripsi, ac properanter levique brachio latinam praestantissimi Fabricii versionem laudavi. Pene enim verbum de verbo expresserat, quae Hieronymus Episcopus eleganter

ter Etrusco carmine cecinerat. Ne vivam, de Josepho Scorio alterius carminis auctore nihil omnino cogitavi. Hieronymum namque utriusque laudationis auctorem existimavi, in eumque, qua potui, eas contuli laudes, quas nunc, ut inter bonos bene agier oportet, etiam eruditissimo Scorio communicatas volo. Vtrumque carmen (vide quantum mihi sumo) mihi mirum in modum placuit. Cui quidem rei vel id argumento est, quod uni omnia tribuerim. Qua de re utrique gratulor, quod gemellum adsecuti ingenium, par sit utriusque elegantia, gemina scribendi granditas. Tantum igitur abest, ut alterutri esse fraudi voluerim, ut potius utriusque laudes, licet insciens imprudensque, aequa lance pensaverim. Verum de his haecenus. Hic magna rei frumentariae caritate laboramus, majoreque in posterum laborabimus, nisi Deus nos respexerit. Mirum quanto populorum concursu Novendialia D. Januario indicta frequentantur. Nullus enim dies abit, quin illuc confertim supplices confluant feminae ac puellae corollis spineis redimitae, passis crinibus, nudis pedibus, vultu ad moestitiam composito, oculisque ita in terram defixis, ut marmoreas diceres. Est tamen, cur maximo pere laetemur. Nam plebecula, hic cum maxime, turbarum studiosissima, nunc quiescit, malumque, quo in praesenti urgemur, illi acceptum refert, a quo etiam bona cuncta profisciscuntur. Quare illius fidem opemque demississime obrestatur, ab eoque sperat fore, ut tot tantisque calamitatibus tandem aliquando eripiat. In dies magna frumenti vis terra marique expectatur,

S sed

sed nihil dum comparet. Mare praeter solitum hiemat, pluviisque fere continentibus obsidemur. Hispana navis septuaginta tormentis bellicis instructa, quam praestolabamur, jam portum occupavit. Plumbum, specularia vitra ingentis magnitudinis, atque effigies totius Regiae Hispanicae familiae advexit. Nudius tertia die illud pro comperto Regia in aula nuntiatum est, nimirum Ferdinandum Columnam Hostiliani Principem, inter primores Hispanos magnates, omnibus impenis remissis, receptum, Marchionem Bernardum Tanusium D. Januarii cingulo, ac Francavillae Principem aurei velleris torque ab inclyto Hispaniarum novique orbis Monarcha ornatos fuisse. Nuntius omnibus quam gratissimus accidit. Vix credas, gratulatores aequae laeti sunt ac ii, quibus gratulantur. Ita quidem fere semper usuvenit, cum debita virtuti merces persolvitur. Vale. vii. idus Mart. c1010CCLXIV.

E I D E M.

168

Quod scribis non ingratum accidisse Josepho Scotio, quod proximis litteris ad te datis ingenuae confessus fueram, ac pene palinodiam cecineram, tibi pro eo ac debeo gratias ago. Dolebam equidem me imprudentem inscientemque id attulisse mali, quod numquam mihi vel ebrio ceritove in mentem venisset. Hem! Me ne tamquam iudicem sedere, ac pro meo jure sententiam dicere inter eam virorum bigam, quibus quando ingenuae artes, interioresque litterae invenient parem? Gavissus quoque sum non medio-

diocriter, quod mea qualiscumque Apologia Fabricio adolescenti insigniter de musis merito probata sit. Res enim ipsius quoque agebatur. Quod vero me rogas atque hortaris, ut quae nobis impendent jam, ac fortasse etiam prement mala, chartis illinam, atque ad posterorum memoriam transmittam, difficilem sane rem postulas. Qui, amabo te, tanto labori sufficiam, cui ferendo vel Hercules ipse, ab exantlatis aerumnis celeberrimus, impar esset? Quare ceteris & ingenio, & viribus industriae illustrioribus hanc lampadem trademus. Nunc accipe: nihil est desperatius conclamatiusque praesenti rerum statu: nihil iis, quorum opera, majore odio. Ad epistolas autem quod spectat, illud consilium in eas te oro, quod tutius visum fuerit. Praestat quidem sero potius remitti, modo tutius ad me perferantur. Propediem Eboracensem Ducem exspectamus. Jam celeritate quanta maxima aedes Principis Colubrani ad oram Olympiam necessaria supellectile instruuntur, idque Rege jubente. Pro ea qua nunc premimur omnigenae annonae caritate, non ingratus scilicet tanti Principis adventus existet. Vah! quis tantam familiam alet? Vale.

ix. kal. April. CXCIXCLXIV.

E I D E M.

169

T Va de meis epistolis cura mihi gratissima fuit. Illas quidem aliquo in pretio a te haberi liquido cognovi. Quod mihi non prorsus novum fuit, cum semper ea mihi indicia tuae erga me benevolentiae dederis, quae tantum ab

homine mei studiosissimo expectari potuissent. Qua de re tibi gratias ago, habeoque, quoad vivam. Tantum illud scias velim, haud mihi ita nunc opus esse litteris, quas apud te sedulo servas, ut nulla omnino mora interponi queat. Mittes igitur, & cum tibi commodum erit, & tuto perferri posse judicabis. Temere quidem iis committentur, qui & huc res cibarias, ac praesertim frumentum advehunt. Nihil tam facile accider, quam ut depereant. Plena nunc omnia insidiarum, plena fraudum atque latronum. Qui in viatores incurrunt, frumento nummisque abreptis, ut levissime dicam, fasciculum litterarum flammis addicent. Quocirca illud consilium capies, quod magis e re tibi esse videbitur. Vno verbo: serius, modo tutius. Quid aliud? etiam. Illud cave, ne vulgari tantum papyro involvantur: tum enim facile pluviis, si quae decident, corrumpentur. Tela cerata fac contegantur. Involutum quippe est impervium aquis, lutoque, quo tam longo in itinere oblinerentur. Hic famines in dies acrior evadit. Panis, qui olim vernalis ubique locorum prostabat, nunc ubi e furnis in publicum asportatur non sine peditum equitumque satellitio, non divenditur, sed pene diripitur. Quodque antehac prae copia vilescibat (cui non nota hujusce urbis rerum omnium vilitas), nunc prae penuria, quantilibet, arbitrio propolarum, coëmitur. Atque utinam coëmi posset! Sunt hinc, qui plusculos dies assa carne, assa pulre sive viridi, sive candida, vel assis piscibus vitam tolerarunt. Sicco pane vesci, quod ad expianda peccata, Deumque vindicem leniendum

dum salutariter imperabatur, nunc in deliciis haberetur. At vero pro ea qua sunt sapientia, qui hoc Regnum ceteroqui florentissimum, consilio sane providentissimo moderantur, illud speramus fore, ut hisce malis, omnibus retro saeculis, inauditis, finis imponatur. In portu ad nonaginta frumenti medimni sunt, sed nondum expositi sunt. Cur ita factum sit, juxta cum ignarissimis scio. Quem in dies opperiebamur Eboracensem Ducem, absolutis esurialibus feriis adventaturum inaudivi. Vale.

FRANCISCO DANIELI

Paulus Moccia S. D.

170

Quod mea epigrammata in Joannem Baptistam Jannustum ex tempore fusa libenter legeris, gratias tibi ago immortales. Nonnihil certe quidem illis pretii accedere haud dubito, si tibi, qui tantopere de litteris mereris, probentur. Verum, ne alienae laudis appetens videar, illud te moneo, ex tribus epigrammatis, quae ad te ab τῷ Πάτρ Marchione Spiriteo missa sunt, duo tantum mea esse, scilicet quae (*Ferdinando IV. & Amplissimum &c.*) initia praeferunt. Quare si forte errasti, quominus palinodiam canas, haud impedio. Is enim sum, qui Aesopeae cornicis instar in publicum prodire defugio. Ceterum & his superfedere poteram, quippe quod res tecum agatur, qui quantum distent aera lupinis probe nosti. Tandem, quis nunc est, qui nervosum scribendi genus, quo e-

S 3

rudi.

ruditiſſimus vir utitur, ſe conſequi poſſe conſi-
dat? Oratio ſententiis, velit nolit, ſubſervit, at-
que ita, ut ſponte fluere videatur. Cave igitur,
ne iniqua lance utaris; atque fac, ut ſua laus
utrique noſtrum pro merito tribuatur. Mihi cer-
te ſat erit, ſi illa non improbaveris. Campolon-
gus ac Bronzoliuſ reduces jam e Maſſenſi ruſti-
catione te plurimum ſalvere jubent. Tuus ger-
manus bene valet, &, quod caput eſt, & cor-
pus & vires recepit. A me Parentem tuum vi-
rum incomparabilem ſaluta officioſe. Vale.

J O S E P H O M A F F E J O .

Paulus Moccia S. D.

171

VBi te primum de facie cognovi domi Fran-
ciſci Danielis, juvenis tecum amicitia
conjunctiſſimi, mirum quantum meus erga te a-
mor auſtus eſt. Eum namque te examuſſim
deprehendi, quem is ſaepe numero, cum de te
tuaque eruditione ſermo incideret, ad vivum ex-
preſſerat. Mira prae ceteris morum ſuavitate
praeſtabas, tantaque animi modeſtia, ut revera
te virum de litteris qua humanioribus, qua ſe-
verioribus non vulgariter meritum eſſe nullus o-
mnino ambigendi locus relinqueretur. Siquidem
ſtudia litterarum; ubi ad ea recti cultus acce-
dunt, id praecipue efficiunt. Illis unis ad civi-
litatem inſtituimur, utque hominum ſocietate &
communione digni ſimus ac videamur, earum-
dem ope obtinemus. Quare haud demiratus ſum,
quod, tot tantisque animi ingeniiſque bonis cum
affa-

affatim polleres, ita de te demisse sentires, ac fere semper secundas agere partes dedita opera studeres. Ita enim, ubi res poscebat, caute loquebaris, ut potius amico varios sermones αὐτοσχέδιως injicienti subservire, &, quod magis est, ex illis proficere, quam aliquid e tuo instructissimo eruditionis penore expromere velle videris. Hoc quidem quanti sit faciendum, is judicabit, qui ita vitam instituit, ut se numquam aliis anteponat, imo ceteros fallere in deliciis habeat. Maeste tanta virtute esto, atque istis moribus aureo certe saeculo dignis. Ita profecto fiet, neque falsus sum vates, ut eo quam celerrime convoles nulla prensatione, nullisque omnino technis, quo boni omnes ac praecipue litterarum cultores te tandem aliquando pervenisse jure ac merito laetabuntur. Perge ista uti ratione, quam libet, atque hominum conspectum publicamque lucem fugere: mihi crede, vel invitus repugnansque ex umbra ad solem produceris. Qui, amabo te, splendentem virtutem ac nulli non in oculos suo fulgore incurrentem diutius occultabis? Franciscus Daniel tibi plurimam salutem adscribit. Vale. Ex Aedibus Regii Ephebei VII. kal. Jun. CICIDCCLXIV.

COMITI CONRADO MARAZANIO

Paulus Moccia S. D. 172

Quod mea, qualia ea cumque sint, libenter legeris, plurimum te amo. Quod vero & in me nihil tale merentem tot tantasque laudes

S 4 plena

plena manu contuleris , coram frequenti lectissimorum equitum confessu , quot in eruditissimum quemque atque optime de litteris meritum quadrassent , id quidem tanti fuit , ut , qui tibi par pari referam , prorsus nesciam . Neque id mihi omnino novum contigit . Ex quo enim mihi aditum ad tuam amicitiam patere voluisti , nullum fere tempus fuit , quo non te mei meaeque quantulaecumque famae perstudiosum expertus sum . Quae cum ita se habeant , illud saepe mihi aegre fuit , quod nullum omnino grati animi meaeque erga te benevolentiae monumentum exstaret . En amicis obtemperaturus meas extremopores epistolas edo . Hanc statim arripui occasionem (qua quid *ἐυχαιρότερον* excogitari poterat !) utque tuo etiam nomine insignirentur , quoad potui , connisus sum . Haec igitur ad te scripsi , non quo hoc levidensi munere tuis beneficiis respondere posse confidam ; sed , ut hac qualicumque bonae voluntatis significatione me tua in me promerita memoria retinere ostenderem immortalis . Atque hoc si adsequar , te nimirum si id aequi bonique consulere cognovero , praeclarissime mecum actum existimabo . A me Comiti Antonio , germano tuo , viro cum morum probitate , tum pene effusa in egenos liberalitate insigni , salutem plurimam officiose imperties . Cura ut valeas . Ex Aedibus Regii Ephebei a. d. ix. kal. Jun. cıdıccclıxıv.

JANUARIO PARTITARIO

Paulus Moccia S. D.

173

LECTIS tuis eruditissimis litteris, atque humanitatis officique plenis, valde laetatus sum, atque eo vel magis, quod meum erga te studium, operam ac sedulitatem, immortalis memoriae viro Alexio Symmacho Mazochio, qui te eximie diligit, non ingrata accidisse significasti. Quin & ipsius nomine nedum mihi salutem, verum gratias quoque adscripsisti perhumaniter. Utinam tanti sim apud amicum, penes quem Tutiani Seminarii arbitrium, atque administratio residet, ut meam commendationem tibi profuisse gaudeam. Multis enim capitibus id mihi optandum est; sed praesertim, ut, praestantissimo nostro seni, totius litteraturae columini atque ornamento, cuique me tantum debere sentio, quantum vix aut ne vix quidem me praestaturum confido, quo quo modo gratificer. Haerent profecto mihi infixae animo haerebuntque perpetuum beneficia, quae in me tum potissimum contulit, cum Nicolao Spinello vigilantissimo juxta atque sanctissimo Aversanorum Antistiti a studiis operam navarem. Numquam enim illum visit (visitabat quidem saepissime & libentissime) quin eidem me de meliore nota commendaret. Quae cum ita se habeant, quantae mihi sint curae tuae res, tuum judicium esto. Vix credas, qui indiligens mearum rerum perhibeor, tuum negotium ita me gesturum tibi pro-

promitto ac sancte recipio, ut pedum certo, verum etiam celeritate qua fieri poterit maxima, te voti compotem evasisse laetemur. Amantissimo Canonico meique studiosissimo ubi manum meo nomine officiose osculatus fueris, salutem plurimam peramanter nuntiabis, quam etiam Philippo ejus fratris filio, viro de politioribus aeque ac severioribus studiis praeclarissime merito imperties. Vale. Ex Aedibus Regii Ephebei v. kal. Jun. CIOIOCCCLXIV.

BENEDICTO CLEMENTI

DE AROSTEGVI

Paulus Moccia S. D.

174

Hesternae die vix facello pedem extuleram, quo divinarum rerum commentationi operam daturi conveneramus, cum Antoninus tristissimum mortis Joannis Geogheghani Trinitarii Ministri nuntium mihi pertulit. Vix credas, dolore tantum non externatus sum. Illum enim tantum diligebam, quam quem maxime. Mira quidem rerum omnium eruditione praeditus erat, linguarumque peritia tanta pollebat, ut illas non jam edidicisse; sed cum ipso nutricis lacte hausisse videretur. Ut cetera taceam, qua oris majestate, quaque pronuntiationis venustate tum Anglo, tum Hispano, eoque puro puro idiomate utebatur! Vel ipsi tuo Patruo Hispani sermonis diligentissimo cultori ac vindici acerrimo salivam movebat. Atque ad haec omnia

omnia illud accedebat, quod virum insigniter de humanioribus ac severioribus litteris meritum magnopere commendabat, morum scilicet suavitas, affabilitas, humanitas, animique modestia non vulgaris. Quid vero hîc commemorem, quî Anglicae poëseos vim teneret? ἐνὶ λόγῳ: Joannem Dryden, ac Alexandrum Pope, Angli carminis moderatores & parentes, tantum non superasse putabatur. Atque argumento huic rei esse procul dubio poterunt permulta, quae jam in forulis servabat, ut tandem diligentius recensita typis ederentur. Non pauca quidem e Venusini vatis carminibus Anglice verterat, & complura suo ipsius Marte, pro re nata, condiderat; quae ipsemet saepe legi, atque ipso mihi facem praefereute ex tempore Italice converti. Permira ubique dictionis vis, inusitatus mentis calor, &, quod caput est, nativi colores, falesque αὐτόχθονες. At quo progressus sum? Dolo enim percitus haud animum adverteram, me ad te scribere, qui illum nedum eximio prosequeraris amore; verum etiam nullum ferme diem abire sinebas, quin ipsius consuetudine, adeoque eruditis ejus sermonibus fruereris. Quem praeterea fugit, quanto in pretio apud tuum Patrum fuerit, qui ne latum quidem unguem illum ab se se discedere patiebatur? Quid tandem non expertus est, quo ejus dignitati ac valetudini prospectum iret? Quae cum ita sint, quanto tu quoque affectus sis dolore, mihi facile intellectu fuit. Nisi quod illud utrique nostrum levamento esse potest, quod eo implicabatur morbo, qui utpote letalis medicamentorum vim omnem

mnem eluserat. Jamdudum enim de ejus salute viri medici desperant. Quare illud fac cogites, eum amissum esse, qui diutius retineri nequibat; atque ita diem obiisse supremum, ut virtutum laude, quibus mirandum in modum enituit, non sine magno Hibernorum ornamento apud posteritatem omnem usque recens perennaturus existimeretur. Haec (quae me quoque non parum erexerunt) si tecum ipse paullo attentius reputaveris, dolor, qui te ob tanti viri iacturam jure ac merito perculit, non mediocriter lenietur. A me Patruo tuo litteris litteratisque fovendis nato plurimam salutem dices, quam etiam meo nomine tuo praeceptori imperties. Vale, meque, ut facis, ama. Ex Aedibus Conicléis x. kal. Jun. CIOIOCCCLXIV.

CARMINO GERVNDÆ

Paulus Moccia S. D.

175

Tantum quod domum me recepi, paullo ante meridiem, cum puer ab janua nomine tuo salutarum me monuit, quo fidem hesternae obligaram liberarem. Rotunde, quod sancte pollicitus fueram, mente exciderat. Quare statim ac licuit, & epigrammata exscripsi, & hoc quidquid litterarum chartis illevi. En igitur Martinale munusculum, quo te magis delectari affirmas, quam capis Nucerinis dedita opera saginatis, qui hoc praesertim tempore in deliciis habentur. Faxit Deus, ut tibi pro merito sapiant. Fastidiosissimi palati te esse non semel
cogno-

cognovi. Nihil enim nisi Augusteam aetatem redolens legis, inque iis impallefcis, ac tantum non immoreris. Fac igitur illa eo consilio legas, ut tempus fallas, quod non raro eruditi homines nugis litteratis impertiuntur. Ita enim prorsus fiet, ut non injucunda tibi contingant. A me Marchioni feminae non defunctorie litteris imbutae, ejusque incomparabili viro, lectissimisque liberis salutem dicito plurimam; quam etiam officiose imperties Cosmae viro optime de scientiis merito, quique meis rebus ita studet, quam qui maxime. Quo e vestigio ditescerem pro virili contendit. Utinam mihi mens non laeva fuisset! Jam Attalicis opibus non inviderem. Vale.

ANDREAE FARINAE

Paulus Moccia S. D.

176

Quo nunc pacto hic se res habeant, tibi exploratius esse mihi persuadeo, quam ut certior per me fias oporteat. Fama enim nostrarum calamitatum quo non pervenit quam celerime? Vix quidem simile quidquam sive graecis, sive latinis litteris consignatum invenies. Verum pauculis abhinc diebus non parum civitas (utinam totum Regnum) respirasse visa est. Nam & farinâ, quae magno in foro quotidie venditur, atque pane copiosiore, qui in publicum comportatur, quodammodo grassanti fami ac in dies acrius saevienti, obviam itum est. Utinam frumenti exportatione fuisset superfluum!

Nulla

Nulla omnino rerum caritas nos derepente oppressisset, licet praeterito anno nullam pene messem collegerimus. Hui! quantum frumenti superioribus fuerat annis compressum. Mihi credas velim, duobus Regnis iisque populosissimis satis superque fuissent. Verum, ut ut res se habuerit, nunc gratias Deo agamus oportet, quod opportune nos respexerit. Gratiae praeterea ingentes Catholico Regi acerrimo huiusce Regni patrono persolvendae sunt, qui, nostris malis tactus, providentissimo consilio nobis succurrerit. Ingentem enim frumenti vim, quoad mature fieri potuit, huc advehendam curavit. Postremo immane quantum prae ceteris Marchioni Bernardo Tanusio debemus, qui nihil non expertus est, quo calamitatibus quamprimum occurreretur, famique, revocata rerum copia, frenum injiceretur. Nunc etiam illud restat, ut morbis, qui jam crudeliter debacchantur, iter obstruatur. Atque non temere timetur, ne, augescente aestu, ingraveſcant. Mirum quot quantique e provinciis omnibus huc confluxerint. Nosocomia innumeram aegrotorum multitudinem haudquaquam capiunt. Faxit Deus, ut tot tantisque malis, quibus mirandum in modum conflctamur, ipso adjuvante, superſimus! Andriae Dux tam graviter aegrotat, ut de ejus salute jam medici desperarent. Pulmonario enim morbo atque aestuosissima febre divexari audivi. Hui! illud, quod primum omnium scriptum oportuerat, pene jam memoria, qua profecto haud firma utor, exciderat. Divus Januarius, quo uno, secundum Deum, hoc Regnum stat vigeretque, sanguine suo in singulos

gulos quosque dies mirabiliter e regione capitis colliquefacto illud haud dubie portendere visus est, scilicet fore, ut brevi tantis calamitatibus crepti respiremus. Sane quidem segetes hic ita luxuriant, ut messem uberrimam polliceantur. A me tuis omnibus, ac nominatim Fabricio salutem. Cajetanus Migliore, & Campolongus te salvere jubent officiose. Vale. Ex Aedibus Regii Ephebei IV. id. Maj. CIOIOCCCLXIV.

VObiscum praeclarissime omnium agi, lectis tuis proximis litteris, vel deposito pignore contenderim. Jam enim huc allatum fuerat haud rumore tantum nuntio; verum fama atque sermone eoque certo isthic hordeum fabasque jam maturuisse, secta, domum vehibus de more asportata, trita flagellis, sive equis quam celerrime in gyrum actis excussa, atque in horreum condita fuisse. Hac fama mirum quantum hic exultavimus. Jam illud instare tempus videtur, quo caritati finis imponetur, atque ex omnigena rerum inopia emergemus. Verum quis illud in animum induxerit, vel isthic fabas colligi saccharneas, ac nectari ipsi, ambrosiaeque minime secundas? Et tamen ita se res habet. Scripseras enim apud vos sacris in claustris per Virgines Vestales hujusmodi leguminum genus percipi, & quod caput est, cum minime severint. O sanctas gentes quibus haec nascuntur in hortis! O vos nulli non invidendos, quibus licet esse tam beatis! Sol enim, quem citato cursu, immis-

immissisque habenis isthic ferri experimini, hic lentissime strigosos agit equos atque identidem resistentes. Utinam suo tempore illa messis, quae nunc, prout se dant iniria, uberrima omnia polliceretur, ita percipiatur! Probe nosti, quibus hic quandoque tempestatibus urgemur, quibus vineae segetesque verberantur. Mirae scilicet magnitudinis grandines decidere mense Majo solent, saxis quam simillimae. Quare interdum lapides pluuisse dolumus. Sed de his haecenus. Plangunculas, quas Lyciensium manu factas scribis, ac proinde mira arte elaboratas, nondum accepi, adeoque nec fabas, litterasque. Pater enim Testa Olivetanus, cui capsulam tradidisti, nondum advenit. Iis, quibus eas destinasti, statim reddendas curabo. Grati animi tui monumenta haud contemnenda sunt, imo cedro linenda. Quod vero mihi tui icunculam miseris eo consilio, ut mihi continenter obverferis, pene equidem doluissem, si id amicitia pateretur. Anne meo ex animo tuam effluxisse imaginem putes, cujus os mihi ante oculos, sive scribo, sive lego, aut prodeambulatum exeo, solet versari? Ut cetera desint, ingenii tui fetus, quibus me identidem beas, ne tui memoria intercidat, satis superque forent. Nihilominus tamen tibi, tuisque alumniis, pro eo ac debeo, gratias ago agamque maximas, ubi una cum fabis saccharo conditis imagunculas accepero. Istiuc, quaeso, leguminum genus fac mittas. Jam enim nos taedet lupinis vitam tolerasse. Vix dici potest, quae quantaque istorum copia hic in dies consumitur. Panis adhuc percarus est, atque perrarus. Nunc variis in urbis

bis areis praepropere tabernae struuntur. Superne tabulis declivibus coniectae, inferne asseribus rectis iisque spatiolo invicem sejunctis, quatenus caddichus panis extrudi potest, praeiumque accipi, undique versum sustinentur. Idque eo consilio factum arbitror, ut venditorum fraudibus occurratur, atque multitudo, quae celeberrimas tritissimasque urbis vias obsidebat, alio averratur. Sane quidem foedum nescio quid videbatur, Toletanam viam frequentissimam omnium tanta plebeculae turba confertim euntis infestari, ut ultro citroque itantibus numquam non periculum crearetur. Proximo Saturni die Rex noster, quem Deus sospitet, huc de more redibit. Pugiliter valet. Hesternae die miles eques sclopetario ictu e medio sustulit morosum forte nautam, qui ad quemdam furnum accesserat panem empturus, cerebro disperso. Miselli caput ipsum petivit. Vale. Postrid. idus April. CIOIOCCCLXIV.

BENEDICTO CLEMENTI

DE AROSTEGVI

Paulus Moscia S. D.

178

Q Vos mihi dono misisti Hispanienses botulos aprugna carne scitissime fartos, statim ad vetulam meam parentem perferendos curavi. Sapidissimos esse atque gustatu jucundissimos expertus isthic cognovi. Verum illud non mediocriter vereor, ne vetulam nimium inflamment, atque hujuscemodi illi calorem aestumque excirent, qui

T

nonnisi

nonnisi immodica vini licet asperi perpotatione sit restinguendus. Allium enim, piper rubrum, calidus crocus, aliaque aromata, quae ego non probe calleo, non parum caloris pariunt praesertim insuetis. O quoties aestus impatiens flammæque clamabit: me miseram! quid tantum commerui, amantissime fili, ut tantam de me pene jam senio confecta poenam sumeres? Numquid, tamquam Medea altera in Iasonem iram impotentem effusura, talia mihi manu venefica concinnasti munuscula, quae ego in Vestalium claustris, non Thessalis carminibus, verum caelestibus cantilenis alternatim personantibus confecta stulte putaveram? Haecce mihi miserrimae vetulae reddis pro dulciariis, pro nummulis, pro crustulis, atque, ut cetera missa faciam, pro pulte herbaria domestico ritu omnigena carne fuilla meis ipsius manibus apparata? Sed quid isthuc rei est? jam, suavissime gnate, aestus, quo torquebar, deserbuit, novisque interius renovor viribus, ingratiis senescentis aetatis. Qua de re, quae furoris impetu aestuque impotentis irae abrepta effutii, en recanto. O nos rucolas crasseque in aëre natas, quâ versamur in inscitia etiam rei cibariae, quantisque circumfundimur tenebris! Mala pharmaca putamus, quae natura ad nostras fractas accisasque vires reficiendas, ac, si fieri potest, etiam in pristinum statum restituendas, bono nostro condidit, hominesque rei culinariae mancipatos erudiit. Si scitissimi botuli, quibus ego pene jam juvenescens mirifice beor, *ῥοδοδάκτυλῳ* Aurorae innotuissent, minime Tithonus in auras remotus obisset. A me igitur

igitur gratias Benedicto & salutem ; illudque meo nomine adscribe, me suis munusculis revirescentes annos, atque obrepentis senii fugam acceptam referre. Haec vetula. Vale.

MEt tu, ne hinc saluatorum turba enecaris, sapienter te isthuc contulisti. At vero neque ita tibi satis superque consuluisti. Namque officiosorum hominum impudentia eo processit, ut verbosis saltem litteris illorum caput obrundere studeant, quos praesentes praesentationibus, ac totius corporis *ὑποκύβητες* consecissent. Sed quid facias istis? ita nunc vivitur: danda certe quidem est aliqua venia officiosae isti salutantium nationi. Quare, si cum ceteris mitius agendum putaveris, quin tecum mirissime te geras, nullus dubito. Aliis enim in rebus, iisque gravioris momenti ingenium meum adhuc Arelanum solum redolens, ac Nicolopolitis insito quodam vitilitigandi ardore fere semper repugnans haud gravatim tulisti. Quid? Quod Nestoreos te superare annos, cornicisque aetatem vincere enixissime opto, lustrico tuo recurrente die, id te aegre laturum suspicer? Numquam id in animum inducam meum. Quid, si quod tibi vere comprecor, illud idem alterum tantum & non sine auctario, tuo praestantissimo Patruo apprecer? Tum enim vero manus des oportet. Ipse enim tibi oculis ipsis carior est: tu ipsum in sinu gestas: tuo ipse in ore habitat. Hem, Benedicte amantissime, qui te ad incitas redactum

consilii incertum effeci! Maledicito, sodes, iis, qui te importunis epistolis interpellant. Patere, quaeso, ni tui Patruī gloriam posthabere velis, ut hoc epistolio invita Minerva fuso ea tibi studia absens deferam, quae si adessem, neque majora, neque vehementiora delatum ire confiderem. Quidni? Semper enim, pro eo ac debui, te maximi feci, teque nedum dilexi, verum etiam amavi. A me Patruo tuo, quicum literae qua amoeniores, qua severiores numquam in gratiam redierunt, quasque in praesenti tam impense colit, ut nihil magis, salutem plurimam communicato; quam, ni grave est, etiam Nicolopolitae dices meis verbis officiose. Caesar Cajera myriadas tibi annorum ex animo optat, atque ipsi dolet, quod quas jam apparandas anguillas suo in fluviolo captas curaverat, loci distantia perterritus, ad te mittere nequierit. Vtinam ipsa in epistola complicari possent! Voti profecto compos fieret. Archintus ac Somalia te plurimum salvere jubent, tibiue fausta omnia intimis sensibus apprecantur. Quod officium tibi praestat accuratissime Trinitarius Minister, volens libensque. Lituras tandem aequi bonique facias, te obsecro: tempus mihi prorsus defuit, quo epistolam in mundum, uti par erat, reciperem. Vale. Ex Aedibus Regii Ephebei XI. kal. April. CIOIOCCCLXIII.

EN cl. Francisci Perezii Bayerii doctissimum aequae ac humanissimum epistolium, quod me tanto suffudit rubore, ut non mediocri temporis intervallo pene sensibus alienatus visus sim. Tot enim tantaque in me affatim congerit effunditque laudes, quot vix in Tullium, si ex inferis existeret, concinne quadrarent. At vero comprime, quae so, humanissime Benedicte, subirascentis animi impetum, perturbatique stomachi fermentescentem rabiem refrena. Tantum enim abest, ut assentatoris notam integerrimo candidissimoque Canonico Toletanae Ecclesiae ornamento appingam, ut potius acerrimum illum ingeniorum aestimatorem ubique praedicarim. Verum illud tantum veritus sum, ne nimius amor, quo hinc me immerentem prosequeretur, ipsum transversum egerit, eaque de me senserit, quae aliter se habere, seposita φιλαυτία, & sentio, & aperte profiteor. Ceterum, ut ut res sit, ubi potui, hanc epistolam ad te mittendam curavi: hesternae die quominus mitterem episcopalis mensa in causa fuit. Haud enim te fugit me Jovis quoque die ex condicto ad hujusmodi communionem cibariam non invitum convolare. A me salutem tuo Praeceptorum imperito. Vale.

P. S. Si exemplum hinc complicatum iterum remiseris, gratum mihi facies: tanti enim viri monumentum auro contra mihi non carum est. Iterum vale.

PEne intermissum litterarium officium revoco, calamumque jam sicco loliginis succo obductum iterum arripio, ut de more, quicquid in buccam venit, conscribille. Hui! inquires, quid te tamdiu detinuit, ne quid chartis illineres, mutuumque amorem litteris foveres? Solusne hic, Benedicte amantissime, peregrinaris, solusque hic hospes es, qui nescias, quot quantaque brevissimo dierum perpaucorum curriculo acciderunt, quae neque Majores nostri spectarunt umquam, neque posteritas spectabit? Nonne tuis oculis, lacrymis ubertim madentibus, vidisti Regiam vacuefactam, Rege, Regina, Regiaque Prole orbatam? Nonne tu unus omnium ingratiis Praetoriorum militum circumfluentisque turbae conspexisti amantissimum Hispaniarum Monarcham animo invicto, lacrymisque manantibus cedere nescio, amantissimo Filio Regnum, deliciarum sedem ac domicilium, sponte concedentem, ejusque fidei committentem; desolatamque Reginam singultibus, nedum verbis, quae se coram peragebantur, confirmantem? Egomet hisce oculis te vidi carruca vectum una cum Emmanuele Roda Musarum alumno delicioque, Lucianam oram ceriti ad instar percurrentem, ut classem jam in procinctu, portuque solventem undiqueversum circumspectares, oculisque proficiscentes Dominos comitareris. Mente ne tibi effluxit, quod mihi pene dolore, quo interius cruciabar, confecto objectasti, quod fronte caperata tristitiam vultu,

vultu, oculis, incessuque ipso prae me ferebam? Nonne me jacentem afflictumque erexisti, utque bono animo essem hortatus es? Cur igitur me acriter accusas, quod immemor sim, officiumque deseruerim? Opportunum sane auxilium affers, si camino ignem addideris. Desine, quaeso, vulnus refricare, quod nulla omnino temporis diuturnitate obducetur: imo potius id curato diligenter, ut lenia excogites pharmaca, ne recrudescat. Haud despero futurum, ut (quae tua humanitas est) haec aequi bonique consulas, meque mihi reddas. A me salutem plurimam Hispanis rebus Romae Praefecto, viro omnijugena eruditione exculro atque subacto; quam etiam meis verbis Palafoxio optimo Hispano adolescentulo imperties. Joannem Riccium, Praeceptorumque tuum egomet officiose salurabo, illisque terque quaterque propinabo. Vbinam? inquires. Isthic: domi tuae: tuo maximo damno. Cura, ut pugiliter valeas, meque nedum diligas, verum etiam ames. Vale.

Quod per jocos dixeram, atque a me aequae atque Bosphorum Thracium remotum putaveram, jam in foribus adesse sentio, atque ne exitu comproberur, vehementer pertimesco. Phlegma quidem, quo jam quartum diem laboro, usque adeo ingravescit, atque in singulas horas augefcit, ut periculum sit, ne suffocer. Nam pituitosus humor postquam obsedit caput pectusque, per totum serpens manansque corpusculum

jam affectum debilitatumque, formicantis morbi instar me identidem convellit, convulsamque concidit atque prostermit. His accedit continens perpetuusque circa acusticum organum sonitus, strepitusque, ut artificialibus ignibus Neapolitano ritu confectis horrendumque crepantibus interesse videar. Hinc fit, ut lectio omnis mihi sit odiosa ac permolesta, librosque averfer ac oderim; palatum ad omnem cibum licet Gallica manu paratum obsurduerit; tandemque somno, omnium malorum quieti, bellum indixerim. Quare cum humana omnia remedia ad irritum reciderint, nullaue appareat spes fore, ut tanto tamque periculoso morbo emergam; ad divina mihi remedia confugiendum est, animaeque consulendum. Arcessito igitur Guidaeo Myste, quoad potero, impeditas incertasque rationes expediam, atque extricabo. Nam, nisi solidatis rationibus usque ad quadrantem, quo ore ego misellus ante Judicis conspectum sistar? Quocirca te etiam atque etiam oro obtestorque, ut pro me ad Deum Opt. M. fervidas effundas preces, quo mihi jam jam ad aeviternam Patriam properanti mitis benignusque existat, inque caelestia domicilia recipiat. Neque tibi preces exortes donorum abibunt: praeter enim quam quod par pari tibi referetur; etiam ubi supremas tabulas condidero, te minime praeteribo. Id enim tibi legabo, quod licet tepue ac levidense munus erit; tamen ira tibi gratum accidet, ut illud memoria retineas immortalis. Praeceptor vero tuo, qui tibi oculis carior est, id relinquam, quod illi, cum Vicario munere fungetur,

ului

usui juxta atque ornamento futurum est. Interim una simul in isto vestro Hypogaeo me Deo, Deiparaeque Virgini commendate, enixeque precamini, ut volens libensque viam universae carnis ingrediar. Utinam vestris precibus suas addat Riccius! proh quantum ponderis momenti-que illis accederet. Neque is ἀδωρὸς erit. Jam nunc heres esto omnium librorum, quotquot apud me sunt, ex Anglia huc advectorum. At jam manus deficit, viribus destituor, genua labant, caputque vertiginibus mirum in modum torquetur. Salve & vale.

AQuam mihi adpersisti ac pene e faucibus orci eripuisti, ubi perjucundum nuntium attuleris epistolum meum Ἀπολογητικὸν aequi bonique consultum fuisse, atque hujusmodi remedium irae effervescenti prae buisse, ut omnino restinrerit. Ut verum ingenue fatear, non temere verebar, ne dicacis nota inurerer, atque declinarer in posterum, tamquam qui foenum in cornu haberem. Amice in paucis care, haud te fugit, quanto ego opere ab hujusmodi maledicendi cacoëthe abhorream, cum malim meae potius famae, qualis ea cumque sit, jacturam facere, quam pati, ut alterius existimationi vel tantillum detrahatur. Rumperer enim potius, conceptamque suffocarem iram, quam illam, pro re nata, effunderem, ut acceptas injurias ulciscar. Ecquis enim in hac urbe usque adeo peregrinus est & hospes, quem praetereat quantis
ego

ego obnoxius fuerim furentium hominum imperibus, queis vel validissimus murus tamquam Arietario capite percussus corruisset? *Er* tamen ego sereno vultu tranquilloque, imo fere semper ad risum composito, arma debacchantium retudi ac repressi, & numquam passus sum, ut animi acquabilitate dejicerer. Cum ita igitur natura comparatus sim, qui fieri poterat, ut in illos inveherer, linguamque exacerem, per quos nulla umquam injuria affectus fueram; imo quandoque beneficiis ornatus? Quod igitur tibi persuasum jam est, fac ut illi pateat, qui, cum sit emunctissimae naris homo, difficile ad credendum adducitur, ni argumenta luce meridiana clariora, ipsiusque *Matheſews ἀξιωματικὰ* evidentiora in medium proferantur. Non despero futurum, ut ita prorsus fiat. Ea enim eloquentia es qua naturali, qua arte comparata, ut animos, quocumque volueris, inclines flectasque. Si vero socium tibi adsciveris, qui tibi a praeceptore est, cum legum scientia, tum oratoriae artis facultate praestantissimum, vel Borufforum militum incursionibus sustinendis pares eritis; quin imo ante victoriam, triumphum impune canetis. Quod si causae satis idoneae patrocinium minime defugeritis, nil erit, cur in posterum pertimescam. Sub tanta enim tutela in utramque mihi aurem dormire licebit; neque verebor, ne per Ferdinandum cornice loquaciorem virum e somno exciter. Loquatur, per me licet, perstrepatque: ipse enim auribus cera obductis Vlyssis instar Sirenum dolosos cantus declinabo. Temperet facetiis sermones, diluat.

diluatque vel melle Hyblaeo, ipse Catone severior risum cohibebo. Excidat mihi radicitus lingua, si verbum addidero. Valeat igitur Siren ista, omnium malorum jugis scaturigo. Ego, quantum in me situm erit, (modo ne mihi fraudi sit fervidum vinum) vestrum consilium secutus, tamquam a silentiario admonitus, linguis animisque favebo. In id tantum operam dabo, ut taciturni cognomen perpetuo silentio adipiscar. Ita quidem fiet, ut nullo timore ipse natura meticulosissimus concutiar, aedibusque tuis tranquillior, quam accesseram, discedam. Nae ego sero sapio: verum praestat semel resipiscere, quam semper desipere. Utinam florente jam adolescentia ista mihi aurea monita praesto fuissent; profecto nunc jam nono lustro peracto, canescente jam capite, minime huiusmodi angustiis urgerer. Hinc ne memoria effluant, quae me tempestive monuisti, in dies haec mecum ipse repeto: Paule sapito, atque ad sanitatem redito: linguam cohibeto: Ferdinandum cane pejus & angue declinato: a vino abstineto: Benedicti ejusque praeceptoris aurea monita ne aspernator: ejus πολυμαθίστων Patrum reveretor, coramque illo obmutescito: quae vero eloquitur, in animo condito, memoriaque immortaliter retineto: beneficiorum, quibus ab illo licet immerens cumularis, memor esto; utque Nestoreos vivat annos, continenter Deum Opt. M. enixis precibus obsecrato. Faxit Deus, ut ista omnino perficiam! De felicitate vel beatissimo cuique bellum inferam. Verbosiores epistolam aequi bonique facito; alias λακωνικὸς ut sim, pro virili

300 PAVLI MOCCIAE
virili connitar. Fluentem calamum quis cohi-
beat? Vale, meque, ut facis, ama.

E I D E M.

184

HOc unum supererat afflictiis meis rebus ,
nempe tua matura nec opina profectio .
Laudo tuum consilium : ut enim aliquod dolori
levamentum afferas , tantum suscipis laboris . Cae-
li quidem mutatione graves quandoque curae fu-
gantur , locorumque intercapedine , tamquam ag-
gere interjecto , ne recurrant , praepeditur . Ve-
rum illud etiam tibi cogitandum fuit , me hic
relinqui tamquam feram belluam media in cavea
omnium telis impetendam , omnique prorsus spe
destitutam , fore , ut furentium hostium impetus
retundatur . Te enim unum intuebar , oculos in
te unum conjiciebam , te unum ut meum ἀλεξι-
κακὸν numen spectabam . At ita factum oport-
uit , sapientissimi Patruī mandatis parendum fuit .
Quis , nisi truncus sit , id negaverit ? Saltem me
illi commendato , utque in suam fidem recipiat ,
etiam atque etiam rogato . Ita quidem quodam-
modo fluentem lacrymarum vim copiamque coër-
cebis , dejectum profligatumque meum animum
eriges . Ne respuas , quaeso , meas preces : mei
miselli te miserecat , obsecro . Nunc abeas li-
cebit fausto omine , ac pergito Romam Summi
Pastoris pedes adoraturus una cum mellitissimo
tuo Praeceptore , suavissimo viae comite . Hi-
spanarum rerum Διοικήτην neque dexteritate ,
ne-

neque scientiarum penore ulli secundum, salutato a me officiose ac diligenter, nec non Palafoxium acerrimo ingenio adolescentulum, Hispaniarum decus ac ornamentum. Vale.

Proh mala quanta gulae! proh quot quantosque perdidit sentina isthaec viriorum! Haec opulentissimum pessumdedit Apicium, inque extremam rerum omnium inopiam redegit. Haec Epicuri obscuravit memoriam, utque lurconibus ac gumiis accenseretur, effecit. Haec, si licet magnis componere parva, meam, si qua est, famam labefactabit. Quid me misero fiet, ubi frugi parsimoniaeque studiosissimus tuus Patruus meum legerit epistolum, nihil nisi gulam crepans, cibariamque rem magnifice ostentans? Tamquam e silvis prorepens leo, diurnae famis impatiens, ita in Ferdinandum nihil tale merentem investus, lanienam omnem carnificinamque minor, dentibusque exsertis ringor. Quam stulte egerim, nunc demum intelligo, ubi restincto irae ardore, excandescens aestuansque animus meus conquievit. Merito stultitiae poenas luo: mihimetipsi culpa adscribenda est, quod subdolis interrogatiunculis laceffitus, recondita animi sensa patefecerim. Quid ni? nonne tacere praestitisset? ecquis, ut responsa darem, coegbat? Quin imo caperata tui sapientissimi Patruus fronte palam monebar, ut linguam cohiberem, ne versuti captiosique caussidici dictis, ramquam

quam indagine irretirer. Vtinam mens mihi non laeva fuisset, numinique benigne monenti paruisssem! Quot quantisque nunc eximerer angustis! Verum, Benedicte, illud tibi juratus praesto recipioque, fore, ut (*σὺν Θεῷ*) Harpocrate ipso me taciturniorem experiare. At illud te oratum volo, ut, si quid liberius dictum mihi ira percito exciderit, libenter ignoscas. Haud enim te fugit, quae sit impotentis irae vis furorque. A me tuum Patrum saluta, utque mihi ad bonam frugem recepto veniam det, curato. Vale.

P. S. Ni grave est, opistographam paginam lege.

P. S. Nonnihil vereor, ne praeceptoris tuo suspicio suborta sit, me heri vespere tunicarum inter popellum forensisque turbam circulatori operam dare, simiamque varios affectantem gestus, modo in palum celerrime scandentem, modo derepente in circumforanei medici scapulas transilientem curiose spectare. Jovem lapidem juro, quod meditans nescio quid nugarum, pene a sensibus alienatus huc illuc circumferebar. Puerilia isthaec oblectamenta prorsus execror; seria tantum animo mecum ipse reputo, hisque unice delector. Quare rogo te, Benedicte, ut me isthac suspitione exsolvas, ne diutius angar animo solliciterque. Dolerem profecto, si tam opportunam sibi occasionem me vellicandi carpendique oblatam esse gloriaretur. Nihil enim aeque metuo atque pii religiosique viri, praeferrim si obstituto collo fuerit, maledicta. Quo enim occultiora

riora sunt, comite potissimum Sardonio risu, eo acrius pungunt altiusque inferunt vulnus. Vrinam debilitatis cruribus in officina libraria considerare coactus essem, neque in Aream, quae ante magnum Castrum explicatur, pervenissem! Ignosce mihi, quaeso, Benedicite, hosque meos questus aequi bonique facito. Iterum vale.

EN promissum tucetum Bononiense, quod quantivis pretii sit, nihil tamen omnino est, si cum immodica tua liberalitate innumerisque, quibus a te ornor onerorque in dies beneficiis, comparetur. Quare Deum O.M. enixe oro, ut mihi Nestoreos concedat annos, ut saltem aliqua ex parte tuis in me promeritis, quorum numquam apud me intercidet memoria, satisfaciam. Quod in praesenti mitto munusculum, levidense quidem est, sed magni faciendum, si, ea qua par est sedulitate, paretur. Lex Langobardorum est neutiquam negligenda, ut primum funiculis suspendatur, itaque demittatur in ollam albo vino nostrate plenam non sine aromatum copia, praesertim caryophyllorum, ut saltem ad sesquihoram concoquatur. Illud vero cavendum, ut non jam nudum, sed charta bibula involutum, ne pinguis humor effluat, in calida aqua innatet. Vbi excoctum fuerit, statim olla eximitur, ac spoliatur; deinde in culina suspenditur, quo frigescat commoraeque nimio calore partes conquiescant. Altero a coctione die in plagulas dissecat, ac non sine voluptate manducatur. Nimia
tan-

tantum heluonum aviditas plerumque obest : si enim ante tempus lege praestitutum devoratur , scilicet antequam obduruerit , flaccidum ac follicans deprehenditur instar ventriculi bovilli . Ista igitur facito , itaque exhaurito mandata culinaria , si gulae servire volueris . A me tuo praeceptori salutem . Vale , meque ama.

CARMINO GERUNDÆ

Paulus Moccia S. D.

187

Mitto ad te , quae nuper mihi in celerem horam commodasti exempla litterarum , quas orii fallendi caussa , atque ut amicorum voluntari velificarer , pene ex tempore exaraveram . Credideris ! tamquam reliquosus debitor tuum consulto occursum declinabam . Verum hac vespere , cum Regias in altum iactas Moles pererem , quo liberiore caelo fruerer , nescio quonam meo fato contrigit , ut te nec opinum mihi obvium habuerim . Incertus consilii , cum nullus fugae locus pateret , te amice salutavi , prope te sessum concessi , itaque tecum fabulatus sum , tamquam te diu quaesiverim . Sed , quod veritus fueram , reapse accidit . Vix enim uno alterove verbo prolato : amicule , amabo te , quae apud te sunt exempla , ni grave est , reddito quanto ocus . Nae ego statim tanto rubore suffusus sum , ut , quo me verterem , nescissem , ni opportunus proceri amici adventus mihi subvenisset . Quare , ne iterum tantum subeam mali , antequam cubitum irem , haec ad te non sine foenore perferenda

renda curavi. A me vigilantissimo sapientissimoque Melphitanorum Antistiti, quem in oculis fero, salutem plurimam dicito; quod officium, ni grave est, meis verbis etiam praestabis amantissimo Orontio, ejusque uxori, suavissimisque natis. Vale, meque ama.

QUod meas litteras, quales eae cumque sint, tanti facis, ut tibi antiquiores carioresque prae te feras esse ruis ipsius sacris concionibus, id mihi tam gratum accidit, quam quod maxime. Acriores quippe mihi stimulos addidisti, quo impensius in hujusmodi studium incumberem, ac vehementius ad publicum bonum utilitatemque, quod in me situm est, animum appellerem. Tanti enim viri iudicio confirmatus, quod nihili faciebam atque meras putasque nugae putabam, jam aliquo in pretio habere coepi. Neque illud posthabendum videbatur, quod feminae ingenua nobilitate spectandae politioribusque litteris non leviter imbutae non parum probarentur. Atque, ut, quod sentio, ingenue dicam, hoc mihi potissimum in causa fuit, ut intermissum epistolare commercium revocarim. Meis enim ipsius viribus relictus jam animi pendebam incertusque haerebam, cui bono usuique esse possent, quas animi remittendi causa epistolas conscripseram. Prorsus inutiles ducebam ac non pluris quam vilissima quaeque ejectamenta faciendas. Fere omnes nullo argumento fusae, nihil nisi sonantia ac volubilia verba, si quando pro te na-

ta adsurgerent, continere videbantur. Tuum vero iudicium tanti apud me fuit, ut consilio, quod inieram, mutato, hoc genus scribendi minime deseruerim. Posthac igitur haud committam, ut merito cessator in scribendo audiam. Illud autem te in antecessum monitum volo, me non ita scripturum, ut te fame laborantem epistolari expleturum confidam (quis id fieri posset? Verum id facturum sedulo, ne fames ingravescat. Nimirum, ne illa conficiaris omnino, accurate cavebo. Interim hoc epistolum, quod multis abhinc diebus scripseram, sed nondum in mundum receperam, aequi bonique consulito, verbosiora alia ac fusiore deinceps accepturus. A me Marchioni ejusque incomparabili uxori, letissimisque liberis salutem plurimam impertitor. Hoc idem officium si amicis omnibus ad Pharmacopolium nocturno tempore convenientibus meo nomine praestabis, per mihi gratum facies. Vale. Ex Aedibus Regii Ephebei VII. id. Oct. MDCCCLXIII.

E I D E M.

189

A Isne? Vel me ludos facis, putidique assentatoris ritu mihi nihil tale merenti artificiose velificaris? Tanti igitur apud te sunt quaecumque a me rudi atque ineleganti orationis genere conscribuntur chartaeque illinuntur, ut potius tibi dentem excuti, quam illa e manibus eripi patiaris? Facilius profecto quispiam Aristotelæ opera in Vaticana Bibliotheca exscripserit, quam exemplum inficetarum mearum lucubrationum

num a te extundet. Vide, quaeso, ne mihi palpari videaris, mihiq̃ue litterati viri personam imponas, quam, ubi in scenam prodiero, vix aut ne vix quidem pro dignitate sustinuerim. Vide, ne tamquam consummatae litteraturae virum temere vendites, qui quantum ubi ubi est politorum litterarum vix a limine salutavit. Parce, amabo te, meae, si qua est, quae certe tenuissima est, famae, neque tanti aestimes, quae ne hili quidem facienda videntur; ac tantum digna sunt, ut piperi laridoque involvendo adhibeantur. Neque tamen usque adeo ingratus sum, ut nullam omnino tibi gratiam habendam existimem: quin imo pro certo exploratoque habeas, te rogo, me numquam passurum, ut tantae tamque singularis tuae erga me benevolentiae memoria intercidat. Quid? mihi videor videre te, ubi ista tamquam liberius dicta legeris, subirasci, fronteque caperata, non sine pedum suppositione, nescio quid mihi tamquam viro omnium ingratisimo, ac promeritorum immemori comminari. Me praeterea tamquam laudis iusto cupidiorē redarguere, quod ea viro omnium amicissimo impudenter obiecerem, quae nonnisi ex animi sententia atque minime fucata ingenuitate proficiuntur. Absiste moveri, atque iram paullisper deponito. Testor Deum superosque omnes, me haud aliter de me, meisque lucubrationibus sentire, easque invirum atque repugnantem tradere, metu, ne videntur, lucemque publicam, qua minime dignae sunt, intueantur. Quare ignoscas te obsecro iusto timori, meque non temere contremiscentem porius solare atque confirma. Exporrige igitur

contractam frontem, hilaremque suscipe vultum, mihique supplici atque vera profitenti veniam dato libenter. A me humanissimum atque sapientissimum Melphensium Antistitem plurimum salvere jubebis; &, ni grave est, perofficiose salutem toti Marresianae familiae meis verbis imperies. Vale, meque, ut facis, ama.

MARCHIONI ANDREAE TONTULO

Paulus Moccia S. D.

190

QVae vocantur *Praejudicia*, ut scholarum ditionem usurpem, aut extrinsecus in nostrum animum sensum subrepere, aut intrinsecus per nosmetipsos fingi constat apud omnes. Quod vero semper falso innitantur fundamento, qui ante aetate vitae tempora, & praesertim pueritiae tirocinia recolit, ut cetera praetermittam, haud difficili negotio internoscet. Quae omnia cum clarius pateant, quam ut rationibus in medium prolatis probentur; minime operosum videbitur statuere, quonam isthaec *praejudicia* latino vocabulo sint efferenda. Ni fallor, ipsum *praejudicium* non temere dici posset: *inane, aut leve mentis commentum: judicium. prae ceteris tantum sibi constans: judicium communem sensum imperitia depravans: praeconceptas opinionis pravus amor.* En causas *praejudiciorum*. At si id ab effectibus arcessere velimus, haud inscite dicemus: *animum ad temere judicandum paratum: temerarium judicium: promptum animi judicium, sed*
Hinc

audax : mentem in iudicando stulte confidentem .
 Hinc in proclivi erit colligere , qui dicendus sit
 homo , ut ajunt , *praejudicatus* : nimirum , *falsis*
imbutus opinionibus : *praeconceptis* qui facile morem
 gerit *opinionibus* : qui ut ratione , *falsis* ita duci-
 tur *opinionibus* : cui tanti est temeraria opinio , ut
 a vero , velit , nolit , semper abhorreat : homo , qui
falsis innutritus *opinionibus* , veritati , licet invitus ,
 repugnat : vir *implacabilis veritatis hostis* : vir
 tantum ad temere iudicandum propensus : iudex tan-
 tum ad imperite iudicandum peritus . Vis ne plu-
 ra ? Quod si *praejudicium* italice vertendum sit ,
 vel deposito pignore : *semplicità* : nuncuparem ;
 & *praejudicatum* verterem : *semplice* . Nam , qui
 ita comparatus est homo , aut facile credit :
 aut nullo utitur iudicio , aut plerumque falso .
 Hinc doctissimus Franciscus Sylvius in Com-
 mentariis in Orationes Ciceronis inquit : quod
 latine dicitur : *imperitus* , barbare diceretur , *sim-*
plex ; & quod latine dicitur , *imperitia* , pariter
 barbare diceretur , *simplicitas* . Quare Cicero sae-
 penumero vocat *populum imperitum* , hoc est *sim-*
plicem : pariter *temerarium* , quod eodem reci-
 dit . Nonne ejusdem auctoris paginae sciant
 his : *imperitae plebis motus* : *concitatae plebis mo-*
tus : *temerariae plebis turbae* , aut *seditiones* ? quae
 omnia idem sonare nemo est , qui non videat .
 Amice doctissime , haec habui , quae tibi ex tem-
 pore significarem , nullius ductu , aut auspicio ,
 cum nullum ad manus habeam Lexicon Anti-
 barbarum , quo illud consulam . Neque , ut
 verum ingenue fatear , eo consilio scripsi , ut
 dictionibus a me effictis satis pingui miqer-

va auctoritatem conciliarem; sed tantum ut tuis iussibus mihi auro contra non caris obtemperarem. Vale, meque ama.

P. S. Antequam epistolam complicarem, doctissimo communi nostro amico Felici Sabatellio legendam praebui, qui pro sua in me singulari benevolentia cum non improbarit efficitas dictiones; in eam etiam descendit sententiam, ut praedictum diceretur: *opinio male, perperam, aut prave praeconcepata*: quo non solum pravam iudicium mentis; verum praecipua etiam illius causa ac origo pateret. quod si ita etiam censueris, ego manibus pedibusque in illius sententiam concedam. Iterum vale.

E I D E M.

191

TAndem legi commentarium in duas inscriptiones L. Aurelii Commodi aetate positas. Multa enim obstiterunt, quominus prius lectionem jam avide inceptam abolverem. Illud vero prae ceteris, quod nec opino morbo implicitus plusculos dies decubuerim. Pituita quidem, quam fere contempseram, pectus obsedit. Quare, ut per morbum licuit, quo jam *σύν Θεῷ* omnino emerfi, totum percurri librum, nec defunctorie. Vere ut, quod sentio, dicam, nihil in eo deprehendi, quod nedum salivam moveret, verum quod saltem novitate lectorem oblectaret. Trita omnia ac de trivio sumpta. Credideris? Cum eo perveni, ubi auctor de gladiatoribus, eorumque origine se sermonem facturum profitebatur, ita frustratus

stratus sum, tamquam qui totam noctem divitiis somnians, ubi mane expergiscitur, domum araneis dumtaxat vestitam offendit. Nihil prorsus novi: imo quae ceteri de Ἀρχαιολογία optime meriti in medium protulerant, quibus non pauca adhuc obscura illustrarunt, ita refricat, atque ita ἀκαίρως suis male architectatis commentariis admetitur, ut vix illa intellexisse videatur. Ut cetera praeteream (sexcenta enim afferri possent), quam insulse, quamque imperite voces, *Essedarius*, ac *Dimacheros* exponit? Jam Andabatas inducit, atque ab inferis revocat, postquam Cl. Alexius Mazochius vir tantum de litteris meritis, quam qui praeclarissime, illos aut numquam extitisse, aut Dimacheros seu Essedarios eosdem ac Andabatas fuisse ita demonstravit, ut nihil fieri possit dilucidius. Quodque magis mirari subit, tertio quoque verbo tantum virum honorificentissime nominat, ejusque aurea opera commemorat. Saltem in illud incubuisset, ut dictio argumento responderet. Philologica enim persecutus, id pensū ducendum potissimum fuisset, ut compropolitique scribendi genere uteretur. Horridum autem est, incomptumque omnino, ac σολοίκοις scatet ubique. Liberius profecto, quod senseram, aperui. At, amabo te, qui verum oculerem, praesertim cum ad te scribam, qui ita natura comparatus es, ut assentatorum genus omne exsecreris? At de his haecenus, ac fusius fortasse, quam par erat, praesertim apud te. Qui enim totus sapientia es, qui fieri potest, ut hisce ineptiis capiaris? Musaei poema soluto versu Etrusce translatus a Joanne Baptista

sta Caracciolo. Viro τῷ πάνι, qui nunc sapientissime Aversanam moderatur Ecclesiam, nondum inveni, licet sedulo quaesierim. Apud me quidem est, at ubinam resideat, nescio. Vbi inveni, nulla interposita mora ad te perferendum curabo. Vale, meque, ut facis, ama. Ex Aedibus Regii Ephebei IV. Non. Maj. CIOIDCCCLIV.

FRANCISCO DANIELI

Paulus Moccia S. D.

192

CArullianos Senarios versus auream aetatem redolentes, seque facilitate juxta atque incomparabili scribendi genere commendantes legi, relege; ac deosculatus sum. Quod usque adhuc vix fieri posse existimatum est, aut paucissimis identidem datum, id aureus Josephus aureique saeculi scriptor, facili negotio exhaurit. Nimirum eleganter aequae ac brevitate mirifica paucis versiculis vitam hominis, qualis quantique! ita complectitur, ut nihil omnino amplius requiri posse videatur. Quare & illud mihi videor vere dicturus suis Josephum τῷ πάνι postremis officiis τῷ μακαρίῳ Fraggiannio persolutis non exiguam ingentium beneficiorum partem compensasse, quae in ipsum jure ac merito defunctus heros largiter contulerat. Quo aeternum vivat, effecit. Vbi igitur illum videris, quod tibi saepissime summo tuo bono contingit, tum ipsi meo nomine gratulare, tum ingentes age gratias, quod mei nihil tale merentis meminerit. Illi tantum me debere sentio, quantum numquam persolverem si
ad

EPISTOLAE 313

ad Nestoream aetatem pervenero. Atque, ut verum ingenue fatear, hinc fit, ut ejus conspectum defugiam. Qui enim fieri posset, ut pudorem, quo statim exaestuarem, tunc coram comprimerem? Illud tamen non committam, ut suorum in me promeritorum obliviscar. A me illi salutem plurimam dicito officiose. Vale.

P. S. En hinc complicatam oden, ita ut imperasti, emendatam, cuique ad verbum appendi latinam translationem. Vbi orium tibi erit, ut Dominico Mundio eradas, te rogo. Illum meo nomine plurimum salvere jubeto. iterum vale.

EMMANUELI RODÆ

Hispaniarum apud Clem. XIII. Pontif. Maxim.
Oratori

Paulus Moccia S. D.

193

Nescio quonam meo fato acciderit, ut, quas ad te statis anni temporibus iisque fere omnium gentium consensione mutuis officiis destinatis litteras dedi, eae vel ad te perlatae non sint, vel deperierint. Exactis Natalitiis infan-
tuli Christi Jesu diebus neque huic officio defui. Atque illud dolui vehementer, quod cum mei nihil tale merentis saepe memineris apud eos, qui hinc te adiere, cum de me sermo incidisset, ipse officii immemor ingratusque audierim. Sane quidem, vix huc incolumis rediit Matthias Zar-
rillus, juvenis de re antiquaria insigniter meritus,
cum

cum me tuo nomine salutavit. Idem multo ante mihi officium tuis verbis impertierat Martinus Panfanus, vir in Philologicis tam versatus, quam qui maxime. Ut tacitus praeteream, quas mihi salutationes adscribis per τὸν πάντων Benedictum Clementem. Quae cum ita sint, illud mihi consilium capiendum censui, quo tuto voti compos evaderem. Ecce opportuna oblata est occasio. Propediem isthuc veniet Eques Antonius Somalia Capycius Placentinus, qui studiis omnibus hoc in Regio Ephebeo laudabiliter absolutis, jam impetrata venia, patrios lares revisit. Huic igitur ad te, virum qua amplissimis muneribus quae pro dignitate sustines, qua praeclara rerum omnium cognitione doctrinaque praestantissimum, meique supra fidem studiosissimum, epistolam tradidi, quam se suis ipsius manibus tibi praebiturum sancte recepit. Vere ut dicam, ex parte conquievi, tamquam aliquantulum officii attigerim. Qui enim, amabo te, tua omnia erga me promerita, nedum referenda, verum etiam habenda gratia adaequabo? Vbi vero eam jam ad te perlatam esse cognovero, tum omnino quiescam. Ea scilicet, qua non parum torquebar, ingrati animi suspicio me pungere desinet. Quod si, quae me purgandi causa scripsi, acqui bonique feceris, atque hanc qualemcumque meae voluntatis significationem non ingratam tibi existisse comperero, tum enimvero nihil amplius erit, quod vel conceptis votis exoptem. Summum enim me felicitatis apicem attigisse non temere existimabo. Tandem quaecumque detuleris officia bene morato Equiti Melitensi, qui tibi

bi

bi hasce litteras reddet, ea omnia ita accipiam, tamquam in meipsum contuleris. Et nobilissimo genere ortus est, & litteras coluit impensissime. Sed de his haestenus. Meae extemporales epistolae, quas, pro ea, qua es humanitate, non raro laudibus extulisti, jam maximam partem editae sunt. Amicis tandem obtemperandum fuit, ac praesertim eruditissimo Martino Panfano, cui plurimum debeo. Quare, ubi editio absolvitur, quod brevi futurum confido, eas nulla interposita mora ad te mittendas curabo. Quin illas nedum benigne excipias, verum etiam tuo patrocinio tuearis, nullus dubito. Te etiam impulsore, proh quali quantoque viro! in id consilii descendi. A me Sergium Setfalium, juvenem cum morum innocentia, tum eruditione non vulgari insignem, ni grave est, officiose salutabis. Vale. Ex Aedibus Regii Ephebei a. d. iv. kal. Jun. CIOIOCCXLIV.

*EQVITI FRANCISCO VARGAS
MACCIVCCA*

Juri Regio tuendo Annonaeque Praefecto

Paulus Moccia S. D.

194

H Vi! qui deceptus sum; & quam male inivi rationem, quo te adirem. Commendatione enim opus esse falso putaveram, amicorumque utendum opera, quo me tibi sisterem, tibi que manum adorarem. Jamdudum, ut verum ingenue fatear, id pene conceptis votis
opra.

optaram. Quid enim? Te quippe, quem nedum spectatissima prosapia insignem, verum etiam eximium litterarum cultorem, atque eruditione rerum cum profanarum, tum Ecclesiasticarum tanta pollere, quanta qui maxima, omnium sermone ac fama acceperam, te, inquam, propius nosse cupiebam. Atque id studium flagrantique vorum tum magis magisque exarsit, cum te juri Regio tuendo atque annonae Praefectum fuisse cognovi. Nihilo secius tamen nulla omnino asfulgebat spes fore, ut meae incensissimae cupiditati satisfaceret. En forte fortuna te in Aedibus Goyfuetianis vidi, quo te contuleras, ut Isidorae, feminae egregiis quibusque dotibus praestantissimae, cujus lustricus dies recurrebat, fausta omnia precarere. Hic nullo admittente me tibi stiti, officiis omnibus, uti par erat, rite persoluris. Qui abs te exceptus sim, & qua me benevolentia sis complexus, difficile dictu est. Quid multis? Ita mecum egisti ac tanta comitate humanitateque, ut cum homine nedum tibi noto, verum etiam tibi amicitia conjunctissimo agere videreris. Tandem hisce amoris benevolentiaeque indiciis haud contentus, quibus sermonibus ac quanta eruditione conditis non me beasti? Verum his omnibus hesternae die cumulus accessit. Cum enim de more adiissem Josephum Carullum, virum insigniter de litteratura, quanta quanta est, meritum, is mihi, non mediocri animi mei voluptate, denarravit, quae de me honorifice, & quod magis est, *αὐταῦτος* dixerat. Vere ut dicam, laetitiis omnibus gestii. Quae cum ita sint, ingratus sum omnium

minum jure ac merito audissem, ni, quantum poterat, qualicumque observantiae significatione id pro virili cunctis testandum curassem. Qua de re hasce ad te qualescumque litteras dedi, quod tibi, si non aliud, hoc grati animi monumentum exhiberem. Has si benigne acceperis, quae tua humanitas est; illud tibi recipio, me sedulo curaturum, ut haec tua tam eximia tamque singularis erga me benevolentia, animique inductio ad me amandum, in dies magis magisque augeat. Cura, ut valeas. Ex Aedibus Regii Ephebei VII. kal. Jun. CIOCCCLXIV.

ANDREAE FARINAE

Paulus Moccia S. D.

195

HAud omnino falleris, quod divinitus factum sit, ut iis calamitatibus urgeremur, quibus nullum prorsus finem impositum iri apparet. Quotidie enim huc frumentum comportatur, idque tanta copia, ut vix illud publica horrea capiant; & tamen rerum caritas acrius saevit, cibique in horas ingravescent. Verum jam duotresve dies sunt, cum laxior annona sensim facta videtur, panisque copiosior in publicum prodit. Idque providentissimo celerrimoque consilio Hispaniarum Regis acceptum referendum esse nemo est, qui dubitat. Vix credas, quae ceperit consilia, & quam mature, ut ruentis Regni rebus jam accisis afflictisque quam primum prospiceretur. Praeter enim frumentum huc missum, magno in foro in singulos dies 500. farinae

nae medimni suo acre, periculoque suo dividenduntur. Et quod caput est, vilius prostat quam nostrophe in solo collecta. Praeterea in singulas Paroecias 200. pittacia distribui iussit iis, quibus res angusta domi, conditioque honestior. Hoc enim hominum genus prae ceteris elanguescebat. Pittacii autem ope panis,isque melioris notae, graviorisque ponderis facilius comparatur. Ut taceam quotidianum panem militibus omnibus hinc in stativis commorantibus suppeditandum. Ad 14. millia caddichorum in singulos dies opus sunt. Atque haec omnia iussu Catholici Regis pecuniaque sua praebentur. Vide, quaeso insuper, quo progressa est liberalissimi Parentis olim, atque praesentissimi modo nostri Patroni largitio ac magnificentia. Vel nauticos panes eosque copiosos huc mittendos curavit, quo celerius maturiusque nobis, quos jam jam fame absumendos putabat (nostin' famam crescere eundo?) suppetias ferret. O liberalitatem omnium saeculorum commemoratione praedicandam! O caritatem omnibus retro temporibus inauditam! Nullus omnino hic est, quin se illi vitam, spiritumque, quem ducit, acceptum referre libenter profiteatur. Omnia hic loca, fora scilicet, arcae, viaeque illius laudibus personant. Illi uni secundum Deum grates persolvuntur, quodque incolumes salviue sint, illi dumtaxat se debere spondere prae se ferunt. Et quoniam ipsi praesenti gratias agere nequeunt, tanto locorum mariumque intervallo abjuncti, ejus amantissimo filio, quem hic tamquam pignus obsidemque suae benevolentiae paternique amoris reliquit, fausta o-

mnia

omnia felicitiaque apprecantur, utque quanto ocius ad robustiorem perveniat aetatem enixe concupiscunt. Parentem enim pietate, religione, liberalitate, amore, benevolentiaque in sibi subiectos populos, majestatique ejus devotos apprimere refert ac repraesentat. Verum de his haecenus. Dolui non mediocriter, quod Polyphemeis ad te perlata sit ita male habita, ut illam legere nequiveris. Male sit procuratori, homini haud dubie incurioso ac imperito, cui antiquior ceterarum rerum nullius forte momenti sarcina fuit, quam decantatissima Polyphemi amorabunda lamentatio latinis Etruscisque versibus per Emmanuelem Campolongum elegantissime conscripta. Valeat, quaeso, tantus tamque implacabilis litterarum litteratorumque hostis, interque Lybica monstra amandetur. Posthac sedulo ipsemet curabo, ne quid hujusmodi contingat. Has ego mihi partes excipiam. Vale.
VI. kal. Maj. CIOIOCCCLXIV.

PRaeterita hebdomade nescio quo casu ad te scribere oblitus fuerim. Eo prorsus consilio citius solito me domum receperam, Jam Conicleas absolvimus exercitationes non mediocri animorum corporumque emolumento. Omnes pro viribus profecimus. Cajetanus Migliore minus belle habuit. Hinc, ne malum, quod leve videbatur, ingravesceret, consultius visum fuit, ut domum suam discederet. Plusculos dies decubuit non sine febre: nunc jam convaluit, seque

seque ad nos recepit. Rhabarbaro utitur, quo languescenti stomacho medeatur. Te officiose salutat. Hic febres desaeviunt in dies, ac non pauci moriuntur. Nosocomia omnia cum infirmis affluerent, illud consilii tandem aliquando initum est, ut Prochorotrophium, licet adhuc rude atque inchoatum tantum, aperiretur; eoque egeni omnes praesertim caussarii adducerentur. Quo facto urbis viae, quae jacentium temere infirmorum pauperum copia sternebantur (proh foedum juxta ac miserabile visu spectaculum!) jam aliqua ex parte immunes mundaecae conspiciuntur. Cardinalis Antoninus Serfalius, cujus munificentia, hisce praesertim in angustiis, nullo temporis processu abolescet, in Abbatia S. Antonii e regione Prochorotrophii, qua fieri potuit celeritate, aliud aperuit Nosocomium, quod saltem cc. infirmos caperet. Hosce suo aere alit sustentatque. Vix dici potest, quantum pecuniae in pauperes effuderit. Quin imo, quo immodicis expensis sufficeret, ingens aes alienum conflagavit. O quam bene collocaretur pecunia, si ita ab omnibus Ecclesiae Praefulibus effunderetur. Proh quot quantisque malis obviam iretur! Meae extemporales epistolae jam maximam partem prelum expertae sunt. Cura igitur, ut, quas apud te servas recens scriptas, mihi quamprimum remittas. Vix credas, quam festinent operae typographicae. Munusculis enim nihil non vel ab invitis impetratur. Rex noster, quem Deus sospitet, adhuc Casertae moratur. Altera jam vertente hebdomade huc rediturum affirmant. Illud vero nescitur, utrum hic de more sit mansurus,

surus, an ad suburbanum Herculansense recta proficiscatur. Si qui in praesenti grassantur morbi, ceteroqui haud vulgo letales, remiserint, hic haud dubie manebit. Drama, cui nomen *Nitetti*, pene sterit. Modos fecit Antonius Mazzone Bononiensis, vir musicorum scientissimus. Saltationes fere omnes placitae sunt. Scena ferme nova atque eleganter depicta. Comes Antonius Somalia Capycius eques Melitenis jam impetrata venia superiore nocte Placentiam profectus est. Hic & morum probitate, atque impenso in litteras studio magnam sibi famam comparavit, adeoque ingens sui desiderium reliquit. Te tuosque peramanter salvere jubet. A me tuis alumnis, ac nominatim Fabricio, cujus iconem avide exspecto, salutem plurimam imperties. Vale. Ex Aedibus Regii Ephebei postrid. kal. Jun. CIOIOCCCLXIV.

JACOBO GRATO.

Britanniae apud utriusque Siciliae Regem
Oratori

Paulus Moccia S. D.

197

QUod libenter legeris, quae in πολυπύλλη-
τον Musaeum ex tempore fuderam, ut il-
lius antiquitatem, unde dejectus fuerat, quoad
fieri posset, vindicarem, ubi id per Cl. Idel-
phonsum Clementem de Arostegui tibi amicitia
conjunctissimum cognovi, non potui, quin ve-
hementer laetarer. Tali enim tantoque viro,
X qui

qui cum de graecis latinisque litteris , tum de
severioribus studiis non vulgariter meritis est ,
quod mea , qualia ea cumque sint , non impro-
bentur , id quanti sit aestimandum , his haud du-
bic intelliget , cui cor sapit ac palatum . Atque
ut vere , quod sentio , dicam , cum id comperi ,
ita mihi placui , ut , quidquid adversarii oblo-
querentur , hili faciendum existimarim . Tu mi-
hi jure ac merito instar omnium eras , tu mihi
murus aeneus nullo arietis impetu subruendus .
Neque me tua benevolentia ac praesenti tutela
complexum esse contentus , quo tui erga me a-
moris signum aliquod ad mei honoris perpetui-
tatem exstaret , me quam opimo munere imperti-
visti . Celebratissimi enim Callimachi vatis car-
mina omnia graeco-latina opera cl. Theodori
Graevii Ultrajecti edita mihi mittenda liberali-
ter curasti . Atque ad haec omnia tamquam man-
tissam accedere voluisti diatribam Anglice con-
ceptam , Londinensi in Academia habitam , vel
quantivis pretii . Ea enim quam paucissimis pa-
ginis totum commentarium in Tabulas Heracleen-
ses a Cl. Alexio Symmacho Mazochio conditum
complectitur , cumque meritis laudibus exornat .
Quae cum ita sint , qui fieri poterat , ut ingra-
ti notam effugerem , ni , quod in me situm est ,
contendissem , ut tibi gratias agerem , quando-
quidem par pari referre negabatur ? Quare haec
ad te scripsi , ut aliquod saltem meae erga te
observantiae monumentum existeret . Quod si
me non frustra id voluisse deprehendero , jam me
tibi si non satisfacisse (qui tantum potero ?)

ali-

aliquam tamen beneficiorum partem , quantulumcumque sit , rependisse laetabor. Vale.

EMMANVELI CAMPOLONGO

Paulus Moccia S. D.

198

AIn tandem ? tui oblivione factum arbitraris , ut litteras ad te mittere de more intermiserim ? Si ita res se haberet (quod numquam vellem) neque me apud te purgarem , neque ulli caussae locum esse ipsemet confiterer . Qui enim tantum crimen elevarem ! Me ne illius memoriam deposuisse , cuius beneficia tum me aliqua ex parte adsecutum arbitror , cum memoria retinueram immortali ? Apage , quaeso , suspicionem istam ! Altius opinione tua haerent animo haerebuntque , quoad vivam , tua in me praeclara officia , eximiaque promerita . Varias , mihi crede , occupationes sibi quoque reciproco quodam aestu succedentes , in causa fuerunt , cur ad aliquot dies epistolare commercium constiterit . Hui ! tanto tu opere distinebaris , ut , ne subscivis quidem horis , operam amicis dare vetareris ? Ita vero . Nescio quonam meo fato sic interdum distringor occupationibus , ut , quod corpori defatigato impartiendum est quietis , subripiatur oporteat . Quare te obsecro , ut hanc excusationem agnoscas teneasque . In posterum , ubi plus otii nactus fuero , & frequentiores , & uberiorer litteras dabo . Visne amplius ? Eo te redigam jam fastidientem , urgeboque multitudine epistolarum , donec ad caelum sublatis manibus

X 2

obe

obe jam dixeris. A me Testae, Danieli, Bronzolioque suavissimis amicis, salutem officiose. Vale.

P. S. Ludovicum germanum tuum meis verbis salutabis plurimum. Iterum vale.

DOMINICO AMATO

Paulus Moccia S. D.

199

Quam tibi mitto epigraphen, vix dici potest, quanto ego opere contenderim, ut chartis illinerem, licet *ἀντορχέδιος* fuderim. Mirum quantum conatus sum, ut lacrymas jam jam erumpentes cohiberem. Animo enim occurrebant meo adolescentuli τῶ μακρότεροι aurei mores, non vulgaris eruditio, studiaque cum amoena, tum severiora, quibus hinc tanta cum laude operam navaverat. Accedebat his amicitia omnium litteratorum virorum, qua, hac in urbe cum esset, mirifice floruerat. Quanti porro illum faceret Alexius Symmachus Mazochius totius litterariae Reip. lumen ac ornamentum, nemo fere omnium est, qui nesciat. Quotidie enim illustris juvenis pomeridianis horis ad ipsius aedes ventitabat, seque ipsi, quoad fieri poterat, erudiendum tradebat. Sane quidem, quid conducibilius adolescenti esse poterat, quam tanti tamque eruditi viri, tantoque insuper christianarum virtutum penore praediti consuetudo? Quae cum ita sint, tu, qui illo tam familiariter utebaris, uniceque amabas, haud difficile intelligere poteris, quanto ego opere

pere doluerim, cum tristissimus huc nuntius is-
que inexpectatus pervenit. Quod illum novis-
sem, conquerebar. Tanto quippe dolore, quo
jure ac merito ob tantam tanti adolescentis ja-
cturam affectus sum, omnino vacassem. Epi-
gramma igitur, quod animo sane quam pertur-
bato contexui, ut tibi morem gererem, fac, ut
per te concinnatum, in meliorem formam redi-
gatur. A me tuis omnibus, ac nominatim sci-
tissimae Vincentiae salutem. Vale.

D. O. M.

HEIC JACENT OSSA CINERESQVE

JOANNIS BAPTISTAE PVCCII

ADOLESCENTIS SVpra AETATEM ERVDITI

SVpra OMNIVM FIDEM MORATI

QVEM

INCITATO GRADV AD VIRTVTEM PROCEDENTEM

NEC NON GENEROSIS JAM NVPTIIS DESTINATVM

EHEV IMPORTVNA MORS

NIHIL MORATA ORIS DECOREM ANIMIqVE VIM

EX TRANSVERSO IRRVENS

E TERRIS SVSTVLIT

JOSEPHVS PVCCIVS V. J. D.

GERMANO DVLCISSIMO AC MAJORA MERITO,

LACRYMABVNDVS MONVMENTVM P.

VIX. ANN. XX. MENS. I. D. V.

DENATVS X. KAL. APRIL. CIOCCCLXIV.

COMITI JOSEPHO MARIAE VINCENTIO
LASCARIS A CASTELLARSardiniae apud utriusque Siciliae Regem
Oratori

Paulus Moccia S. D. 200

EK quo te primum apud Cl. Idelphonsum
 Clementem de Arostegui cognovi, recum-
 que ex tempore sermones ferere mihi forte for-
 tuna contigit, incredibile dictu est, quanto me
 opere tua, qua praestas, eruditio delectarit. At-
 que, ut cetera taceam, adhuc mihi tamquam re-
 centia animo obversantur, quae a prandio, uti
 illic mos est sollemnis, αὐτοσχέδιος differuisti
 de legibus, moribus, institutisque cum Anglicis,
 cum Batavis, apud quos populos pene ab incun-
 te adolescentia versatus fueras. Nihil profecto
 omnino fuit, quod sive regimen apud utramque
 nationem litteris armisque florentissimam specta-
 bat, sive prudentem singulorum οἰκονομίαν, quod
 non & sapienter & sollertia non vulgari attige-
 ris. Vel brevissimi temporis usura nulli non o-
 pratissima juxta atque fructuosissima accidit.
 Quod invidum sane tempus quam celerrime pro-
 cesserit, aut potius fugerit, omnes non immeri-
 to dolumus vehementer. Neque hūc tantum
 stetit tua erga me benevolentia: etiam ulterius
 processit. Numquam tibi occurri (occurri e-
 nim quam saepissime) quin me benigne excipe-
 res, aut comiter salutares. Quod vero te non

X 4

invi-

inviserim, jam in eo officium desiderari posse meum prima fronte videri poterit. Veram & ita venia non indignus videbor. Ne te gravissimis iisque frequentibus negotiis districtum in tempestivo adventu interpellarem non temere veritus sum. Is enim sum, qui malo pudori plus nimio indulgens subrusticus videri, quam inopportuno officio amicos enecare. Qua de re te etiam atque etiam rogo obtestorque, ut mihi ita natura comparato (quod tantum abest, ut odrim, ut potius mihi in eo non parum placeam) libenter ignoscas. Teque insuper obsecro, ut hoc quaecumque mei obsequii signum, bonaeque voluntatis, si non aliud, ingenuam significationem aequi bonique consulas. In omnem enim imminui occasionem, quo meum tibi gratum animum testificarer. Ecce nunc prae manibus est, neque elabi sinam. Editurus enim meas epistolas, in id pro virili incubui, ut tuo etiam amplissimo nomine ornatae in publicum prodirent. Qua tui generis claritate, qua tua praeclara doctrina ac non vulgari eruditione non parum ad illas dignitatis splendorisque accessurum confido. Cura ut valeas. Ex Aedibus Regii Ephebei id. Jun. CIOCCCLXIV.

JANUARIO CARBONI

Paulus Moccia S. D.

201

Cum te hesternae die, jam vesperscente caelo, ad veteres Regias aedes obvium habui, mihi non mediocriter doluit, quod te non par-

vi

vi momenti negotiis operam navatum properantem inofficiose detinuisse cognovi. Male sit officiorum neniis malefactorum hominum insulsi-
tate ac negotioso otio inductis! Tantum profecto abest, ut hoc pacto societatem foveant ar-
ctiusque conjungant; ut potius illam jam con-
stitutam optimisque moribus tamquam legibus
munitam corrumpant penitusque labefactent. Quis,
malum, amicitiam concilies, vel jam concilia-
tam tuearis, intempestivis officiis, atque urbani-
tate nedum molesta, verum etiam putida? Encat
amicum; si veritati litare velimus, qui il-
lum sive litteris, sive coram, ἀνὰ πρόσωπον interpel-
lar. At moribus serviendum est, itaque, quoad
fieri potest, vivendum, ut vulgari consuetudini
bellum indixisse minime videamur. Aliàs soli-
tudinem petamus oportet, hominumque consor-
tium, quo nihil jucundius, nihilque optabilius
est, defugiamus. Quae cum ita se habeant, te
oro obtestorque, deprecatore Francisco Daniele,
qui tum mihi latus tegebat mecumque prodeam-
bulatum exierat, ut mihi imprudenter, vel in
ipso officio, inofficioso volens libens ignoscas.
Namque in posterum sedulo cavebo, ne te, quem
ex animi sententia plurimi facio pro ea qua ad
miraculum usque excultus es eruditione, necnon
incredibili morum suavitate, nisi prius captato
tempore, vel urbis vias terentem adoriar. Quam
vellem, ut mihi non occurrisses, ceteroqui num-
quam mihi non expectatus! Ne vel tantillum
morae tibi non parum obfuerit, adhuc valde me-
tuo: Magna plerumque negotia momento tem-
poris vertuntur. Quare illud te obsecro, ut
mihi

mihi quamprimum significes, an ad tempus eo, quo contendebas, perveneris, votique compos-e-vaferis. Tum enimvero scrupulus, qui me non temere pupugit, omnino eximetur. Verum de his haftenus. Ad te mitto duo exempla epigrammatis, quod in τὸν πάντ Bernardum Tanusium¹ concinnavi, quo ad tuum germanum in praesenti Coenobii Castrì Casalucii Abbatem quamprimum perferenda cures. Domi enim Ferdinandi Leonii Campaniae Praefecti cum illa a me petiisset, nescio cur mittere oblitus sim. Multum equidem illum amo, quippe qui ita de politioribus aequae ac severioribus studiis bene mereri contendit, ut se non sibi, sed litterariae Reipublicae bono natum esse eximiis praeclari sui ingenii fetibus luce meridiana clarius ostenderit. A me illi salutem plurimam, quam etiam meis verbis Campaniae Praefecto, castissimo justitiae custodi, officiose imperties. Franciscus Daniel te multum salvere jubet. Vale. Ex Aedibus Regii Ephebei postrid. non. Jun. CIOCCCLXIV.

FRANCISCO DANIELI

Paulus Moccia S. D.

202

HEri meridiatus jam, vix lectulo surrexeram, cum mihi abs te reddita fuit elegantissima Oratio a Cl. Benedicto Stay ab intimo Pontificio cubiculo & ab epistolis latinis in funere Friderici Augusti III. Poloniae Regis Quirinali in Sacello habita. Tanti viri fama
com-

commotus statim illam a capite ad calcem devoravi. Quanta vero sim perfusus voluptate, difficile dictu est. Dictionem enim si spectes, ea dubio procul pura puta latina est, &, quod magis est, ita Augusteos auctores in sanguinem & succum convertisse videtur, ut tantum non illis antecellere existimetur. Quod si ad orationis contextum methodumque dicendi animum adjeceris, nihil cogitari potuisse concinnius, nihil gravius, nihil ad defuncti laudem praestabilius, nihilque tandem amplissimo ornatissimoque Orbis terrarum confessui aptius accommodatiusque statuas oportet. Ita praeterea laudationem orditur, orsamque prosequitur, ut nullum omnino in omni vita vel minimum actum existitisse appareat, quod non publicam rem, & christianam Religionem unice spectarit. Jam vero, qui illum difficillimis turbulentissimisque in Reipublicae temporibus constantem, aequabilem, Religionis vindicem, injuriarum non dissolute immemorem, justi propositique tenacem, inque immaturo Hispaniarum Reginae, amantissimaeque uxoris fato tantum non atrocem efformat! Quam artificiose vota nuncupat, perennitatemque imperii fervidis Apostolici sanctissimi precibus exorandam auguratur! Mira omnia atque argumento quam aptissima. Neque id mirari subiit, cum mihi in mentem venerunt, quae paucis abhinc annis legeram ejusdem metro adstricta, Newtonianum scilicet, ac Cartesianum poema. Opus sane arduum, impeditum, spinosum, atque non nisi a divino ferme ingenio ineptandum. Et tamen *ἐπιφανής* Stay nedum illud aggressus est,

verum

verum etiam maxima cum totius litterariae Reipublicae admiratione ad exitum felicissime perduxit. Quae cum ita sint, tibi pro eo ac deo gratias ago, quod tanto me munere imperiveris. Et, si tanti apud te sum, illud te oro, ut, cum illi rescripseris, eidem meo nomine & gratulationem & salutem adscribas. Vale. Ex Aedibus Regii Ephebei prid. id. Jun. CIOIOCCCLXIV.

ANTONIO GENVENSII

Regio in Neapolitano Gymnasio Oeconomices
Antecessori

Paulus Moccia S. D.

203

Hesternae die, postquam e Simoniano Typographio discessimus, ubi pene ad horam te varios de praesentibus huiusce Regni calamitatibus sermones, pro re nata, ferentem mirifica cum voluptate audivimus, unum mihi dumtaxat aegre fuit, meumque animum jam exhilaratum molestia affecit. Nimirum non mediocriter dolui, quod Paulus noster, vir ceteroqui diligentissimus, epigramma quod *αὐτοσχεδῶς* concinnaveram in τὸν πάν Marchionem Bernardum Tanusium, tibi meo nomine vel non obtulerat, vel unum tantum illius exemplum praebuerat. Quis scis, inquires? Ipsemer propemodum mihi id dixisti, cum mihi in aurem insurrasti, quod illius saltem quatuor exempla optabas. Hem! tanti ne ego sum, ut tua iussa praestoler? Nonne id mihi sedulo antevertendum fuit, ut nullus omnino

omnino locus tuis monitis relinqueretur? Qui, amabo, praeclarius mecum agi poterat, quam si illud epigramma, qualecumque sit, tuas in manus perveniret, adeoque tuo patrocinio sartum rectum praestaretur? En, quod conceptis votis mihi optandum fuisset, id nulla pene mea opera facis, quae tua humanitas est, ut cumulatissime consequar. Quod beneficium tale tantumque, cujus memoria numquam patiar ut apud me intercidat, haud in praesenti opus est, ut si ve exaggerem, si ve chartis illinam. Qui enim te, tuamque doctrinam, qua ad miraculum usque excoleris, tuaque opera dubio procul cedro linenda, quae quidem & innumera sunt, & celeriter omnium manibus teri ubique terrarum incoeperunt, qui, inquam, haec omnia, adeoque qualis quantusque vir sis, pro dignitate, supra epistolare scribendi genus adsurgens, oratione complectar? Haec atque alia eloquentissimorum Orationum ingenia defatigatura nunc tacitus consulto praetermittam. Alias, qui finis esset scribendi? Qua de re tibi gratias ago, & quod meum epigramma legeris, & quod humanitate pene incredibili id curaveris, ut ad illud aliquid dignitatis pretiique accederet; cum petere amice volueris, quod sponere, ut levissime dicam, tibi jam oblatum oportuerat. Perge, quaeso, ita te gerere, ac continentibus beneficiis fac, ut ceteris incitamento sis, quo tua benignitate tamquam stimulis ad vivum adactis & studia litterarum prosequantur, & quae quisque pro sui ingenii modulo industriae quae viribus condit pangitque, in vulgus edere minime cohorrescat. Te duce
atque

atque hortatore , quid non audebit bene ac sapienter instituta juventus ? Maeste esto igitur hoc benevolo excelsoque animo , quo haud dubie te non tibi , tuisque , sed ceterorum bono natum aperite ostendis , ac me , ut facis , tueri atque amare perge . Cajetanus Migliore , qui te singulari prosequitur amore , ac plurimi facit , tibi salutem peramanter impertit . Vale . Ex Aedibus Regii Ephebei VII. id. Maj. C1D1CCCLXIV.

VINCENTIO ARIANO

Paulus Moccia S. D.

204

Narro tibi : tuae inexpectatae juxta atque eruditissimae litterae , quae mihi hac vespere , statim ac me domum recepi , redditae sunt , incredibilem mihi voluptatem attulerunt . Haud enim contentus mihi tuum studium , operam , officiaque omnia detulisse , meum quaecumque elogium in τὸν πάνυ Marchionem Bernardum Tanusium αὐτοσχεδιασὶ concinnatum laudibus in caelum effers . Vere ut dicam , non potui , quin maximopere gauderem . Volupe quippe mihi fuit , quod mea lucubrationcula tibi probaretur , qui in philologicis ita versatus es , ut luculentissimo Cl. Jacobi Facciolati testimonio ornari merueris . Quod quanti sit faciendum , qui talem tantumque virum norit , is aperte intelligit . Quod vero tamquam auctarii loco addideras , atque ὁδοῦ πάρεργον , id me cumulate beavit . Namque illud Bernardo Cangianno Boviani Antistiti , viro de litteratura ,
quanta

quanta quanta est, insigniter merito, non inficetum visum fuisse significasti. Quare te etiam atque etiam rogo obrestorque, ut illi meo nomine manum officiose osculeris, gratiasque rependas immortales. Laudes enim pergratae numquam non accidunt, at tum praesertim cum a laudato viro proficiuntur. Sed de his haecenus. Legi quam attente, quae mihi misisti Etrusca carmina tum in πολυμαθῆσαν Jacobum Faciolatum, tum in Mariam Rosam Arrighelli recens inter sacras Vestales virgines receptam, atque non potui, quin suspicerem. Mire enim sibi constabant, &, quod caput est, dictionis granditas argumenti nobilitatem adaequabat. Quare tum tibi gratulor tantam felicitatem, tum gratulor iis, quos jure ac merito landibus ornandos suscepisti. Maeste igitur esto tanta virtute, atque strenue perge, ut coepisti. Ita enim nedum tibi tuaeque patriae ornamento eris singulari; verum etiam Augustini Ariani parentis tui τῷ μακρίτῃ, viri de politioribus litteris, mathematicisque studiis praeclarissime meriti, cujus auro contra non cara opuscula jam jam in publicum emissurus es, famam ab interitu vindicabis. Illud igitur fac sedulo cures, ut, quantum potest, typis mandentur. Interest sane omnium quotquot matheseων studiis tenentur, ut statim vulgata cunctorum manibus terantur. Quod si feceris, expectationi, quam abhinc annum jam publice concitasti, abunde respondebis. Meis verbis eruditissimo Boviani Antistiti salutem plurimam dices officiose. Vale. Ex Aedibus Regii Ephebei VII. id. Jun. CIOIOCCCLXIV.

SER.

Lecta, licet cursim, tua eruditissima Dissertatione, pauca mutanda censui, praesertim in iis, quae proloquii vice fungebantur. Animi enim tui sensa potius, quam totidem verba secutus, nonnulla admiscui, quae clarius liquidiusque rem disceptandam, scopumque dicendi aperirent. Ceterum si aliter senseris, tuisque potius inhaerere volueris, nullus repugnabo. Quanti te faciam, nemo omnium omnino est, qui id ignoret. Dissertationem vero ipsam summopere probō: mirifice quidem sibi constat, atque ubique recto talo stare videtur. Maeste igitur animo, atque perge, ut instituisti: rem certe acutius, ac Pelagianorum erroribus detectis labefactatisque, triumphum nulli non invidendum deportabis. Vale, meque, ut facis, ama. Ex Aedibus Regii Ephebei a. d. x. kal. Octob. CXCCLXII.

Alteram eruditissimae Dissertationis partem attente legi, tibi ex animi sententia gratulor, quod iis rationum momentis novam Thomassini, ceteroqui doctissimi viri, opinionem refutaveris, ut omnino causa ceciderit. Nullum quidem est ex omnibus argumentis, quae ad nauseam usque conglobat, quod non etiam contra ipsum

ipsum pugnare videatur. Tanti est novae sententiae pertinaciter studere: quidquid contra stat, tamquam leve quiddam, neque hili faciendum putamus. Maeste igitur virtute esto, atque alacri animo ad maiora, atque ampliora contendito. Quod si ita feceris, & praeclare de christiana Religione mereberis, & tibi, tuisque gloriam quam maximam comparabis. Vale. Ex Aedibus Regii Ephebei a. d. xiv. kal. Novemb. CIOIOCCCLXII.

PHILIPPO JVNTAE

Paulus Moccia S. D.

207

Quanto ego opere laetatus sim nudius tertia na die, cum mihi forte fortuna occurrissi e regione aedium Marchionis Tanusii, difficile dixerim. Te enim ipsum cum anxie quaererem, opportune mihi obviam venisti. Atque id tamquam bonum omen accepi fore, ut res mihi ex animi sententia procederet. Quas jam ad πολυμαθὲς αὐτοῦ Raymundum Sangrium S. Severi Principem litteras scripseram mei grati animi signum aliquod tanto viro tamque bene de me merito exhibiturus, eas nulli omnino alii quam tibi tradere constitueram. Sane quidem, quem illi acceptiorem gratioremque te seligere poteram, quem is pro ea qua mirabiliter praestas in omni philologia eruditione, atque scientiarum disciplinarumque omnium, nec non Orientalium linguarum cognitione plurimi facit? His accedit quod tuo eruditissimo juxta atque elegantissimo
Y judi-

judicio confirmatus fui, quique me non parum momorderat timor, evanuit. Illas enim cum legisses, pro ea qua es humanitate, non improbasti. Ecce tibi, exitus meis votis respondit. Commodum hodie ad officinam librariam e regione Regii Theatri accessi, cum mihi abs te litterae redditae sunt, ex quibus meam qualemcumque epistolam non ingratam accidisse cognovi. Quin & illius nomine mihi exquisitis verbis gratias egisti. Amice amantissime, qui tibi par pari referam, nescio: illud vero scio, ac tibi sancte recipio, me id operam daturum diligenter, ne tanti tamque singularis beneficii memoria umquam intermoriatur. Interim hanc meae voluntatis significationem fac aequo bonoque animo accipias. Nihil profecto gratius facere poteris. A me S. Severi Principi, viro de litteris ingenuisque artibus insigniter merito salutem plurimam dices officiosissime; quam etiam meis verbis Sabino Lattarulio, viro eruditissimo, atque Orientalium linguarum peritissimo peramanter imperties. Vale. Ex Aedibus Regii Ephebei postrid. id. Jun. CIOICCCCLXIV.

MICHAËLI TESTAE

Paulus Moccia S. D.

208

EN ad te mitto epigraphen tertio refectam, utinam millies! Nihil enim curarum satis, ubi publici juris quid est faciendum. Eo prorsus consilio mitto, ut pro lubitu nedum corrigas, verum etiam a calce ad caput recudas. Quod vero

vero me Campanum hominem, Campanaque sup-
pellectile instructum Etruscis accensueris, quan-
tum tibi debeam, lepidissimus Andreas, atque
φιλόπρονος Campolongus judicabunt. Penes hos
nullo non consentiente Etruscae linguae jus im-
periumque esse nemo sanae mentis inficiabitur.
A me illis annos Nestoreos apprecator enixe.
Vale.

P. S. Vbi Danieli epigraphen trades, a me
rogato, ut ea utatur arbitrari suo, nulla amici-
tiae ratione habita. Vtinam flammis addicat!
quam factum vellem! Iterum vale.

QVI

IN OMNI VITA EAQVE INTEGERRIME ACTA
MORTALITATIS VNICE MEMOR

ELEGANTI SACELLO

AERE SVO COMPARATO

FIENTISSIMO CONSILIO PROSPECTVM VOLVIT
HVNC IPSVM

QVOD AMPLISSIMIS MVNERIBVS FUNCTVS

IVS CASTISSIME PRO VIRILI DIXERIT

NAE IS TANTVMmodo MIRABITVR POSTHAC

QVI AETERNALIS VITAE COMMENTATIONEM

CVM INCORRVPTA IUSTITIA

AMICE CONIVRARE

NON SINE PESSIMO PVBLICO IGNORABIT

CAR.

CARMINO GERVNDÆ

Paulus Moccia S. D. 209

Vix ad aream, quæ ante D. Marci Paroeciam explicatur, perveneram, cum quod inter ambulandum conceperam distichon edidi. Utinam id factum foret, cum ego tuum latus tegebam, tuisque eruditissimis inhiabam sermonibus sane quam attente, juguloque porrecto! Profecto te obstetricante felicius auras vitales captasset. Quale id cumque est æqui bonique, quaeso, consulto. Haud de integro illud cedere volui; quis sibi tantum sumat? sed quod pene invitis musis prodierat, quantum in me situm erat, refingendum curavi. Antistiti Melphitanorum quam emunctæ naris, fastidiosique palati viro a me salutem plurimam, quam etiam optimo Oronzio, ejusque incomparabili familiae imperties. Vale.

E I D E M. 210

EN exemplum epistolæ ex tempore scriptæ, currentique calamo fusæ. Vide quanti te facio, ubi vel meas tibi ineptias concredo libenter, ne amicitia desim. Verum te rogo, ne meas hæc, quales eæ cumque sunt, lucubratiunculas efferas. Quæ enim amico committuntur, juxta Pythagoræ Scita, dimidio animæ nostræ, palam facere, atque vulgare, pene periculum esset. Illud unum adscribo, si, ut cete-

ra, aequi bonique consulueris, per mihi gratum
facies. Χάρις. Ex Aedibus Regii Ephebei a. d.
xviii. kal. Sextil. ciciocclxiv.

MICHAËLITESTAE

Paulus Moccia S. D.

211

Hesternæ die vix huc redii, cum mihi gratiæ actæ fuerunt ab omnibus ephebis equitibus, qui tui alumni consuetudine fructi fuerant. Alius enim pueruli autem mores prædicabat: alius comitati, ac facilitati primas deferendas contendebat: alius autem illius prudentiam tenella in ætate non in postremis habendam existimabat. Ne te demorer pluribus. Omnes unanimiter consentiebant ea puerili in ætate apparere indicia virtutum, quæ, qualis posthac futurus esset, apertissime ostendebant. Quare non potui quin lætitiis omnibus exultarem, ubi hæc audivi, ac vicissim illis grates rependerem, quod ita se gesserint, itaque de bene morato puerulo judicaverint. Gratulor igitur tibi, quod id tibi non sine divino consilio contigit, ut tanti pueri, iisque dotibus prædicti institutioni præesses, & fortunatissimæ Parenti, quod tanto filio tamque liberaliter educato fruatur. Vnum mihi doluit, quod scilicet absuerim. Verum haud propterea merito redargui posse videor, cum contra pacta conventa, & improvise venissetis. Quæ de re te rogo, ut me apud illam excuses, cum per me non steterit, quominus interfuerim. In posterum illud sedulo cures, te obsecro, ut consti-

fituto tempore nos invisas. Interim, ut tantae
 seninae cum Lacaenis mulieribus comparandae,
 filiorumque supra fidem studiosissimae a me salu-
 ten plurimam, ejusque mihi carissimo nato, of-
 ficiose dicas, te oro obrestorque. Campolongum
 ac Malarbium etiam meo nomine plurimum sa-
 lutabis. Vale. Ex Aedibus Regii Ephebei Idi-
 bus Aug. CIOICCLXIII.

ANDREAE FARINAE

Paulus Moccia S. D.

212

Mitto ad te epigramma, quod mei amici
 jussibus obtemperaturus, *αὐτορχεδῖως* fu-
 di. In Marchionem Bernardum Tanusium illud
 contexui, qui hisce rerum omnium angustiis,
 quibus hoc Regnum tantum non pessumdatum est,
 unus prae ceteris omnem lapidem movendum,
 nihilque intentatum relinquendum putavit, quo
 illinc tandem aliquando emergeremus. Innume-
 rum sane numerum frumenti, ceteraeque anno-
 nae huc comportandum curavit, idque ita dispe-
 scendum, ut aequae Neapolitanis atque vicinorum,
 diffitorumque pagorum incolis, & quod magis
 est, pretio non magno, divideretur. Ceterorum
 enim frumentum, uti fit, in rerum caritate, aut
 fructuum calamitate, pretium non habet. Adhuc
 hic farina, quae nomine Vivirorum divenditur,
 quatuor ducatis coëmitur. Quare haud mirabere,
 quod unum prae ceteris laudandum susceperim.
 Quid de eo sentias, amice, perscribas velim.
 Verum haec haëtenus. Pergratum autem mihi
 fuit,

fuit, quod jam aliam plangunculam effingendan mandaveris. Crede mihi, jam conquievi. Quidni? quod enim distractum ac pene discerptum videbatur, jam coaluisse lætabor. Illud vero ægre mihi fuit, quod tum illam te missurum significasti, cum meam diatribam vicissim istuc perferendam curassem. Qui, malum, id fieri potest quamprimum, cum apud me non sit, & difficile me illam recuperaturum confidam? Per manus enim traditur, & vix emissam inaudio, cum jam in alterius potestatem devenisse nuntiatur. Perpetuo enim serviet, neque spes affulget fore, ut in libertatem vindicetur. At inquires, quis serviet, quæ ingenua est? Liberali fac illam causa manu afferas. Verum, quis, amabo te, praepotentium vi repugnabis? Visne, ut amicitiam scindam, quam vel diffuere piaculum existimarem? Ita vero me acturum cum illis tibi polliceor, ut quanto ocius, si fieri poterit, recipiam. Numquidnam novi? En ut occupavi, quæ te rogaturum arbitrabar! Hæc panis nondum publice prostat. Postquam enim e furnis ad tabernas statis locis constitutas comportatur non sine militum satellitio, statim venditur; atque plebis multitudo maximam partem domum revertitur inanis, speque defraudata. Vix credas, quanto tumultu, quantisque conviciis propolas afferibus tabernæ munitos circumstant. Sunt qui scalis admoris panem praeripere student; alii humeros supponunt superincumbentes sustentaturi, quo facilius vori compotes evadant; alii denique ceterorum capitibus ita arte junctis, ut tessellatum pavementum diceret, suspen-

fo gradu atque incredibili velocitate insistentes ad cancellatam domum convolant. Quare id quod de Lada mira pedum pernecitate praedito litteris consignatum est, nimirum quod supra cavum pulverem ita cursitarit, ut, arenis pendentibus, nulla indicia relinqueret vestigiorum, miraculo esse desierit. Rides? Ipsemet hisce oculis vidi e foris aedium Dominici Amari, qui in viam Olympicam imminet. Et tamen magna frumenti vi, qua nunc potimur, id fieri posset, ut, annona levata, civitas tandem aliquando respiraret. Quid ergo obstat, quominus fiat? prorsus nescio. A me tuis omnibus salutem. Vale. Ex Aedibus Regii Ephebei prid. non. Maj. CIOCCCLXIV.

E I D E M.

213

S Virrentum nec opinanter rusticatum abis, licet ad paucos dies, tamen ineunte mense Novembri hujuscemodi consilium capis, & quod caput est, turpiter mea causa deserta. En quod jam actum transactumque putabam, iterum inceptandum erit, utinam perinde feliciter! habent enim sua sidera causae. At germani fratris amor, parentumque iussa coegerunt. Vix dici potest quanta illis curae est adversa Dominicani alumni valetudo. At id omittamus: erga parentes pietas, singularis in fratrem benevolentia: sinamus. Verum quid illud concoqui potest, quod tamquam non satis haberes peregre proficisci, animoque obsequi, districte mihi imperasti, ne quidquid faustissimo Regis Catholici lustrico re-
cur.

currente die Regia in Aula conficeret, quam accuratissime litteris commendarem? Vah! lepidum caput. Dum tibi bene est, genioque indulges; ego ad abacum adsidens labore curisque confectus rabeſcam. Medius fidius haud ſtulte ſapis. At faciamus me velle tibi dicto audientem eſſe. Quis, amabo te, tantum oneris ſuccollare, remque ſi non pro dignitate, ſaltem rudi levique calamo adumbrare potis ero? Leviculum ne tibi negotium videtur vel qualitercumque chartis illinere regalem menſam eamque non quotidianam, verum lautius ſolito inſtructam? Ut varios ſeculorum miſſus taceam, quibus plus vice ſimplici menſa oneratur: ea ſapide, atque exquiſite condita tantum odoris, ubi inferuntur per regiones ephebos, undique afflant, ut nidore confectus extabereſceres. O quot quantisque iis que beatis ſalivam movent! Jam vero, quis pro dignitate ſcripſerit ſollempnem manus adorationem? Hic vel Romanae eloquentiae parenti aqua haereret. Praeſtringit mehercule oculos majeſtatis ſplendor, ubi Deo proſignati Reges identidem immodicas opes, divitiasque, quibus diſſuunt, Numenque, quo Deo tantum minores, terrena iſthaec Regna moderantur, ſubjectis populis oſtentant. Aureo pene dixerim throno contextus aureis taeniis undiquaque ornato, atque ubi deſinit villoſus ſericus pannus, ſimbriis & lemniscis pendentibus munito, inibi ſtat pretioſiſſimis veſtibus indutus, quarum orbiculi adamantes ſunt non parvis ſcrupis pares, pileoque coopertus, quem pro ſericis laqueis taeniolae adamantinae hamatili auro connexae conſtringunt. Quid pilei orbiculum, quidve baculum

lum memorem? Scintillantibus sudo caelo stellis quam simillima dices. Atque, ut verum ingenue fatear, quam cetera sordent, ubi isthaec spectaveris! Hinc, quos suspicimus primores viros, si quando auratis carrucis vestros per urbem obvios habemus, illic contemneres. Aureum enim vellus, torques, cingulum coeruleum, Divi-que Januarii fascia, quae insignia sparsim in singulis conspiciamus, si illic adestes, tibi amulera puerorum collo suspensa viderentur. Ita quidem sole sursum emergente, suo lumine caelum collustraturo, quae noctu micuerant stellae, statim evaporant. Et tu, jam jam discessurus vix mihi salute dicta, frigide, tamquam leve quippiam praescriberes, frigide, inquam, dixisti, fac, quaeso, ubi rediero, jam descripta inveniam, quae postera luce Regiis in aedibus in-sollemni Regiae manus osculatione peragentur. At at nunc demum intelligo, quid te impulit, ut ita te mecum gereres. Nimirum, quae tu nullo negotio conficeres (eccui tuum divinum ac versatile ingenium, tuaque pene Tulliana eloquentia later?) ea ceteros tecum neutiquam conferendos perinde facturos confidis. Pace tua dixerim, oppido erras. Quid? Stomachanti similis ista percurris, quasi ut auribus tuis servirem, tibi impudenter assentarer, haec scripserim? Moriar, ni ita sentiam, quae scriptis consigno. Quae enim metro adstricta, sive soluta oratione typis edidisti, nonne ita animos omnium admiratione perculerunt, ut nihil limatius, nihil argutius, nihilque sublimius fingi posse uno ore praedicarint? Haud dissitor ista per te, quae tua
mo-

modestia est, non sine viscerum perturbatione legi, atque ita gravatim ferre, ut nihil magis. Verum enim vero aequo animo id patiaris oportet; si quando ita verum dici necesse est, ut, si aliter fit, falsi notam vix declines. Haec qualiacumque sunt aequi bonique facito, meliora atque limatiora accepturus. At, inquires, quid de Antigono, qui tamdiu e regione Theatri ac in frequentioribus urbis locis in vacuum pendebat populi expectationem concitaturus? Cecidit, ac parum absuit, quin cantores sibilis exciperentur, praeter Psaltriam, quae secundas agebat, quae a siparii subductione usque ad ejusdem deductionem maxima spectatorum voluptate recto talo stetit. At, inquires, saltatores tamquam succenturiati, integris viribus pugnam restituerunt, ac quominus fabula omnino caderet impediunt? Nihil minus. Credideris! rustica saltatio more accolarum ad Olympiam oram peracta non inficere, aliquantisper spectatores jam molestia confectos demulcit. Atque haec de Theatro hactenus. Meum negotium non parvi momenti ne incuriose tractes, caveto. Quid pluribus? Quascumque adversarius feret condiciones accipias te rogo, propemodum dixerim etiam manifesto iniquas. Vale.

E I D E M.

214

Quod pene jocans scripseram, neque putaveram usque adeo patere, ut fere semper ad verum accederet, jam manibus ipsis contrectasse, atque experientia ipsa comprobatumprehendisse

se quantopere laetatus sim, difficile dixerim. Falso enim, vulgi opinione ductus, credideram firmum ac succiplenum corporis habitum nonnisi exquisitis epulis comparari. Quod contra accideré hesternâ die domi tuae comperi. Adhuc animo haeret imago incomparabilis Michaëlis, qui longe a suis diffitus, omni penè pecuniaria ope destitutus, tantum paucorum nummularum auxilio, quos sibi sacro quaeritat famulatio, ita victitat, licet parce & duriter, ut numquam non illi bene esse videatur. De facie si quis iudicet, jam haud dubie, illis accenseat necesse est, qui in id unice incumbunt, ut cuticulam curent diligentissime. Roseus est illi color, vultusque ita nitidus, atque perpastus, ut nihil supra. Verum mirari desii, ubi in illas incidi Biblicas lectiones, quas ex Daniele horarium pensum absoluturi recitamus. Jam tribus pueris tantum virium, ac succi ex leguminibus accesserat, ut aliis, qui Regiis epulis nutriti fuerant, quando ad Regem de more adstiterunt, longe plurimum excelluerint. Quid ni? ut divinam taceam opem, quâ fovebantur; morum probitas, animique motus, si tempore edomentur, id pariant necesse est. Proh quanta virium jactura fit per illos, qui genio indulgentes libidinibus fraena relaxant? Quot morbis sponte sua implicantur, quibus ceteroqui omnino carerent? Atque ex vita licenter acta, macies atque febrium cohors terris incubuerunt. Amice in paucis care, aut potius unice, te etiam atque etiam rogo, ut illum pro virili cohorteris, ne initam vitae rationem deserat. Donec ipsi caro jurulenta licet perperam,

peram, sed suis ipsius manibus parata sapiet, me vade Hercule ipso robustior evadet. Neque ipsum a proposito deterreat, quaeso, praepostera, qua interdum usus est, aquae infusio. Periculo quippe suo edoctus tantam rei culinariae notitiam assequetur, quanta corpori tuendo, incolumique praestando sufficiet. Jam ediscet, quod ubi jurulenta caro paranda erit, prius suillus adeps non sine intrito allio lique scat necesse est, quam caro coquenda apponatur. Si vero affa placet, ita veru verratur oportet, prunis pro modulo carnis suppositis, ut igneus calor sensim sine sensu carnosos meatus pervadens illam paulatim excoctam reddat. Quod, qui acetabulum instrueretur, probe calleret, gavisus sum vehementer. Lotus quippe intubus, ubi aqua omnis defluerit, antequam oleo acetoque perfundatur, sale aliquantisper maceretur necesse est. Rigidae quippe frondes prae frigore, teneriores evadunt. A pulte sive candida, sive viridi, quo scorpione cautius abstineat meo nomine moneto. Longum sane tempus apposcunt, curamque non vulgarem. Qui tempus supererit vacuum ei, qui totum mane genibus perreptando insumit? Eos semper cibos anquirat, quos momento temporis pararit. Laboriosae atque sumptuosae epulae beatis relinquuntur. Atque haec haecenus; cetera, si opus fuerit, scribam ubi majus otium nactus fuero. A me illi salutem dicito officiosissime. Oculitus enim illum amo neque immerito. Vale.

HAud temere fuit, quod paucis abhinc diebus cum otiosi sermones caederemus, sermo meo deduceretur, ut opportune de Michaële nostro mentio incideret. Ea per te comperi, quae numquam alias scissem. Jam quibus parentibus ortus, cujas esset, quidve, quo tantum itineris devoraret potissimum impulit, non mediocri animi voluptate intellexi. Utque aperte, quod sentio dicam, illud mirum in modum mihi volupe fuit, quod integra aetate adolescens, peregre abierit omni fere imparatus subsidio, quo patriis commodis, suorumque utilitati fratrum quoque fieri posset, diligenter inserviret. Neque ipsi profecto laeva mens fuit: namque res ita se habent, eaque se dant initia, ut non frustra speretur, fore ut votorum compos evadat. Jam supplicem libellum, quem rudem, atque inchoatum acceperam, perfeci, atque hoc matutino quam diligenter perferendum curavi. Interim cetera Deo permittemus, quem, quidquid contra blateret impurus Epicuri grex, certo certius est ita rerum nostrarum satagere, ut nihil magis. A me Michaëli optimae indolis adolescenti salutem dicito plurimam, utque bono, fortique animo sit cohortare. Adversis quidem rebus recto stare talo, atque fortem, animosumque apparere, nedum difficile verum etiam arduum esse, ecquisnam ignorat? Vale, meque, ut facis, ama.

E I-

Qui meas res, neque eas parvi momenti vel obiter curo, vel, quod saepius contingit, omnino negligo: nunc ceteris posthabitis, ita bene morati adolescentis negotium suscepi, ut id unum mihi pensi esse videatur. Vix enim superiore nocte domum redii, cum ea chartis sedulo consignavi, quae amicum meum vehementius impellerent, quo negotium acrius libentiusque perageret. Genus quippe apprime honestum, parentes optimos, familiam a forma juxta atque ab liberali educatione supra fidem commendatissimam, eamque frequentissimam, tandemque Michaëlem eximiis, quibus praeditus est, dotibus sic expinxi, ut ea vel efferato atque immisericordi lacrymas exprimerent, nedum ad misericordiam cicerent. Usqueadeo verum est haud casu, quae hic fiunt, contingere; sed cuncta ita per hujus universitatis opificem, atque effectorem Deum temperari, ut, quidquid accidit, non de nihilo accidisse existimetur oporteat. Jam nec opinus dumtaxat occursum quot quantasque, spero, pariet commoditates! Praeterea cumulus felicitati accedet, si & tu, uti te non despero facturum, illum qua re, qua consilio juveris. Adolescentem optime institutum, atque exemplo tenellula in aetate perraro adversam fortunam fortiter sustinentem meis verbis plurimum salvere jubebis. Vale.

E I D E M.

217

JAm apud me in animo constitui, quid Michaëli nostro mittam, ubi Martinalia adven-
tabunt. Capum coëmendum jubebo, eumque per-
pastum. In pervigilio; ut tenerior evadat, quo
maçteretur, haud mihi in postremis erit. Ipso in
Martinalium die, jam farrum sedulo, uva passa,
nucleis pineis, pipere, caryophyllis, suis ipsius
exris, nostratibusque pastillis in furno munda in
testa non sine jam liquato suillo adipe compo-
situm coquendum naviter curabo. En uno in
ferculo non contemnendo hoc praesertim in tem-
pore, quo maxima in aestimatione sunt, quippe
quod capi hieme teneriores quam aestate depre-
henduntur, plura per epitomen invenientur. Qui
ipse adolescens frugalis est, paucisque contentus,
si meridie farruram, ne refrigerata vilescat, co-
medet una cum pectore lacte ipso delicatiore;
jam nocte appetente, quoad reliqua, pene laute
coenabit. Neque avaritiae per te, spero, insi-
mulabor, quod munusculum levidense mittam;
quippe probe nosti extrema omnia vitio labora-
re. Si qui parce vixit, helluari incoeperit, jam
de eo actum erit. Cruditate statim conficiatur
neceffe est. At si paullo lautius aliquando cu-
ticulam curarit, vix est ut de salute periclite-
tur. Quare haud dubie me laudabis; quodque
ira factum oportuit, rute confiteberis. A me
illi vere frugi adolescenti, intraque naturae
praescriptum, quae paucis est contenta, viram

Z

tra-

traducenti salutem nuntiato Athlericam. Cura,
ut valeas.

E I D E M.

217

A Eratam jam te non vidisse putabam, ubi
inter agendum animo occurristi meo, &
quandonam non occurris? Tanti te merito facio.
Totum enim hesternum diem, quantus quantus
fuit, licet te anxie quaererem, haud mihi obtri-
git, ut te obvium haberem. Non semel totam
Olivetanam viam decurri, si forte tui Patroni,
quem cuncti Moecenatem alterum demirantur,
aedes perisses, officia de more persoluturus. Ve-
rum frustra. Hinc Toletanam ingressus viam
non incuriose illam lustravi, jamque eam emen-
sus fueram, cum pene mihi visus fuisti. Testu-
dineum gradum, quo otiose utebar, acceleravi,
jamque in eo eram, ut te assequerer, cum me
pervidisse deprehendi. Mirum quanto ego rum
opere dolui. Illinc ad Regias in altum jactas
moles recta contendi. Illud vero cavi sedulo,
ubi ad arcem, quae ante Castrum novum expli-
catur, ut undiquaque licet *ἐν παράδῳ* circumspe-
ctarem, si qua forte occurreres. Vbi, quo con-
tenderam, perveni, prope Pharum lunae aemulam
aliquantisper subitari. At vesperscente jam cae-
lo, cumque acrius rigeret, domum redii. Ne-
que dum spem abjeceram omnem te forte fortu-
na offendendi. Cum hujusmodi specula aleret,
ecce tibi, ubi ad proceras populos perveni, ite-
rum te visus sum prospicere. Anteibat quippe
gradu quam concitato (quod gracillimis quam
fami-

familiares est) qui te ad unguem referebat. Talarum enim veste indutus triangulari pileo caput tenebat. Nigram ostentabat comam beneque petam, & collare nescio quid Romanum redolere videbatur. Quid plura? Pene junceus erat: ita curatura corpus attenuasse videbatur, ne pugil audiret. Properavi gradum, ut vix illa ducerem: jam accessi, ac jam pene salutaveram, cum errore cognito spiritum compressi. Quare subitatus discessi, domumque repeti tibi quam insensissimus. Hem! te perdant Dii Deaque omnes, qui ita quandoque e conspectu abis, aut potius evanescis, ut lemurebus, atque larvis, & si quid aliud imperitum vulgus commentum est, quam simillimus evadas. Namque quasi nescias, quid angar, quibusque sollicitis curis, in utramque aurem otiosus dormis. Refer paullisper te ad me, & non obscure dignoscas, an temere doleam. Num quaeso, quidquam perfidia tetricius, monstrosiusque fingi potest? Quare te etiam atque etiam praestolor, quo, si quid novi accidit, per te certior fiam. Si negotiis impederis, quominus venias, egomet te conveniam, & quo jusseris, libens me conferam. Ad Mergillinem, vel ad colles Levogaeos jusseris, ibo. Vale.

Quam desipiunt, qui usque adeo hujusce temporis mores caeco pene impetu sequuntur, ut quid antehac ac proinde patrum nostrorum tempestate in more positum fuit, scire negligent omnino; aut tamquam quid abnorme obsoletum rancidumque aspernentur. Quam stulte sapiunt, inquam, quasi si ipsis tantum nasum habere datum sit, ceteri fungorum ritu, nullo post se vestigio relicto, esse desierint. Hinc nihil istis carum, nihilque jucundum, nisi si Anglicum, sive Gallicum quid redoleat. Ne calantica quidem, aut flabellum recipitur, ni certo certius sit, quod peregrinis artibus confecta sint. Cibus desipit, imo ne libatur quidem, ni illum Gallus coquus pararit. Marcescant oportet in apothecis panni sive serici, sive lanci, qui non mare transmiserint. Quid dicam de ceteris? Vinum verna atque indigena tunicato popello turbacque forensi epotandum relinquitur. Oleum, atque vel ipsum acetum, nisi e longinquis regionibus advehantur, nullius pretii sunt, mensaque ab his imparata, tamquam sordida vilesceret. Vel ipsae scopae nisi externae, contemuntur. Quid, si ad theatra gradum faciens, saltationes commemorem? Psalteriae dumtaxat peregrinae laudantur, atque ritu peregrino vestitae. Tum vero perplacent, cum alticinctae in scenam prodeunt miro modo saltaturae. Quod si choreis mutatis, uti saepe fit, indigenam saltationem ad vivum exprimunt, vernaculis vestibus, redimiculis, ceterisque, quae
inco-

incolarum mores ferunt, adhibitis, statim ringuntur, theatrique redemptorem diris deponent exsecranturque. Vel ipsa Sabbatina saltatricularum praestantissima, quae Cassiopes natam imitans ad scopulum deserto in littore alligatam jam a marinis monstris devorandam, quae tantopere corporis positu atque ore pallidulo spectatores alliciebat, inque sui amorem vel invitos pertrahebat, qui frixit ceciditque, ubi Olympico more induta vernaculisque instrumentis pulsatis saltabat? Et tamen, si remotis arbitris res ageretur, aperte faterentur, se ista effutire, quo novis atque peregrinis rebus studere videantur; ceterum haud ipsos tantopere taedere vernarum, ut illas despiciatui habeant. Experti saepe sunt; quam dulce quamque jucundum sit Olympicam puellam cereis teretibusque brachiis eamque torosam ad numerum saltantem spectare. Abeant, quaeso, in malam crucem recentium morum sectatores, ipsi quidem vel ipsis fungis insulsiore. Hoc quidem sapere est, dum, vere quod sapidum est, quaeritur; haud vero cum sapere falso arbitramur, quod revera desipit. Quorsum haec ad te scripserim, facile intelliges, si quod proxima nocte in theatro accidit, tecum ipse paullo attentius reputaveris. Vale.

S. Severi Principi.

Paulus Moccia S. D.

220

TVa summa eruditio, impensumque in omne ingenuarum bonarumque genus artium studium, singularisque amor quo litterarum cultores eximie prosequeris, me multis nominibus tibi obstrictum impulerunt licet volentem libentemque, ut tibi haec qualiacumque meum gratum animum quoquo modo testantia scriberem. Qui enim quamcumque mihi occasionem offerri cupiebam, quo tibi meam observantiam significarem, quod nunc amicorum cohortationibus ac suasu mihi sit in promptu, laetatus sum vehementer. Emissurus quippe in publicum, quas identidem pro re nata conscripseram epistolas, quo meae erga te benevolentiae aliquod monumentum inter illas exstaret, qua potui, enisus sum. Alias, qui non tamquam ingratus traducerer, quippe qui nihil typis edidisti (multa enim eaque cum erudita, tum nulli adhuc peracta opuscula publici juris fecisti) quod non mihi tuis ipsius manibus Regiis in aedibus perliberaliter dono dederis. Qui vero domi tuae exceptus sum, quot quantisque inauditae benevolentiae indiciiis, ut officiorum copia pene obrutus rubore suffunderer? Pene jam memoria exciderat, quod primum memorandum erat. Qua humanitate non mihi ea legenda praebuidisti, quae jam in forulis ser-

servabas? Adhuc mihi salivam mover, quod jam pene adornatas militare Lexicon, quo acque antiquae atque nupera in militiam investa vocabula Italico puro puto sermone complectebaris. Opus profecto mihi visum est, cum omnijugena scatens eruditione, tum vero iis qui castra sequuntur dubio procul utilissimum. Vno quippe intuitu tum vetustas, tum recentes militares nomenclationes quam facillime proponebas. Quodque caput est, brevitate qua fieri poterat maxima, judicio tamen sane quam eleganti accuratoque nihil omnino reliquum faciebas, quod ad universam veteris, neotericaeque militiae scientiam cognitionemque spectaret. Nullus praeterea finis esset scribendi, si quae in Chymica physicaque observatu dignissima seposita habes, vel molli brachio persequerer. *Ενὶ λόγῳ*: tu privatis opibus ea es aggressus, quae vel Satrapen deterrent. Quid mathematica commemorem? In iis tantum excellis, quam qui maxime. Quid? Nedum hic quotquot de litteris meriti sunt te unum observant teque tamquam eorum patronum jure ac merito intuentur; verum etiam exterorum litteris coleris, amicitiaque Regum cum armis tum litteratura, quanta ea cumque sit, florentissimorum, ipse unus omnium dignaris. Nonne igitur, amabo te, in publicam expectationem peccassem, omniumque vota frustratus ipse essem, ni, tuo quoque amplissimo nomine confisus, in publicum prodissem? Patere igitur, ut ego & cunctorum cupiditati, & meis erga te officiis qualicumque hac bonae voluntatis significatione satisfaciam. Namque, si haec, pro ea qua es hu-

manitate ac modestia, aequi bonique consulueris, haud scio an tuo patrocinio fultus, tuisque auspiciis veluti manu ductus, posthac σύν Θεῷ ad maiora atque ampliora contendam. Te enim facem praeferente, quis non se viae virtutis vel impeditissimae committeret? Vale nostri saeculi decus ac ornamentum, meque, ut facis, ama. Ex Aedibus Regii Ephebei III. Id. Jun. CIOIOCCCLXIV.

MARCHIONI BERARDO GALIANO

Paulus Moccia S. D.

221

HOc matutino cum me domi continerem pridiani morbi reliquiis obviam iturus (numquam enim esurialium ciborum causa κακοσομακώτερ⁹ fueram) mirum quantum gavissus sum, quod me una cum mellitissimo Dominico Amato inviseris. Inviseris autem? Imo te viri medici personam suscepisse affirmabas, quippe qui bacillo innitereris, quod in aureum caput desinebat, comaque adscititia uteris hemicyclica, tuum vero socium hispanico focali ornatum ita se gerere, quod sectatoris officio fungeretur. O lepidum caput! O virum ceterorum bono natum, miseriisque, si quibus urgentur, levandis! Prorei ritu quascumque te in formas vertis, quod, ne αἰνιγματώδως loquar, eodem recidit ac si te omnium horarum hominem commodumque praedicarim. Venatoris enim instar ea expiscaris illicia, quibus quisque maxime pertrahatur ac oblectetur. Quare si tibi infirmus adeundus sit,
ita

ita te accommodas, teque demittis, ut tui oblitus, aegroti naturam ingeniumque seſteris. At vero ſi cum eruditis doctiſque ſermo habendus eſt, quod quotidie domi tuae, quo nedum totius urbis, verum etiam Italiae litterati omnes confluunt, tum tanta te eruditione commendas, quanta re quidem vera ab homine, cui immori tantum libris, atque impalleſcere chartis volupe eſt, exſpectaretur. Quoties ego tuis colloquiis interfui, ac quot quantaque ſapientiae praecepta hauſi, quae mihi haerent in animo, haerebuntque perpetuum! Jam vero finis non ſit, ſi quanta matheſeon cognitione praeditus es, hinc vel leviter attingere vellem. Hinc haud dubie paſſis velis ſecundiſque ventis mea exſpatiaretur oratio. Praeterea, quem praeterit, qua omnium laude, reiſque publicae commodo Vitruvii Pollionis Italicam verſionem aggreſſus, quantoque ſumptu proſecutus, tandem aliquando ad exitum adduxeris? Neque id perfeciſſe contentus, quo id promeritus es, ut inter Etruſcos Academicos cooprare-
ris; auctorem etiam ſive ſuoſte ingenio, ſive temporum vitio plerumque σκοτεινόν, pene perpetuis adnotationibus, iſſque permira eruditione obſervationibuſque tuo ipſius Marte elaboratis plena manu reſertis, maiore, quoad fieri poterat, in lumine collocandum curaviſti. Quae cum ita ſint, quis demirabitur, quod cum non ſemel atque iterum Herculanenſe effoſſum theatrum ſpectatum perrexeris, ſtatim ichnographiam illius exarandam curaveris, illudque ligneum ſic effin-
xeris, ut nulli non pateat orchestra, proſcenium, pulpitum, locusque ſcena-
rum, quas verſatiles fuiſ-
ſe

se ita e quibusdam signis ostendisti, ut nullus omnino dubitandi locus relinqueretur? Praeterea, quam belle se se intuentibus offerunt loca senatoribus, equestribusque destinata, nec non popularia! Quid cominemorem cuneos, scalas seu vias, διαζώματα seu retractiones, vomitaria, atque ostiola? Nihil non illic efformatum, nihil non ad vivum effectum. Et tamen neque dum quievisti. Jam Frontinum manibus terebas, multaque jam in unum congefferas tamquam per lancem saturam, quo illum Italice versum juxta atque illustratum publici juris faceres. Urge precor tantum opus, quod mirifice profuturum quis dubitaverit? Illud vero te etiam atque etiam oratum volo, ut tuae valerudini, tuaeque elegantissimae familiae parcas. Ita quaeso publico bono fac studeas, ut ne tui tuorumque oblitus esse redarguaris. Quid profecto turpius fingi posset, quam si is, qui virum medicum pro re nata profiteretur, suam ipsius salutem posthabuisse, idque non sine pessimo publico, convinceretur? In illud igitur tota mente fac incumbas, ne ita te gessisse, quod sane nollem, jure ac merito insimuleris. A me Dominico Amato, quem tanti facis, ut tui sectatorem unicum selegeris, quippe quem te eruditione, disciplinisque omnibus apprime referre posse intellexisti, a me, inquam, salutem plurimam nuntiabis, quam etiam Danieli tui perstudioso peramanter imperties. Vale. Ex Aedibus Regii Ephebei Idibus April. CIOCCCLXIV.

Hodie vix a prandio meridiatum de more perrexeram, cum mihi reddita^e sunt tuae litterae, quas ex composito avide expectabam. Vbi tamen illas legi, non omnino conquievi. Nam tantum mihi ὁδὴ πάρεργον significaveras ad me venturum constituta hora amicum tuum, at μνημόσυνον nullum misisti, quemadmodum domi tuae conveneramus. Tandem a meridiatibne, quae sane perbrevis fuit, en aliae abs te litterae allatae, quibus illud nuntiabas, jam rem in aliud tempus rejectam, veterique more pronuntiarum fuisse: non liquet. At ego jam cum amico egeram, isque in se negotium suscepturum mihi sancte receperat. Verum, uti par erat, statim manum de tabula. De eo autem te multum amo, quod rem mihi ita aperiendam censueris, ut non parum inde me profecisse laetatus sim. Licet enim aliud agens atque ἐν παρόδῳ mihi varia Secalis genera, nimirum secale hibernum, vel majus; verhum, vel minus, illudque, quod Germani *Mutterkorn*, scilicet secalis matrem, appellant, ceteraque hujuscemodi significasti; quidve illis natura insitum sit, ita ostendisti, ut nihil fieri posse videatur argutius. Ad haec, an in cibum recipiantur, prosint ne, an ob sint, quaenam effecta pariant, & an sint confundenda cum iis, quae cornuto secali adsignantur, aperte demonstrasti. Quanto autem opere decepti sint viri

cete-

ceteroqui doctissimi, qui secale e rebus cibariis prorsus eliminandum putaverant, qua brevitate, quibusque rationibus quamque ponderosis probasti! Et quod magis est, in lecto jacebas nescio quo morbo implicitus, qui te mire torserat. Neque praetereunda silentio tibi visa sunt, quae Plinius, ac Nonnius in hanc rem apposite literis prodiderant. Primus enim haud inficiatur, secale ad arcendam famem utile esse, eique propterea far admisceri, quo ejus amaritudo mitigetur. Alter vero disertis verbis affirmat parari etiam panem ex secali, eumque septentrioni familiarissimum esse, licet id Graecis ignotum fuerit, nec Romanis in usu. Atque hinc haud mirabile videri, quod in Britannia, atque in ipsa Gallia, & seorsum, atque una cum frumento, pene partibus aequalibus, seratur. Quis igitur fides erit Hoffmanno, qui in secale tamquam veneno imbutum invehitur? Postremo veluti majorem fidem rei, qua de agebatur, facturus, mihi James, Nonnium, Mullerium ac Bauchinum, viros de medicina praeclarissime meritos mittendos curasti, quo ipsemet legerem, quae tu ceteroqui tam diserte tamque erudite literis ἀντορχήδιος scriptis, & quod caput est, e lectulo, consignaveras. Tibi igitur gratias ago, tum quod mihi ad viri sane quam honesti amicitiam adiutum aperueris; tum etiam, quod ea, quo ipsi morem gereres, ad me scripseris, quae mihi grata jucundaeque acciderunt, utilitatemque non mediocrem attulerunt. Quin imo & illud addiderim nec temere, pene habendam esse gratiam rerum caritati, ac praesertim frumenti difficultati,

qua

qua hoc Regnum cetera florentissimum ita laboravit, ut nihil supra, cum tantum boni pepere- rit. Illud vero te etiam atque etiam oro ob- testorque, ut valetudini parcas, ac litteras, quas impensissime colis ac labore improbo prosequeris, aliquantisper intermittas, acrius illas revocatu- rus, ubi omnino convalueris. Id abs te littera- ria Resp. postulat, de qua tam praeclare meri- tus es, hominumque genus, cujus saluti studes; idque tuus amantissimus filius isque unicus, tua- que incomparabilis uxor efflagitant. Ita fac igitur, ut Reip., tibi, tuisque prospectum ivisse videaris. A me Marchioni Berardo Galiano, viro τῷ πρώτῳ, salutem dices. Vale. Ex Aedi- bus Regii Ephebei postrid. kal. Jun. CIΘIOCCCLXIV.

DOMINICO AMATO

Paulus Moccia S. D. 223

QUam tibi mitto oden, vix ingratiis dome- sticorum malorum, Apolline ad ravim us- que, licet non rite vocato, tandem aliquando extudi. His accedit quod Heros ὁ μακρῆτης A- pollineis laudibus ornandus laudatorum ingenia ingenti rerum bene gestarum copia mirifice tor- quet. Nam unde initium ac finis inveniatur, id profecto opus, hic labor est. Quae cum ita sint, quid cirunculo atque musarum sacris vix aut ne vix quidem initiato, quid, inquam, negotii fa- cefferint inficeta carmina atque invita minerva effusa, tute, qui jam stadium decurristi ac rude donatus es, facile judicabis. Illud tamen curavi,
id-

idque extra jocum, ne tibi imparata omnino sifterentur. Quare amici emunctae naris illa iudicio subjeci, quo paullisper lusoriis armis praeluderent, antequam te adirent gladiis versis decertatura. Hui, quam vereor, ne, vix inito certamine, non bene parmulam relinquant! Si latere recto abscedere illis licebit, praeclare mecum actum existimabo. Ceterum, amoto ludo, illa concide, lancina, concerpe, muta, obline, dele, ignique tandem addicito, vel salsamentario mittito, utpote piperi involvendo cucullisque faciendis non inepta. A me Marchioni Galiano, ac Maximiliano Muraenae, viris auro contra non caris, meique studiosissimis, salutem impertitor plurimam officiosissime. Vale, meque, ut facis, ama. Ex Aedibus Regii Ephebei a. d. ix. kal. Jun. CIOIDCCCLXII.

FRANCISCO DANIELI

Paulus Moccia S. D.

224

LOcum Philonis Hebraei qua potui sedulitate recensui, atque correxi. Verum illud vereor, ne quod mendum, in illo describendo, irrepperit. Illud enim *κολοσσαία* procul dubio *κολοσσαία* sine jota ante diphthongum scribendum est. Ceterum, an ita se res habeat, tute, qui ipsummet graecum Auctorem, quem penes me minime habeo, facile legere potes, tute inquam melius videre atque statuere poteris. Si qua alia correctione amplius opus est, haud efficiam, ut meum officium requiras. De tibialibus, quod
vel

vel aliud agens adscribis, valde te amo: verum coram, quod reliquum est, nec epistolae committi potest, tribus tantum commutatis verbis, transigemus. A me Marchioni Spiriteo, cujus in ore pene habito, quemque tamquam alterum parentem colo atque observo, salutem plurimam impertitor, quam etiam tuo germano suavissimis moribus optimaque indole adolesce nti meo nomine officiose nuntiabis. Vale.

MICHAËLI TESTAE

Paulus Moccia S. D. 225

OMnem prorsus culpam in Campolongum de ἀρχαιολογία dubio procul praeclarissime meritum, philologumque incomparabilem transferto, ac me vade atque praede congerito, quod promissis haud steterim, verbique immemor visus fuerim. Ipsius enim fere divinae Polyphemeidos dulcedine juxta atque non vulgari eruditione capteus nihil aliud pensi duco. Vix primo mane e lectulo surgo, cum illam in manum sumptam numquam depono, nisi jam dies ad umbilicum pervenit. Vesperascente caelo post inambulationculam domum reversus, mutata subucula, en iterum Polyphemo modo ira exaestuant, dirisque caelum, numinaque omnia laceffenti, modo tamquam ad bonam frugem redierit, superis grates persolventi, quod saxum mellitissimae Galataeae corculum emolliverint, ejusque vota ad bonos exitus duxerint, libentissime aures animumque

ac.

accommodo. Credideris! nullus omnino mihi somnus vel nocte procedente obrepit: nulla omnino me saturitas capit: quin imo, quo ulterius progredior, nova incendor cupiditate, tamquam fames ambulando excitetur. Qua de re nullus dubito, quin cum eruditissimo aequae atque acerrimo litterarum Moecenate Marchione Berio praeclarissime actum sit, qui talem tantumque suarum laudum praeconem invenit. Haud illi dolendum, quod chartae siluerint, quod bene fecerit. Satis enim amplam laborum mercedem se jam tulisse, laetetur oportet. Nulla deinceps taciturnitas ejus in Remp. litterariam promeritis obstabit. Maeste igitur esto tanta felicitate, ac litteras, quibus ipse ad miraculum excolitur, foveat posthac eodem quo coepit studio promoveatque. E diverticulo in viam. En cur factum est, ut ad duos tresve dies meis litteris carueris, fidemque daram nolens repugnansque violarim. Illud tamen tibi praesto ac recipio, numquam me facturum, ut cessator redarguar, simulac Polyphemeida absolvero. Jam enim in eo sum, ut voti planissime compos evadam. Ut verum ingenue fatear, jam ad calcem libri pervenissem, si heluari mihi volupe esset. Attentissime cum legerim, relego diligentius: metuo cruditatem, quam heluones minime pertimescunt. Fluvida enim isti ac prona alvo egerunt, quod neutiquam concoxerunt. A me Campolongum Polyphemeidos cedro linendae auctorem mihi amicissimum salute pugilica impertieris officiosissime, nec non Malarbium πολυμαθίστατον ac πολύγλωττον, com-
mu-

munem amicum, salutem tandem etiam meo nomine dices plurimam Danieli, ac Andreae, Musarum alumniis lectissimis. Vale.

ADhuc mihi ante oculos obversatur spectrum^r tui festivissimi alumni, qui heri pervesper^ri mecum colludebat tamquam cum paribus versaretur. Proh mirae institutionis virtus! O non poenitendi magistri singularis sapientia! etiam in tenerella aetate se prodit vitae ad maturitatem perductae fructus. Haud hinc adsonant crepundia, perstrepuntque chiramaxia, aut in arundine longa equitatur, aedificantur casae, aut tandem plostell^o mures junguntur. Hinc nihil apparet, quod non perfectum virum ac subactae virtutis prae se ferat. Ludi, puerilia oblectamenta, nullo in pretio sunt, sordentque. Maeste isthac virtute igitur esto, Michaël, qui facis, ut pueri senes evadant, eaque polleant prudentia, quam ceteri, nonnisi exacta aetate, adsequuntur. Non dissimilia etiam demiratus sum in Clarissimi Comit^{is} Coppolae liberis, quos domi tuae primum cognovi. Proprio quodam naturae munere facti videbantur, ut humanitate, benevolentia, comitate, morum facilitate vel invitum repugnantemque in sui amorem pertraherent. Ad corporis bona animi dotes si accesserint, divinitatem proxime attingimus. Quare haud dubitarem illos Διογεν^εis appellare. Vere enim ab Jove sati videntur. Quare jure ac merito invidendus videtur eruditissimus aequae ac amicissimus Antonius,

A a

qui

qui tantos alumnos ad virtutem manu ducit. Quis scit an per illos heroum emortuum genus reviviscat? A me illis una cum τῷ πᾶσι magistro, ac Campolongo quantivis pretii viro salutem plurimam nuntiato officiose. Vale. Post. kal. Sept. CIOIOCCCLXIII.

E I D E M.

227

QUod hesternae die nescio quam de causa ira excandueris, tuique vix compos visus sis, id, ut verum ingenue fatear, haud aequo animo tuli. Natura enim odi, qui vel levi causa tragoedias excitat, atque iracundiae servit. Quem fugit, iram furorem brevem esse, hominemque tunc temporis de statu mentis deturbari? Hinc a belluis haudquaquam distat, cum ab illis tantum ratione atque oratione sejungamur. Quare si sapiens ille putandus est, qui sibi suisque perturbationibus animique aegritudinibus imperat; contra stultus est, qui illis obtemperat paretque. At inquires, posthac ne expostulare quidem licebit, iramque, si qua est, evomere? Dirumpar igitur oportebit, ac peream, si quid aegre mihi fuerit, animumque momorderit? De fama, capite, bonisque dimicabo, iramque mulscabo mecumque premam? Apage, quaeso, has ineptias, istasque de trivio sumptas rationes bardocucullis, ac morionibus oggerito. Ego sapio rem meam, meque ipsum in consilium adhibeo, si quid facto opus sit. Peream, si mutiam posthac. Verum illud cogites velim, te abs te abesse cum irasceris, tuique impos evadis. Paul-
lisper

lisper expecta, dum ira deferbuerit, & vocibus inconditis parces, & tibi tuaeque famae melius consules. Haud despero fore, ut, pro ea qua excellis humanitate animique modestia, haec aequi bonique facias; & ubi resipueris, mihi gratias persolvas immortales. A me Campolongo salutem, Andreacque Ligorio, Cajetanoque Antiquarum Balinearum instauratori optimo dices. Vale.

TAndem eruditissimum atque numeris omnibus absolutum Polyphemeidos opus ab τῶν Campolongo per artes pene non ante vulgatas architectatum atque ad exitum felicissime perductum, legendo non negligenter, totum percurri. Male sit domesticis malis, quibus factum est, ne firim, qua pehe conficiebar, confestim expleverim! Quasi jam ad calcem perveneram, cum inopinanter domum accitus fui, quo utrique Parenti jam ad senium inclinato, gravique morbo laboranti operam navarem. Quis tam justa imperata recusassem? Statim accurri, insalutaris amicis omnibus, suppetias illis, qua fieri poterat, laturus. Hinc lectionem, quam avide inceperam, intermisi, posthac revocaturus, si illi convalescerent. Ita peculiari Dei beneficio prorsus accidit. Praeter omnium medicorum expectationem in pristinum salutis statum cum foenore restituti sunt. Quare simul ac huc me recepi, intermissam Polyphemeida revocavi, tandemque absolvi. Haec ad te, cujus in ore Campolongo

habitat, quemque in sinu gestas, idcirco fufius quam par fuisset, scribenda duxi, quia per te non fucata sapientia praeditum, atque exquisiti palati virum ex industria volui meum de laudato opere patefieri iudicium. Hui! inquires, nimium tibi sumis, qui isthaec effutias! Tun' de tanto opere hiscere audebis? tunc vix de pedarjis iudicibus unus pro tribunali sedens sententiam feres? Tunc sanus es, qui somnians ista deblateras? Vin' me audire? Comprime, quaeso, vocem. Alias, *Anticyram naviga*, pueri, senes, puellae. que omnes inclamabunt, qua tu cunque incesseris. Ohe! jam satis est. Parce, precor, tandem scommatis ac saevidiſtis. Parum abfuit, quin protelarer. Haud me fugit, me tanti non esse, ut, quid Polyphemæis valeat, aestimem. Quis id adſequeretur? Verum illud fidenter ſcripſi, neque id recantabo, me tanta perſuſum eſſe volupate inter legendum, ut jovis epulis adſidere, neſtarisque pocula ducere viſus ſim. Id per te teſtatum Campolongo volui. En quo conſilio ſcripſi, & cur tibi id negotii faceſſerim. Quare alias aſſiſte moveri, iramque in naſum inſilientem fac coerceas retundasque. Illud vero, vel depoſito pignore, contenderim non defuturos, qui pro merito tantum opus laudibus in caelum efferent, necnon honorificis de eo iudiciis curabunt, ut totum litteratum Orbem pervadat. Atque ita quidem fiet, ut, qui homines fallere decreverat, nulli non innotefcat, ac vel invitus obluſtanſque volitet per ora virorum. Illum meo nomine ſaluta officioliſſime, utque haec animi mei monu-

menta

menta, qualia ea cunque sunt, aequi bonique consulat, obtestare. Vale.

P. S. A me Marchionem Berium, quem facio plus quam oculos meos hosce, sive per te ipsum, sive per ipsum Campolongum plurimum salvere jubebis. Iterum vale.

E I D E M. 229

Hebdomadarium pensum, quod per orbem peragimus, in causa est, cur tibi in antecessum ea persolvam officia, quae postero die Divo Michaëli sacro, tibi que lustrico, de more praestari oporteret. Neque te ita justı tenacem puto, qui id mihi vitio vertendum censeas, tamquam qui officio defuerim. Quin non despero fore, ut id mihi laudi esse patiaris, quippe qui probe calles leges nedum commendare, qui cito, quod debet, exsolvit; verum etiam illum bis persolvisse arbitrari. Quare nullus mihi dubitandi locus relinquitur, quin haec, qualia ea cunque officia sint, aequi bonique consulas, atque ita admittas tamquam praesens praesenti, ipse quoque unus ex ingenti saluatorum turba, praestiterim. Interim Deum Opt. M. oro, deprecatore Divo Michaële praesentique sequestro, ut te beneficiis omnibus ornatissimum quam diutissime incolumem tueatur. Ex Aedibus Regii Ephebei 111. kal. Octob. C1C1CCCLXII.

Marco Mundio τῷ μακαρίῳ, viro praeclarissime de litteris merito, omnino me acceptum referre profiteor, quod ad tuam amicitiam mihi aditus patuerit. Domi enim illius te primum propius cognovi. Millies vero te audieram e Rostris concionantem. Atque jam inde nullam prorsus abire sivi occasionem, quin te quoquo modo colerem atque observarem. Hinc cum mihi negotium esset datum ab immortalis memoriae viro Nicolao Spinello Averfanorum Antistite, quo laudatorem in funus amplissimi Castropineani Ducis, utriusque Siciliae Regis exercitus imperatoris conquererem, haud diu mihi deliberandum fuit, quem prae omnibus deligerem. Neque id mihi ἀδωρον fuit. Tua mihi praestantissima opuscula, cum soluta oratione, tum ἐμπύρηνω conscripta, dono perliberaliter dedisti. Aurea profecto sunt, atque purissimam Italici sermonis aetatem adamussim prae se ferunt. Quod vero jam aliam illorum editionem eamque & elegantiores, & auctiores adornes, mirum quantum laetatus sum, ubi id per eruditissimum Cajetanum Migliore, nuperrime audiui. Cura, quaeso, ut quamprimum publicae satis expectationi facias. Tuos enim fetus numeris omnibus absolutos nemo non suspicit ac deosculatur. Interim illud te obsecro, ut haec qualiacumque animi mei sensa aequi bonique consulas.

Mihi

Mihi credas velim, nihil est, quod mihi tui supra fidem studiosissimo gratius facere poteris. Casetanus Migliore te plurima salute peramanter impertit. Vale. Ex Aedibus Regii Ephebei v. Id. Jan. CIOIDCCCLXIV.

JOSEPHO CARVILLO

Paulus Moccia S.D.

231

Non temere factum fuisse opinor, ut proximis meis litteris ad te datis, in tui amantissimi germani nomine, cui salutem nuntiaveram, rotunde erraverim. Quae enim illi optabam potius animo reputans, atque in eo totus cum essem, in eam sententiam nomen licet insciens imprudensque architectatus sum. Hinc Felici salutem adscripsi, cum ei nomen esset Michaëli. Ex quo quidem illum domi tuae cognovi, moribus aureis, comitate, atque animi modestia ejus ita captus fui, ut nihil omnino sit, quod non ipsi prospere feliciterque evenire vel conceptis votis exoptem. In omni summa, quem Felicem per errorem nominavi, eum felicitate omni cumulatissimum fore, ni animus vana praesagit, nedum spero, verum etiam confido. Is enim est, iisque dotibus praeditus est, ut, cum eo quin feliciter praeclareque agatur, minime sit dubitandum. Qua de re, amice amantissime, tantum abest, credo, ut mihi queraris, quod in nomine tui fratris turpiter erraverim, ut potius de errore mihi gratuleris oporteat. Tum enim hoc pacto, quid de illo sentirem, & quo illum

A 2 4

amore

amore prosequeretur, vel me invito aperte intellexisti; tum bono omine, quod quam avide accipiendum sit, te, qui in philologicis versatissimus es, atque Augurale jus apprime calles, haud fugit, signum ad bene sperandum fustuli. Haec, pro ea qua es humanitate, fac aequi bonique consulas, meque, ut facis, amare pergas. A me Michaëli germano tuo, scitissimorum puerorum Petri, & Josephi tibi *πατρι* parenti, postquam felicia faustaue omnia precatus fueris, salutem plurimam impertire officiose. Vale. Ex Aedibus Regii Ephebei a. d. XII. kal. Jul. CXCIXCLXIV.

ANDREÆ FARINÆ

Paulus Moccia S. D.

232

Qvod nomine tuorum alumnorum ac praesertim amantissimi Fabricii me isthuc invitaveris, non potui, quin in eo mihi maxime piacere. Nam & isthuc arcessebar, ubi caeli salubritate atque omnium rerum copia, res mihi bene fuisset; &, quod caput est, hoc potissimum tempore, quo hic nos mors atris circumvolat alis. Morbi quidem adhuc magis magisque ingravescunt, & qui tantum plebeculam corripiebant, nunc nobilissimos quosque impetunt, licet non vulgo. Hercules Aragonius adhuc integra aetate juvenis ac honorarius cubicularius Regius gravissime aegrotat. Princeps Polycastri hesternae die jam in eo erat, ut animam efflaret. Pessime habet Marchionis S. Marci Praetoriae cohorti Praefecti uxor. E militaribus viris illis

que muneribus insignitis non pauci letali morbo implicantur. Praeteritis diebus diem obiit supremum Franciscus Labanchius Tirimium Dux XL annos natus, quo familiarissime usus fueram. Mira illum morum suavitas, ingenii vis non mediocris, atque incredibilis animi modestia non parum commendabant. Quae cum ita sint, cum gratus mihi tuus accidit invitatus, tum etiam opportunus. Ergo statim conducto cisio quam celerrime huc advolabis? Haudquaquam. Et enim nedum loci legibus, verum etiam domestico retineor amore. Cuinam non offensioni esset mea hinc profectio, hoc praesertim tempore? Eo vel magis, quod hinc omnes non modo bene, verum etiam pugiliter valemus. Nihil enim nobis defuit vel in summa panis caritate; atque id incredibili Regis nostri, quem Deus sospitet, munificentia. His accedit meorum parentum amor. Haud te fugit, quanti eos pro eo ac debeo faciam. Vel ii nunc pancratica valetudine utuntur; licet decrepita sint aetate. Qua de re te etiam atque etiam rogo, ut a me tuis alumnis, quos plusquam oculos meos amo, gratias exquisitissimis verbis agas maximas, nec non liberalissimo eorum parenti, atque committas, ut mea haec excusatio aequi bonique consulatur. Jam ad te perlatum credo rude Orationis panegyricae exemplum. In mundum vero receptam, antequam iniens hebdomada exierit, accipies. Vide, quaeso, quibus amicis hinc utaris! Tibi quam citissime dicto audientes sunt, tuaque mandata quam celerrime exhauriunt. Hodie quarta hora hispano more pulsata Rex una cum tota Regia

Aula

Aula e Casertano Praetorio recta ad Regium suburbanum Herculansense perget. Vbi enim Casoriam pervenient, sinistrorsum divertent, viamque terent, quae paludes, Barnamque secabit. Hicce enim temporibus cautio nulla satis habetur. Ex Rex custoditur, & is vix pubes, &, quod magis est, hujusce Regni delictum ac ornamentum. Fingi non poterat amabilior, moribus suavioribus, ac caritate in sibi subiectos populos impensiore. Hic seges uberrima est, frumentumque vetus in dies vilescit. Quod vero mare, aut longinquitas itineris corruerat (corrupt ad septem milia medimnorum) Rege iubente in mare projectum est. Hoc etiam restabat afflictis accisisque civitatis rebus. Cajetanus Migliore te officiose salutat. Vale. Ex Aedibus Regii Ephebei a. d. xvii. kal. Quint. cldccclxiv.

JOANNI CARAE

Nojae Duci

Paulus Moccia S. D.

234

QVod mea qualia ea cumque sint nedum libentissime legere volueris, verum etiam diligentissime custodienda curaveris, ubi id accepi per eruditissimum Dominicum Amatam tuique amanrissimum auditorem, non mediocriter gavius sum. Quanta enim ceteros benevolentia complectereris, haud ignorabam; sed nondum id in me nihil tale ceteroqui merente expertus fueram. Quare, quia omnium quotquot sunt & fuerunt huma-

humanissimus habendus jure ac merito fores, nullus dubitavi. Qui in ignotum plena manu beneficia confers, qui te natura ad hominum genus tibi amore devinciendum proprie factum geras semper, quivis facile intelliget. Nemo prorsus te adit, quin tibi addictissimus discedat. Quam enim comitate ad te ventitantes excipis, quam incredibili humanitate! Quantum quantum est tuo in locupletissimo Musaeo antiquorum cimeliorum, id omne singulatim ostendis, ac stans pede in uno ac veluti aliud agens ea eruditionis omnigenae monumenta prodis, quae virum ad unguem perfectum inque antiquitate omni versatissimum prae se ferunt. Nullum vero mea oratio inveniret prorsus finem, si quantum difficultatis laborisque exhauseris, quo almae hujusce urbis ichnographiam exarares, hinc vel cursim admetiri mihi in animo esset. Vnum tamen non sine piaculo praeterierim, te nimirum omnium in matheſewn studiis eruditorum hominum qua nostratium, qua exterorum unanimi consensione (nemo enim huc advenit, quin te unum praecunctis rarissima numismatum Cimeliorumque omnigenum gaza ditissimum adeat) inter peritissimos quosque accuratissimosque geographos recenseris. Quod quanti sit faciendum in homine profapiae claritate majorumque fumosis imaginibus spectatissimo, is profecto dicet, qui virtutem colere vel a teneris, uti ajunt, unguiculis in deliciis habuerit. Atque hic tu haud dubie *αὐτότατος* eris, aut pene nullus omnino alius. Quanta enim cum animi alacritate, & quam ingenti cum laude studia omnia, qua humaniora,

qua

qua severiora colueris perceperisque, nemo omnium est, qui nesciat. Qua de re, pro ea qua solitus es humanitate, & haec ingenii mei tenuia monumenta te quam libenter accepturum confido. Quid enim? Qui ceteris *autoquatus* incitamento esse soles, quo ad virtutem comparandam alacriter accedant, tu ne hasce meas extemporales epistolas tuo patrocinio factas testas praestare detrectabis? Non vereor, ne non currenti calcaria admoveam. Ita igitur fac te geras; & tibi sancte recipio praestoque fore, ut in benevolum gratumque hominem tuique perstudiosum beneficia non temere contulisse laeteris. Vale. Ex Aedibus Regii Ephebei postrid. Id. Jun. CIOCCCLXIV.

DOMINICO AMATO

Paulus Moccia S. D.

234

QVanto ego opere dolui, ubi audiui Paulum tuum filium natu minorem pene letaliter aegrotare, difficile dixerim. Vnice enim illum amo, quippe qui licet puerulus senile nescio quid vel ipso severiore vultu prae se fert: Neque falsus vates fui, ubi primum domi tuae illum vidi. Praecox enim jam se se prodebat ingenium, ac magna polliceri videbatur. Persaepe quid in ludo litterario profecisset ipsemet identidem expertus, jam progressiones pro tenellulae aetatis modo expectationi respondebant. Quare cum illum prae ceteris liberis tuis dilexerim utpote mihi quoque cognominem, qui doluerim ob ejus
nec

nec opinam invaletudinem , tibi haud difficile erit intellectu. Quod vero illum non invisam , ne mirere precor . Ita enim hîc vivo , ut nedum mihi , verum etiam ceteris , quibuscum sum , mihi sit consulendum . Haud vero te fugit , non temere sparsum esse morbos , qui in praesenti grassantur , esse contagiosos . Hinc vel ipsi viri medici sibi cavent sedulo , eaque omnia adhibent diligentiam quantam maximam , quae serpenti malo quoquo modo obsistant . Quid , amabo , me fiet (quod ðmen Deus avertat) si quid hujusmodi contigerit ? Regio hoc in Ephebeo dego , videlicet una cum multis iisque aetate integra inque morbos pronissima . Planta enim , quo tenerior , eo facilius vitiatur . Quam ob rem in id nobis diligentissime nunc cum maxime incumbendum est , ut nedum morbo , verum etiam morbi suspicionem careamus . Aeque igitur animo fac patiare , si tuis aedibus , aliquantisper dum morbus remiserit , vel invitus repugnantque abstinero . Nunc illud te rogo , ut animum , quem forte despondisti , pro virili erigas , tuoque exemplo desolatam moerore uxorem tuam confirmes . Qui enim praecipitanter irruunt nunc morbi , ac pene imprudentes insciosque opprimunt , plerumque etiam praecipitantius evanescunt . Nonne quamplurimos graviter aegrotasse audivimus , perpaucos vero eosque affecta valetudine decessisse ? Bono igitur erectoque animo esto . Brevi Paulus amantissimus σου Θεῷ non sine foenore convalescet . A me illi , si per morbum licuerit , salutem officiole dicito , quam etiam ejus dulcissimae parenti

382 PAVLI MOCCIAE
renti imperties. Vale. Ex Aedibus Regii Ephebei postrid. non. Jun. MDCCCCLXIV.

DOMINICO CAVALLARIO

Paulus Moccia S. D.

235

TAndem non mediocri animi mei voluptate primum Canoniarum Institutionum totum perlegi. Nihil in eo non summo labore collectum, artificiose dispositum, miraue arte ad propositum argumentum se se demittere iussum cum deprehenderim, jam florentissimam sacrarum legum aetatem reviviscentem mihi videre visus sum. Vetera quippe jura, media, nuperrimaue ita tractas, nimirum ita dilucide, ordinate, atque ornate, ut nulla omnino lectorem capiat satietas. Quin imo illum medias in res abreptum, nesciumque quo se vertat & argumenti utilitate, & artificioso elegantique scribendi genere captum, jam piget five prima repetere altius, five postrema legendo famem explere. Ita ubique pellicis mulcelque, ut, quod perraro contingit, timor, ne statim lectio desinat, non parum sollicitet. Quod quis fiat, is procul dubio intelliget, qui quanti sit divina prope laboriosaue rerum scribendarum junctura & compages, semperque sibi constans ordo, expertus novit. Praeterea sic Sacerdotio faves, ut Imperio nihil invidisse videaris. Vtramque enim potestatem ita mutuam sibi opem vicemque tradere ostendis, ut eodem collimare unice connitantur. Hinc Ecclesiae splendor incontaminatus ubique, jusque Pontificium in-

indemne intactumque; illinc vero Regia potestas ac majestas enitet nullibi infuscanda. Quare tibi gratulor tanti operis felicitatem; gratulorque Reip. litterariae, quod ei post tot tantasque editas Canonicas Institutiones etiam methodo ac multiplici rerum omnium eruditione praestantes, omnium cordatorum hominum consensione, ac praesertim Januarii Parrini, viri eruditissimi iudicio non frustra operam tuam navasse existimeris. In veteri sane argumento centiesque repetito, methodo nova atque inaudita eaque pura puta dictione exornata usus es. Maeste esto igitur tanta gloria tuis meritis quaesita; atque majora & illustriora aggressus fac Remp. adeoque teipsum magis magisque in posterum illustres. Vale. Ex Aedibus Regii Ephebei a. d. XIV. kal. Jul. CIOCCCLXIV.

NICOLAO FRONCILLO

Regio in Neap. Gymnasio Chirurgiae
Professori

Paulus Moccia S. D. 236

NON temere plerumque fit, ut beneficia beneficiis cumulentur, sibi que continenti perpetuaeque serie succedant. Licet enim homines hominum bono nati sint; tamen molitor effectorque huiusce universitatis Deus prae ceteris quosdam ita quibusdam utiles, commodos, salutaresque esse voluit, ut ad illos juvandos beneficiisque ornandos unice facti esse videantur. Atqui

qui id nullo impellente, sed sponte, ac naturali quadam propensione. Jam quantum Julio Froncillo germano tuo τῷ μακκρίῳ debeam, haud opus est prolato. Ipsum a puero audiui, ipsoque duce atque auspice Palladis sacris initiari coepi. Praeterea, quae in me contulit beneficia suavissimis moribus Jacobus alter tuus germanus natu minor? Me adversus praepotentem vitiligatorum ita tutatus est, ut, nullis omnino expensis, caussam vicerim, triumphataque perfidia, me hominum existimationi vindicarim. Postremo tibi viro de litteris scientiisque omnibus praeclarissime merito, quam nunc vivo vitam, secundum Deum, acceptam refero. Qui enim leviculo acus vulnere in summo medio manus digito eo deveneram, ut de me actum videretur, per te opportuna sectione sanitati restitutus fui. En, qui gradatim amplioribus semper beneficiis per vos identidem auctus, majoribus in dies arctioribusque vinculis vobis obstringor. Quare id mihi curandum sedulo fuit, ut aliqua ex parte, si non omnino, quae possum, pro virili praestarem. Qui enim, amabo te, mutuam vicem reddam, tantaque erga me promerita rependam? Hanc igitur epistolam tamquam non vulgare meae benevolentiae observantiaeque monumentum bono fac animo accipias. Quod si deinceps majora posse aggredi mihi dabitur, quo etiam par pari referam, equis, uti ajunt, virisque contendam. A me Jacobo, viro morum probitate, dexteritate in rebus agendis, ceterisque animi dotibus insigni, meique perstudioso, tuisque suavissimis liberis salutem dicito plurimam officiose. Vale.

Ex

Ex Aedibus Regii Ephebei a. d. vi. kal. Maj.
CICIDCCLXIV.

MARCELLO CELENTANO

Paulus Moccia S. D. 237

Mitto tibi elogium superioribus a me diebus in πολυμαθέσων Marchionem Bernardum Tanusium ex tempore contextum. Commodum hoc marutino illud tibi promiseram in aedibus Claromontanis, quo perrexeras, ut eruditissimo Comiti Petro Sancto-severinio, cujus lustricus opratissimus dies recurrebat, fausta omnia precarere. Ut verum ingenue fatear, tua mihi petitio pergrata accidit. Quidni? Te enim virum jurisconsultissimum; ac de litteris scientiisque omnibus insigniter meritum, hoc qualecumque meum epigramma aliquo in pretio habere, cur non laetitiis omnibus jure ac merito gestirem? Atque eo vel magis laetatus sum, ubi te illius exemplum ad Riariensium Ducem, virum in omni recto studio atque humanitate verfatissimum, quamprimum missurum accepi. Quare tibi, pro eo ac debeo, gratias ago maximas; atque ut me tuo praesentissimo patrocinio in posterum tuearis, te etiam atque etiam vehementer rogo. Philippus de Januario Regius ephebus eques atque humanitate politus adolescens te plurimum salvere jubet. Vale. Ex Aedibus Regii Ephebei prid. kal. Jul. CICIDCCLXIV.

FRANCISCO ARETIO

Paulus Moccia S. D.

238

TVus nec opinus inexpectatusque huc adventus me maxima perfudit voluptate. Jam enim tuo ex ore certius accepi, quae de germano tuo primo natu Iosepho Targiae Dynaste audieram, nimirum eum recte valere, atque sanctissima puella auctum fuisse. Mirum quantum illi debeo. Me, quem ne de facie quidem novit, nedum diligit, verum etiam amat. Nullam fere amittit occasionem, quin mihi re ejus eximium amorem testetur. Volupe praeterea mihi fuit, quod alter germanus tuus Bartholomaeus, qui hoc in Regio Ephebeo ad XIV. annos laudabiliter degit, tandemque Ecclesiae nomen dedit, firma utatur valetudine, studiaque hic incepta acrius contentiusque prosequatur. Credas mihi velim, qua mortum probitate, qua non vulgari doctrina, eo brevi convolabit, unde & sibi suisque splendori, ac Siciliae universae ornameto erit singulari. Interim amice amantissime, atque scientiarum omnium cultor eximie, id cura diligenter, si me amas, ut, fraternis hic mandatis quam celerrime exhaustis, domum tuam & adversarii victor, & incolumis revertaris. A me tuis germanis, ac praesertim Targiae Baroni mei supra fidem studiosissimo salutem plurimam officiose imperties. Vale. Ex Aedibus Regii Ephebei prid. kal. Jul. MDCCCLXIV.

E M.

EMMANUELI CAMPOLONGO

Paulus Moccia S. D. 239

Quod serius quam oportuit tuis eruditissimis litteris rescripserim, typographicae occupationes in caussa fuerunt. Vix credas, quam celerrime mearum epistolarum editio procedit. Hinc multa mutanda, plura recudenda, ac quamplurima rescandanda occurrunt. Laetatus sum igitur, quod isthic bene valeatis, quodque nullo serpentium morborum metu percellamini. Isthic enim salubri in caelo, atque apricis in locis tanto populorum numero frequentatis, quantus satis est, ne deserta, ἐρημα, atque hominibus negata videantur, res bene cedat incolis necesse est. Curate igitur, ut pancratice valeatis, Deumque O. M. enixe obsecrate, ne malis, quae nostris caputibus impendent, opprimamur. Faxit Deus, ut morbis finis imponatur! Ni falsa narrant, jam mitescere incoeperunt. Qui me amice salutarunt, fac meo nomine officiose resalutes. Cajetanum Bronzolum tuum in rusticatione socium, mihi-que amicissimum, a me plurima salute impertire peramanter. Vale. Ex Aedibus Regii Ephebei a. d. vii. kal. Jul. cxcxcclxiv.

HORATIO BLANCARDO

Regio in Neap. Gymnasio Logices
& Meraphysices Professori

Paulus Moccia S. D.

240

Quod nullam omnino elabi finis occasionem, quin mihi pro virili prospicias, meaeque utilitati ita inservias, tamquam tua ipsius res ageretur, id per mihi gratum accidit. Nemo enim mihi ex amicis occurrit, quin aut salutem mihi tuis verbis dicat, aut tuos de me sermones ordine denarret. Quare quod pene *ὑπερβολικῶς* dici videbatur, nunc expertus novi, ita se prorsus habere, nimirum habitare in ore amici, qui crebris ipsius sermonibus usurpatur. Neque id mirabile videbitur, si quis attenderit, te ita proprio quodam naturae munere factum fuisse, ut ceterorum bono natus jure ac merito praediceris. Cum enim & publico docendi munere, quod jampridem tanta cum laude sustines, ac laboriosissima medicinae professione, tuisque privatis numquam intermittendis studiis distinearis; nemo tamen, qualiscumque sit, te adit, quin benigne excipiat, vortique compos dimittatur. Nemo praeterea tua se commendatione egere significat (apud omnes fere hujusce civitatis proceres gratia polles plurimum) quin ipsemet tibi negotium libenter excipias, atque nulla non exhausta difficultate feliciter ad operatum exitum perducas. Hoc non semel meus dulcissimus parens

rens expertus est. Quis igitur jure miretur, quod, qua fieri potuit ratione, id studuerim, ut tibi hac extemporali epistola gratias agerem, cave-remque in posterum sedulo, ne tot tantorumque promeritorum memoria interiret? Quare te etiam atque etiam rogo obtestorque, ut pariare, tibi hoc pacto vel qualicumque grati animi significa- tione satisfacere. Namque haud dubitari potest, quin in magnis rebus bona voluntas, quan- tulumcumque sit, laudanda videatur. Vale. Ex Aedi- bus Regii Ephebei a. d. iv. kal. Jul. cıııccclxiv.

FRANCISCO ROGERIO

M. C. V. Judici

Paulus Moccia S. D.

241

CUm te hesternae die ad viam novam, quae proximo mari alluitur, obvium habui, *θαυμασόν όσόν* laetatus sum. Quod jam e gravi morbo, quo periculosissime conflictatus fueras, convalescisses, pro certo exploraroque cognovi. Vix enim dici potest, quanta mihi sollicitudini fuerit tua nec opina adversa valetudo. Quid enim? Ex quo quidem te primum Nivani apud *τόν παύλιν* Ferdinandum Leonium Campaniae Praefectum cognovi, tua morum suavitas, comitas, tuaque admirabilis eruditio eaque exprompta, qua illic variis, pro re nata, uti fit, injectis sermonibus nos beasti, ira me tibi devinxerunt, ut nihil tuae amicitiae antefereudum censuerim. Neque medius fidius deceptus sum, meaque me fefellit

Bb 3

opi.

HORATIO BLANCARDO

Regio in Neap. Gymnasio Logices
& Metaphysices Professori

Paulus Moccia S. D.

240

Quod nullam omnino elabi finis occasionem, quin mihi pro virili prospicias, meaeque utilitati ita inservias, tamquam tua ipsius res ageretur, id per mihi gratum accidit. Nemo enim mihi ex amicis occurrit, quin aut salutem mihi tuis verbis dicat, aut tuos de me sermones ordine denarret. Quare quod pene ὑπερβολικῶς dici videbatur, nunc expertus novi, ita se prorsus habere, nimirum habitare in ore amici, qui crebris ipsius sermonibus usurpatur. Neque id mirabile videbitur, si quis attenderit, te ita proprio quodam naturae munere factum fuisse, ut ceterorum bono natus jure ac merito praediceris. Cum enim & publico docendi munere, quod jampridem tanta cum laude sustines, ac laboriosissima medicinae professione, tuisque privatis numquam intermittendis studiis distingaris; nemo tamen, qualiscumque sit, te adit, quin benigne excipiat, votique compos dimittatur. Nemo praeterea tua se commendatione egere significat (apud omnes fere hujusce civitatis proceres gratia polles plurimum) quin ipsemet tibi negotium libenter excipias, atque nulla non exhausta difficultate feliciter ad optatum exitum perducas. Hoc non semel meus dulcissimus parens

rens expertus est. Quis igitur jure miretur, quod, qua fieri potuit ratione, id studuerim, ut tibi hac extemporali epistola gratias agerem, cave-remque in posterum sedulo, ne tot tantorumque promeritorum memoria interiret? Quare te etiam atque etiam rogo obtestorque, ut patiare, tibi hoc pacto vel qualicumque grati animi significa- tione satisfieri. Namque haud dubitari potest, quin in magnis rebus bona voluntas, quantula- cumque sit, laudanda videatur. Vale. Ex Aedi- bus Regii Ephebei a. d. iv. kal. Jul. CIOCCCLXIV.

FRANCISCO ROGERIO

M. C. V. Judici

Paulus Mactia S. D. 241

CUm te hesternae die ad viam novam, quae proximo mari alluitur, obvium habui, *δα-μασόν όσον* laetatus sum. Quod jam e gravi morbo, quo periculosissime conflictatus fueras, con- valuisses, pro certo exploratoque cognovi. Vix enim dici potest, quanta mihi sollicitudini fue- rit tua nec opina adversa valetudo. Quid enim? Ex quo quidem te primum Nivani apud *τον τε-ω* Ferdinandum Leonium Campaniae Praefectum cognovi, tua morum suavitas, comitas, tuaque admirabilis eruditio eaque exprompta, qua illic variis, pro re nata, uti fit, injectis sermonibus nos beasti, ita me tibi devinxerunt, ut nihil tuae amicitiae anteferendum censuerim. Neque medius fidius deceptus sum, meaque me fefellit

Bb 3

opi.

opinio. Numquam enim sive per urbem, sive Regiis in Aedibus tibi obviam veni, quin me non vulgaris benevolentiae signis, sive salutaveris, sive exceperis. Nullus praeterea te meorum amicorum adiit, quin mihi peramanter salutem nuntiandam curaveris. Cur igitur te *αὐτοπαύτως* ad me amandum propensum non redamem, ac me, qua potes, beneficiis officiisque cumulantem, si non mutuam vicem reddendo, saltem habenda gratia, pro virili satisfaciam? Utinam tanti ego sim, ut, par pari referens, tua singularia in me promerita compensem! Quoniam vero mihi tantum infra te posito id negatur; illud te etiam atque etiam oratum volo, ut hoc grati animi *σημείον* tenue quidem, certe ac perexiguum, at sincerum candidumque, aequi bonique facias. Quod vero serius quam oportuerat, tibi de recepta salute gratuler, ignoscas mihi, te oro obtestorque. Id enim ne tempore fieret, qua loci non medio cre *διδσ-ημῶν*, qua ferme continens perpetuumque meae nunc vitae officium, in causa fuerunt. Interim cura, ut valeas, teque publico bono natum quam diutissime incolumem serves. Qui enim eam vitae rationem inierunt, ut Reip. momentosis gravibusque negotiis quam diligenter sapientique consilio gerendis, ceteros juvare studeant, atque beneficiis sibi obstringere quamplurimos, ii quidem ut saluti parcant, sibi que consulant accuratissime, nedum oportet, verum etiam necesse est. In ipsos quidem Respublica, qua per eos capeffitur parte, tota recumbit. Iterum Vale, meque tibi addictissimum, ut facis, ama.

Ex Aedibus Regii Ephebei a. d. xv. kal. Quint.

CIΩΠCCCLXIV.

Imperiales institutiones, quas mihi dono dedisti, legi libentissime. Maximo enim me opere delectarunt, quod metro adstrictae ita feliciter juxta ac perspicue decurrerent, ut memoriae juvandae non parum profuturæ viderentur. Hoc quidem prosa, & versus interest, quod prima rem oculis proponit, alter vero numero verborum flexu jucundoque sono animum titillat. Quare labor, qui solutam orationem necessario comitatur, hinc aut omnino exulat, aut ita minuitur, ut prorsus evanescat. Atque hoc carminibus pene qualibuscumque adsequimur (viden mirabilem poetæ vim) quid si ea aurea sint, se seque eleganti scribendi genere commendent? Tum enim verò immane quantum prosae antistabit μέτρον. Quamobrem tantum tibi litteraria debet resp., quantum pretij utilissimis ceteroqui Justinianæ institutis tuo ingeniosissimo labore accessit. Gratulor igitur tibi, quod eo tua direxeris consilia, unde certo certius & ad te gloriam, & ad remp. emolumentum sane quam ingens redundaturum existimares. Maeste esto tanto bono, ac pergit ita in publicum consulere. Crede mihi, numquam non sibimetipsi proderit, qui ad ceteros juvandos unice spectat. Vale. Ex Aedibus Regii Ephebei v. non. Jul. εΙΣΙΩΟCCLXIV.

Maximas tibi ago gratias, habeboque, quoad anima exsuperavero mea, immortales, quod mihi Nicolai Capassi Patruī tui τὴ μακροπύξ, cui interiores politionesque litterae earum ab interitu vindicationem unice debent, aurea eruditaque opera cum soluta oratione, tum *inut-tpus* scripta, perbenigne dono miseris. Jam illud effecisti, ut flagrantissimae meae cupiditati satis omnino fecerim. Conjuncte enim atque ordine legi incredibili animi voluptate, quae membra-
tim percurreram, ac plerumque in celerem horam commodata. Nunc, quae tua humanitas est, jam mea plusquam aere libraque sunt. Vtinam felicissime incoeptam vernaculo lepidissimo sermone Iliados versionem ad exitum perductam numeris omnibus absolvisset! Jam nihil prorsus esset, quod Graecis invidendum videretur. Heroes enim antiquitate venerandos nostrophe in solo natos nostram linguam non invitos repugnantesque loqui suspiceremus. Praeterea, vix dici potest, quā laetatus sim, ubi legi ejusdem vitam a te elegantissime conscriptam. Parum absuit, ut mihi plauderem, quod me olim Aversano in Clericorum Collegio, cum humaniores litteras docerem, audieris. E duobus exemplis mihi dono datis, jam unum statim Comiti Carolo Rezonico adolescenti humanitate perpolito, qui hoc in Regio Ephebeo ad biennium laudabiliter degit,

git, mittendum curavi. Tibi grates persolvit ingentes, atque ipsemet hoc officium praestitisset, ni tibi gratius id futurum consideret, quod per me tecum impleretur. Quare te etiam atque etiam vehementer rogo, ut id aequi bonique consulas, atque committas, ut eruditissimum juxta atque gratissimum adolescentem sua opinio fessellisse minime videatur. Tibi officiosissime salutem plurimam nuntiat. Joannem Baptistam, germanum tuum, juvenem & morum suavitatem, & multiplici scientiarum cognitione praeclarum, meis verbis salvere peramanter jubebis. Vale. Ex Aedibus Regii. Ephebei v. non. Quinctil. CIOIOGCLXIV.

BENEDICTO CLEMENTI

DE AROSTEGVI

Paulus Moccia S. D. 744

Nihil prorsus tuae invideo felicitati, intempestivaeque rusticationi; cum mihi divino quodam beneficio contigerit hic esse beato, non semel lectis atque relectis τῷ πένυ Canonici Hieronymi Serai, πολυτρολλήτου viri medici Francisci Serai germani; litteris, mihi Hyblaeo melle sapidioribus; imo vel ipso tuo Hispanico Vino, quod majores a loco *de Siccis* appellandum censuerunt. En uti totum diem dispono: ubi primo mane e lectulo surgō, Deo Opt. M. gratiis persolutis, quod vitam me vivere siverit, quodque sine labe exspectatus sum, statim arripio mei seduli pro-
bique

bique monitoris epistolam, eamque non depono, nisi a capite ad calcem legerim, quaeque in ea inculcantur, diligenter attenteque perpenderim. Proh quot quantaque in illa deprehendo in dies, quae primitus cortice tenus, ac leviter veluti summis labiis delibaveram. Plus enim latet in recessu, quam in fronte apparebat. His rite peractis ad abacum affideo aliquid per otium lecturus, sive chartis illiturus; sive graeca praecepta meos auditores Volones edoceo. Vbi sesquihorae spatium ita traductum est, in pomarium descendo ita cycladatus, uti domi solitus sum non sine pileo ex palea rasili panno serico Florentino affabre contexto, quo fervidos solis radios arceam propulsemque. Illic non sine strepitu, laboriosaque corporis exercitatione ligneis pilis ludo, & si fortuna arridet, aliquid pecuniolae corrado, quod non raro contingit. Ingratiis enim obesi praepinguisque corporis, tanta cursus celeritate utor, ut cum gracillimis quibusque de pedum pernecitate contendam. Amicæ in paucis care, quantum virium effeto meo corpori, suoque pondere in dies ingravescenti accesserit, haud facile verbis expresero. Sursum rursus cursitatio, continens demissio, studium flagrans vincendi, ingentes clamores contentionesque mirum quantum crassum spissumque humorem, qui cutem obsidet, extrudunt, vegetioremque sanguinem micantioremque faciunt, tandemque tamquam Gallica salgama famem obsonant irritantque. Hinc me in meum cubiculum recipio, mutataque subucula, detersoque sudore, quo madeo, faciem nedum lavo, verum etiam

etiam manibus ambabus junctis, volisque in cymbulae speciem conformatis exceptam aquam in vultum jactans proluor, identidemque fugientem animam reciproco anhelitu tamquam pedo revoco recipioque. Interea temporis jam solis ad umbilicum accedente, nola titinnit, atque ad mensam invitat. Hic tuum judicium esto, quam libenter ad hujusmodi locum ventito, inanis lattrantisque stomachi stimulis adactus. A prandio gratiis Deo de more actis, statim meridiatum concedo. Post non diutinam meridiationem, canonico horario penso absoluto, meisque sive ex voto, sive sponte susceptis precibus peraetis, iterum ad mensulam accedo, cumque musis otior, tempusque fallo. Verum non raro libros tantisper sepono, inque manus sumo oculis ipsis mihi cariorem epistolam, attenteque perlustro. Hui! quot hinc mihi suboriuntur bona, & quot quantisque cumulor beneficiis! Deinde ut animum aliquantulum remittam, accedo ad meam fenestram, quae ad occidentem vergit, meumque pensilem hortulum contemplor, vitemque jam pampinis ornatam inspecio, racemosque jam jam se se explicare, membraque distincte ostentare incipientes considero. Atque ut verum fatear ingenue, plus in ea cultura temporis insumerem; ni adversis fenestris impedirer, inconditisque importuni aurigae clamoribus, qui modo strigosos equos destringens, modo ligneis pilis lusitans, meas aures obtundit. Verum id non iniquo animo fero, cum me, measque omnes cogitationes ad numquam desituras poenas converto, easque me non semel promeruisse animadverto. Quidquid

quid enim temporale est, pro nihilo habendum, si cum aeviternis rebus comparetur. Vide quaeso, quantum brevè temporis intercapedine profecerim! postremo ad Vestiarium accedo, cyclade deposita, non vulgari veste indutus juxta ecclesiasticos canones comparata, meae Paroeciae templum ingredior hujusce universitatis molitorem architectumque Deum cerealibus speciebus absconditum cernuo vultu adoraturus, veniamque errorum expetiturus. Vbi haec perfeci christi-fidelis officio functus, *τὸδα κατὰ τὸδα* ad Ventralium officinam selectissimorum virorum probitate morum, rerumque historicarum cognitione spectatissimorum conventu celeberrimam adeo non mediocri animi mei voluptate. En habes, quæ hic vitam transigo, quidque rerum agam. Illud pene oblitus fueram ad te scribere, quod saepe in dies suavissima chelys symphonia recreor reficiorque, quam artificiose pulsat Rezonicus noster Musis, Apollinique cum primis carus acceptusque. Quin imo dum haec scribo, ad meam mensulam adstans, musica papyro nigellulis notis signata sibi proposita, ad numerum modulatur. Heus quis pulsat ostium? satis pro imperio quisquis es? Apertis foribus, en mihi occurrit servus a pedibus a meo Antistite missus. hinc statim manum e tabula sustuli, quaeque apud animum statueram ad te perscribere invitus repugnansque incidi. A me igitur Patruo tuo viro supra fidem doctissimo, Musarumque delicio atque ornamento salutem plurimam impertito. Vale, meque, ut facis, ama.

P. S.

P. S. Cum jam epistolam complicarem, en Rezonicus noster me etiam atque etiam rogavit, ut tuo eruditissimo Patruo, tibi que salutem adscriberem, quod vos aequi bonique consulturos non desperat. Etiam atque etiam vale.

JOSEPHO PIGNATELLO

Paulus Moccia S. D.

245

Bene sit nec opinis tui eruditissimi praeceptoris occupationibus, quandoquidem tantum mihi boni praeter expectationem pepererunt. In causa scilicet fuerunt, cur tuas litteras acciperem, quibus mirifice delectatus sum. Legi eas libenter. At non potui, quin laetitiis omnibus gestirem, ubi tuum praematurum officium animadverti. Jam enim meo lustrico die appetente, mihi fausta omnia etiam tuorum germanorum nomine precabare. Tibi igitur gratias ago, quod te mecum ita perhumaniter gesseris, quodque in antecessum solveris, quod neutiquam debebas. Legi praeterea tuam elegantissimam praefationem, ac maximopere probavi. Vix credas, vehementer laetatus sum, quod primulos tuae industriae fructus matri tuae optima praeclearissimaeque dicandos censueris. Nihil, mihi crede, facere potuisti illi gratius, tuaeque famae conducibilius. Cum enim parentibus tantum debeamus, quantum vix persolvi potest; omnem occasionem captemus oportet, quo ipsis quoquo modo satisfacere connitamur. Gratulor igitur tibi, quod tale inieris consilium, quo gratus erga tuam in-

com.

comparabilem parentem videreris. Gratulor tuae parenti, quod huiusmodi filium nacta sit, qui ceteris jure ac merito exemplo sit, qui se erga parentes gerant oporteat. Tandem gratulor tuo praeceptori, quod talem tantumque suae eruditae atque ad unguem perfectae Orationis praeconem invenerit. Jam vero, uti mihi in mandatis dabas, illam Cajetano Migliore tradidi, quo typis ederetur. Litterae tuae solito serius huc perlatae sunt, Jovis nempe die, cum jam advesperasceret. Cujusnam id culpa contigerit, nescio. Et tamen ingratis angustiarum temporis jam omnia excusa sunt, & quam emendatissima. Id mirae Cajetani amantissimi dexteritati debetur. Vix dici potest, quantum viae voraverit, quantumque laboris tulerit, ut mandata examussim exhauriret. Te tuosque omnes nec non praeceptorem nominatim plurimum salvere jubet. Praeteritis diebus obiit Polycastrensiū Comes. Parentatum illi fuit in Aede Jesu novi. Ex epigrammatis, septem condidit cl. Salvator Grimaldus. Mire eruditis omnibus placuerunt. Heri elata fuit magnifico funere pientissima Marchionis S. Marci Praetorianis cohortibus Praefecti uxor. Morbi serpunt, ni fallor, in dies acrius. Vale. Ex Aedibus Regii Ephebei a. d. ix. kal. Jun. C1818CCLXIV.

MICHAËLI TESTAE

Paulus Moccia S. D.

246

QUod bonum faustumque sit, jam rusticatum ivisti, videlicet animum continentibus occupationibus delassatum aliquantisper relaxaturus; nec tamen, quos in urbe relinquis, pauxillum quiescere atque a scribendo cessare patieris? Jam nihil aliud tuis omnibus a parvulo ad maximum natu in mandatis dedisti, quam, ut me, cum primum viderent, enixe rogarent, quo te litteris iisque frequentibus colerem, &, quod caput est, te tantum non moerore confectum solarer. Qua fronte isthuc feceris, demiror. Nisi eo consilio egeris, ne tibi laetitiis omnibus (praefiscini) gestienti invideretur. Namque, quod, ut ad te scribam, me rogas, id quidem a tua in me prorsus singulari benevolentia proficisci quæ pernegem? At vero quæ te purgabis, cum te tristem, quippe qui ab urbe atque a tuis peramoenis aedibus avulsus fueris, simulas? Nonne liberrimo caelo ad pauculos dies frui jucundius est ac gratius, quam continenti urbis strepitu inconditisque turbæ sursum deorsum diu noctuque irantibus clamoribus obtundi? Nonne matutina inambulatiuncula, qua isthuc pro lubitu uti poteris, pluris est, quam si centies urbem non sine precipitum carrucarum periculo perreptaveris? Quare utare fruire, te obsecro, qua es conditione, nosque urbanos etiam ingratis autumnalis rusticationis miserator quoad fieri poterit. Potius tibi

bi salivam moveant, qui ad Massam Lubrensem rusticarum abierunt. Jure utuntur suo, potantque cuppa magistra. Pugiliter valere, remque ipsis e sententia procedere nuntiarunt. Propediem se redituros pollicentur, teque salvere jubent nominatim. A me clarissimo Patri Capycio viro ad miraculum erudito, Reipublicaeque litterariae ornamento singulari, cuique tandem tantum debeo, quam cui maxime, salutem plurimam impertitor. Plurimum quoque meo nomine puerulum Principem tuum alumnum, ejusque incomparabiles parentes salutabis officiosissime. Tui omnes ad unum una cum amicissimo Daniele te salvere jubent. Vale. Ex Aedibus Regii Ephebei VI. Id. Octob. CIOICCLXIII.

P. S. Quod isthic caupo decoxerit, ne doleas, te obsecro. Quotidie opipare instructa mensa exciperis, neque Jovis pollucto convivio invides. Male quidem nobiscum agetur, quos si cupido rusticandi intesserit, cauponas adeamus oportet. Iterum vale.

E I D E M.

247

Aliud ex alio me impedit, quominus promissa praestarem. Atque potissimum acerrimus capitis dolor in causa fuit, cur ad biduum tua domo abfuerim. Neque, nunc cum scribo, omnino remisit. Verum hoc, me praedicente, mihi accidit. Κακοσμάχῳ quippe aliquot diebus fui, neque cibum de more concoque.

quebam. E Massa Lubrensi ubi redii, quam, quanta quanta est, pedibus lustravi, ingratiis declivium locorum, quae natura non hominibus, verum Caprino generi condidisse videtur, me totum inertiae delidiaque dedi. En, cur stomacho laborem, capiteque non incolumi utar. Inambulationiunculis contentus, vel tuas aedes peto, vel me ad Ventralium officinam e regione Salientium Castris novi confero, novas res aucupaturus. Numquid novi? nihil omnino. Vel ipse Borusius Rex, qui semper novis rebus inhiat, modo friget. Quid vero agit Campolongus? Qui valet Bronzoli? Hic minus belle habet. Hinc pharmacis, atque sanguinis missione usus est. Ille de more febris aestuat, quam ne ingentes quidem pluviae, quae nunc urceatim decidunt, restincturae videntur. Tui omnes Athletice valent reque salutant. Idem tibi praestant officium peramanter amici omnes, etiam ficti. Quis illos internoveris? A me infantulo Principi, ejusque parentibus salutem. Vale.

JAm hujuscemodi tempus appetit, ut intermissum litterarum officium perdifficile excusari possit. Ni, quod omen Deus avertat, morbum caussari cogamur. Nemo enim non, appropinquantibus Natalitiis festis diebus, illos, quoad per ipsum fieri potest, amicis faustos fortunatosque apprecatur. Vetusissimus profecto mos est atque ubique receptus, ut, quae ex infantuli Jesu, generis hominum Σωτήρ, nativitate percipi-

tar laetitia, eam ipsam mutuis litterarum officiis testemur, atque πρὸς ἀλλήλους exoptemus. Quare puerum Christum, quem anniverfaria recurrentis festi pompa tamquam recens natum prosequimur ac veneramur, ita obsecro, ut te bonis omnibus qua fluxis caducisque, qua numquam defuturis exornet augeatque cumulatissime. Vri nam ne falsus sim vates! Hoc idem officium a me praestabis tuo alumno, ejusque incomparabilibus parentibus, eosque salute plurima etiam impertieris peramanter. Meis verbis quoque Campolongo viro de polioribus litteris immortaliter merito Natalitiam faustitatem, salutemque pugilicam officiose nuntiabis. Vale, meque, ut facis, ama. Ex Aedibus Regii Ephebei XIV. kal. Jan. CIOIOCCCLXIII.

P. S. Idem faustum felixque omen Natalitium meis verbis tuis amantissimis Parentibus, familiaeque universae imperties. iterum vale.

E I D E M.

249

QUod hac vespere ad aedes tuas venire nequeam, dolui vehementer. Illa quidem gaudii usura fraudor, quo me tandem aliquando perfundi posse sperabam. Nimirum illius jucundissimo conspectu dignatus fuisset, in quam charites, lepores, venustates, elegantiaeque omnes unanimes concessisse videntur. Male sit vinculis, quibus ita constringor, ut, velim, nolim, illa feram oporteat. At inquires: ne succenseas: hodie haud tu quidem ad patibulum rapieris; verum

rum aureis carrucis vectus. prodeambulatum exhibis nobilissimorum epheborum corona stipatus, &, quod caput est, deinde theatrum petes divinam Gabrielem ita vocem vibrissantem auditorus, ut lusciniis ipsis minime secunda judicetur. Ita quidem: qui diffitebor? At primariae feminae colloquiis, jocos, leporibusque carendum mihi est, prae quibus nedum theatri deliciae, verum vel ipsae Mygdoniae opes, vilescunt. Haec cursim, ut, quo nunc maceror dolore, intelligeres; cetera coram, vel cum plus otii nactus fuero. Jam mihi exeundum est, atque aurigae instant, acique campanum crepat. A me tuae Herae, mei studiosissimae, quam minus belle habuisse dolui, at nunc convaluisse laetor, salutem pugilicam nuntia peramanter. Vale.

CANONICO DOMINICO PLANESIO

Paulus Moccia S. D. 250

Nunc enimvero omnino statui typis edere quam adversus Barbeyracium exacto anno adornaram Dissertationem. Namque tuis acceptis litteris jam illud cognovi, te non semel atque iterum illam legisse. Quo quidem quid a me optari poterat gratius, quidve praestantius? Te igitur duce atque auspice, minime publicam lucem defugiam. Quem enim fallit, quanta tu polleas rerum omnium cognitione? Jam enim Philosophiam atque Matheses docere aggressus, ita te gessisti, ut cunctis te palmam praeripuisse publicis editis experimentis ostenderis. Deinde ad

Cc 2

Theo-

Theologica studia profitenda cum iubente Nicolao Spinello τῷ μακαρίῳ gradum fecisses, quanta cum laude, quantaque omnium approbatione tantum muneris sustinuisti? Quid jus qua Imperiale, qua Pontificium commemorem? Res enim ipsa loquitur, nulloque emendicato indiges praeconio. Tua quidem plana expeditaque methodus verae cognoscendae Religionis Romae quam eleganter excusa tuum immortalitati nomen commendavit. Opus quippe fuit ingeniosissimum atque multiplici rerum plerumque adhuc intractarum eruditione supra fidem praestantissimum. Quae cum ita sint, tuone ego iudicio elegantissimo juxta atque eruditissimo diffidam? Prope modum dixerim, te mihi omnium instar jure ac merito sine controversia haberi. Quare tibi gratiis, pro eo ac debeo, persolutis, illud te vehementer rogo, ut tuo etiam patrocinio illam factam tectam tuearis. A me Canonico Francisco Trajectino salutem. Vale.

CANONICO FRANCISCO TRAJECTINO

Paulus Moccia S. D.

251

IAM accepi epigramma, quod ad te praeteritis diebus mittendum curaveram, quo illud recenseret, supremaque manu imposita numeris omnibus absolveret. Quod vero non inficetum tibi visum fuisse amice significas, per mihi gratum accidit. Quanta enim cum laude philologica studia isto in florentissimo Aversano Clericorum Collegio profitearis, nemo est, qui nesciat. Nil

hil profecto publici juris fecisti (permulta quidem fuerunt) quod non ambabus , uti dicitur , ulnis exceptum fuerit. Nulla hinc promulgata est Sylloge (promulgantur in dies quamplurimae) sive nuptiarum , sive funerum causa , quin in ea tua elegantissima carmina inter cetera mirifice enituerint. Quare tibi gratias ago , quod tuam operam vel meis inficeris versibus dicaveris , atque habiturum in posterum polliceor. Atque mihi credas velim , me numquam passurum , ut nostra amicitia , jam inde a condiscipulatu inita , aut locorum distantia , aut temporis vicissitudine , interrumpatur. A me Canonico Dominico Planesio , viro de interioribus aeque atque sacratioribus studiis insigniter merito salutem officiose dices , quam etiam πολυμαθες ἀτῶ Archidiacono Michaëli Angelo Patricellio meo nomine peramanter nuntiabis. Vale.

MARCHIONI JOSEPHO DÜRFORTIO

Galliae apud utriusque Siciliae Regem
Oratori

Paulus Moccia S. D. 252

Quominus ipsemet usque adhuc te adirem , pudor obstitit. Neque Benedicti Clementis , neque ejus amantissimi Patruī tibi amicissimi tuique supra fidem studiosissimi monita id effecere , ut me tibi oranium quot quot sunt ac fuerunt humanissimo , acerrimoque litterarum lit-

Cc 3 tera-

teratorumque vindici ac patrono sisterem. Atque ut ista decissent, me non parum impellere debuissent, quae sponte contulisti beneficia in τῆς πάλυ viros, Marchionem Berardum Galianum, ac Dominicum Amatum, quibuscum mihi maxima intercedit familiaritas; & tamen a proposito quo utor, vivendi haudquaquam deductus mea in sententia homines fallendi obstinatius obfirmatiusque perstiti. Nunc vero res eo loci pervenit, ut propositi tenax si diutius sim, hominem ex homine exsuisse, nedum pudorem abjecisse existimer. Ipsemet Benedictus Clemente adolescens, qua morum suavitate animique modestia, qua singulari doctrina ac eruditione per insignis tibi que carissimos, se suis ipsius manibus quam ad te darem epistolam tibi traditurum sancte recepit; atque mihi insuper praestitit, re, pro ea qua es humanitate, eam acqui bonique facturum. Quae cum ita sint, en tibi volens libens, & quod caput est, omni prorsus vacuus timore, haec scribo litteras, quo illas in tutelam, meque in tuam fidem commissum, tuo praestantissimo patrocinio, tuique amplissimi nominis splendore tuearis. Proh quantum dignitatis accedet mihi meisque lucubrationculis, si quod temporis fallendi gratia, aut pro re nata exaravi, id tibi non ingratum accidisse cognovero! Praeterea & me, & illustrem Benedictum, qui me nihil tale merentem tanti facit, ut suam ipsius utilitatem e mea unice meriatur, nihilque ad me attineat, quod non ad se quoque pertinere arbitretur, tibi beneficii memoria plusquam nexu mancipioque obstringes sempiterna. Vale. Ex Aedibus

Ii enim cum meam recens concinnatam Pro-
 fodiā legissent probassentque, & illud me etiam
 atque etiam hortati sunt, nimirum ut eam grie-
 cis quoque *παίσιν* augerem. Verum, quae me
 nec opinum oppresserunt occupationes, quominus
 opus tantum non perfectum promulgarem, mihi
 impedimento fuerunt. Aulicam enim vitam no-
 lens repugnantque vivere occoeper. Nicolao Spi-
 nello Averfanorum Antistiti, quem tu propin-
 quitate contingebas, a studiis operam navavi.
 Quare te etiam atque etiam rogo, ut me excu-
 ses, ni promissis steterim. Quod enim a me
 aberat, quodque penes me haud esse nesciebam,
 incogitans pollicitus sum. Nulli tamen labori
 curaeque deinceps parcam, quo tibi, pro eo ac
 debeo, satisfaciam. Nicolaus Gorga hujusce Re-
 gii Ephebei moderator, cui perstudiosus, quique
 te in sinu gestat, tibi plurimam salutem adscri-
 bit; quam si meo nomine Patri Paulo tuorum
 praestantissimorum liberorum educatori eximio
 impertiveris, per mihi gratum facies. Talem
 enim tantumque virum nedum diligo, verum et-
 tiam amo. Vale. VIII. kal. Aug. CIOIOGCLXIV.

NICOLA O GORGA

Regii Ephebei Moderatori

Paulus Moccia S. D.

254

NE te penitus fugiat, quid hodierna luce a-
 ctum sit, haec breviter accipe. Erudito-
 musicae relaxationi initium fecere non modicae
 duorum

duorum puerorum adversus ludum litterarium querelae latine conceptae; sed quas haud multo post in laudes converterunt nec opino advenientis magistri conspectu perterrefacti. Hinc duae redditae memoriter sunt compositiones, altera quidem prosa oratione, altera vero metro adstricta, haud invita minerva concinnatae. Haec omnia excipit Drama musicis modis compactum, cui nomen: *Judicium a Salomone factum*. Cantus non injucundus auribus accidit. Nam primae notae viri musici arcessiti sunt. Inter hos primas sine controversia ferebat Babius. Vbi ad primae partis finem ventum est, ut remissioni musicorum locus esset: en iterum puelli litterariae palaestrae inviti laudatores in scenam prodire, qui, ubi pauca in litterarum sophiaeque laudem pronuntiarunt, recitatum est carmen Bucolicum Etrusce compositum non ineleganter, quod alter eorumdem verborum fidus interpres latine vertit, fortasse feliciore vena & amoeniore. His recitatis, paucula alia in scientiarum ludique litterarii commendationem addiderunt, finemque dicendi non sine laude fecerunt. Hinc altera Salomonici judicii pars per musicos cantari occoepit, quae ad finem usque magna auditorii non infrequentis voluptate excepta est. Haec habui, quae tibi referrem; cetera fusius per Salvatorem Puccium, priscae fidei virum, comperies. Numquam vidi illum laetiozem attentiozemque. Devorabat dicta, nedum audiebat. Vale.

410 PAVLI MOCCIAE
BENEDICTO LATILLAE

Myrae Archiepiscopo

FERDINANDO IV.

A confessionibus, ejusdemque Praeceptoris

Paulus Moccia S. D.

255

TVa singularis erga me benevolentia mihi acutissimos addidit stimulos, ut, quoad fieri posset, tua me eximia beneficia immortalis resinere memoria publice testarer. Etenim primum sponte mihi ad tuam amicitiam aditum patefecisti, & non vulgaris amoris notis me, quem subrusticus pudor impendebat, quo te adirem, perbenigne invitasti. Deinde nulla omnino se se obtulit occasio, quo me juvares, quin fide, opera, studio, atque auctoritate mihi vehementer profueris. Quid multa? Nullum prorsus lapidem tibi non movendum arbitratus es, nihilque intentarum relinquendum, quo me, quod in te situm erat, beneficiis augeres, meisque rationibus prospiceres. Testis mihi sit unus omnium locupletissimus Comes Antonius Cantellius Regius Ephebus eques ab ascopera nec non Constantiniano Ordine insignitus, adolescens aureis moribus spectatissimus. Is enim, quippe qui ad te matutinis ac vespertinis horis ventitat, tecumque prodeambulat exit, teque jure ac merito tamquam parentem alterum colit observatque
(tan-

(tantum se tibi debere fatetur ac prae se fert)
 is, inquam, quid de me sentias, & quam hono-
 rifice loquaris, quamque denique te sollicitum
 meae rationes habeant, mihi amice narravit.
 Nonne igitur remissi solutique hominis fuisset,
 non qualemcumque arripere occasionem, quo er-
 ga te, talem tantumque virum, tamque praete-
 rea de litteraria rep. meritum, quam qui maxi-
 me, gratus, si non aliud, memorque, qua obser-
 vantia officiisque, qua beneficiorum commemo-
 ratione perhiberet? Qua de re hanc statim ca-
 ptavi occasionem, neque e manibus elabi passus
 sum. Meas namque epistolas tuo etiam nomine
 ornatas adeoque tua munitas tutela in publicum
 emittere volui. Nec temere id egi. Nimirum
 id operam dedi sedulo, ut, quod apud homines
 quodammodo remuneratio videri poterat, id tibi
 incitamento foret, quo me maioribus ampliori-
 busque in posterum beneficiis cumulares. Is e-
 nim es, qui, si tecum officiis certetur, haud
 aequo animo vinci patiaris. Accipias igitur te
 etiam atque etiam rogo hanc qualemcumque me-
 moris mei animi significationem; mihiq;e, quod
 facis, bene velle ex animo perge. A me Co-
 miti Antonio Cantellio, adolescenti praeclara ad
 virtutem indole, atque incredibili morum suavi-
 tate praedito meique perstudioso, salutem pluri-
 mam nuntiabis. Vale. Ex Aedibus Regii Ephe-
 bei prid. non. Quint. c1010CCLXIV.

JAM mihi, non mediocri animi mei voluptate, redditae sunt epistolae, atque plangunculae, & quod caput est, ita elegantes mundaque, tamquam capiti gnavi bajuli impositae huc asportatae fuissent. Vere ut dicam, incredibiliter laetatus sum. Pertimueram enim, nec temere, ne, prout nunc sunt tempora, deperissent. Omnes vias latronibus obsideri, nihilque tutum ab insidiis malefactorum hominum esse, qui famem caussati, nihil sibi non licere autumant, huc nuntiatum est. Sparsere praeteritis diebus mulos, qui Melphi profecti erant, de more huc agendi, omnino excussos fuisse, abactosque. Quare Deo statim, uti par erat, gratias egi, ubi per nostrum puerum ab janua expectatissima mihi capsula reddita fuit. Vix credas, funiculis incisis, at jam resignatis (ceram quippe hispanicam avulsam offendi) mirum quantum odoris inde afflatum est. Fabae enim, quae imam capsulam, in singulos cucullos distributae, obsidebant, pene sic, ut illico educerentur, efflagitabant. Libenter parui, eduxi, ac statim unam ori admotam ubi gustavi, suavissimi boli jucunditas totos sensus pervasit. Vno verbo: revixi, hoc praesertim tempore, quo hinc lupinis iisque tristibus (prae nimia vendendi festinatione, vix sinunt ut sale aquaque macerati amaritiam deponant) palatum assuefeceramus. Quare multum

te amo, & quod sacchareas mihi fabas miseris, & tempore mittendas curaveris. Tibine soli, an potius tuis omnibus alumnis per me gratiae persolvantur oportet, quibus dono datae sunt ab industriis Virginibus Vestalibus, quae isthîc maximo cum reip. commodo, postquam animorum officiis defunctae sunt, corporibus curandis minime supersedendum existimant? Ut taceam affabre elaboratas icunculas, quae regia in pinacotheca cum dignitate collocarentur. Ars enim naturae cedere nescia videtur. Imagines vero, quae SS. Christophorum, & Cajetanum exhibebant, Cajetano nostro tradidi. Is mihi recepit, se statim curaturum, ut ad Christophorum Fortium sua cognominis effigies perferatur. Interim tibi Cajetanus gratias agit, tibi que, ut officiose suo nomine salutem adscriberem, me etiam atque etiam rogavit. Ad meam iconem quod spectat, ubi illam vidi, erratum meum deprehendi. E gladio enim, qui in imo apparebat, Paulum Apostolum esse cognovi, quem Andream, cursim lectis tuis proximis litteris, esse putaveram. Ut verum fatear, pene refrixi. Te te mihi adesse optabam, tuique imaginem praestolabar. Quare aut fac mitas, quae Andream exhibeat, aut, quam Paulum referentem misisti, tibi remittam. Quid enim hîc pars moror altera? Quid aliud? etiam. Decantatissimum, mihi que carissimum Fabricium deinceps mittes, quem licet in ore ac in sinu gestem; tamen, ut continenter mihi ante oculos obversetur, meo in musaeco perbelle effectum collocabo. Cuinam, amabo te, vel felicissimo salivam non movero, si una cum tanto socio, &

con-

contubernali mihi musis operam navare licuerit? Is quidem qua moribus supra fidem atque aera-tem spectatis, qua praeclaro ad virtutem impe-
ta, mihi licet currenti stimulos admovebit. Age
age, amice amantissime, me quamprimum fac
expectatissimis iconibus exhilarēs, beesque. Ni-
hil enim mihi gratius, nihil jucundius, nihilque
praestantius mittere poteris. A me tuis omni-
bus salutem, faustumque Paschale omen. Va-
le. Ex Aedibus Regii Ephebei xi. kal. Maj.
CICIDCCLXIV.

EMMANVELI CAMPOLONGO

Paulus Moccia S. D.

257

HOdierna luce Saturno sacra mihi redditae
sunt tuae litterae, quas ubi legi, quod a-
thletice valeretis, laetatus sum vehementer. Quod
vero ingratiis impeditissimi itineris, quod ma-
gnam partem per confragosa ac declivia loca,
viam praemonstrantibus lixis & calonibus, con-
ficere cogebamini, litteras qua Larioli puritate,
qua Atticis salibus conditas ad me miseris, ita
gavissus sum, ut nihil supra. Ac ne quid omni-
no requireretur, quo undiquaque perfectae vide-
rentur, sapidissimis ac purissimis versibus adspers-
isti. Hui! quot quantaque momento temporis
expedivisti! Bajulis opera danda fuit, mercesque
persolvenda: sarcinulae componendae: domus
quam celerrime instruenda lectis: culina non in
postremis relinquenda: vires paullisper colligen-
dae: & tamen dicto citius eam conscripisti e-
pi-

pistolam, qua absentis amiculi moeror omnino levaretur! Gratias tibi ago, quod scripseris, habeoque immortales, quod ita scripseris, ut me beaveris. Gratulor autem Bronzolio, quod certo ictu venatur; verum illud dolui, quod ita a viculas ferit, ut lancinatae frustillatim diffiliant. Namque ni caverit posthac, periculum erit, ne rei aviariae caritate urgeamur. Quod vero me istuc arcessitis ad paucos dies rusticatum, vobis, uti par est, gratias ago. Quibus vinculis constringor, probe calleris. Praeterea jam instat nostra Dialis rusticatio, quam si posthaberem, magno piaculo obstringerer. Tum enim cum maxime vigilantia oculisque lynceis praesto simus oportet. Quandoquidem igitur haud fieri potest, ut vobis morem geram, illud vos oro, ut ita cuticulam curetis, ut huc gladiatoria sagina valentes redeatis. Quos amice salutastis, vos resalutant officiosissime. Testa, communis amicus, jam rusticatum perrexit ad Summani montis radices. Vbi primum potero, Gallicae tuae matronae, feminae moribus spectatissimis, tuo nomine salutem communicabo. Vale.

P. S. Quam hic complicatam accipis epistolam multis abhinc diebus scriptam non statim misi, quia, qui huc proficiscerentur, nesciebam. His accedit quod tuae litterae serius opinione ad me perlatae sunt. Quare si quae in illa amice monemini, intempestiva videntur, ne mirere. Illam enim tempestive scripseram. O me vero funginum, ac cucurbitini capitis! Jam pene oblitus eram adscribere salutem mellitissimo Bronzolio.

lio. A me illi igitur salutem pugilicam peramanter nuntiabo. Iterum vale. Ex Aedibus Regii Ephebei VII. Idus Octob. CIOIOCCCLXII.

E I D E M.

258

ARtolaganos, pastillos, globulos sacchareos, amygdalinum panem e saccharo & melle confectum modo cylindrum, modo prisma, quandoque cubum exhibentem, & interdum quadram, crustula, piperata frusta, ceteraque dulciaria salgama diligenter paranda curasti. Quid multis? Ea omnia coëmisti, quae ruri cum esses corpori, cuticulaeque molliter curandis inservire ad nauseam usque videbantur. Quid, quaeso te, animo fiet, quo nihil melius, nihil praestabilius, nihilque pretiosius in nobis est, quoque uno tantum a belluis distinguimur? Anne mente excidit potius Platona Stripare Menandro, ritu Chrysippi, ceterosque in unum cogere libros, quos tot tantisque impendiis comparasti, quosque manu diurna nocturnaue, nulla somni cibique ratione habita, versare sollemne statumque habuisti? His profecto fociis fastidia quaecumque illic emergent, facile vinctes. Quid, amabo, te fiet, si pluviis continentibus impeditus, domi servare cogêris? Plerumque quae amoeniora loca sunt, tunc temporis faciem sumunt horridiorem tristiorumque. Namque iis ceteris carent auxiliis quibus urbs scater, nimirum Xystis, Caesar domibus, populique frequentia, qui ingratis viarum oblimatarum, fluviorumque e rectis in ipsas vias decidentium, sursum deorsum cursitans totam urbem

hem perreptat. Haec pluvio tempore si fenestrae inhaerens, aut ad foros adfidens adspexeris, cum in urbe manetur, jam quis neger, quin animum vel occupationibus fatigatum, vel alia quavis re torpentem, non parum allevent recreentque? At his omnibus, qui rusticatur, omnino destituitur. Si forte, ubi imber ingruit, tonat, fulguratve, fenestram aperueris, jam jam imminentibus nubibus, (quam prope impendeant montanis in locis haud te fugit) obrui videris. Neque, si quid accidit, vel Stentor sis, jubulare quidquam proderit. Qui suppetias ferat, nemo unus erit. Quod contra fit in urbe. Vel si exiliter quireris, totam ciebis civitatem, periculumque erit ne multitudine opprimaris. Quare jam tibi socios comitesque rusticationis para, quos in auxilium advocabis, ubi nubes aut caelum, aut animum obtexerint. Quae te monitum amisse volui, examussum Cajetano ordine narrato, ne forte, si quid contra usuvenerit, se non praemonitum fuisse caussetur. Haec si rusticationem comitentur, jam animo auguror futurum, ut illa felix faustaque evadat. Nam ita corpus curabitur, ut animus haud neglectui habeatur. Cura ut valeas. A me Cajetano salutem Pancraticam nuntiato. Iterum vale. Ex Aedibus Regii Ephebei post. kal. Octobres MDCCCLXIII.

TE advocati Fisci dignitate auctum esse, nae ego tantopere laetatus sum, quanto & ipsemet opere dolui, quod communis amicus Canonicus Ambrosius Scaramutius pene immaturo fato e vivis sublatus fuerit. Pro qualem virum amissimus! Adhuc mihi ante oculos obversantur ejus in me beneficia, antequam huc arcesserem. Adhuc recentia apud me sunt ipsius *avroquata* officia, non vulgaris benevolentiae argumentum. Perfancte igitur tibi, qui illo semper familiarissime usus es, recipio, me numquam commissurum, ut ejus erga me promerita intermoriantur. Qua potero, ut gratus videar & existimer, conrendam. Tu interim honore tibi a Card. Antonino Serfallo, acerrimo ingeniorum aestimatore, delato ita fac fruare, ut decessoris tui, tibi amicissimi munus & pro dignitate sustineas, & te illum audisse, ejusque aedes selecto Academicorum confessu celebres frequentasse glorieris. Quid enim? Hoc certe quidem pacto tibi non parum honoris ornamentique paries, ac demortui cl. viri memoriam perennabis. Tandem, mihi credas velim, cumulum dubio procul tuae existimationi addes, si ite te gesseris, ut & Franciscum Verde, gentilem tuum, Canonicum, & Vicarium Neapolitanum Capitularem & Generalem, Vici Aequenlis Episcopum, virum omnium saeculorum praedicatione dignissimum, & Nicolaum

Iaum Verde patrum tuum Canonicum & Aversani Clericorum Collegii Rectorem, ad vivum exprimas. Crede mihi, assatim domi tuae exempla tibi ad imitandum suppeditabunt. Atque hic postremus & ipse de scientiis disciplinisque omnibus meritus fuit, ac te nedum filii loco habuit; verum etiam iis te litterarum studiis excolendum curavit, quibus ad amplissimos quosque dignitatis gradus sustinendos idoneus compareris. Neque illum spes frustrata est. Concitatam enim de te expectationem longe plurimum vicisti. A me Iosepho germano tuo, ac Francisco Pepe, viris de interioribus litteris ac de philosophicis studiis optime meritis, mihiq; amicissimis, salutem plurimam imperties, quam etiam meo nomine Canonico Thomae Tagliatellae, viro πολυμαθές ἄνθρωπος, officiose nuntiabis. Cajetanus Migliore te peramanter salvere jubet. Vale. Ex Aedibus Regii Ephebei IV. id. Quint. CIOIOCCCLXIV.

FABRICIO PIGNATELLO

Paulus Moccia S. D. 260

QUod maiores nostri sapienti, sane consilio induxerunt, ut, sive Natalitiis, sive lustricis diebus recurrentibus, fausta invicem ex animo precaremur; id vel ex eo capite laudandum mihi videtur, quod quandoque viri & nobilitate & virtute insignes haec officia ceteris infra se positis libenter persolvant. Quo quidem, meo iudicio, nihil utilius, nihilque praestantius

Dd 2 exco.

excogitari potest. Hoc enim pacto hominum societas mirifice fovetur. En, vix meus appetere incoeperat lustricus dies, cum Josephus germanus tuus natus minor, ante tempus amicissime mihi ea praestitit officia, quae me ab hisce prorsus neniis natura abhorrentem mirabiliter delectarunt. Jam nunc tuis nec opinis opprimor literis eximii amoris benevolentiaeque notis affatim refertis. Valde te amo, praestantissime Fabrici, tibi quoque gratias ago maximas, quod mei memoriam retineas, quodque me beneficiis ornare numquam desistas. Vix enim, quae tua humanitas est, officio satisfacere, cum mihi amice significas, jam in promptu praestoque esso plangunculas, quas mihi benigne promiseras. At quas? quae te mihi oculis ipsis cariorem, tuumque eruditissimum praeceptorem ad vivum referrent. Credas mihi velim, nihil umquam me avidius exspectasse commemini. Numquidnam novi? Saevientium in singulos dies morborum metu percellimur. Et, quod pejus est, oculi, quorumque incurrunt, mortis imagine contristantur. Nunc tandem illud consilii initum est, ut pannosis egenis squaloreque confectis, quibus praecipua malorum origo adsignanda est, quamprimum prospiciatur. Jam unum in locum cogentur, nimirum in stativa prope D. Magdalenae pontem, ubi, qua lavacris novisque vestibus (quas enim gerunt in unum congestae coacervataeque comburentur) qua diligentiore procuratione id effectum iri speratur, nimirum ut peregrini sanitati restituti suos quisque lares repetant numquam posthac redituri; nostrates vero in Prochotrophium reclusi

elusi operi addicantur. Hinc Regis jussu quin-
que primariae matronae eo consilio & matutinis
& pomeridianis horis urbem obeunt stipem quae-
siturae. Nostra Paroecia aliaeque tres finitimae
obtrigerunt Palacioli Principi, Feminae incompa-
rabili. Ingens quippe pecunia confiat necesse est,
quo tantum opus perficiatur. Innumerus enim
numerus pauperum huc quotidie confluit. Nu-
dius tertius maximo omnium moerore diem obiit
supremum Marchio Hyppolitus, Regius Consilia-
rius xxxv annos natus. En quae familia quae a
patre incoeperat, in filio desit. Dominicus San-
grius exercitus imperator minus belle habuit, at-
que etiamnum lectulo detineretur. Vincentius Vul-
canus, qui jam in eo fuit, ut animam efflaret,
meliuscule habere coepit. Credideris? Hic no-
stri sermones nihil nisi morbos mortemque cre-
pant; &, quod caput est, pene malis sensim si-
ne sensu assuescimus. A me tuo incomparabili
parenti, tuisque germanis, ac τοῦ πατρὸς praece-
ptori salutem plurimam dicito. Vale. Ex Aedi-
bus Regii Ephebei prid. kal. Jul. CIOCCCLXIV.

P. S. Postridie nonas Junias ann. 1764. Gerar-
dus Francionius oppidi Siciniani natus annos xiv.
menses x. dies v. strangulavit Honuphrium Fran-
cione ejus patruelem natum annos III. ac in ci-
bum paratum manducavit una cum Josepho Ca-
ruccio ejusque familia. Hic cauponariam facie-
bat in oppido Terrae novae. V. idus ejusdem
mensis idem immanissimus adolescens fauces eli-
sit Vincentio Bajonius puero pariter trimo Terrae
novae, crudumque ac incoctum devoravit. III.

Dd 3

idus

idus ejusdem calcibus animam ademir Josepho Juliano Sicinianensi vix quinquenni, cumque e se-
cto corpore cor, hepar, pulmonem ceteraque e-
duxisset, ea omnia inhumaniter mandit. Taeterri-
mus hic hominum generis hostis jam caprus est,
omniaque ad unum falsus est. Rogatus, cur tan-
tum sceleris patravit? Se se impotenti fame ada-
ctum fuisse malitiose respondit. Vix aut ne
vix quidem Graecis Latinisque litteris quid-
dam simile consignatum reperietur. Et tamen
quod rudi currentique calamo scripsi, ita ve-
rum est, ut in dubium revocari nequeat. To-
tius inauditi facti narrationem a Salernitanæ
Provinciae Praefide missam ipsemet legi. Πα-
ρέμβατιν hanc æqui bonique fac consulas. Di-
gna quippe res est, quæ posteritati commende-
tur. Iterum vale.

P. S. Heri vesperi decessit Vincēnrius Vul-
canus. Tertium vale.

MICHAËLI ANGELO LONGANO

Paulus Moccia S. D.

261

QVem mihi præteritis diebus nuntiasti ἀσ-
παρμόν nomine Vincentii Caraccioli, ju-
venis marthesew studiis supra fidem deditissimi,
is mihi gratus jucundusque exstitit. Quid enim?
Is quasi satis haud habuerit me de meliore nota
commendasse Joanni Baptistæ Caracciolo Aver-
sano.

sanorum Antistiti, ejus patruo, virò de ingenuis artibus scientiisque, omnibus insigniter merito; nullam omnino abire patitur *éuxupíav*, quin me beneficiis obstrictum sibi arctius devinciat. Numquam enim non mihi occurrit (occurrit per saepe Regiis in aedibus) quin me amice excipiat, benigne salutet, suamque mihi operam, studium, opem, fidemque perliberaliter polliceatur. Quae de re tibi gratulor, quod hujusmodi auditorem nactus sis, qui nedum tuae expectationi, pene divino quo pollet ingenio, respondebit; verum etiam te benevolentia, quoad vixerit, complectetur singulari. Is enim est, qui humanitate cum humanissimo quoque certare sibi laudi ducit, atque in eo sibi placet quamplurimum. Bene sit igitur Caracciolis, qui ita plerique omnes natura comparati sunt, ut hominibus demerendis juvandisque nati esse videantur. A me illum plurimum salvere jubebis. Vale.

ANDREAE FARINAE

Paulus Moccia S. D.

262

Quod litterarium officium per duas hebdomades intermissum revocaris, doleam ne, an gaudeam; prorsus ignoro. Non parum enim laetabar, quod tua cessatione in causa fueris, cur tuorum alumnorum suavissimis juxta atque elegantissimis litteris bearer. Cessa, sodes, quandoque a scribendo, quo mihi jacturam tanto cum foenore sarcias. Crede mihi, haudquaquam deses

Dd 4

piger-

pigerque traduceris, modo tui alumni mihi oculis ipsis cariores tuas partes expleant. Quod vero scribis, tibi aegre fuisse, quod tuam orationem panegyricam laudibus extrulisse contentus, illam omnino intactam reliquerim, nihilque in ea immutarim, id tibi tuaeque exquisitae fac diligentiae adscribas. Quae enim scribis, ita scribis, ut ne putidis quidem fastidiosisque Aristarchis locum dubitationis relinquas. Praeterea multum te, Fabriciumque amo de sacchareis fabis, ac potissimum de elegantissimis imagunculis. Illas nondum accepi. Quo tuto ad me perferantur curabo. Jam uni e servis diligentissimo negotium dedi; qui cum percontatum ivisset, proxima in eunte hebdomade allatum iri renuntiavit. Hic in dies majore concutimur augescentium morborum timore. Quamplurimi jam urbe excefferunt, quo melius tutiusque saluti prospicerent. Liberriore namque caelo frui nunc consultissimum est. Forum pene orbem litigantium turba est, licet justitium indictum non sit. Theatra omnia constiterunt. Nundinae jam apparatus instructaeque ne aperiantur, districte vetitum est. Quo vero uno intuitu cernas, quot in singulos dies SS. Viatico muniti sint, quotque obierint, elenchum diligentissimum ad te mitto. Illud autem advertas volo, qui in illo describuntur, eos tantum ad singulas Paroecias pertinere. Nam, qui in Nosocomiis moriuntur, seorsum notantur. Vide in quae nec opina mala conjecti sumus! & quod pejus est, nulla adhuc spes affulget fore, ut mitescant. Quotidie magis magisque saeviunt. Vix credas, nullum adhuc remedium inventum est,

quo

quo serpentibus morbis tuto obviam eatur. Hesternæ die magnifico funere elati fuere Fragniti Dux, atque Abbas Rufinus Romanæ Sedis Neapoli Auditor. Prior aqua intercute, alter morbo nunc ingruente e vivis sublatus est. En paucis interjectis mēſibus S. Sedis Nuntius, ejusdemque Auditor interierunt. Uterque hīc magnum sui desiderium reliquit. In locum demortui Conſiliarii Hippolyti ſuſſectus eſt Januarius Cariffimus, vir de Jurisprudētia præclariffime meritus. Judex lectus eſt Salvator Gentile, Telesiae Episcopi germanus. Promotio cunctis arriſit. Hoc mane ingenti omnium bonorum moerore fato conceſſit Comes Vigolinus Praetoriarum cohortium Succenturio. A me Fabricium ejusque germanos omnes nec non incomparabiles parentes plurimum ſalvere jubebis. Vale. Ex Aedibus Regii Ephebei Non. Jul. CIOICCLXIV.

P. S. Emmanuel Campolongus, qui me hoc matutino viſit, ut tibi ſalutem adſcriberem, me etiam atque etiam rogavit. Te igitur ſalvere jubet peramanter. Iterum vale.

ANTONIO PAGNANO

Paulus Moccia S. D.

263

Quod me *μάντιν ἀγαθὴν*, &, quod caput eſt, minime *λοξὸν* prædices, in eo eximium, quo me nihil tale merentem proſequeris, amorem agnoſco; quod vero id haud locupletiffimo ac nulli non conſpicio promeritorum tuorum in
litte-

litterariam remp. ac praesertim erga istud florentissimum adolescentium collegium penori adscribas, amice tuam accuso ἀναθεμα. Cui enim vel peregrino ac hospiti in isthac urbe Aversana, bonarum artium Domicilio, insignia merita latent, quibus mirifice nites? Si cetera desint, ea vel jucundissimae, doctissimaeque in Infantulum Christum Jesum recens natum anniversariae a te editae cantilenae satis superque evincerent. Qua re nedum vatis (praefiscini) munus refugio; verum etiam & illud praenuntio fore, ut haud longo interjecto temporis spatio, magis opimo sacerdotio auctus a vigilantissimo nostro Antistite, acerrimo ingeniorum aestimatore Nicolao Spinello, ad amplissimos quosque dignitatis gradus provehatur. Neque illud addo: utinam ne falsus sim vates! Nam alias ab illo non abluderem, qui, ubi feminam uterum gestantem vidit, vaticinaretur futurum, ut marem, femellamve pariat. Maeste igitur animo esto; ac perge ut coepisti: haud enim dubie & tuis emolumento, nostro Municipio honori, ac universae Aversanorum Dioecesi eris lumini ac ornamento. Canonicis Patri-cellio, ac Trajectino a me salutem plurimam; quam etiam Michaëli Sanfelicio, Aquavellae Duci, viro de politioribus aeque ac de mathematicis studiis insigniter merito, meis verbis diligenter imperties. Vale, meque, ut facis, ama. Ex Aedibus Regii Neap. Ephebei prid. kal. April. CMCCLVII.

FRAN.

FRANCISCO DANIELI

Paulus Moccia S. D.

264

MORtis nuntius τὸ πάλυ Comitibus Francisci Algarotti mihi tristissimus accidit. Tanti enim viri opera omnia, dubio procul cedro linenda, legeram sane quam attente, eaque ita mihi diurna nocturnaue manu versanda putavi, ut in succum ac sanguinem, si fieri posset, converterem. Mirus est ubique, qua novo selectoque scribendi genere, novaue rerum methodo compendiariaque, qua rebus ipsis κατὰ τὴν πραγματικὴν tractatis, elegantique forma ornatis. Quare non potui, ubi tuas legi litteras, quin maximopere dolerem. Refecisti vero me, doloreque perculsum non parum erexisti, ubi mihi licet obiter significasti, illum, LII. annos natum, ita diem Pils obivisse supremum, ut, summi imperatoris accitu, e vi- ra tamquam e statione discesserit. En, quae mors falso putatur, immortalitas est cum fluxa cadu- caque vita non sine ingenti foenore commutata. Quae cum ita sint, qui demiremur, quod defu- tura bona fugaciaque animo excelso invictoque ita reliquerit, ut amicis illa studiosissime disper- tienda supremis tabulis caverit? Hoc enim pacto se gerunt, qui hinc tamquam e diverforio, haud vero veluti e domicilio discedunt. Minime qui- dem illa animi aequabilitate deturbantur, qua in omni vita usi sunt, cum ex his corporis com- pagibus, in quibus includimur, jam jam emittendi, ad caelestium animorum domicilium sunt e-
vola-

volaturi. Quin imo qua h̄c premebantur terrenarum rerum necessitate exfoluti, jam ea despiciunt, quae antehac magnificerant. Hinc incredibilis in amicos liberalitas, hinc benefactorum praesens grataque memoria. Quaeque utenda fruenda acceperant, aliis libenter tradunt, eodem prorsus pacto illis deinceps usuris fruituris. Quod contra fit, ubi animus rebus fluxis tamquam non desituri stulte adhaerescit. Atque hinc statim perturbatio, amicorum neglectus, supremarumque tabularum injuriola incuria. Quare, qui, accepto tristissimo nuntio, ob tanti viri tam insigniter de litteris meriti jacturam, pene ingemui, cum eo perveni, ubi ejus testamentum ordine narrabas, non potui, quin, dolore valere jussu, animum ad laetitiam transferrem. Quippe illum amisisse videbamur, qui ita natus erat, ut tandem hinc migraret oporteret; verum ita migrasse, ut in illud unum, quoad vixit, omnia consilia, cogitationesque omnes direxisse non temere judicaremus. Gratias igitur tibi ago, quod me tanta de jactura, quam litteraria passa est Resp. certiozem faciendum putaveris; quodque eodem tempore ea mihi suppeditaveris consolationis argumenta, quibus animus licet afflictus percussusque non mediocriter levaretur. A me Joanni Adimaro, viro cum prosapiae vetustate, tum litteratura omni, qua mirifice excolitur, aureisque moribus insigni, communi amico, salutem plurimam si impertiveris, per mihi gratum facies. Vale. Ex Aedibus Regii Ephebei Non. Quint.

CICIDGCLXIV.

AGNEL.

MAGNELLO PAGNANO

Paulus Moccia S. D. 265

EN anniversaria huc reditione, mense potissimum Quinctili, nescio quonam fato, meis parentibus, devexa jam ad senium aetate, gravi damnoque, tuis de more afficior beneficiis iisque singularibus. Sane quidem, potest ne quidquam cogitari valetudine vitaeque ipsa jucundius praestabiliusque? Et tamen tu medica tua ope hanc plus vice simplici meis restituisti. Restituisti autem? Imo cum foenore amissis viribus receptis, juvenescere visi sunt. Idem prorsus mihi contigit, cum, vix adolescentia inita, Ayersano in Clericorum Collegio, immoderato studiorum usu, gravi pectoris dolore correptus, in eum incoepi implicari morbum, unde nulla omnino emergendi spes affulgebat. Per tuum autem parentem τὸν μαχαρίτην Antonium Pagnanum, qua Latinis Graecisque litteris nec non Etruscis, qua medica arte praestantissimum, ac τῷ πᾶσι Francisco Boncorio Regio Archiatro amicitia a primis temporibus amicissimum, id effectum praer omnium expectationem fuit, ut diuturna curatione e morbo pene insanabili evaserim. Ne enim tabescerem, metus erat. Neque hic beneficiorum finis. Quotiescumque praeterea me visebat (visebat enim saepissime) ipsius eruditis doctisque detinebar sermonibus. Hui! quot quantaque argute perbelleque excogitabat, quo aegris consuleret. Vix quidquam novi accidebat (quem fugit quot in dies singulos enascuntur malorum genera

genera?) cum in illud commentando, semper opportuna, quoad fieri poterat, extunderet medicamenta. Ita quippe utilitati inserviebat, ut ab aegrotorum bono (quod unice optare videbatur) ne latum quidem unguem discederet. Atque hinc procul dubio factum est, ut, quae suis ipsius laboribus peperit bona, in filiis auctiora perennare laetemur. Neque tibi tuisque rem sane praeclaram reliquisse contentus, ipsemet te ad virtutem, atque ad Hygiae sacra veluti manu duxit. Maeste esto igitur tantis tui tam insignis parentis bonis, iisque ita utere, ut te ceterorum etiam commodo emolumentoque natum esse memineris. Namque ita si feceris, Patris tui, cujus animi corporisque imaginem refers, memoria apud tuos populares renovata, quo ejus manibus bene precentur, eos magis magisque incitabis. A me Laurentio Perottae, viro de medicina optime merito, salutem dices. Vale.

C A J E T A N O M I G L I O R E

Paulus Moccia S. D.

266

QUod mea excusatio per Josephum Mariam Fagonium J. C. virum mihi amicissimum non minus quam praeclarissime de interioribus litteris meritum aequi bonique consulta fuerit, laetatus sum vehementer. Haec quippe res me non pauculis diebus sollicitum habuit; & merito adeo. Prima quidem fronte ejus imperata, quae mihi semper auro contra non cara fuerunt, in postremis habuisse videbar. Quid enim minus in amici gratiam facere potuissem, quam Hexasti-
con

chon ex tempore fundere, quo in eruditam Σολ-
λόγην reciperetur? Et tamen res ita se se habuit,
ut ipsi morem gerere nequierim. Primum enim
omne sibi tempus, quod nobis a domesticis curio
superest, vindicant, quas jam typis committo
epistolas. Modo digeram oportet, quod impri-
mendum est: modo impressum secundis curis re-
cudo: modo tandem in illud omni cogitatione
curaque incumbo, ne qua scilicet menda in illas
irrepant. Deinde nec opinus mei parentis mor-
bus accessit. En qui factum est, ut amici aman-
tissimi iussa neglexerim. Quare tibi gratias ago,
quod ita rem cum ipso transegeris, ut nedum la-
tis apud eum purgatus, verum etiam omni pror-
sus culpa vacuus visus sim. Quod vero mihi
grates persolvis ob laudes in tuum eruditum epi-
gramma collatas, in eo humanitatem tuam agno-
sco. Quasi id tibi non jure ac merito debere-
tur, pro ea qua es modestia, e laudatore tuis
non inficetis carminibus pretium dignitatemque
arcessis. At pace tua dixerim: oppido falleris.
Quantaecumque enim laudes infra tuum meritum
sunt. Quocirca fac sumas superbiam tuis quae-
sitam meritis, Mihi crede, tantum abest, ut
tua virtus pro dignitate commendetur, ut potius
timendum sit, ne culpa ingenii deteratur. Tan-
dem pergratum mihi accidit, quod Bernardinus
Verde Fisci patronus, communis amicus, meam
qualemcumque epistolam aequi bonique fecerit.
Valde enim enim eum merito amo. A condi-
scipulatu me egregie dilexit, ac, pro re nata,
quantum in se fuit, me beneficiis ornandum cu-
ravit. A me illi salutem plurimam dices, quam
etiam

etiam meo nomine Paschali Napodano, ac Iosepho Mariae Fagonio, viris de philologia insigniter meritis, officiose imperties. Vale. Ex Aedibus Regii Ephebei xi. kal. Sextil. MDCCCLXIV.

NICOLAO GORGA

Regii Ephebei Moderatori

Paulus Moccia S. D.

267

JAm cumulus tuis erga me beneficiis accessit, atque haud scio an auctarium illis longe plurimum antecellat. Hoc quidem certe unum conceptis votis optaram, inque id solum curas omnes cogitationesque defixeram, nimirum ut mihi ea offerretur occasio, qua Allianensium Principi, viro cum de Rep. litteraria, tum de me optime merito, satis quo quo modo facere viderer. Id per me & libenter, & pro virili effectum est. Illius enim amplissimum nomen quo meis in litteris exstaret, curavi diligenter. Verum, quod mea qualiscumque epistola per eum aequi bonique consulta sit, tibi uni, qui apud illum, pro omnijugena scientiarum disciplinarumque cognitione qua mirifice excoleris, & gratia & auctoritate plurimum vales, acceptum refero. Quare, pro eo ac debeo, tibi gratias ago maximas, habeboque, quoad vivam, immortales. A me illi, ejusque suavissimis juxta atque humanitate omni perpolitus liberis salutem dices officiosissime; quam etiam Iosepho, germano tuo, viro jurisprudentissimo, meis verbis imperties. Cura ut valeas.

LV.

LUDOVICO ECHABURO

Paulus Moccia S. D.

268

Quas nuperrime dedisti litteras elegantissimas
 aequae atque humanitatis plenissimas ad τὸν
 τῶν Thomam Fasanum, forte fortuna cum le-
 gerim, eas suspexi atque deosculatus sum. Mihi
 quidem summopere volupe fuit, quod ita isthuc
 humaniores interioresque litteras colere perrexeris,
 ut non parum in illis profecisse videreris.
 Quid enim? Fundamentis hic jactis quod tantum
 immolitus esses aedificium itaque affabre ornand-
 um exasciandumque curasses, non potui mihi
 temperare, quin vehementer laetarer. Crede mi-
 hi, quod te in logicis, geometricisque studiis e-
 rudissem, gavisus sum. Jam enim maturitatem
 adsecuta videbatur seges, quae hic viriditate fu-
 turam copiosam messem ostentabat. Sane quidem
 numquam te non ita, cum apud nos esses, ges-
 sisti, quin maximam tuae in litteris progressio-
 nis spem injeceris. Id porro jam exitu compro-
 batum esse, tuique amantissimi parentis, mei que
 supra fidem studiosissimi consilia feliciter succes-
 sisse gratulor. Illud tamen unum nunc restat,
 ut, quod peracri studio inceptasti, perficias dili-
 genter. Quod si ita feceris, haud despero futu-
 rum, ut concitatam superes expectationem. A
 me parenti tuo, viro aureis moribus praestantis-
 simo, ac Josepho germano tuo Regio ephebo e-
 quiri, adolescenti suavissimo, salutem plurimam
 dices. Franciscus Giglius, ac Thomas Fasanus,

Ec

viri

viri de litteris insigniter meriti, te salutant per-
amanter. Vale. Ex Aedibus Regii Ephebei prid.
Id. Quint. CXCCLXIV.

BENEDICTO CLEMENTI

DE AROSTEGVI

Paulus Moccia S. D.

269

LETIS tuis eruditissimis litteris atque huma-
nitatis officiis supra fidem refertis, pene re-
vixi. Adhuc enim sollicitum me habebat, ange-
batque non mediocriter illa cura, qua nonnisi
homines natura meticulosi, aut nescio quonam
ipforum fato suspicaces exeduntur, nimirum ne
quam ad te superioribus diebus dederam episto-
lam, amplissimo Galliarum Oratori sistendam, ea
ingrata importunaque accidisset. At vero nunc
omnem prorsus depuli suspicionem, animoque con-
quievi. Eam enim nedum aequi bonique consul-
tam fuisse; verum etiam tanti viri tamque bene
de litteris meriti laudes promeruisse amice signi-
ficasti. Vere ut dicam, pene gaudio exultavi.
Quo enim rimula ad tanti viri amicitiam mihi
pateret, percupiebam. Quare tibi gratias ago,
habeoque, quoad vivam. Quis, amabo te, fieri
poterit, ut tanti beneficii memoriam interire pa-
tiar? Aegre vero mihi fuit, quod tantopere do-
leres mellitissimi Michaëlis Angeli abitione. E-
recto fortique animo sis velim; atque illud fac
cogites, amicos haud amitti, cum eos honoribus
auctos alio commigrare conspiciamur. Illorum e-
nim

nim gloria decusque ad nos majorem partem redundat. Quid, si honores adsecuti sunt nostra ope nostrisque studiis? Tua, tuique beneficentissimi Patruī ope eo pervenit, unde statim ad summos dignitatis gradus convolabit. Quiescas igitur, ac, si quid tibi ejus discessio dolet, fac tibi potissimum adscribas. Te enim adnitente voti compos factus est. Quare aut benefacere desine; aut dolori modum impone, ne amicorum bono moerere videaris. A me Patruo tuo, viro σοφωτάτω, meique studiosissimo, salutem plurimam imperties. Vale. Ex Aedibus Regii Ephebei kal. Aug. CIOCCCLXIV.

CANONICO JOSEPHO SPARANO

Paulus Moccia S. D.

270

HEri pervesperī cum te conveni una cum Antonio Serfaliō, juvene morum suavitatis spectatissimo, miram voluptatem percepi. Te enim eum esse omnino expertus cognovi, quem te mihi ad vivum effinxerant. Vno verbo: ceterorum bono te natum cum inaudissem, revera ipsemet sensi. Vix dimidium Antonius dixerat, intellexisti, negotiumque jam in te libenter suscepisti. Jam tibi, tamquam beneficio affectus sim, gratias ago, habeboque in omni vita immortales. Is quippe sum, qui bona voluntate aequae afficior ac ipsismet beneficiis. Verum non parum rubore suffusus abs te discessi, cum tibi peregrinari in hac urbe ac pene hospes esse visus sim. Cum enim inter loquendum de Convi-

Ec 2

Etu

Et tu paucis abhinc annis ab τῷ πατρὶ Card. Antonino Serfadio in Vicanorum adolescentium commodum aperto sermo incidisset, id mihi prorsus novum accidit. Jam quidem nescire visus sum, quæ quantasque impensas liberalissimus Purpuratus subisset, quo Collegium illud iis omnibus instrueret, quæ tum ad animum virtutibus scientisque omnibus excolendum, tum ad corpus procurandum, atque ad eleganter habitandum pertinerent. Atque illud præ ceteris mirabundus excepi, nimirum quod ipsemet studiosissimus bene moratae Vicanæ pubis Cardinalis moderatoris vice fungens sæpe sæpius Convictum viseret, obiret, studiorumque rationem severe reposceret. Me sane piguit, quod tamdiu tanta tanti gaudii usura caruissem. Cum enim Averfano in Clericorum Collegio tirocinia adolescentiæ posuissem, haud ignorabam, quanti sit Pastorem ipsum ovibus adesse, oviliaque per se se lustrare. Qua de re tibi, pro eo ac debeo, grates persolvo, quod tanta me nec opinum lætitia impertiveris, quodque effeceris, ut, hæc qualia ea cumque sint, raptim chartis illinerem. Aegre quidem mihi fuisset, si, jam omnibus mearum epistolarum paginis in mundum receptis, id comperissem. Aequo animo hæc nunc accipe; fortasse posthac hoc idem argumentum fusius atque ornatius persequar. Antonius Serfadius tibi salutem dicit officiose. Vale. Ex Aedibus Regii Ephebei VII. Idus Aug. CIΘIΘCCLXIV.

FABRICIO SPINELLO

Tharsiae Principi

Paulus Moccia S. D. 271

EN, quas ab Nicolao Spinello Aversanorum Antistite, Patruo tuo, jure ac merito auspicatus sum epistolas, nunc eas tuo amplissimo nomine insignitas volens libens concludo. Te enim ille, dum in vivis agebat, mirifice dilexit, teque unum prae ceteris in sinu gestavit. Is profecto animi dotibus enitebas tenera licet in aetate, ut nemo unus omnium fuerit, quin tuum praecox ingenium admiraretur. Atque id potissimum in causa fuit, cur is tuis rationibus pro virili prospectum voluerit. Tuas enim res ita gessit, tamquam suae ipsius agerentur. Quibus praeterea gaudiis non exultavit, quibusve laetitiis non gessiit (cujus rei ipsemet testis oculatus fui) cum te primum Mariae Antoniae Spinellae, spectatissimae puellae, gentilistuae, propinquitaeque conjunctae maritum, ac deinde liberis expectatissimis auctum conspicatus est! Familiae nimirum jam jam desiturae decus nedum constitutum, verum etiam perennitate donatum fuisse laetabatur. Quibus te non monitis praeceptisque (licet currenti stimulos adderet) magis magisque inflammavit, quo amplissimi atque de Rep. litteraria praeclarissime meriti, demortui inquam Tharsiae Principis famam gloriamque posteritati auctiorem cumulationemque commendares? Quoties egomet

Ee 3 illum

438 PAVLI MOCCIAE EPISTOLAE.

illum audiui re etiam atque etiam cohortantem, ut acceptam multiplici selectorum librorum copia refertissimam Bibliothecam deinceps aliis atque aliis voluminibus ampliorem redderes, nullique omnino sumptui parceres? Quae re examussum exhaustisse, nemo non vehementer gavisus est. Qua de re patere, quaeso, ut tuo nomine iis litteris coronidem imponam, quas eo potissimum consilio edere animum induxi, ut, quoad fieri poterat, illius manibus memoriaeque aeternae hoc qualecumque officium praestarem. Quod si feceris, me tantum laboris non frustra suscepisse laetabor. A me Antonio Spinello Scaleae Principi, ejusque incomparabilibus liberis, nimirum Vincentio Misuracae Marchioni, ac Francisco Mariae minori natu, quos ad litteras colendas proprio quodam naturae munere factos citra assentationem dixerim, salutem plurimam imparties officiose. Vale. Ex Aedibus Regii Ephœbei postrid. non. Sextil. CXCXCCLXIV.

F I N I S.

VINDICIAE D. BASILII
ADVERSUS BARBETRACIVM
QVOAD IVSIVRANDVM.

CANON. JOSEPHO SPARANO

Paulus Moccia

QVandoquidem publici juris sit dissertatio, quam exacto anno tuis in aedibus selectissimorum virorum confessu celebratissimis recitavi; aequum profecto rationique consentaneum videbatur, ut ea tibi potissimum inscriberetur, tuoque sub nomine publice appareret. Te quidem duce atque auspice ad illam pro mei ingenii viribus concinnandam aggressus sum; teque etiam me veluti manu ducente eandem ad exitum perduxi. Quare, qui pene fidenter illam coram florentissima doctissimorum hominum corona legi; idem ego tuo nixus patrocinio, tuamque in tutelam commissus,

sus, in publicum prodire non cohorrescam. Quem enim fugit, qua tu ornaris doctrina, quantoque scientiarum disciplinarumque omnium penu instrueris? Ni tua modestia probiberer, mibique que certo certius esset, tibi nihil ingratius nihilque insuavius accidere, quam tuarum laudum acroama; hinc sane longam illarum enumerationem adtexerem. Illud tamen unum non sine ingenti piaculo praeterierim, nimirum hinc neminem exstare, qui litteras colat impensius, promoveatque acrius vehementiusque. Quocirca optimo sane consilio Cardinalis Antoninus Sersalius, cujus augendae Religionis flagrans studium, atque incredibile in nuperrime apertum Convictum pro Vicariorum adolescentium commodo liberalitas, ex quo jam animo auguror futurum, ut tamquam ex equo Trojana praestantissimi prodeant Divini Verbi praecones, atque acerrimi Evangelicae doctrinae propagatores (tot enim tantisque scientiarum ac sacratioris praeferim

sertim eruditionis praesidiis, tanto Purpurato nedum adnitente atque urgente; verum etiam facem illis praeferente ornantur) nulla umquam diuturni temporis longinquitate oblitterabitur, Te potissimum Archiepiscopali Academiae praeesse voluit, tuaeque fidei omnia commendavit. Quae cum ita sint, te oro obtestorque, ut hanc Diatribam domi tuae conceptam, teque obstetricante in lucem editam, eo quo solitus es studio litteras fovere, sartam tectam tuearis. Hoc si feceris, quo majora ac laboriosiora in posterum aggrediar etiam tuo ductu auspicioque, haud dubie committes. Vale.
Ex Aedibus Regii Ephebei v. kal. Sextil.
 CIOIOCLXIV.

445

VINDICIAE D. BASILII

ADVERSUS BARBEYRACIVM

QVOAD IVSJVRANDVM.



Arbeyracianas dirissimas calumnias per omne nefas adversus D. Basilium impudentissime architectatas atque confictas, quoad fieri poterit, Deo juvante diluturus, ut illi morem geram, cujus imperium detrectare temerarium foret; nescio quonam modo factum sit, ut ipse succenturiatus pugnam, quam ceteri mei commilitones viriliter sustinuerunt, hoste pene ad internecionem interfecto, redintegrarem, dumtaxat belli reliquias persecuturus. Quare ingrati animi notam vix, aut ne vix quidem effugerem, si praeclare mecum actum fuisse negavero, quippe qui hostem invadam jam debilitatum ac pene profligatum, quemque, vix inito certamine, ignominiose terga daturum confidam. Sane quidem tot tantisque cladibus acceptis, adverso semper Marte pugnis pugnatis, quid illi amplius spei reliquum sit, vix est, ut intelligi posse videatur. Nihilo secius tamen non temere verendum mihi est, ne, quod fortissimos Imperatores in rerum omnium discrimen adductos fecisse aliquando accepimus, ad idem faciendum audacissimus noster hostis aggrediatur. Nimirum ad despe-

sperationem confugiet, quippe quem rei militaris peritum haud fugit, victis quandoque salutem affulgere, si salutem omnino desperarint. Quod me falso suspicatum esse putaveram, ita prorsus contigisse non mediocri animi mei dolore deprehendi. Cum enim perditissimus omnium quotquot e tenebris erebi eruperunt Ecclesiae hostes, suos conatus ad irritum recidisse animadvertisset, frustra hac atque illac religione oppugnata, tandem ariete admoto ipsa ejus fundamenta subruenda suscepit. Proh nefas! ad ipsum jusjurandum, quo nihil melius, nihilque sanctius hominibus datum est, labefactandum omnes ingenii industriaeque vires intendit. Et, quod caput est, ut facilius, quo contendebat, perveniret, votique compos evaderet, qua jure, quave injuria suam in sententiam Divum Basilium pertrahere, ac veluti obtorto collo rapere est conatus, alieni exercitus sanguine, suis vero copiis integris atque intactis non incruentam victoriam reportaturus. Illum enim asseruisse deblaterat jusjurandum haud ita tantum boni, tantumque Religionis in se complecti, ut non potius damnari dirisque omnibus devoveri, quam oporteat commendari. Quod vero illud damnaverit, usque adeo patere asseverat, ut illo omnibus interdicere minime sit veritus, atque eo uti magnum piaculum esse pronuntiavit. Quae an ita se habeant, & qui tam acri Religionis hosti tot ac tam nefaria evomendi ansam praeberint, antequam ostendere aggrediar, pauca de ipsomet jurejurando ἐν παρόδῳ ac primoribus labiis delibanda non abs re esse existimavi. Quae dum brevitate qua fieri poterit ma-

maxima exsequi contendam, ut mihi dicenti aures attentas patientesque commodetis, vos etiam atque etiam oro obtestorque. Quae & quanta in universum hominum genus mala ac damna pleno pronoque alveo profluxerunt primaeva e labbe, atque contagioso primorum parentum peccato, nemo omnino est, quin expertus noscat teneatque. Quae quidem si hinc per summa capita, atque levi tantum calamo perstringere vellem, nullum omnino finem mea inveniret oratio. Illud tamen silentio praeteriri nequit, nimirum homines, qui, si ita perdurassent, numquam a virtutis tramite deflexissent, semperque rationi nullo prorsus perturbationum genere conflictatae parvisset, usque adeo imbecilles atque infirmos evasisse, ut nihil supra. Hinc, ut cetera incommoda tacitus praetermittam, fides, quae nulla Ballistarum, atque catapultarum impressione ne paucissimum quidem nutasset, pene corruisse visa est. Qua de re ne mala, quae isto e fonte fluebant, in dies excrescerent immensum, latiusque manarent, atque maximo cum Reipublicae detrimento, nullis legum frenis injectis, liberius excurrerent, illud omnino cavendum censuerunt, ut hominum perfidia tamquam firmissimis vinculis constricta, sic jurejurando coerceretur. Quod numquam profecto factum fuisset, si fides, quâ unâ ratio omnis societatis stat vigetque, haberi despicatur per summum scelus occoepisset. Quocirca ab jurejurando promissis, patetis conventis, ac cujuscumque generis contractibus firmitatem vimque pene omnem arcefferunt. Neque profecto de ulla re severius judicarunt,

quam

quam de iurejurando, si quando per impios con-
 sceleratosque homines rumperetur. Ecquisnam,
 amabo, est, qui Romanarum antiquitatum ritus
 vel a limine salutavit, quem praetereat, eo etiam
 consilio Censores institutos fuisse, ut iurisjurandi
 sanctitatem religionemque sartam tectam tueren-
 tur, deque eo in violatores districtè judicia exer-
 cerent? Et quod magis mirari subit, eo processit
 quorundam religionis studium, ut illud indemne
 custodiendum censuerint, licet illicitis conventio-
 nibus omnique jure vetitis adjiceretur. Qua sa-
 cra, qua profana Historia non pauca suppeditat
 exempla, quibus isthaec confirmentur, si id age-
 remus. Nunc, ut, quod instat, quoad fieri pore-
 rit, pro dignitate transigatur, illud primum dis-
 quiram, nimirum quid sit iusjurandum, & quo-
 duplex, ut, ejus natura agnita, & breviter ob o-
 culos proposita, quanti sit faciendum, & quo
 modo nos illo uti oporteat, dignoscatur. Aliter,
 qui perspectum nobis erit, quam injurius, &
 quam impius adversus tam sanctum tamque re-
 ligiosum hominum obligandorum vinculum Bar-
 beyracius extiterit? Est igitur iusjurandum: *in-
 vocatio tacita, vel expressa Numinis, tamquam pri-
 mae & infallibilis veritatis, in testem alicujus rei.*
 Ordinatur quippe juramentum ad confirmationem
 eorum, in quibus humanae probationes, quibus
 fides facienda nititur, desiderantur. Quare quasi
 pro jure introductum est, ut, quod cum invoca-
 tione divini testimonii affirmatur, pro vero ha-
 beatur. Praeterea juramentum varie dividitur.
 Aliud enim est assertorium, quo videlicet aliquid
 praesens, aut praeteritum asseritur ita se habere:
 sub

sub quo etiam continetur illud, quo aliquid simili modo negamus. Aliud autem est promissorium, quo aliquid futurum praestitum iri pollicemur. Et huc etiam revocatur comminatorium. Rursus juramentum aliud est simplex, execratorium alterum. Simplex idcirco vocatur, quod puram putam Dei testationem complectitur. Et varie profertur, uti videre est apud Augustinum *serm. 28. de Verbis Apostoli*. Execratorium vero est, sive imprecatorium, quo Deus non solum invocatur uti testis, sed ut sibi & suis vindex, ni sua dicta factis responderint. Jam porro, quae in juramentis, eadem & in perjuriis varietas reperietur. Perjurium quidem aliud non est, quam juramentum falsum, sive, ut Magister definit, mendacium juramento vallatum. Postremo, ut omnia uno verbo contraham, perjuri illi habentur, qui trium conditionum juramenti comitum, nullam omnino rationem ducendam arbitrantur. Quae cum ita se habeant, juramentum licitum esse secundum se atque ex genere suo, tum etiam ex fine facile contra Barbeyracium ostendetur. Et, quod caput est, suo ipsius illum gladio jugulabimus. Et primum ex origine, quia juramentum jam ex eo ortum est, quod omnes id imbibérant, ac pro explorato comperitoque habebant, penes Deum esse ἀσφάλειαν, nimirum infallibilitatem, eundemque hujusmodi esse, qui neque fallere, neque falli potest, omnigenaque rerum omnium cognitione notitiaque pollere. Hinc Lucianus: ἀνθρώπος μὲν γὰρ ἵσως ἐξαπατήσαι ῥάδιον, Θεὸν δὲ διαλαθεῖν ἀδύνατον: *Homines quidem fortasse decipere facile sit, Deum*

F f

autem

autem fallere impossibile. Quam ob rem illud mihi vere dicturus videor, nempe apud quasumque gentes juramentum invaluit, apud easdem Dei cognitionem pro modulo cultus viguisse. Hinc Athei, & Deistae jurare prorsus nequeunt. Athei enim Deum dari inficiantur, quod pugnat cum juramento. Quis igitur perneget eos juramento obstringi non posse? Quod eodem modo videre est in Deistis, qui divinam providentiam e medio tollunt, cunctaque fortuito rerum eventui adsignant, proindeque Deum in malos animadvertere diffitentur. Quonam ergo pacto Deum testabitur vindicem veritatis, qui illum vindicem perfidia ac mendacii inficiatur? Nolim vero hic intelligi me loqui de actus externi *divinae*, sive uti ajunt, possibilitate. Ecquis enim dubitet Atheum, & Deistam verba jurantis recitare posse? Sermo hic mihi est de juramenti veri possibilitate, ubi ad actum externum accedit etiam internus, qui in Atheo & Deista temerarius existimandus est. Haud enim ideo permoventur ad jurandum, quia jurant se verum dicere velle. Frustra igitur exigeretur ab istis juramentum, cum, ubi juraverint, perinde sit ac si non jurassent. Patet itaque Atheismo & Deismo omnem omnino juramenti usum eliminari. Ex fine vero juramentum licitum esse compertum est, cum nulla alia de causa inductum sit, quam ad fulciendam veritatem, litesque, quae perpetuum exarsissent, extinguendas finiendasque, quemadmodum ad *Hebraeos* 6. Apostolus testatur. Ceterum perversa hominum natura pronaque in malum voluntate accidit, ut meliora viderent ac probarent, deteriora

riora vero sequerentur. Quanti juramentum faciendum esset haud ignorantes, illud tamen susque deque habuerunt, atque per summum nefas proculcarunt. Hinc malo ipsis cessit, quod ad bonum comparatum erat. Neque id mirabile est, cum etiam naturalibus in rebus idem quotidie cernamus, scilicet in igne, pharmaco, & sexcentis hujusmodi. Quin imo ingenti animi dolore in spiritualibus quoque eadem accidere animadvertimus, nimirum in ipso Christi corpore, quod qui indigne sumit, judicium sibi manducat. Licet enim juramentum per se bonum sit; nihilo fecius tamen noxium evadit ac peccato vertitur iis, qui nulla necessitate, supraque laudatis conditionibus neglectis, illo utuntur. Hanc vero jurandi temeritatem facilitatemque haudquaquam ferendam damnant execranturque sexcentis in locis Sacrae Scripturae, & praesertim apud Ecclesiasticum cap. 23. *Jurationi non assuescat os tuum: multi enim casus in illa.* Et rursus: *Vir multum jurans implebitur iniquitate.* Quod vero jurare non illicitum sit, imo commendabile ac sacro eloquio centies inculcatum, id ex ipsis sacris Bibliis luce meridiana clarius apparet. Ait enim Moyses Deuteron. cap. 6. *Dominum Deum tuum timebis, & per nomen ejus jurabis.* Quod & repetitur in Deuteronom. Psalm. 14. *Qui jurat proximo suo, & non decipit, habitaturus dicitur in tabernaculo Domini.* Et Psalm. 23. *Qui non jurat in dolo proximo suo, accipiet benedictionem a Domino.* His accedit, quod passim legimus viros sanctos veteris testamenti in gravibus causis nomen Dei aperte vel tacite interposuisse, hac, vel

simili forma : *Vivis Dominus : Vivit anima tua : Per salutem Regis.* Jeremias tandem etiam conditiones discrete expressit in omni juramento observatu necessarias , dum ait *cap. 4. Et jurabis , vivit Dominus , & in veritate , & in judicio , & in justitia.* De quibus conditionibus Hieronymus in Commentario inquit : *animadvertendum , quod jusjurandum has habet comites , veritatem , judicium , ac justitiam . Si ista defuerint , nequaquam erit juramentum , sed perjurium .* Porro etiam novi testamenti tempore licitum fuisse juramentum ex eodem Jeremiae testimonio ostenditur . Pertinet enim ea prophetica sententia ad populum novi testamenti , quemadmodum declarat id , quod proxime sequitur : *Et benedicens eum gentes , ipsumque laudabunt.* Manifestius autem eo spectat illud Isaiae *cap. 65. Et qui jurat in terra , jurabis in Deo amen.* Praeterea id probatur exemplis Sanctorum novi testamenti , ac praesertim Apostoli Pauli *ad Romanos 1. Testis est mihi Deus . 1. ad Corinth. 15. per vestram gloriam . 2. ad Corinth. 1. testem Deum invoco in animam meam . Ad Gal. 1. Ecce coram Deo , quia non mentior .* Quod item videre est *2. ad Corinth. 22. Ad Philipp. 1. 1. ad Thessalon. 2. Denique ad Hebraeos 6. ait : Homines per majorem se juvant , & omnis controversiae eorum finis , ad confirmationem , est juramentum .* Ex quibus patet consuetudinem confirmandi res dubias testimonio divino , licitam , probabilem , & rectae rationi esse consentaneam . Nunc jam tempus est , ut ad SS. Patres gradum faciam , illud observaturus , num eorum doctrina sacrarum Scripturarum oraculo consona semper exstiterit ,

Sinite,

Sinite, quaeso vos, agmen inter hoc ducat Basilii ab impio Barbeyratio immerito impetratus, ipseque nobis facem praelaturus, ceteris omnibus tamquam antesignanus praecedat. *Is epist. 188. ad Amphiloebium & canonica 1.* qua pluribus Amphiloebii quaestionibus ad canones pertinentibus respondet, ac nonnulla Scripturae loca ejusdem Episcopi rogatu explicat, *Canone x.* sic habet: *Qui jurant se ordinationem non accepturos, ejurantes, ne cogantur pejerare. Et paucis interpositis: Consideranda autem sunt & species jurisjurandi, & verba, & animus, quo juraverunt, & singillatim quae verbis addita fuerunt. Quo quid disertius, quid dilucidius, quid tandem validius proferri potest ad juramenti sanctitatem incolumem praestandam? Namque & juramentum non improbat, & quid faciendum est, quo caute juretur, proponit: quo igitur juramentum, si non conceditur uti? Quare illud miror nuperum SS. Patrum calumniatorem, ac maleferiatum Sycophantam ea tantum in medium protulisse Basilii loca, quae saeculi corruptelam spectantia, tantum nimiam jurandi facilitatem coërcebant. Haud enim juramenti usum, sed ejusdem abusum acriter infectatur. Hinc *epist. 83. can. 2. ad eundem Amphiloebium*; de Bianore Presbytero, an in clerum admitti posset propter jusjurandum, respondit suscipi posse servatis regulis ab ipso propositis; ac tandem subjicit: *Postulante ab eo pietate tua, ut poenitentiam agat, ob facilem, & promptum ad jusjurandum animum. Epist. 85.* Ne rustici ob vectigalia jurare cogantur districte monet his verbis: *Vbi enim homines in perjuriis exer-**

citati fuerint , non amplius solvere properant , sed fraudis instrumentum , ac dilationis anſam ſibi inventum eſſe juſjurandum exiſtimant. Quibus e locis cernere eſt Divum Baſilium haud in jurantes, ſed in facile juramento utentes invecum fuiſſe ; quod clarius ex reſponſionibus ad objecta deinceps patebit. Baſilio comites adjungo Auguſtinum , Chryſoſtomum , ac Hieronymum . Auguſtinus *ſerm.* 28. *de verbis Apoſtoli* , allatis utriuſque teſtamenti exemplis, atque etiam allato exemplo ſuo ait, *tum licitum eſſe jurare, cum id fit caute, ac tantum neceſſitate id poſtulante.* Alias ſemper periculum erit, ne perjurii crimine obſtringamur , mandatoque divino obluſtemur: *non perjurabis.* Eadem centies repetit variis in locis, nimirum libro de mendacio cap. 15. *Epift.* 89. & 154. de ſermone Domini in monte. Lib. 1. cap. 17. in expoſitione *epiſt. ad Gal.* circa illud cap. 1. *Ecce coram Deo quia non mentior.* Chryſoſtomum idem omnino ſenſiſſe , neque alia omnia cenſuiſſe facillime demoſtrabitur ex commentariis ejus in *Epistoſas Paulinas* , ubicumque Apoſtolum juramento ſe obſtrinxiſſe ſupra oſtendimus. Itemque in illam adjurationem 1. ad *Timoth.* 6. *Praecipio tibi coram Deo &c.* & *Homilia 9. in Acta Apoſtolorum.* Tandem agmen claudet Hieronymus, qui tantum abſuit , ut quidquam jurantibus obloqueretur , ut potius, qui jurandum eſſet , commentario in ſupra laudata *Jeremiae* verba aperte docuerit. Praeterea ſi volupe fuerit noſtra aſſerta Conciliorum auctoritate confirmare , en in promptu ſunt *Ephesine Patres* , qui Sacramento adegerunt *Nestorium* , qui jam ſuorum dogmatum palinodiam cecinerat;

&

& pariter Patres Constantienses, quis diris de-
verunt articulum, qui sequitur Joannis Wiclefi:
*Illicita sunt juramenta quae sunt ad roborandos hu-
manos contractus & commercia civilia.* Ad ulti-
mam in hoc eodem Concilio jurarunt pro con-
firmando foedere a viris Principibus patrato ad
latefactandum radicitusque evellendum schisma,
quo tum mirandum in modum universa divexa-
batur Ecclesia.

Age jam objectis, qua fieri poterit brevit-
ate, satisficiamus. Et primo iis respondendum est,
quae e sacris libris depromuntur, eamque speciem
prae se ferunt, qua juramenti usum omnino in-
terdictum esse apparet. Matthaei 5. ita Dominus
praecipit: *Audistis, quia dictum est antiquis, non
perjurabis: reddes autem Domino juramenta tua.*
*Ego autem dico vobis non jurare omnino, neque
per caelum, quia thronus Dei est: neque per ter-
ram, quia scabellum est pedum ejus: neque per
Hierosolymam, quia civitas est magni Regis.* Et
paucis interjectis: *quod autem his abundantius est,
a malo est.* Jacobi 3. *Ante omnia, Fratres mei,
nolite jurare, neque per caelum, neque per terram,
neque aliud quodcumque juramentum. Sit autem ser-
mo vester, est, est, non, non.* Haec & similia
loca Patres ita intellexisse videntur, quasi omni-
no vetitum interdictumque juramentum christia-
nis fuerit, ac numquam permittendum. Ab illo
primum incipiamus, quem sibi favere Barbeyra-
cius existimat, nimirum Basilio. Is enim episto-
la 22. sic habet: *Non oportet Christianum animo
vagari: & paucis interpositis: neque jurare, ne-
que mentiri.* Epist. 45. *Siquidem animas, quae ad*

Deum confugiebant, juramentis horrendis obstrinxisti, cum tamen nominatim quidquid his voculis est, & non est, diabolo attribuatur. Epist. 107. de Gregorio ait: Juramentum fugiebat pura illa anima, & digna spiritus sancti consortio, contenta his vocibus: ita & non propter praeceptum Domini qui dixit: At ego dico vobis, ne juretis omnino. Epist. 200. Qui jurejurando ad alterius maleficium praecoccupatus est, is suae in jurando temeritatis poenitentiam ostendat, non autem per causam petitis improbitatem suam confirmet. Neque enim Herodi jusjurandum observasse profuit, qui videlicet ne pejeraret, prophetam occidit. Omnino igitur jusjurandum prohibitum est &c. Hoc in loco Barbeyracius victoriam canit, itaque sibi plaudit tamquam de juratione res omnino conclamata esset. Parum certe abfuit, quin *εὐφρα*, *εὐφρα*, gaudio exultans laetitiisque omnibus gestiens exclamaret. Basilio addemus Chrysostomum, cujus sententia frequenter populo Christi-fideli inculcanda est Homil. 15. in *Genesim* Christianus, inquit, juramenta modis omnibus fugiat, audiens sententiam Christi &c. neque igitur alicui in re justa, neque injusta jurare licet. Quid his verbis apertius produci potest? Nullus mihi profecto finis esset dicendi, si huc omnia congerere vellem, quae in eandem sententiam ceteri Graeci PP. omnes literis consignatum reliquerunt, scilicet Athanasius, Origenes, atque Epiphanius, Theophylactus, Oecumenius, Euthymius. Graecis Patribus consonant Latini, nimirum Cyprianus tractatu de Mortalitate, Lactantius cap. 14. Epitomes, Hieronymus in *Mattb.* 5. Hilarius cap. 4. in eundem

dem Matthaeum, Ambrosius in illud *Psal. 118.*
juravi & statui &c.

Ad primum objectum quod attinet, nempe ad sententiam Domini a Jacobo reperitam *ἀντολέγει*, sic repono a quibusdam haec verba ita exponi, ut jurare perinde sit accipiendum ac pejerare, quod non raro in S. Scripturis occurrit. Neque illud quidquam incommodat, quod, si ita res se haberet, Dominus nihil antiquis superaddidisse videretur, quibus dictum erat: *non perjurabis*. Dominus enim prohibet omne perjurium etiam per creaturas. Cum mox subjiciat: *neque per caelum, neque per terram &c.* Idque propterea tanto ipsum opere interdixisse, quod judaeis ex pharisaica doctrina persuasum erat, eum non devinciri juramento, qui per creaturas (quibusdam exceptis) jurasset, uti patet *Matth. 23*. Verum haec responsio haud sufficere videtur: tum quia Dominus absolute concludit: *sit sermo vester est est non non*; tum, quia studiose mutat verbum perjurii in juramentum. Quare haud dubie ostendit se juramentum intelligere, prout a perjurio distinguitur. Alioquin ita dictum oportuisset: *non pejerare omnino*. Hinc alii respondent consilium esse, non praeceptum, ne juremus, uti sentire videtur D. Bernardus *serm. 65. in Cantica*. At vero laudata verba praecepti vim complecti illinc apparet, quod Dominus aliquid districte verare voluerit, quod Scribae & Pharisei tamquam licitum docebant, sicut & in aliis ejusdem capitis observare licebit. Sane quidem, quis sibi id persuaserit, Sanctos Ecclesiae Doctores, Apostolumque Paulum usque adeo mente captos fuisse

fuisse, ut, quid Dominus praeceperit, quidve voverit, perviderint? Eo ne illos insaniae demenciaeque devenisse dicemus, ut illi morem gerere detrectarint jubenti, cujus sanctam legem, ac salutaria praecepta ceteris insinuanda inculcandaque susceperant, ingratis impendentis mortis ac dirissimorum suppliciorum? Apage, quaeso, istas ineptias, suumque Sanctis vindicemus honorem. Quare rectius Augustinus, qui in hunc Matthaei locum commentans tum *lib. I. de sermone Domini in monte*, tum *lib. I. de mendacio cap. 15.* docet hoc sensu praecepisse Dominum non jurare omnino, ne quisquam quasi bonum appetat juramentum, & assiduitate jurandi ad perjurium per consuetudinem delabatur. *Quapropter*, inquit, *qui intelligit non in bonis, sed in necessariis jurationem habendam, refrenet se quantum potest: ut non ea utatur nisi necessitate, cum vides homines pigros ad credendum, quod eis utile est credere, nisi juratione firmetur.* Haec tenus ille. His concinit Hierocles; qui illud apprime jubet non solum sancte jurare, sed & a juramento abstinere: *sic enim semper illud servabimus, si non admodum juramenta usurpemus. Ex frequentia enim jurandi facile in perjurium delabimur.* Quintilianus: *in totum jurare, nisi ubi necesse sit, gravi viro parum convenit.* Isocrates juramenta duplici ex capite usurpanda dicit, vel ut infamiam fugias, vel ut amicos e magno periculo eruas. Paulus electionis vas juravit, sed non in re modica, sed in negotiis maximi momenti, ad Deum proximique salutem pertinentibus. In pollicitationibus autem, & pactionibus, de quibus proprie Christus

stus agebat, quænam gravis iustaque causa ob-
 tenderetur? Quamobrem sensus præcepti Dominici
 est: non jurandum omnino, quantum in nobis est,
 nisi nos iusta necessitas aliqua (sub qua eviden-
 tem utilitatem fac intelligas) ad jurandum com-
 pulerit. Triplex autem ratio est hujus generalis
 prohibitionis: prima ob vitandum periculum per-
 jurii: secunda ob reverentiam divini nominis:
 tertia ob mutuam christianorum fidem inter se,
 quæ jure ac merito tanta esse deberet, ut quis-
 que proximo suo etiam injurato crederet. Pro-
 pterea vero subdidit Dominus: *neque per creatu-
 ras, neque per caelum*, ne quis putaret saltem per
 creaturas sibi impune licere, aut falso, aut te-
 mere jurare: cujusmodi juramento se non teneri
 judæi (qui ceteroqui a Deo nominando sibi mi-
 fere religiose temperabant) persuasum habuisse
 videntur. Cum igitur prohibitio generalis pri-
 ma fronte videatur, neque in se continere exce-
 ptionem illam, quam omnino comprehendit;
 haud mirandum est Veteres passim ita loqui,
 quasi sentiant juramentum absolute & simplici-
 ter veritum interdictumque fuisse. Id enim-
 vero eodem prorsus sensu accipiendum est ac
 Christi Domini verba modo laudata. Nam in
 hujuscemodi sententiis ob oculos habuerunt pra-
 vam inveteratamque populi consuetudinem, qua
 vel temere, vel ob res nullius aut parvi omni-
 no momenti, sive in contractibus, sive in aliis
 quibuscumque negotiis juramento per fas atque
 nefas utebantur. Huc spectasse Ghrysostrum
 suis in Homiliis certo certius est, neque prorsus
 in dubium revocandum. Hic præ ceteris Patri-
 bus

bus in juramentum invehitur, eaque eloquitur, quae, nisi contrarium e ceteris ejusdem locis pateret, juramentum funditus tollerent ac labefactarent. Quis crederet? eo progressus est, cum in populi mores omnium scelerum colluvione ac potissimum perjurii criminibus contaminatos inveheretur, ut rem Diabolicam appellarit. Ex haecenus dictis, quid Barbeyracio Basilii loca objectanti respondendum sit, manifesto apparet. Pravam enim, quae inoluerat, consuetudinem jurandi notaturus eo processit, ut juramentum omnino damnare videretur. Quod in ceteris Patribus videre est. Hieronymus ita caelibatum adversus Helvidium propugnat, ut matrimonium pene diris devoveat, ac exsecratur. Atque huc facit, quod ad rem notat Joannes Morinus in *exercit. Bibl. lib. 1. exerc. 4. cap. 4. §. 7.* Meminerit praeterea lector, consuetudinem esse S. Hieronymo non infrequentem, de quacumque re loquitur, siue suam, siue aliorum sententiam explicet, σημαντικῶς admodum loqui, ὁ ἱμπατικῶς, nec aliquando quid ipse approbet, aut reprobet, satis exprimere, itaut interdum propter verborum vim, ὁ ὑπερβολὴν ea sentire videatur, quae tamen constanter negat, aut certis tantum circumscriptionibus adhibitis fateatur. Quid igitur impedimento est, quominus idem de Basilio affirmetur? Ad illud vero, in quo Barbeyracius triumphare videtur, nimirum locum epistolae ducentesimae, ubi postquam verba fecit de Herodis perjurio, sic concludit: *omino igitur juramentum prohibitum est*, quod & in *Psalmi 14.* explicatione pene iisdem verbis inculcat, primum respondeo, licet ita senserit S. Pater, non inde

con-

conficiendum , universae Ecclesiae auctoritatem unius Patris opinioni postponendam , apud quam jusjurandum numquam non magno in honore fuit , ac summopere probatum . Quemadmodum in causa S. Cypriani circa rebaptizandos adversus S. Stephanum Papam , qui contrariam opponebat traditionem , factitatum esse accepimus . Secundo respondeo S. Basilium interpretatum esse verba Christi Domini aequae ac illa ceteri Patres acceperant . Hi enim illuc potissimum spectantes , nempe ut corruptela , quae altas radices egerat , omnino evelleretur , more medicorum , qui letale ac desperatum vulnus curaturi , ferro utuntur & igni , jurandi prohibitione juramentorum facilitatem quacumque de causa etiam levissima , non sine divini nominis irreverentia , cohibere studuerunt . Neque aliud omnino Christi Domini consilium fuit , cum omnino jurari vetuit , ut doctissimus Calmetus observat . Phariseos nimirum dedocere voluit , qui pro lubitu illa Decalogi verba interpretantes : *non accipies nomen Dei tui in vanum* , docebant impune jurari posse ; quotiescumque per caelum , aut terram , aut per quascumque alias creaturas juraretur , ac insuper licite juramentum adhiberi , quacumque de causa etiam levissima , dummodo contrarium aut luce meridiana clarius non appareret , aut vero impossibile , aut manifesto illicitum foret . His tandem & illud addi potest , quod ad rem ait Sotus *de justitia & jure lib. 8. art. 2.* Nimirum quemadmodum Christus Dominus improbaturus juramentorum abusum , qui apud Judaeos irrepserat , haud pensu duxit exprimere , quando jurare licitum foret ;

ret; ita & SS. Patres illius vestigiis inhaerentes, dumtaxat ad depravatos populorum mores corrigendos intentos, satis habuisse consuetudinem jurandi refrenare; quando vero jurare licuisset, silentio praetermisisse, quippe quos haud fugiebat, usum juramenti gravissimis de causis numquam improbatum fuisse, uti supra animadvertimus. Praeterea neque hili faciendum est, quod ulterius Barbeyracius opponit, nimirum juramentum tamquam malum prohibitum fuisse illis verbis: *quod bis amplius est, a malo est*. Namque Christus Dominus non dixit: *quod bis amplius est, malum est*; alioquin, quod intrinsece malum est, tamquam legem servandam proposuisset, quo quid scelerius fingi potest? Sed dixit: *a malo est*, scilicet a principio malo, quod est vel contemptus, vel irreverentia divini nominis; vel a contumacia tui proximi, qui tibi nisi jurato non accredit. Itaque, inquit D. Augustinus, *non dixit, quod autem bis amplius est, malum est; sed a malo est illius, cujus infirmitate jurare cogaris*. Atque hinc suo ipsius pondere corrui male architectatum Barbeyracii Sophisma. Vti in Veteri testamento judaeis dictum fuit: *non pejerabis*; ita & in Novo nobis dictum est: *nolite jurare omnino*. Quod si igitur perjurium absolute vetatur, cur non & absolute juramentum prohibitum affirmabimus? Bona verba quaeso: abiste moveri, nupere scripturarum interpretes phlegetonraeo spiritu afflate. Hem bone vir, ita Stoicorum ritu omnia susque deque habebis, ut, quae pugnantia inter se sunt, amice conjurare, velint nolint, compellas? Prius caelum terrae miscebitur, quam per-

perjurium cum juramento conjungetur. Vsq̃ue adeo ne inepris, ut uno eodemque pacto juramentum atque perjurium veritum esse arbitreris? Anne te, qui tantum tibi in sacris rebus sumis, praeterit perjurium ita intrinsece malum esse, ut nullis rerum circumstantiis fieri possit, ut suam innatam malitiam deponat? Quod secus accidit in juramento, quod cum sua natura actus religionis sit, quo Deus testis veritatis invocatur; quod dumtaxat prohibetur, ne perjurii crimine devinciamur. Atque id tum contingit, cum levissimis de causis, nullaue urgente necessitate, juramus. Quis crederet? Neque ita quidem illud pervicimus, ut omnino conticesceret. Vsq̃ue adeo verum est multiloquium abundare in ore stultorum. En mussitando submurmurat. Quidnam, malum, discriminis inter veterem novamque legem intercederet, si res ita se haberet? En cuneus, ni fallor, diffindendae difficultati non importunus. Discrimen Evangelicam inter atque antiquam legem intercedit, non jam quoad praecepta moralia, quae Decalogus complectitur; sed praecipue quoad praecepta caeremonialia, & aliquo modo etiam quoad judicialia. Nam ad prima quod attinet, praecepta nimirum moralia, ne latum quidem unguem vel transversum digitum inter se se differunt. Sane quidem Christus Dominus non venerat novam legem edoctorus; sed verum genuinumque illius legis sensum explanaturus, quam Deus hominibus ac praesertim Judaeis tradiderat. Attente legenti caput V. Matthaei id aperte patebit.

Quod si vero novum dicitur praeceptum a-
mandi

I N D E X

EPISTOLARVM

PAVLI MOCCIAE.

A	<i>Camporae Iosepho</i>	pag. 25.
	<i>Amato Dominico</i>	13. 28. 30. 32. 84. 85.
		97. 104. 111. 128. 134. 135. 147. 205. 226.
		324. 365. 380.
	<i>Aretio Francisco</i>	386.
	<i>Ariano Vincentio</i>	334.
	<i>Blancardo Horatio</i>	388.
	<i>Campolongo Emmanueli</i>	53. 69. 72. 82. 99.
		117. 129. 323. 387. 414. 416.
	<i>Capasso Francisco</i>	392.
	<i>Carasae Joanni</i>	378.
	— <i>Vincentio</i>	19.
	<i>Carangelo Joanni</i>	22.
	<i>Carboni Januario</i>	328.
	<i>Carignano Francisco</i>	182.
	<i>Carullo Iosepho</i>	60. 208. 237. 375.
	<i>Casalis Scipioni</i>	11.
	<i>Cavallario Dominico</i>	382.
	<i>Celentano Marcello</i>	385.
	<i>Clementi de Arostegui Benedicto</i>	15. 77. 79.
		102. 108. 123. 125. 141. 142. 143. 144.
		145. 206. 220. 223. 224. 225. 268. 282.
		289. 291. 293. 294. 295. 297. 300. 301.
		303. 393. 434.
	— <i>Idelphonso</i>	2. 57. 73. 119.
	<i>Columnae Marco Antonio</i>	407.
	<i>Danieli Francisco</i>	34. 43. 92. 98. 106. 120.
		Gg 137.

	<u>137.</u>	<u>161.</u>	<u>162.</u>	<u>163.</u>	<u>164.</u>	<u>234.</u>	<u>235.</u>	<u>236.</u>	
	<u>264.</u>	<u>277.</u>	<u>312.</u>	<u>330.</u>	<u>366.</u>	<u>427.</u>			
— <i>Josepbo</i>									105.
<i>Danzae Xaverio</i>									51.
<i>De Angelis Gerardo</i>									374.
<i>Durfortio Josepbo</i>									405.
<i>Ecbaburo Ludovico</i>									433.
<i>Farinae Andreae</i>	<u>23.</u>	<u>112.</u>	<u>113.</u>	<u>114.</u>	<u>132.</u>	<u>133.</u>			
	<u>138.</u>	<u>148.</u>	<u>150.</u>	<u>152.</u>	<u>156.</u>	<u>158.</u>	<u>160.</u>	<u>209.</u>	
	<u>210.</u>	<u>212.</u>	<u>213.</u>	<u>214.</u>	<u>217.</u>	<u>219.</u>	<u>227.</u>	<u>228.</u>	
	<u>229.</u>	<u>230.</u>	<u>231.</u>	<u>232.</u>	<u>233.</u>	<u>270.</u>	<u>271.</u>	<u>272.</u>	
	<u>274.</u>	<u>275.</u>	<u>285.</u>	<u>287.</u>	<u>317.</u>	<u>319.</u>	<u>343.</u>	<u>345.</u>	
	<u>348.</u>	<u>351.</u>	<u>352.</u>	<u>353.</u>	<u>354.</u>	<u>356.</u>	<u>376.</u>	<u>412.</u>	
	<u>423.</u>								
<i>Froncillo Nicolao</i>									383.
<i>Galiano Berardo</i>									360.
<i>Genuensi Antonio</i>									332.
<i>Gerundae Carmino</i>				<u>185.</u>	<u>186.</u>	<u>188.</u>	<u>189.</u>	<u>190.</u>	
	<u>266.</u>	<u>267.</u>	<u>284.</u>	<u>304.</u>	<u>305.</u>	<u>306.</u>	<u>341.</u>	<u>341.</u>	
<i>Gorga Nicolao</i>							<u>408.</u>	<u>432.</u>	
<i>Grayo Jacobo</i>									321.
<i>Guido Philipppo</i>									178.
<i>Juntae Philipppo</i>									337.
<i>Lascares a Castellar Josepbo Mariae Vincentio</i>									327.
<i>Latillae Benedicto</i>									410.
<i>Leonio Antonio</i>									184.
— <i>Ferdinando</i>									12.
<i>Longano Micbaëli Angelo</i>									422.
<i>Massejo Josepbo</i>									278.
<i>Marazanio Conrado</i>									279.
<i>Migliore Cajetano</i>						<u>90.</u>	<u>239.</u>	<u>430.</u>	
<i>Muraenae Maximiliano</i>									64.
<i>Novello Mutio</i>									65.
<i>Pagnano Agnello</i>									429.

Anto-

— Antonio	467	
Partitario Januario	425.	
Patritio Stephano	281.	
Picinno Nicolao	21. 49. 63.	
Pignatello Fabricio	321.	
— Josepho	91. 419.	
Planesia Dominico	397.	
Rezzonico Carolo	403.	
Rodae Emmanuelli	101.	
Rogério Caesari	313.	
Saeto-Severinio Pascali	389.	
Sangrio Raymundo	17. 96.	
Sarconio Michaëli	358.	
Secundo Ferdinando	363.	
Serrao Andreae	139.	
Sersalio Sergio	2.	
Sparano Josepho	61. 336. 336.	
Spinello Antonio	435.	
— Fabricio	4.	
— Nicolao	437.	
Spiriteo Salvatori	1.	
Targiano Deodato	20. 55. 87. 115.	
Testae Michaëli	183.	
	58. 68. 71. 136. 166. 167.	
	169. 171. 172. 174. 176. 177. 192. 195.	
	197. 198. 200. 201. 203. 241. 242. 243.	
	244. 245. 246. 247. 248. 249. 251. 252.	
	254. 255. 256. 259. 260. 262. 338. 342.	
	367. 369. 370. 371. 373. 399. 400. 401.	
	402.	
Tontulo Andreae	308. 310.	
Traiectino Francisco	404.	
Vargas Macciucca Francisco	315.	
Verde Bernardino	418.	
Xysto Januario	6.	

ERRATA.

impartimino	pag. 79.	impertimino
expressas	p. 101.	expressas
laetaris	p. 111.	laetaris
exultas	p. 111.	exultas
lanistatur	p. 114.	lanistatur
obesum	p. 145.	obesum
obesulus	p. 146.	obesulus
oris	p. 182.	oris
est	p. 196.	fit
discerpat	p. 223.	discerpat
his	p. 322.	is
ne subsicivis quidem horis	p. 333.	vel subsicivis horis
cum Batavis	p. 327.	tum Batavis
animo	p. 336.	animo esto
qui	p. 373.	ut
quosdam	p. 383.	quosdam
Francisco	p. 339.	Caesari
Stipare	p. 416.	stipare
Bajonio	p. 421.	Bajonio
mihique que	p. 442.	mihique
consignatum	p. 456.	consignata
quod dumtaxat	p. 463.	dumtaxat

PAolo , e Nicola di Simone pubblici Stampatori supplicando espongono alla M. V. qualmente desiderano di stampare un' Opera intitolata : *Pauli Mocciae Epistolae* . Pertanto supplicano la M. V. di commetterne la revisione a chi meglio le parerà , e l' avranno a grazia ut Deus .

Adm. Rev. & U. J. D. D. Antonius Genuensis in hac Regia Studiorum Universitate Professor Primarius revidcat , & in scriptis referat . Datum Neapoli die 2. Junii 1764.

NICOL. DE ROSA EP.PUTEOL. C.M.

S. R. M.

HO attentamente letto l' Opera intitolata : *Pauli Mocciae Epistolae* ; nella quale non che mi sia rincontrato in cosa alcuna di pregiudizio ai Regj dritti , o al buon costume ; ch' anzi dappertutto non ho veduto respirare , che rispetto e onestà . Ella è oltre di ciò scritta con tanta nettezza e limpidezza di stilo Latino , e ci ha tanto lume dell' antica Latina sapienza , che gliene si deve aver grado , rinnovando fra noi col suo esempio il secolo felice delle belle arti , per servire di ornamento alla felicità del
Vostro

Vostro Augusto Regno. Stimo perciò che se ne voglia permettere l' edizione , dove altrimenti non sembrasse alla sublime mente della M. V.

Di V. M.

Casa 20. di Giugno 1764.

Umiliss. Vassallo e Regio Cattedratico
Antonio Genovesi.

Die 6. mensis Septembris 1764. Neapoli.

Viso Rescripto Suae Regalis Majestatis sub die primo currentis mensis , & anni , ac relatione Reverendi U. J. D. D. Antonii Genovesi , de Commissione Reverendi Regii Cappellani Majoris , ordine praesatae Regalis Majestatis .

Regalis Camera S. Clarae providet , decernit , atque mandat , quod imprimatur cum inserta forma praesentis supplicis libelli , ac approbationis di-Eti Rev. Revisoris ; verum in publicatione servetur Regia Pragmatica. Hoc suum .

GAETA. DE FIORI. PERRELLI.

Ill. Marchio Citus Praef. S. R. C. tempore subscriptionis impeditus , & Ill. Caput Aulae Vargas Macchiucca non interfuit.

Registr. fol. 116.

Carulli.

Athanasius.
EMI.

471

EMINENTISSIMO SIGNORE.

PAolo , e Nicola di Simone pubblici Stam-
patori , supplicando espongono all' E. V.
qualmente desiderano di stampare un' Opera in-
titolata : *Pauli Mocciae Epistolae* . Pertanto sup-
plicano V. E. di commetterne la revisione a
chi meglio le parerà , e l' avranno a grazia ut
Deus .

*Adm. Rev. D. Julius Laurentius Selvaggius
S. Tb. Professor , & Acad. Sacrae Archiep. So-
cius revideat , & in scriptis referat . Datum Neap.
die 14. Maji 1764.*

PHILIPPVS EPISCOP. ALLIPHAN. V. G.

Joseph Sparanus Can. Dep.

QUas jussu tuo , Em. Princeps , recensendas
accepi *Pauli Mocciae Epistolas* , ac *Divi
Basilii adversus Barbeyracium quoad jurjurandum
Vindicias* , sermonis elegantia , & multiplici ar-
gumentorum genere illectus non potui , quin
iterum atque iterum avide percurrerem . In iis
autem nihil ad Fidei , Ethicesque Christianae
placita non exactum offendi ; ac pro certo ha-
beo Epistolas non mediocri philologis volupta-
ti , Vindicias maximo Religioni emolumento fu-
turas.

turas. Vtraque igitur dignissima existimo, quae in publicam lucem emittantur; dummodo & tibi probentur, Eminentissime Princeps. Ita cenſeo. Neapoli Idibus Septemb. MDCCCLXIV.

Eminentiae Tuae

Humillimus, devotiſſimus, addiſſimus famulus
Julius Laurentius Selvaggius.

Attenta relatione domini Reviſoris imprima-
tur. Datum Neapoli hac die 12. Septembris 1764.

PHILIPPVS EPISC. ALLIPHAN. V. G.

Joſeph Sparanus Can. Dep.

592617







20

12.





